



Հայկական գիտահետազոտական հանգույց  
Armenian Research & Academic Repository



Սույն աշխատանքը արտոնագրված է «Մտեղծագործական համայնքեր»  
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial  
3.0 Unported (CC BY-NC 3.0) license.

Դու կարող ես.

սրառման և տուրածի կողմէց ցույց ցունելած ձևով կամ կրիչով  
ձևափոխել կամ օգտագործել առևտ կողմէց ստեղծելու համար նոր

You are free to:

Share — copy and redistribute the material in any medium or format

Adapt — remix, transform, and build upon the material

ԴԵՌԴ ՄԵՍՐՈՊ

70

# ՓԵՐԻ ՀԵՅԵՐ




ՀԱՅ ԻՇԽԱՆԻ ՄԸ ՕՐԱԳԻՐԸ



Կ. ՊՈԼԻՍ  
ՏՊԱԳՐՈՒԹԻՒՆ Օ. ԱՐՁՈՒՄԱՆ

1921



947.925

493

ԳԵՐՐԳ ՄԵՍՐՈՊ

# ՓԵՐԻՉԵՅԵՐ

A 35251


ՀԱՅ ԻՇԽԱՆԻ ՄԸ ՕՐԱԳԻՐԸ




Ա. ՊԱՅԻՍ

ՏԱՐԱՎՈՒԹՅԱՆ Օ. ԱՐՁՈՒՄԱՆ

1921





# ՀԱՅԻ ԻՇԽԱՆԻ ՄԸ ՕՐԱԳԻՐԸ



Ամարանց, 1475 Մայիս և  
Թեոդոսիա (Կաֆա)

Verba volant, scripta manent (Խօսքը կը թռչի,  
գիրը կը մնայ) կ'ըսէ լատին առածը: Երկար ատենէ ի վեր  
գրիչ շարժել կ'ուզեմ, բայց այս առածը մտածել կու-  
տար ինձ: Ապագան ի՞նչ բանի համար կրնայ հետաքըր-  
քրուիլ հայ իշխանի մը սիրային արկածներով, գուցէ և  
մեղապարտ սիրով, քաղաքական անձուկ իտէալներով,  
իր նախարարական ընտանիքն ժառանգած վրէժխընդ-  
րութիւնով:

Իմ հեռաւոր նախահայրերէն մէկը Սմբատ Գունդս-  
տապի գրիչ է շարժեր Տարեզիրք մը գրելու համար.  
ապագայ սերունդներու համար աղուոր գանձ. ես ի՞նչ  
ունիմ արժանի յաջորդ սերունդներուն հաղորդելիք,  
որպէս զի առանց խղճահարութեան մագաղաթս կար-  
մըրադեզեմ:

Այսպիսի մտածումներ էին մինչև հիմակ իմ ար-  
գելքները: Սակայն այսօր, հակառակ այս դատումնե-  
րուս, կը նստիմ գրասեղանիս առջև, ճերմակի վրայ նը-  
կարելու իմ Յիշատակներուն մէկ մասը: Ամէնէն առաջ  
ապագան շատ հոգս չէ. ես պիտի գրեմ նախ՝ ինձ հա-  
մար. զգացումներ, խորհուրդներ ունիմ, զորս չեմ կարող  
յայտնելոչ ոքի, որոնց վրայ չեմ կրնար խօսիլ ոչ մէկուն  
հետ. առանձնանալ կ'ուզեմ երբեմն, ես ինձի հետ խօսիլ.  
դատել ու քննադատել իմ անձը և զգացումները, խոր-  
հուրդ հարցնել իմ եսին, խորհուրդ տալ անոր. կը բաղ-

ձամ հետեւողական ըլլալ իմ բոլոր քայլերուն մէջ . ահա  
թէ ինչո՞ւ կ'որոշեմ իմ Օրագիրը կամ Յիշատակարանն  
ունենալ , ուր կարենամ օրը օրին արձանագրել իմ խոր-  
հուրդներն ու որոշումները :

Դուցէ իմ այս Օրագիրի էջերուն մէջ ստիպուած  
ըլլամ նկարել նաև իմ շրջապատի բարքերն ու դէպքե-  
րը , որոնց հետ սերտօրէն շղթայուած ըլլան իմ էու-  
թիւնն ու կեանքը : Այս կողմով ապագայ սերունդնե-  
րուն համար թերեւս շահեկան ըլլայ իմ այս ձեռագիրը ,  
եթէ երբեք ներկան անկորուստ կտակէ զայն ապագային :

Սիրելի ծերունազարդ ուսուցիչս Քրիստոփորոս  
Լուֆայի քանի մը շաբաթներ առաջ իմ ձեռքը կու տար  
կուինտիլիանոսի գլուխ գործոցը՝ Սահմանի հոեսորու-  
թեան) Instit. Orat.) , որուն մէկ խօսքը կը յիշեմ հիմակ .  
Scribitur ad narrandum, non ad probandum (կը գրեն  
պատմելու , և ոչ թէ համոզելու համար) : Այո՛ , եթէ  
պատմիչ մը կամ տարեգիր մը ըլլայի , պարտաւոր էի  
ամուր փարիլ լատին մեծ հոետորին տուած այս կա-  
նոնին : Ես ո՛չ պատմիչ եմ , ո՛չ հոետոր իմ սենեկի չորս  
պատերուն մէջ , բայց կը թուի ինձ թէ երկու դերն ալ  
ստիպուած եմ կատարել . ուստի այսօր պիտի պատմեմ  
նախ այն իրազութիւնը , որ հոգմերու աստուածին՝ Ե-  
ւողոսի նման փոթորկեց իմ հոգին :

Եռևուժ , ազատագրեալս , յանձնեց ինձի նամակ  
մը , զոր ստացեր էր Էմինէք Պէյի աղջկան նաժիշտնե-  
րէն մէկուն միջոցաւ : Ահա այդ նամակը :

«Ազնուազա՛րմդ Խակէնտէր Պէյ .

«Ներեցէ՛ք ինձի , որ իսլամի մը աղջիկը , հարէմի  
խորէն իմ հիացումը յայտնեմ դէպի Զեր անձը , որ զիս  
բոցավառող խորհրդաւոր հրդեհէն քանի մը կայծ ծը-  
րաբեմ այս կիզանուտ թղթին մէջ , խոստովանութիւն՝

դոր այլեւս չեմ կրնար անթեղել իմ ներսիդին : Վստահ եմ Զեր աղեքսանդրեան տղամարդութեան վրայ, ապահով՝ որ իմ գաղանիքը Զեր մօտ կը մնայ թաքուն, որուն չպիտի կրնան թափանցել ո՛չ արեւուն ճառագայթները և ո՛չ լուսնին շողերը . Զեր սրտի գանձարանին աւանդ կուտամ զայն :

«Անգիտակից աղջիկ մըն էի տակաւին, երբ զԶեզ տեսայ մեր տան մէջ : Իմ տեսած երիտասարդներուն մէջ չէի գիտեր ինչու ամէնէն յարգելին, ամէնէն համակրելին կը նկատէի Զեզ : Անցան օրեր, տարիներ, զգացի թէ նոր բնազդներ կ'արթննային իմ մէջ . դարձեալ չեմ գիտեր ինչու իմ երազանքիս առարկան եղաք Դուք : Այլ եւս չէինք տեսներ զիրար, հարէմի կեանքը պատուար մը կը քաշէր մեր միջև . բայց ամէն անգամ որ Զեր ձայնը կը լսէի վարագոյրներուն ետեւէն, ամէն անգամ որ Զեր տղամարդու առոյգ հասակը կը տեսնէի պատուհաններու ետեւէն, աւելի բուռն կ'արթըննային իմ մէջ՝ դէպի Զեզ ձգտող զգացումները : Զեր բացակայութեանը չէին մարեր այդ խոռվքները . անոնք յարատե կը տիրապետեն իմ բովանդակ էութեանը : Զէք գիտեր թէ քանի՛ գիշերներ, քանի՛ առաւօտներ երեւակայութեանս առջև պատկերացած էք Զեր բովանդակ անձնաւորութեամբը, առնական գեղովն ու կախարդիչ հրապոյրովը :

«Անգիմադրելի պահանջ մը զգացեր եմ միշտ բացուիլ Զեր առջև, ուր կարծես բնութիւնը առաջնորդ է ինձ : Քանի անգամներ վերջալոյսի պտոյաներուս բաց դէմքով հանդիպեր եմ Զեզի ու Զեր դէմքին վրայ և աշքերուն մէջ կարդալ կարծեր եմ ժպիտներուս հասկացողութիւնն ու պատասխանը :

«Անցեալ ամիս, հօրս մօտ հացկերոյթի միջոցին

Զեր ներկայութիւնը այնքան զգլիսեցուց իմ հոգին, որ,  
Զեղ բաժնող միջնորմին ետևէն, իմ սրտի բոլոր յոյ-  
զերը թափել կարծեցի իմ քնարին վրայ. թրթռացուցի  
զանոնք՝ գիտնալով որ այդ վայրկենին միակ միջոցս  
այդ էր հաղորդելու իմ հոգեկան յուղումներն ու—ըսեմ  
բառը—սէրը :

«Ներեցէք ուրեմն որ իմ սրտի մօտիկ յորջորջու-  
մովը որակեմ Զեղ.

«Միրեցեալս Ամիրըէգ,

«Դուք էք եղեր այն տղամարդը, որ Էմինէքի աղ-  
ջըկան հոգին կախարդեր էք, զուցէ առանց գիտնալու :  
Այս խոստովանութիւնը կ'ընեմ Զեղի, գիտնալով պա-  
րագային բովանդակ ծանրութիւնը : Գիտեմ ահագին  
վիճ մը փորուած է մեր երկուքին միջև. ես իսլամ եմ,  
Դուք՝ քրիստոնեայ: Ես, թաթար իշխանի մը աղջիկը,  
ծածկուած եմ հարէմի թանձր պատերու ետև, կ'ուզեն  
մարդիկ որ իսլամ մը մօտենայ ինծի: Մ'չ միայն այդ-  
պիսի ծանր զօհողութիւն մը չեմ սպասեր Զեղմէ, այլև  
չեմ սպասեր իսկ որ իմ սէրս փոխադարձէք: Զէ՛, իմ  
բախտը չեմ ուզեր կապել Զեր ճակատագրին. ես հա-  
ւատացած եմ թէ իմ բախտը տիսուր է ու մթին, մինչ  
դուք գեղեցիկ ասաղի տակ էք ծնած:

«Գիտեմ նաև որ թաթար իշխանի մը աղջկան սէ-  
րը — նոյնիսկ չփոխադարձուած պարագային — վը-  
տանգաւոր է քրիստոնեայ երիտասարդի մը համար, ըլ-  
լայ ան նոյն իսկ հարուստ և աղնուական իշխանազուն  
մը: Այդ պատճառով իմ գաղտնիքը կ'ուզեմ որ ան-  
թափանց քողով մը ծածկուած մնայ իմ և Զեր միջև:

«Զեղմէ սիրոյ փոխադարձութեան մը ակնկալու-  
թիւնը չունիմ, կը կրկնեմ, բայց կը բաղձամ որ գիտ-  
նաք նաև պարագայ մը. Էմինէքի դուստրը կը սիրէ

Զեղ իր բոլոր սրտովն ու էռթեամբը, փոխադարձ սիրոյ ամենադոյզն նշոյլ մ'անգամ չզգացած, երկար, շատ երկար խոկումներէ ետքն է որ այս համոզումն ունեցեր եմ: Զեղմէ խնդրանք մը չունիմ, բայց միայն բաղձանք մը որ Զեր հաւատարիմ շանը տեղը դնէք զիս. յիշէիք երբեմն թէ սիրտ մը կը բարախէ Զեղի համար, կրցածին չափ կ'ուզէ օգտակար ըլլալ Զեղի, հսկել ձեր ճամբաններուն վրայ, զգացնել Զեղի վտանգը, եթէ անոր սպառնալը կրնայ գիտնալ ինքը,

«Այսպիսի պարագայ մը կը ներկայանայ այժմ, վըտանգ մը կախուած է Զեր զլխուն վերև, և ես կ'ուզեմ գիտակից ընել Զեղ: Ուստի վազը, պտոյտի սովորական օրս է, Զեր և մեր ագարակներուն սահմանին վրայ, սահմանաքարի՝ մեծ Տերմինոսի արձանին մօտ, ընկուզնին տակ պիտի ըլլամ, իրիկուան ժամը տասին զիս հոն պիտի գտնէք հաւատարիմ նաժիստիս հետ միայնակ:

«Զեղ կաթոգին սիրող՝

ՓԵՐԻՉԶԵՀԵՐ»

Անյագ ծարաւով մը կը կարդամ այս նամակը. Էմինէք պէյի աղջիկը իր սէ՛րը կը յայտնէ Աղեքսանդր Սիմիսեանին . . . սէ՛ր, որուն փոխադարձութեան չի սպասեր երբեք . . . կը յիշէ պարագաներ կամ գէպքեր, որոնք ճիշդ է իմ վրայ ևս խոր ազդեցութիւն են թողած: Այս', ես ևս չեմ կրցած ջնջել իմ յիշողութինէն անցեալ օգոստոսի պատահումը: In naturalibus (իր ընական վիճակին մէջ, գրեթէ իր մերկութեան մէջ) տեսայ զինքը: Այս', իր հրաշակերտ՝ ներդաշնակ կազմուածքը՝ Պանտորայի սերունդներուն գլուխ գործոցներէն մէկը ցոյց կուտար. նուրբ շղարշներուն, դամասկեան մնդուաներուն տակ, յայտնի կը գծագրուէին իր գեղակերտ մար-

մինին ներդաշնակութիւնը. իր սպիտակ ու կլոր ուսերը, խարտեաչ՝ կռնակնիվար ծփացող մազերը, ովկիանոսի փրփուրէն ծնած Ափրոդիտէի տպաւորութիւնը ներգործեցին իմ վրայ. Յաւերժահարս մըն էր՝ Պոնտոսի փըրփուրներէն դուրս սլացած, որ եկեր էր Տաւրիսի<sup>(1)</sup> եզերքները Արտեմիսի հին պաշտամունքը վերապրեցը-նելու՝ նոր զոհեր պահանջելով եկող ու գացող բոլոր նաւորդներէն։ Իր վարդագոյն ժպիտը, փայլակն աշքերուն մէջ կարթեցին, կախարդեցին զիս. սարսուռ մը համակեց զիս ալ, այս', սարսուռ մը վայելքի, այլ և սարսափի։ Առանձնութեան խոներոււ մէջ, զգացումներու վերագնահատումը կը ցուցադրէր և՛ հաճոյք, և՛ յայրատ մեղանչումի մը զզջում, և՛ սէր, և՛ ամօթ։ Իմ կրօնական, բարոյական ըմբռնումները այս դիպուածին առջե կ'ակսէին կոհակ կոհակ լեռնանալ, ու փշրուիլ այնպէս, ինչպէս պոնտական կոհակները կուգան փշուր փշուր տարտղնիլ Թէոդոսիայի խարակներուն առջե։

Կը յիշէ նաև իր հօրը տան մէջ ինչոյքի նուագը-նուագ, զոր թրթռացուցեր է Ամիրը կ Խոկէնտէրի համար։ Զգիտեմ ինչո՞ւ, բնազդաբար կ'զգայի ես թէ այդքնարին թրթռումները իմ սրտին զարնուած հարուածներ էին, կարծես ծովը ինկած Սիրենաներէն մէկն է եկեր բոյն դրեր ծովեզերքի այդ պալատին մէջ, իր քը-նարովը հրապուրելու իշխանները։ Անոր երատովեան երաժշտութեան ելեւէջները, խայծերու պէս հրապոյր էին ամէնէն աւելի ինձ համար, ու ես մեծ ճիգ գործ կը դնէի անոնցմէ բոլորովին չկարթուելու համար, այնպէս ինչպէս երբեմն Ոդիսեւս կ'աշխատէր անզգայ մնալ Սիրենաներու քնարի շեշտերուն։ Եւ սակայն չէի կրնար

(1) Խրիմի թերակղզին հին ատեն կը կոչուէր Տաւրիս կամ Տաւրիկեան Քերտոն։

Հխոստովանիլ այդ մելանոյշ քնարհարութեան կախարդական հրապօյրը . ան կը յիշեցնէր ինծի յունական դիցաբանութեան աստուածային քնարահարը Որփէոս , որուն քնարը եգէական ծովուն հոսանքներէն մզուած Լեսրոս (Միտիլի) կղզիին ափունքը , ինչպէս եւոլեան քերթողներու քնարին լարերը կը թրթռացնէր , նոյնպէս Լեսրոսի անտառներուն մէջ թռչող սոխակները վարպետ երաժիշտներ կը դարձնէր : Էմինէք Պէյի պալատին այդ քնարը լեսրեան քերթողներէն Արփոնի արուեստը յափրշտակած էր անտարակոյս . ծովի նհանգներն անգամ , եթէ երբեք գոյութիւն ունեցած ըլլային , հաճոյքով պիտի ունկնդրէին այս քնարին թրթռացումներուն , ինչպէս երբեմն՝ Արփոնի նուագին :

Այս նոր Սափովը (Sapho) ահա իր գրով կը խոստովանի իր ներքին յոյզերը Սիմիսեան ճետին հանդէպ : Իմ ճամբուս վրայ բուսած այս երփնագեղ ծաղիկը ինչ խոհեր ներշնչած է ինծի ու դեռ կը ներշնչէ : Ամէն քայլափոխս կը հանդիպի ինծի և անմէն անգամ նոր խըռուվք մը կ'արթնցնէ իմ սրտին մէջ :

Ինչպէս խուսափիմ ես այս կախարդիչ դիւթանքէն : Մինչև հիմայ շատ տարակոյսներ ունեցայ իմ ըզգացումներուս մասին . կը հարցնէի ես ինքնիրենս թէ արդեօք սէր չէ՞ իմ զգացածը այս աղջկան հանդէպ . հազիւ կը յանդգնէի հաստատական պատասխան տալ . հիմակ անոր որոշ յայտարարութեան առջեւ դարձեալ նոյն հարցումը կ'ուղղեմ ես ինծի սիրած եմ զայն , կը սիրեմ այդ թաթար աղջիկը . հոգ չէ թէ հայու արիւն կրէ իր երակներուն մէջ : Ահ , կը սոսկամ ես իմ պատասխանէն :

Այո՛ . իր իսկ բառերով՝ ինքը իսլամ է , ես քրիստոնեայ : Hoc opus, hic labor est (ահա դժուարութիւնը , ահա տաժանելին) : Ինչ կապէր դբեր են մարդիկ

սերունդներու վզին վրայ . ինչո՞ւ անարգել կարենան ամուսնանալ իսլամ այրերը քրիստոնեայ կիներու հետ , իսկ քրիստոնեայ այրերը իսլամ կիներու հետ՝ ո՞չ : Երկու կրօններուն տարբերութիւնը հոս է ահա . մին սուրի վրայ կը հիմնէ իր վճիռներն ու օրէնքները , իսկ միւսը՝ համազումի ու սիրոյ վրայ :

Ինչ , ես ստիպուած եմ ուրանալ իմ կրօնը , ուրանալ իմ աղգութիւնը , ուրանալ իմ բոլոր հայրենի աւանդութիւնները , ընտանեկան աւանդները , խզել ամէն կապ իմ ցեղային հաւաքանութեան հետ , միանալու համար թաթար իշխանի մը գեղանի , ճարտար ու սիրազեղ աղջկան հետ . . . . Quod di omen avertant (Աստուածները թող խափաննն այս գուշակութիւնը) :

Բայց ինչո՞ւ այսպիսի պատահականութեան մը վրայ կը մտածեմ , չէ՞ որ ինքն իսկ կ'զգայ անկարելիութիւնը , այն վիճը որ զմեզ կը բաժնէ . ան միջոցը գտած է . հանգոյցը լուծած է , իսկ ես Աղեքսանդրս դեռ կը տատամաիմ գորդեան կղթկապը քակելու համար : Այս՝ կը սիրեմ զայն այնպէս ինչպէս պիտի սիրէի վայրի շուշան մը , Սէյլանի մարգարիտ մը , հնդիկ աղամանդ մը , աղբիւրէն կամ ծովէն ծնած յաւերժանարս մը . բայց ո՞չ , կը սիրեմ զայն այնպէս ինչպէս պիտի սիրէի էմինէքի դուսարը . ամէնը այդքան , հոտ թող կանգ առնէ իմ սէրը , մեղապարտ ու թաքթաքուր , և թող չարգիլէ որ ես քալեմ իմ ուղին , անսայթաք ու շիտակ :

## Մայիս 2

Հակառակ որ երէկ իրիկուն ուշ անկողին մտայ , այս առատու կանուխ կ'արթննամ . անհանգիստ եմ . երեւի այս օրուան անսակցութեանս կամ ինծի սպառ-

նացող վտանգին փութով ծանօթանալու անհամբերութիւնն է : Բայց դեռ բաւական երկար ժամանակ ունիմ : Կը նստիմ սեղանիս առջեւ, կրկին կը կարդամ Փէրիչէ՛քի նամակը, դարձեալ աչքէ կ'անցընեմ Օրագիրիս առաջին էջերը . Նորէն կը վերապրիմ երէկ գիշերուան վայրկեաններս, նոյն խոհերը, նոյն խոռվքը . Նոյն զգացումներու խուճապը : Կը համոզուիմ որ գրիչս շատ աւելի դանդաղ եղած է քան միտքս : Այս վայրկեանին եթէ իմ ոիրուը տանձի նման կտրուէր, յանկարծ դուրս պիտի պոռթկային այնքան խորհուրդներ, այնքան յոյզեր ու զգացումներ, որ աշխարհը չպիտի կը ընար բովանդակել, պարփակել զանոնք :

Ինձի այնպէս կը թուի որ այս օրը իմ կեանքին մէջ վճռական կամ պատմական վայրկեաններէն մէկն է : Պէտք կ'զգամ քիչ մը աւելի ամփոփուիլ, պահ մը վերապրեցնել իմ մէջ մեր գերդաստանին և հետեւապէս իմ իտէալները, որոնց համար ծնած եմ, սնուցուած ու կրթուած :

Անհրաժեշտ կը նկատեմ, ուրեմն, Օրագրիս մէջ ամփոփ կերպով ներկայացնել մեր գերդաստանին ծագումը, անոր հետապնդած դարաւոր նպատակներն ու ձգտումները :

Հայրենական ժառանգութիւն մը, թանկագին գանձմ'ունի մեր ընտանիքը . Սմբատ Սպարապետի Տարեզիրին սկզբնագիր ձեռագիրը : Ընտիր մագաղաթի վրայ գըրռւած, բաւական սառւար հատոր մըն է ան : Այդ գըրռչագիրին ետեւը յաւելուած կարգ մը յիշատակարաններ կան, որոնք մեր ընտանիքի կամ գերդաստանի նախահայրերէն աւելցուած են յաջորդաբար : Այդ յիշատակարանները ցոյց կուտան թէ մեր գերդաստանը Սմբատ սպարապետի, հետեւաբար Հեթում թագաւորի սերուն-

գեն է : Մեր տոհմը , բաժնուած զանազան ճիւղերու , դժբախառաբար իր ընդհանուր ազգահամարի ճիւղադրութիւնը կորսնցուցած է : Բազմաթիւ կարեւոր տուներ անհետ կօրուուած են պատմութեան խաւարին մէջ : Բայց շնորհիւ Տարեգիրի յիշատակարաններուն , երկու կարեւոր ճիւղեր յայտնի են և կը շարունակեն իրենց գոյութիւնը : Այդ ճիւղերէն մէկը մեր գերդաստանն էր սփռուած թէոդոսիայի , Սելեւկիայի , Կոռիկոսի և Կիլիկիոյ ուրիշ վայրերու մէջ . իսկ միւս ճիւղն է Գարամանիոյ տիրապետող իշխանական տունը , որ իսլամ է :

Տարեգիրին մէջ , 665 հայկական թուականին տակ , յիշուած է Իկոնիոյ (=Պոնիայի) Ազրտիմ Քայլայուզ (=Իզէտին Քայքառող , որ իշխած է 1211—1220) սուլթանը : Ան բազմաթիւ զօրքով կ'արշաւէ Կիլիկիա . Մեծն Լեռոն թագաւորի ժամանակ : Լեռոնի հիւանդութեան պատճառով , մեր տոհմին պետերէն մէկը՝ Պարոն Կոստանդին Գունդստապլը , բազմաթիւ հայ ու խաչակիր իշխաններու հետ , կը դիմադրէ Ազրտինի բանակներուն . սակայն մէկ քանի նախարարներու կամ իշխաններու դաւաճանութեան պատճառով գերի կ'իյնայ սուլթանին ձեռքը : Լեռոն թագաւոր իր սիրելի իշխանները կ'ազատէ կարգ մը բերդեր տալով Իկոնիոյ իշխանապետին :

Ահա այդ դաւաճան իշխաններու կարգին կը գըտնուի նաև Կոռիկոսի տէր Պարոն Սիմոնը , որ նոյնպէս մեր տոհմէն էր , Կոստանդին սպարապետի ամենամօտիկ ազգականը : Պարոն Սիմոն Կոստանդինի հակառակորդ մըն էր . Կոռիկոսի բերդին իշխանութիւնը կոռուախնձոր մը եղած էր երկուքին միջև . Պարոն Սիմոն , իբրև հայրենի կալուած , Կոռիկոսի բերդը իրեն և իր սրդւոց սեփականութիւնը դառնալու բաղձանքէն մտրակուած ,

Իկոնիոյ սուլթանին արշաւանքէն օգուտ կը քաղէ, ու  
կռուի միջոցին դաւաճանօրէն թշնամիին կողմը կ'անց-  
նի: Իր վատ արարքը այնքան ստոր կը նկատուի, որ  
իր անունը ատելի կը դառնայ մեր սերունդներուն մէջ: Տարեգիրքին մէջէն իր անուան յիշատակութիւնն անգամ  
վերցուելու համար, գրուած անուան վրայ սև մելանով  
գծած է նոյնիսկ գրքին հեղինակը:

Պարոն Սիմոն աւելի ստոր ու մեր գերդաստանին  
անպատուութիւն բերող արարք մ'ալ ունեցած է. Կի-  
լիկիոյ մէջ այլեւս երես չի գանելով, բոլորովին կը քաշ-  
ուի ու կը հաստատուի Իկոնիոյ սուլթանութեան մէջ: Ու  
հետեւելով Պապա Իշխան անուն իսլամ աղանդա-  
ւորին, կ'ընդունի մահմետական կրօնը. ու կը կոչուի  
Նուր Սոֆի, իր որդւոյն անունը կը կոչէ Դարաման: Ի-  
կոնիոյ մէջ կ'սկսի Պապա Իշխանի աղանդին տարածողն  
ըլլալ. Ազգական Քայքայուզի եղբայր Ալայէտափին Սուլ-  
թանին օրով իր որդին կ'ամուսնացնէ Սուլթանին քրոջը  
հետ և Ալայէտափինի ախոռապետ կարգել կուտայ:

Նուր Սոֆի և իր որդին Գարաման օր մը խարդա-  
խութեամբ Սելեւկիոյ բերդը կը գրաւեն, և Սուլթան  
Ալայէտափին՝ Լարկնէկն ալ միացնելով՝ այդ երկիրներու  
իշխանութիւնը Գարամանի կը յանձնէ:

Այնուհետև իրենց ընտանիքին սովորական դարձած  
խարդախ միջոցներով Գարաման և իր յաջորդները կը ս-  
կըսին հետզհետէ հաստատուիլ այդ աշխարհին մէջ ու ի-  
րենց կալուածն ընդարձակել: Մանաւանդ Ռուբինեան  
իշխանութենէն ետք, իբրև իրենց հայրենի կալուածը՝  
հետզհետէ տէր կ'ըլլան կոռիկոսի և ուրիշ կիլիկեան բեր-  
դերու:

Իկոնիոյ սուլթանութեան անկումէն ետք, Գարա-  
մաններու տոհմը, ԺԴ. գարուն սկիզբներէն մինչև մեր

օրերը, սկսան կորիւ մղել Օսմանցիներու սուլթաններուն հետ: Օսմաննեան թագաւորները, Սուլթան Մուրատ Ա. էն սկսելով, բուռն վէճեր ունեցած են անոնց հետ: Սուլթան Պայազիտ Ա. Երլարըմի ժամանակ, պահ մը իսպառ կործանեցաւ Գարամանի տունը. անոնց իշխանը՝ Ալայէտափին գերի բռնուեցաւ ու սպաննուեցաւ, բայց Պայազիտ Լէնկթիմուրէն յաղթուելով, Գարամանի տունը վերստին սկսաւ ծաղկիլ՝ շնորհիւ թաթար կաղ իշխանապետին: Սուլթան Մուրատ Բ. ի ժամանակ Գարամանի իշխան Իպրահիմ պէջ իր դաւաճան հայրերուն աթոռն ելաւ, ու գրեթէ 1424էն մինչև վերջին տարիներս, 1464, կառավարեց իր երկիրը, յաճախ կոռւեցաւ Օսմանցիներուն դէմ. իր դուստրը Յաթիհի հարճ տալով հազիւ կրցաւ իսպառ կործանումէ փրկել իր երկիրը: Իպրահիմ մեռաւ ու թողուց հօթը որդիներ — Փիր Ահմէտ, Գարաման, Քասիմ, Ալայէտափին, Սիւլէյման, Նուր Սօֆի և հարճորդի մը՝ Իսհագ: Իրեն յաջորդ նշանակեր էր իր հարճորդին: այդ պատճառաւ վէճ ծագեցաւ հօթը եղբայրներու միջև. ումանք դիմեցին Պարսից թագաւոր Ռւզուն Հասանի, ուրիշներ Յաթիհ Սուլթան Մէհէմմէտի՝ օքնութիւն խնդրելու համար: Այս վերջինը ուզեց իսպառ ջնջել Գարամանի տունը, յարձակեցաւ Իսհագի վրայ, փախցուց զայն Տարսոնէն ալ անդին, ու տիրապետեց Գարամանի:

Երբ այս տողերը կը գրեմ Գարամանի գլխաւոր բերդերը արդէն Օսմանցիներուն ձեռքն են. Իսհագ մեռած է Ռւզուն Հասանի արքունիքին մէջ, Փիր-Ահմէտ անձնասպան եղած է Մինանի պարիսպներէն վարձգելով ինքինքը: Սելիւկիան, Կոռիկոսն ալ գրաւուած էին մաթիհի բանակներէն, բայց Ռւզուն Հասանի և Քասիմ Պէյի օքնութեան փութացող վենետիկեան ու

նարոլիական մարտանաւերը՝ Փիէթրօ Մոչէնիկօ ծովապետին առաջնորդութեամբ՝ վերագրաւած են Սելեւկիան, Կոռիկոսն ու Կիլիկիոյ ուրիշ ծովեղերեայ քաղաքները։

Այսպէս ահա մեր գերդաստանին դաւաճաններուայս սերունդը դեռ կը կռուի ու կը պայքարի իմ հայրենի կալուածներուն շուրջ, որոնց մեծագոյն մասը արդէն թողած է իսլամի որդիներուն։ Օսմանցիներուն ու Եգիպտոսի Մէմլուքներուն ձեռքը։

Այս ուրացողներուն դէմ է որ վրէժ սնուցած ու տածած է մեր ընտանիքը դարերու ընթացքին։ Իմ նախնիքները, իրենց յիշատակարաններով վրէժ են կը-տակած այս դրուժաններու սերունդին դէմ։

Իմ մեծ հայրը՝ Խոճա Թաւաքալ Սիմիսեան, Խը-րիմի մեծահարուստ և ազգեցիկ իշխաններէն մէկը, իմ Հայրը Պարոն Վարդ Նոյն վրէժխնդրական ոգիով լեց-ուած, վերջապէս ատենը եկած նկատած են դարաւոր քէնին վրէժը լուծելու, այդ մաքով իրենց բոլոր նիւ-թական ու բարոյական միջոցները տրամադրած են այս նպատակին համար։ Թայց անոնց միակ յոյսը ես եղած եմ. իմ ծնունդը, դաստիարակութիւնը, զինուորական հրահանգները, իմ անունն իսկ նախապէս վճռուած՝ ո-րոշ կարգադրութեան մը կնիքը կը կրեն։ Ճենովական հանրապետութեան, նոյն իսկ օսմանցի սուլթաններու հետ մեր՝ ընտանիքին յարաբերութիւնները, մեր վաճառականի նաւերուն կիլիկեան եղերքներու հետ մշտնջե-նական ու յարատե հաղորդակցութիւնը, մեր վաճառականական նաւերուն փութով պատերազմական նաւեր փոխարկուելու յարմարութիւնը, նոյնիսկ մեր ընտանի-կան ամբարանոցներուն մէջ մէկ քանի թնդանօթներու և վառօդի, պատերազմական իրեղէններու պատրաստ գոյութիւնը, իմ փոքր եղբօր ծովային զինուորութեան

յարմար կրթութիւն մը ստանալու համար թափուած ջանքերը, այս բոլորը և ուրիշ բազմազան մանրամասնութիւններ հասուն ծրագրի մը իրագործման համար սահմանուած են:

Դժբախտաբար իմ մեծ հայրն ու հայրը, իրենց ծրագրին գործադրութեան չձեռնարկած իրարու ետեւէ մեռան, ու իրենց բոլոր յոյսերը և կորովը կտակեցին տանը երէց զաւկին. Ամիրբէգ Խոկէնտէրին:

Այո՛, անոնց վրէժի արիւնը կ'եռայ իմ մէջը. Զէրքէզիայի մէջ եռամենայ դեգերումներուս միջոցին, Էմինէքի և իր եղբայրներէն ոմանց պալատներուն մէջ անցուցած տարիններուս, դէպի Կիրիկիա ծովային ու ցամաքային ճամբորդութիւններուս ատեն, նոյնիսկ իմ սենեակի չորս պատերուն մէջ, հայ և լատին վարդապետներու իմ ուսուցիչներու. Ներկայութեանը, իմ բոլոր ընթերցումներուս մէջ, ամէն տեղ ու ամէն վայրկեան նոյն երազը, նոյն խորհուրդը, նոյն իտէալը սնուցեր եմ իմ մէջ, նոյն վրէժը ապրեցուցեր, մեծցուցեր, զարգացուցեր եմ:

Եւ ահա իմ քայլերուս առջև սփինքսի պէս կը ցցուի իմ սէրը. սէր թաթար իշխանուհի մը համար, սէր որ կրնայ սառեցնել արիւնը Ամբատներու. Հեթումներու շառաւիղին երակներուն մէջ, սէր որ կըրնայ նուր Սօփիի անարդ ընթացքին առաջնորդել անոր սերունդները պատճելու կոչուած տղամարդը:

Ո՛չ. Էմինէքի աշագեղ դուստրը չի կրնար ու պէտք չէ թումբ կանգնէ իմ նախասահմանուած ընթացքին առջև. sufficit (բա՛ւ է): Անոր գտած լուծումը իմինն ալ պէտք է ըլլայ: Եւ ես ինձի պէտք է ուղղեմ նաև այն խօսքը զոր Սօփիովէս քուրմին բերնով կ'ուղղէ իդիպոսի. «Ու եղի՛ր հիմակ ալ ինքնին դու քեզ հանգունակ»:

Մայիս 3

Երէկ իրիկուան տեսակցութիւնը այնքան յուզեց զիս, որ չկրցի գիշերը զրիչ ձեռք առնել, մտածումները, այնքան բազմազան ու դիմամարտ, յորձանուտի նման առած էին զիս իրենց մէջ: Այսօր քիչ մը հանդարտած, պիտի պատմեմ մեր տեսակցութիւնը այնպէս ինչպէս տեղի ունեցաւ:

Rara avis in terris! (հազուագիւտ թռչուն երկրի վրայ): Ընկուզենին տակ անմեղութեան հրեշտակ մըն էր կարծես որ իջեր էր երկինքէն՝ լուրջ գաղտնիքներ հաղորդելու Սիմիսեան ճետին: Առանձին բլալու համար ամէն ինչ կարգադրեր էր կ'երեւի, որովհետև նաժիշտն իսկ մօաը չէր, այլ ծովեղերքը խիճերու հետ զբաղուած ըլլալու երեւոյթը ցոյց կուտար, թէև իր հետախուզող ակնարկները յաճախ կը մխուէին ծառաստանի խորը, հեռուն՝ դէպի պալատ տանող ծառուղին:

Տերմինոսի արձանին մօտ զիս տեսնելուն պէս, ճըլվըլուն՝ ուրախ շարժումով մը, դիմեց դէպի զիս, բռնեց իմ երկու ձեռքերը, աչքերը՝ կայծերով լեցուն՝ գամեց իմ դէմքին վրայ, և,

— Ո՞րքան երջանիկ եմ, Խօկէնաէր Պէյ, ըսաւ ան, ո՞րքան երախտապարտ եմ որ շի մերժեցիք իմ առաջարկը՝ հոս գալու համար:

— Օրիո՞րդ, ընդհակառակը պէտք է ե՛ս յայտնեմ իմ խորին շնորհակալութիւնը և գոհունակութիւնը, որ հոգածու հրեշտակի մը նման առիթ մը ստեղծեցիք ինծի սպառնացող վասնգը յայտնելու համար:

— Լսեցէք, Ամիրրէգ, առջի օր մօրեղբայրոդ եկաւ հօրս մօտ:

— Սքուէրչաֆիքօ՞ն:

— Նոյն ինքը, առանձին երկար խորհրդակցութիւններ ունեցան ստացուած նոր լուրերուն վրայ :

— Ուրկէ եկած լուրեր են ատոնք :

— Պոլիսէն եկած վերջին լուրերը : Դիտէք արդէն թէ Թաթիհը նոր վէզիր է կարգած կէտիկ Ահմէտ Փաշան, որ հօրս և Սքուէրչաֆիքոյի հինէն ծանօթ է :

— Դիտեմ, այս', որ այդ ուրացողին հետ հինէն յարաբերութիւն ունի մօրեղբայրս :

Դիտէք նոյնպէս որ օսմանեան բանակները Մոլտաւիոյ մէջ, անցեալ տարի խիստ ծանր պարտութեան մը ենթարկուած էին Ստեփաննոս իշխանին կողմէ, և Պոլայ նաւարանները բուռն գործունէութեան մը մէջ էին հանդերձելու համար 300 մարտանաւեր :

— Կը կարծուի թէ այդ պատրաստութիւնները կ'ըլլան Սղառ Տէնիզիկ պարտութեան վրէժը լուծելու համար :

— Այդպէս կը կարծուէր, բայց այդ մարտանաւերը պիտի ու զզուին ո՛չ թէ դէպի Դանուբ, այլ դէպի Խրիմ :

— Ի՞նչ կ'ըսէք, Օրիո՞րդ, ի՞նչպէս կրցաք իմանալ :

— Ականջովս լսեցի հօրս ու մօրեղբօրդ խորհրդակցութիւնները այդ իրողութեան շուրջ, որովհետև արդէն վճռուած է այդ արշաւանքը :

— Սքուէրչաֆիքօ համաձայն է ուրեմն որ Թէոդոսիան գրաւուի :

— Կը կարծեմ. բայց ինձ համար կարեւորը քու անձիդ շուրջ եղած խորհրդակցութիւններն են : Երկու խորհրդակիցները համաձայն էին թէ Թէոդոսիայի պաշտպանութեան գործին մէջ Խակէնտէր Պէյի բաժինը ամէնէն նշանակալիցը կրնայ ըլլալ : Անոնք կը կարծեն թէ դուք եթէ շըլլաք, հայ իշխանները երկարատև դիմադրութիւն մը չպիտի սարքեն :

— Կ'երեւի չափաղանց գերազնահատեր են իմ կա-

ըողութիւնն ու ազդեցութիւնը հայ իշխաններուն վրայ :  
Պէտք էր գիտնային որ ես ամէնէն երիտասարդն եմ ա-  
նոնց մէջ, ու ես արդէն նկատուած եմ օսմանեան կա-  
ռավարութեան բարեկամ ու ծախուած մէկը :

—Անոնց կարծիքը Զերինէն տարբեր է ապահովա-  
րար, և թերեւս ճիշդ կը տեսնեն իրերը : Ամէն պարա-  
գայի տակ անոնք որոշեցին իրականութիւնը պարզել  
Զեզի, և ստիպել որ գործակցիս իրենց : Հակառակ պա-  
րագային՝ որոշած են մեկուսացնել Զեր ջանքերը և ա-  
մուլ դարձնել զանոնք : Եթէ այդ ալ չյաջողին ընել,  
պիտի սպաննեն զՁեզ Սարըպէյի միջոցաւ :

—Եղբօ՞րս միջոցաւ :

—Ո՛չ, Սարըպէյ Մարտիրոսեանի ձեռքով, որուն  
հետ բաւական մտերիմ յարաբերութիւն ունիս : Արդ,  
իմ թերադրութիւնը պիտի ըլլար Ձեզ զգուշանալ Սարը-  
պէյէն ու անոր հետ տեսակցող անհատներէն :

—Բնաւ այդպիսի ծայրայեղ միջոցի մը չպիտի կըր-  
նան դիմել, որովհետեւ, Օրի՛որդ, ես թէոդոսիայի բախ-  
տով այնքան զբաղողներէն չեմ :

—Ուրեմն, համաձայն էք Զեր մօրեղբօր գործակ-  
ցելու կամ Օսմանեան ուժերուն օժանդակելու :

—Ո՛չ երբէք, այդպիսի պարագայի մը դաւաճան  
պիտի ըլլայի ճենովական Հանրապետութեան հանդէպ :

—Զարմանալի յայտարարութիւններ կ'ընէք, Զեր  
ընթացքը հանելուկ մը պիտի ըլլայ ուրեմն :

—Ուրիշներուն համար թերեւս, բայց ես իմ սե-  
փական երազներն ու նպատակներն ունիմ, որոնց առ-  
ջև թէոդոսիայի պաշտպանութիւնը երկրորդական կա-  
րեւորութիւն ունի :

—Սքուէրչաֆիքօն, որ Զեր ընտանեկան ներքին  
կեանքին աւելի ծանօթ է, գրեթէ Զեր խօսքերուն ի-

մաստով կարծիք մը յայտնեց, սակայն հայրս, կ'երեւի Սարըպէյէն կամ ուրիշէ մը թելադրուած, ոխերիմ հակառակորդ մը կը տեսնէ Զեր մէջ։ Ո՞րքան երջանիկ եմ այժմ երբ իմ յարգած անձը վերահաս վտանգէ մը հեռու կը տեսնեմ։ Հաւատացէք որ երկու դիշերներ արշալոյսին սպասեր եմ խռովայոյզ ու վշտահար։

— Զեր այս անձնուիրութիւնը պիտի չկրնամ մոռնալ, Օրիո՛րդ, Դուք, որ Զեր հօրը գաղտնիքն իսկ յայտնել շտատամսեցաք ինծի, գերագոյն զոհողութիւնը կատարած էք։

— Ա՛հ, խենդի պէս վարուեցայ, ես մոռցայ որ Խըրիմի կառավարիչ իմինէքի աղջիկն էի, որովհետեւ Զեղի սպառնացող վտանգը զգլիսեցուց զիս, արեւը խաւար պիտի դառնար ինձ համար, եթէ այդ վտանգն իրականանար։

— Այդպիսի ծանր վտանգ մը միշտ հեռու պիտի ըլլայ ինձմէ, ցորչափ Զեղի նման պահապան հրեշտակ մը կը խորհի պահպանել զիս այնպէս՝ ինչպէս Թետիսի կամ Ներեայ յաւերժահարսները կը պահպանէին Աքիլլէսը։

— Ա՛հ, ուր էր թէ կարենայի օգտակար ըլլալ Զեղի միշտ՝ խուսափելու համար վտանգներէ. հոգեկան պահանջք մըն է աղ ինձ համար. չզիտէք թէ որքան կը պաշտեմ զԶեզ։

— Եւ դուք ալ չզիտէք թէ Սիմիսեաններու ճետը որքան կը տառապի փոխադարձ սէրէ մը։

— Մի՛ խօսիք այդպէս, խնդրեմ. ես չեմ ուղեր որ դուք տառապիք. եթէ զիտնայի որ իմ սէրը տառապանք պիտի ծնի Զեղի համար, հազար անգամ կը նախընտրէի ապառաժ դառնալ՝ քարացնելու համար իմ մէջ սիրոյ զգացումները։

— Մեր սէրը արցունք կրնայ ծնիլ, արծաթէ նոճիդ

գու . քու սէրը կը վայելէր ուրիշ յաջող աստղի տակ  
ծնած Ռուստամի մը կամ Ֆարուխզատի մը , և ոչ թէ  
ինձի , որուն փոխադարձ սէրը ամուլ է Արարիոյ անա-  
պատճերուն պէս :

— Ես այդ ամուլ անապատին մէջ երջանիկ եմ այն-  
պէս ինչպէս Եւան Դրախտին մէջ . առանց Զեզի իմ ցե-  
րեկը պիտի ըլլար գիշեր մը մութ ու խաւար՝ Եթով-  
պացիի մը դէմքին պէս :

— Զէ , աղւո՞ր գարուն , չէ , Զեր սիրաը մի կապէք  
Ամիրբէգին , որուն ծննդարաշխութիւնը տխուր է այն-  
պէս ինչպէս Սիյավուշի՝ Քայ-Քայուսի զաւկին<sup>(1)</sup> եղե-  
րական կեանքը :

— Իմ առիւծը , ողբեր մի՛ հիւսէք Զեր ճակատագ-  
րին վրայ , որ Ռուստամի աստղին պէս փայլուն է :

— Ռուստամ՝ Շահ Նամէի այն հերոսն է որ , իր սէ-  
րերուն մէջ ձախողութիւն չտեսաւ . մինչդեռ իմ սէրը  
իր խանձարուրին մէջ դիակնացած մանուկ մը պիտի  
ըլլայ : Ես չպիտի կրնամ գրկել իմ եղնիկը բազուկնե-  
րուս մէջ . ան օտար պիտի ըլլայ ինձ համար . . .

— Միշտ Զերը պիտի ըլլայ ու պիտի բարախէ Զեզի  
համար :

— Իմ թռչունը պիտի երգէ օտարին ոսկի վանդակ-  
ներուն մէջ :

— Պիտի արտասուէ , բայց պիտի սիրէ իր պաշտելին :

(1) Սիյավուշի պարսիկ առասպելական պատմութեան մէջ նը-  
շանաւոր հերոս մըն է , որուն կեանքը տխուր դէպէրու շարք  
մըն է միայն . իր հօրը կիներէն մէկը՝ Ռուստապեն թագուհին սի-  
րահարած է իրեն . չյաջողելով մոլորեցնել՝ ամբաստանած է զայն ,  
որ ապա փախած է Թուրան , ուր իր մօր կողմէն մեծ Հօրը՝ Քէր-  
շիվէզի դաւանանութեամբ՝ սպաննուած է :

— Ուրիշները հաճոյք պիտի զգան անոր ողբերգէն : Զէ , Ատենի մարգարիտս , իմ արեւն արիւն դարձաւ այն օրէն , երբ Էմինէքի աղաւնին թրթռացուց իմ սըրախն էն նուրբ լարերը :

— Ահ , Չեր խօսքերը այնպէս կը հնչեն իմ ականջին , ինչպէս մոնշիւնը վիրաւոր առիւծին :

Սուլիչի սուր ձայն մը հնչեց յանկարծ : Փէրիչէնէր սոքի ելաւ անմիջապէս , բարախուն , կարմիր այտերով : Արցունք մը կը շողար իր աչքերուն խորը :

— Այսուհետեւ գրեթէ ամէն իրիկուն , այս ատենները հոս պիտի գտնէք զիս : Տերմինոսի արձանին վրայ դըրուած ծաղկի փնջիկ մը նշան է թէ միայնակ եմ այս տեղ :

Հեռացաւ փութով , եղնիկի մը քայլերով :

Երկար գամուած մնացի այն տեղ , աչքերս՝ անոր մնկնած կողմը՝ օդին մէջ՝ անոր պատկերը կը տեսնէին դեռ : Չեմ գիտեր թէ որչափ ատեն մնացեր էի այդպէս անշարժ , թէ ինչպէս տիսուր , տամկացած աչքերով հեռացեր էի այդ յիշատակելի վայրէն , ինչպէս մտեր էի իմ սենեակէն ներս ու փակեր էի դուռը :

Այսօր , երբ այս տողերը կը գրեմ , դեռ եւս յուղումը կը խեղդէ իմ կոկորդը :

Այո՛ , ան խենդի պէս կը սիրէ զիս , ու կը սիրուի ինձմէ : Բայց իմ սէրը Աղոնիսի սէրէն աւելի դժբախտ դարձուցած է զիս : Ինձմէն նուազ պիտի տառապէին դժոխքի դատապարտեալները՝ դժոխային ծառին՝ զախիումի պտուղէն ճաշակած ատեննին : Սաատի , Կիւլիսանի մած հեղինակը , ինձ համար է երգեր իր տաղերգութիւններէն մէկը . ու իմ սէրը այնպէս չէ որ ակնարկ մը կարենայ յագեցնել զայն . Ճիհունի բոլոր ջուրերը պիտի չկրնային անցնել տոջօրող պապակն իմ վագիաքաներուն : »

Ի՞նչ ընեմ ես գիտակցութիւնը այն սիրոյն զօր իմ  
տղամարդու էութիւնը արթնցուցած է իմինէքի լիալու-  
սինին մէջ . ի՞նչ ընեմ ես այն վաղանցուկ ու ժամանա-  
կաւոր յագուրդը զոր պիտի վայելեն իմ ակնարկները  
այդ հրեշտակային հուրի դէմքը<sup>(1)</sup> ըմբռչխնելով :

Ես իմ սէրովը նոր Տանտաղոս մը չե՞մ աշխարհի վրայ .  
ան՝ պտղալից ծառի մը մօտիկ , մինչև շրթունքները  
ջուրին մէջ , դատապարտուած էր միշտ սոված՝ միշտ  
ծարաւ մնալու Պղուտոնի կալուածներուն մէջ , բայց  
գիտակցութիւնը պիտի ունենար իր դատապարտութեան ,  
մինչ Սիմիսեաններու շառաւիզը կ'ապրի այն աշխար-  
հի վրայ , ուր Սոգոմ Գոմորի կործանումէն փախած  
Ղովտի աղջիկներն անդամ իրենց ամուլ արգանդները  
բեղմանաւորեցին :

Ո՞վ ; ի՞նչ բան արգելք կը յարուցանեն իմ սիրոյն  
դէմ . կրօնները , ընկերային բարքերը , ընտանեկան ա-  
ւանդութիւնները , իտէալները : Հա՞րկ է ոտնակոխ ընել  
բոլորը : Ո՞չ , ո՞չ , ես պիտի չկրնայի , պիտի չուզէի այդ-  
քան զգայապաշտ ըլլալ :

— Լա՞ւ , մտածէ , Ամիրբէգ , յիշէ՛ Սովոկլի առղերը .

«Քեզմէ , Աէ՛ր , աստուածներէն ո՛չ ոք կրցաւ զեր-  
ծանիլ , — Ոչ առօրեայ մարդերէն , — Իսկ որ ըգքեզ ունի  
մոլի : »

Դու շատ պէտք ունիս դեռ քու առողջ դատողու-  
թեանդ և գործելու ազատութեանդ : Ազատ կամքով  
ընտրեր ես քու շաւիզդ , քալէ՛ անսայթաք , բեւեռա-  
կան աստղ մըն էր . որ լուսաւորեց քու մութ գիշերը  
և ցոյց տուաւ ուղեգիծդ , նայէ՛ անօր , բայց քալէ ան-  
խոտոր :

(1) Փերիկիկեր կը նշանակէ հուրիի դէմի:

Մայիս 4

Փէրիչէնէրի յայտարարութիւնները արդարացան և իրականացան մասամբ։ Երէկ գիշեր մեզի հիւր էր մօրեղբայրս՝ Սքուէրչաֆիքօ։

Վենետիկէն մեզի՝ մասնաւորապէս մօրս՝ հիւր եկեր էր արդէն Սքուէրչաֆիքօյի կինը Լաւոա, իր քուզին Կուռնելիայի հետ։ Խնծի այնպէս կը թուի թէ մասնաւոր դիտում մը կայ այս երկու կիներուն այցելութեան մէջ։ Մայրս Պէադրիչէ խաթուն գիտակից է այդ դիտումին։

Խեղճ կինը քանի անգամներ ակնարկութիւններով ուղեր է զգացնել իր բաղձանքը, որ է ամուսնացած տեսնել իր առջինեկ որդին, որ արդէն 25 ամառներ տեսեր է։ Իր խորհրդակիցն եղած է մօրեղբայրս, որուն միջոցաւ ուղած է ազդել իմ վրայ։ Երկուքին համար, մասնաւանդ Լաւոայի դատումով՝ ինծի յարմարաւոր կողակից կուռնելիան կրնայ ըլլալ։

Կուռնելիայի յայտնի պէտք է եղած ըլլայ մեր երկու ընտանիքներուն խորհուրդը, քանի որ իր ամէն քայլերուն, ամէն շարժումներուն մէջ խօսեցեալի թեկնածութեան ամօթղածութիւն մը կը հազնի։

Կուռնելիա իտալական զուարթ երկինքի զաւակն է։ գեղեցիկ՝ որպէս Սիկիլիայի բնիկ յաւերժահարսները։ Իր գիմագծութեամբ Հերայի գեղակերտ անդրիները կը յիշեցնէ, իսկ հասակով ու բարեկազմ մարմնի գծագրութեամբ՝ Վենիւսի արձանները։

Անոր այս գեղեցկութիւնը արդարե կախարդած է զիս։ բնութեան այս հրաշակերտը դիտել հոգեկան կազդոյր մը ներշնչած է ինծի։ Բայց չեմ գիտեր ինչու պիտի ուղէի այս անթեւ հրեշտակը տեսնել հոն՝ երկինքը, ուր Տանթէ տեսաւ իր սիրելին։ Պէազրիչէ։

կուռնելիա արժանի էր Փեթրարքայի նման երդիչ մը  
ունենալու :

Զէ՛, Իսկէնտէրի զգացումը այս աղջկան նկատմամբ՝  
սէր չէ . գեղեցիկի պաշտամունքն է , եթէ կարելի էր  
այսպէս ըսել : Ամիրրէգ ամուսնացած է ցարդ իր գա-  
ղափարներուն , իր իտէալներուն հետ , ու կուռնելիա  
կոչուած չէ անոնց տեղը զրաւելու :

Սակայն երէկ միջադէպ մը պատահեցաւ , ուր խըդ-  
ճահարութեան նման զգացում մը շփոթեց զիս :

Նոր էին եկեր , երբ ես ծովահայեաց պարտէզը կը  
գտնուէի , ուզելով պահ մը անձնատուր ըլլալ մայիսի բու-  
րումներուն : Նոյն պարտէզին մէջ գտան զիս Լաւոա-  
և կուռնելիա , մօրս ընկերակցութեամբ : Երկար ու հա-  
ճելի խօսակցութենէ մը ետք , մայրս ընտանեկան զբա-  
ղում մը պատրուակով հեռացաւ մեր մօտէն . իր ետէն  
պատրուակ մըն ալ ստեղծեց Լաւոա ու թողուց զիս  
միայնակ կուռնելիայի հետ :

Կուռնելիա զգաց անոնց դիտումը , ինչպէս զգացեր  
էի ես : Վարդի երանգ մը թանձրացաւ անոր դէմքին  
վրայ . շփոթութիւն մը կարդացի անոր աչքերուն մէջ :

Պէտք էր զբաղեցնել զայն : Այս միայնութիւնը գե-  
ղեցիկ կնոջ հետ՝ հաճելի էր ինծի : Անմիջապէս ծաղկե-  
փունջ մը սկսայ կազմել իրեն համար . վարդն ու մե-  
խակը , յասմիկն ու շուշանը , մուրտն ու եղբեւանը , հի-  
րիկը , տեղ բռներ էին այդ փունջին մէջ :

Երբ ձեռքս շուշանին երկարեր էի .

— Ո՞րքան անրիծ է , զոչեր էր կուռնելիա :

— Իմ քուզինը աւելի անրիծ է քան այս շուշանը ,  
պատասխաներ էի :

— Ա՞ն , դուք կը չափազանցէք . ձայներ էր ան , բայց  
ես զգացեր էի թէ ուրախութեան ու համեստութեան

կարմիրը վրձին մը եւս պտտցուցեր էր իր դէմքին վրայ :  
Երբ ծաղկեփունջը երկարեցի իրեն , գոչեց :

— Ո՞րքան գեղեցիկ ներդաշնակութիւն , ո՞րքան հը-  
րաշալիք բնութեան այս կերտուածներուն մէջ :

— Բայց այն , որուն շունչը փայփայանք մըն է այս  
ծաղկեփունջին , պատասխանեցի , աւելի մեծ հրաշակերտ  
մըն է՝ բնութեան երկունք՝ քան այս գեղեցկութիւն-  
ները :

Կուռնելիա չի պատասխանեց , բայց իր ժայիտը ար-  
շալոյսի երանգն ունէր : Երջանիկ էր այս անմեղ հոգին :  
Կարծես իմ խօսքերը բաւարարութիւն կուտային իրեն .  
ո՞վ գիտէ , խոստովանութեան մը հաւասար նկատած չէ՞ր  
արդեօք : Կը թուի թէ այդպէս էր , որովհետև քանի  
մը վայրկեան վերջը մատնուեցաւ իր ներքին խոռովքը :

Այդ միջոցին մեր ուշադրութիւնը գրաւեր էր եր-  
կինքին վրայ կռունկներու երամ մը , որ ծովէն կուգար :

— Յապաղած կարաւան մըն է կռունկներու , ըստ  
ես , գոհացում տալու համար կռունելիայի հետաքրրք-  
րութեան :

— Հեռու երկիրներէ կուգան անտարակոյս :

— Իմ երազներու աշխարհէն , յարեցի ես :

— Այդ աշխարհը ինչո՞վ կապուած է Զեղի , հար-  
ցուց ան :

— Այդ աշխարհը , կարթած է , զիս , գրաւած է իմ  
բովանդակ էութիւնը , հոն է , հեռուն , իմ սրտի ու հո-  
գու կախարդիչը ...

Իմ այս բառերը այնպիսի տպաւորութիւն մը գոր-  
ծեցին անոր վրայ , որ այտերը սաֆրանի՝ քրքումի նը-  
մանեցան : Իմ խօսքերը կ'երեւի դարձեր էին անոր հա-  
մար սեբսե ամպ մը՝ որ շանթն ունի իրեն մէջ , ամպ-  
րոպ մը՝ որ կ'որոտայ իր գլխուն : Անոր երազներուն

ցնդումն էր . յուսաբեկութիւնն էր որ կը կարդայի անոր աչքերուն մէջ :

Թշուա՛ռ տղջիկ , իմ ազգականները սէր ծնցուցեր են անոր անարատ հոգուն մէջ , այդ սէրը մեծցեր , ուռաճացեր է , զոր ես ահա կը խամրեցնեմ :

Կ'զգամ թէ դահիճի մը դերը կատարեցի այդ աղջըկան վրայ . զղջումի զգացում մը կը փոթորկէ իմ հոգին :

Զէ , ես ստեցի , իմ խօսքերը սխալ մեկնուեցան այս անրիծ կոյսին կողմէ , որովհետեւ երկսայրի էին . պէտք էր ուրեմն պարզել իրական իմաստն իմ բառերուն և ես կը շարունակեմ .

— Իմ սրտի կախարդիչը շունչ չունի , աչքեր չունի կուռնելիայի աչքերուն պէս . ան ընութեան հրաշակերտ մը չէ . ան գաղափար մըն է : Ան իմ հայրենիքն է :

Շունչ մը քաշեց ան . վարդերն սկսան վերստին փթթիլ իր այտերուն վրայ . յոյս մը կը շողար անոր հայեացքին մէջ :

— Այսպէս հայրենաբազձօրէն կը խօսիք , ըսաւ ան վերջապէս , այնպէս խանդաղատանքով կը բարբառիք , որ բաղձանք մը կ'ունենամ բոլոր հոգիովս սիրելու նաև ես Զեր հայրենիքը , Զեր երազները :

Այդ միջոցին կը տեսնէի Եռւսուֆը , որ դէպի ինձ կուգար . Մօրեղբօրս գալուստը կը յայտնէր ան :

Կուռնելիայի հետ թէ թէի կը մանենք տունէն ներս : Աքուէրչափիքօ արդէն սենեակն է : Կը խօսի մօրս հետ ուրախ զուարթ :

Ընթրիքէն յետոյ , որու միջոցին իր սովորական զուարթ վիճակը միշտ պահեր էր ան , լուրջ դէմքով մը առանձնութիւն փնտուց :

— Գաղտնի և լուրջ խօսակցութիւն մը պիտի ու-

նենանք, ըստ ան ջանալով դէմքս խուզարկել, ազդեցութիւն գործել ուզող մէկու մը հետաքրքրութեամբ:

Զգացի թէ խնդիրը ինչ բանի վրայ էր: Առանձնացանք մեր տիվանին խորը, մենութեան ու լուսթեան մէջ:

— Իսկէնտէ՛ր, սկսաւ ան, դուք ձեր ընտանիքին պետն էք, հետեւաբար լուրջ և իրաւասու անձի մը հետէ որ կը խօսիմ: Զեր ընտանիքին մէկ անդամը կը նըկատուիմ նաև ես. ուստի ընտանեկան խորհրդակցութիւն մը պիտի ունենանք այս գիշեր. կարեւոր լուրեր ունիմ հաղորդելիք Զեզի: Թէովոսիան վտանգի տակ է:

— Որո՞ւ կողմէ:

— Օսմանցիներու Սուլթանին կողմէ: Գաղտնիք մըն է աս ու բովանդակ Խրիմի մէջ էմինէքէն ու ինձմէ զատ ոչ ոք զիտէ այս բանը: Երրորդ անձը դուք էք, որուն կը հաղորդուի այս լուրը: Զեր ընտանիքին և Զեր անձնական ձգտումներն ու նպատակները ինձի ծանօթ են, այդ պատճառով աւելի քան ուրիշ մէկը ես վստահ եմ Զեր հետեւելիք ընթացքին վրայ: Օսմանցիներուն հետ Զեր ընտանիքին դարաւոր բարւոք յարաբերութիւնները ինձի յուսալ կուտան թէ վերջապէս վճռական բոպէին, որ հասած է, պիտի աշխատիք նըկատի առնել Օսմանցիներու և Զեր ընտանիքին շահը միանգամայն:

— Հաւատացած էք թէ մեր ընտանիքին և Օսմանցիներու Սուլթանին շահերը միեւնոյն գծի վրայ կ'ընթանան:

— Առաջին անգամն է որ այս շեշտը կը լսեմ Զեր խօսքերուն մէջ. կ'երեւի իմ կարծիքս ալ առնելով կ'ուզէք աւելի հաստատուիլ այն դարաւոր կարծիքին վրայ, որուն հետեւողն էք: Ես հաւատացած եմ որ այդ երկու շահերը միշտ մէկ գծի վրայ կ'ընթանան:

— Բայց չե՞ որ մեր հայրենի երկիրներուն աէր դարձած են մաթիհի բանակները :

— Ո՞չ բոլոր երկիրներուն :

— Այսօր մէկ մասը ձեռք անցուցած են, վաղը բոլորը կրնան կուլ տալ :

— Զեր հայրենի դաւաճան իշխամիներուն դէմ շարժող ձեռքը բարեկամի մը ձեռքը կրնայ ըլլալ :

— Այդ ձեռքը, որ աւելի ուժեղ է քան մեր սեփական թշնամին, վաղը մեր կոկորդը կրնայ և զմել :

— Այդ պատահականութեան առջև պէտք է առնել, ուրեմն : Դուք չէք կրնար կոռի երկու ճակատի վրայ : Դուք չէք կրնար Զեզի թշնամի յայտարարել և՝ Գարամանի տունը և՛ Օսմանցիները : Զեր հայրերու խոհեմքաղաքականութիւնը պէտք է շարունակել մանաւանդայս պայմաններու մէջ : Պէտք է նախ փճացնել մէկ թըշնամին, օր մը միւսին դէմ ծառանալու համար :

— Հո՛տ է անկարելին . դժբախտարար մեր հայրերու քաղաքականութիւնը այդ անել կացութեան մէջ մղած է զմեղ . տկար թշնամին, որուն դէմ պայքարելու ոյժը չենք զգար մեր մէջ, կ'ուզենք փճացնել աւելի ուժեղ լախտով մը, ապագային թողլով կոռի զօրաւորին դէմ, որ աւելի ուժեղ ու անդիմադրելի պիտի ըլլայ տկարին իսպառ ջախջախումով : Բայց այժմ ինդիրը հոս չէ, Թէոդոսիայի վրայ օսմանեան արշաւանք մը ինչով կըրնայ ինդրոյ նիւթ ըլլալ մեր ընտանեկան աւանդական ձգտումներու տեսակէտէն :

— Կը զարմանամ որ այդպիսի հարցում մը կ'ընէք : Զեր ընտանիքին համար Թէոդոսիայի պաշտպանութիւնը իտէալ մը չկրնար ըլլալ . Զեր նպատակը պարզ է . վրէժ լուծել հայրենի դաւաճանէ մը . արդ, այդ վրէժը սկսած է լուծուիլ շնորհիւ մաթիհի բանակներուն, որուն ա-

Ղակցիլ անհրաժեշտութիւն մըն է Զեղի համար։ Արդ միեւնոյն բարեկամ կամ դաշնակից բանակը պիտի զայ ափ առնելու Խրիմի դուռներուն առջև, թշնամի՞ պիտի ըլլաք անոնց թէ աջակից։

— Բայց ի՞նչ պիտի ըլլայ իմ և Զեր դիրքը Գենուայի կառավարութեան հանդէպ։

— Ապահովաբար ես ու Դուք չպիտի կրնանք փրկել գենուական այս մեծ շահաստանը։

— Եթէ չենք կրնար փրկել, ուրեմն դաւաճան դառնանք անոր հանդէպ։

— Ինչո՞ւ դաւաճան պիտի դառնանք։ Մեր չէզոքութեամբը ամէն պատասխանատուութենէ խուսափած կրնանք ըլլալ։ Ասկէ զատ, հարկ է կշիռ մը ունենալ ձեռքի մէջ, ամէն դէպքերը կշռել, գնահատել, և ըստ այնմ շարժիլ։ Ո՞վ է Ֆաթիհ, ի՞նչ ուժ կը ներկայացնէ, մենք կրնանք դիմակալել անոր։ Հարցեր են ասոնք, որոնց հարկ է պատասխանել։ Երեւակայեցէք անգամ մը իրաց վիճակը, անցած դէպքերը միտք բերէք, ու համեմատեցէք Զեր կարողութեան հետ։ Թէոդոսիա Գենուայի արեւելեան ամէնէն մեծ ոստանն է. ամբողջ Ասիայի ու Եւրոպայի վաճառականութեան միջին օղակն է. արդ, այսօր վարմին մէջ բռնուած թուչունին կը նմանի։ Իր ամենակարևոր ճամբան Վոսփորն ու Տարտանէլը գրաւուած են. Վոսփորի ամէնէն աչքառու բարձունքներէն մէկուն վրայ կանգնած է Ֆաթիհի բերդը, Պողազ Քէսկն (Մումէլի Հիսար), ուրկէ թնդանօթներ բացած են իրենց բերանները ծովին վրայ։ Իսկ Տարտանէլի վրայ Ֆաթիհի դրած պահակներն են Սէս Իւլ Պամիրն ու Զանավ Քալկն։ Մեր բոլոր նաւերը ահ ու դողով կ'անցնին անոնց առջեւէն, ուրկէ ամէն վայրկեան վառօդը կրնայ բռնկիլ։ Միտքերնիդ բերէք պահ մը թէ ի՞նչ եղան Աև

ծովի ճենովական ուրիշ գաղութներ, որոնց մէջ պատմական Աւասրան: Միտքերնիդ բերէք նոյնպէս Տարտանելի բերանը, Եգէական ծովին հարսხերէն մէկը, Լեսրու կղզին, որ ճենովական Հանրապետութեան թագին դոհարներէն մէկն էր. ի՞նչ եղերական պարագաներու տակ յանձնառու եղաւ Ֆաթիհի լուծին:

— Այդ բոլոր իրողութիւնները յիշելնիդ ինչի՞ կը ծառայեն:

— Կը ծառայեն այն բանին, որուն արդէն դուք ալ համոզուած էք, թէ՝ Խրիմի բախտը արդէն վճռուած է և անօգուտ է անոր հոգեվարքը երկարելու ապարդիւն ջանքեր ընել:

— Օսմանեան արշաւանքը ե՞րբ պիտի կատարուի:

— Ո՞վ գիտէ, վաղը, այս ամսավերջ, երեք ամիսէն:

— Թաթար զինուորներն ի՞նչ դեր պիտի կատարեն:

— Տարակոյս չկայ որ մեզի դէմ են,

— Ո՞չչափ մարտանաւ պիտի կրնայ զրկել Սուլթանը:

— Թայտնի չէ, բայց կրնայ 3—400 մարտանաւեր ճամբայ հանել դէպի Խրիմ:

— Ի՞նչ դիրք պիտի բռնեն գենուացի պաշտօնատարները, որոնց հետ և դուք:

— Կը կարծեմ թէ յուսահատ դիմադրութիւն մը միայն պիտի կրնան ընել. իսկ ես համոզուած եմ այդ դիմադրութեան անօգուտ ըլլալուն վրայ, և պիտի աշխատիմ համոզել իմ ընկերները այս տեսակէտին: Մեղք է աւելորդ արիւն թափել:

— Բայց բարոյական ի՞նչ նկարագիր ունեցած կ'ըլլան մարդիկ ու կառավարութիւն մը, երբ վտանգին

առջիւ վատարէն տեղի տան, ու ինքնապաշտպանութեան թնան թնական պարտականութիւնը չկատարեն:

—Ես համոզուած եմ թէ թէողոսիան պիտի իյնայ առաջին յարձակումին խակ: Արիմը կորառուած դատ մըն է Դնենովայի համար: և եթէ դիմադրէ դեղինեկուա ու դոդոջ շարժումներով, այդ դիմադրութիւնը աւելի աղէտայի պիտի ըլլայ բնակիչներուն համար: Դուք կը հետեւիք ժամանակակից դէպքերուն և Թաթինի ու անոր հրամատագրներու գործերուն: գիտէք թէ որքան խիստ նն անոնք դիմադրող քաղաքներու բնակիչներուն դէմ: Ո՞ր ընդդիմացող քաղաքը չէ անհառուեր ու չէ կոտրուեր ամենասուկ մըն էիք. երբ Պելոպոնէսի դիմադրող քաղաքներուն բնակիչները հրապարակներուն մէջ որէ կ'անցնէին. կարթակոտոր կ'ընէին, և անոնց քաղաքապետներն ու գլխաւորները մէջքերէն կը սղոցէին, երկուքի կը բաժնէին: Ամասարա, որ խաղաղօրէն անձնատուր եղաւ, այդ արեան մկրտութենէն զերծ մնաց: Քաղաքին երրորդ մասը իր տեղը մնաց, իսկ միւս մասը փոխադրուեցաւ Առլիթանին նոր մայրաքաղաքը, բազմապատիկ առանձնաշնորհումներով: Լեսորոսի վենուացի գուքսը՝ Նիկոդայոն, նախապէս կարծեց թէ պիտի կրնար դիմադրել, բայց ապա խոնարհեցաւ ու խորհուրդ տուաւ ուրիշ բերդականներուն անձնատուր ըլլալ: սակայն դիմադրութեան իր առաջին ձախող քայլերը տուժեց յետոյ: Հետեւարար իմ խոր համազումն է որ առանց դիմադրութեան անձնատուր ըլլայ քաղաքը, թերեւս աւելի շահաւոր պայմաններ կարելի ըլլայ ձեռք բերել:

—Տակաւին թշնամիի մը առջեւ չենք գտնուիր, չենք դիմեր թէ ի՞նչ են մեր ուժերը և ի՞նչ՝ թշնամիի-

նը, ուրեմն կանխահաս է այդպիսի դատաստաններ ընել:

— Կը սխալիք, իսկէ՞նտէր, եթէ վստահ էք թէ Սքուէրչափիքօն է որ կը խօսի այժմ ձեզի հետ, վըստահ եղէք նոյնպէս թէ մեր թշնամին մաթիհն է, որուն յարձակումը վերահաս ու վճռուած է, որուն ոյժը աւելի քան ծանօթ է, մեր ոյժին չափ: Երկու ոյժերը կարելի չէ համեմատել. մենք անհամեմատ տկար ենք: Եւ ես ապահով եմ թէ վենետիկն անգամ, որ աւելի քան 9 տարիներէ ի վեր կռիւի մէջ է Օսմանցիներուն հետ, պիտի աջակցի իր թշնամիներուն՝ որ Խրիմը գըրաւուի, կամ գէթ թէուսիայի անկումը լսելով պիտի հրճուի այնչափ որչափ Օսմանցիներու Սուլթանը:

— Այդ եղրայրադաւ զգացումը կը հաստատեմ:

— Մեր մեծագոյն վէրքը հոտ է արդէն: Եթէ վենետիկն ու Գիենուան սկիզբէն ի վեր համել աշխութեամբ շարժէին ու իրարու օգնէին, դէպքերը այս դարձուածքը չէին առներ հիմակ: Ի՞նչ է, ուրեմն, ձեր կարծիքը: Ներկայ պայմաններուն մէջ ի՞նչ կերպ գործել կը խորհիք:

— Ձեր յայտնած իրողութիւններն ու տուած լուրը այնքան ծանրակշիռ են, որ ես ստիպուած եմ երկար խորհիլ, իմ գիրքը որոշելու համար: Բայց մինչ այդ, ի՞նչ է ձեր կարծիքը, ի՞նչ խորհուրդ կուտաք ինձի:

— Իմ կարծիքով ձեր բռնելիք ուղղութիւնը շատ յատակ ու որոշ պիտի ըլլայ: Դուք միշտ պիտի մնաք բարեացակամ: Օսմանեան կառավարութեան, պիտի աջակցիք անոր ծրագիրներուն՝ որոշ չափով, որպէսզի կարենաք հետապնդել ձեր հայրենի նպատակը: այն է փճացնել ու պատժուած տեսնել Գարամանի տունը, և կարելի եղածին չափ տէր դառնալ ձեր հայրենական կալ-

ուածներուն կամ անոնց մէկ մասին, Օսմաննան իշխանութեան հովանիին տակ: Իսկ ճենովական Հանրապետութեան նկատմամբ ձեր դիրքը պիտի ըլլայ վերապահ ու չէղոք:

Այսպիսի շեշտով և ուղղութեամբ երկար խօսեցանք մենք գլուխ գլխի: Մօրեղբօրս խօսքերուն մէջ կային որ ճշմարտութիւնը կը յայտնէին, որ իմ գաղափարներուս այ թարգմանն էին, բայց իմ հոգին կրծող կասկածը միշտ գոյութիւն ունի իմ մէջ: Անոր կարծիքները ամբողջապէս ընդունելի չէին ինձի: Ան տարապայման դրական մարդ է. անոր համար կեանքը և շահը հիմնական շարժիչներն են իր խորհուրդներուն և գործերուն:

Այդպէս չեմ կրնար խորհիլ ես. ճենովական Հանրապետութեան նկատմամբ իմ դիրքը ամէնէն աւելի մտածել կուտայ ինձի: Երկսայրաբանութիւն մը միշտ կը ցցուի իմ առջեւ. ամէն խորհուրդներուս ու ձգտումներուս առջեւ երկուութիւնը կը կանգնի. անորոշութիւն մը, մշուշ մը կը շրջապատէ զիս նոյնիսկ արեւին ճառագայթներուն տակ: Այդ մշուշը ստեղծուած է իմ նախնիքներէն ժառանգած նպատակէն. զիս անորոշութեան մատնող միակ սփինքսը իմ հայրենի վրէժնէ, որ ամէն տեղ կը հալածէ զիս, որ չեմ կրնար գոհացնել առանց առաթուր կոխոտելու ուրիշ բազմազան զգացումներ, նոյնիսկ պարտականութիւններ:

Գաղափարներու խռնումն իմ սրտին խորը պարտասեցուց զիս, և ստիպուած եմ զրիչս թողուլ:

Մայիս 5

Այսօր սովորականէս աւելի երկար ատեն պահեցի իմ մօտ յարգելի ուսուցիչս Քրիստոփորոս Լուքաչի : Ամէն ատենէ աւելի պէտք զգացի անոր ներկայութեան, անոր յիշատակներու վերաբաղրութեան : Լուքաչի վաթսունամեայ ծերունի մըն է, 1470էն իվեր մեր տան մէջ ապրած, իրրե իմ ուսուցիչը :

Իմ մտաւոր զարգացմանս տեսակէտով շատ բան կը պարտիմ այս ծերունիին : Ճշմարիտ իտալացի մըն է ան . շէնչող ու զուարթ իր ալեւոր տարիքին մէջ իսկ . հմուտ ոչ միայն իտալերէնի ու ֆրանսերէնի, այլև լատին ու յոյն լեզուներու : Այս վերջին ազգերու հին գըրականութեան նկատմամբ ինչ հիացում ու յարգանք որ ունիմ, այս ծերունիին ներշնչումն է : Զարմանալի է որ չունի լատին եկեղեցականի մը նեղմտութիւնը, զոր իր բոլոր հոգիովը կը պախարակէ : Միակ ուրուականը, որ զինքը կը հալածէ, մահիկին դէմ ատելութիւնն ու վըրէժն է : Իր միսն ու ոսկօրը շաղուուած է այն ատելութեամբ զոր տարիներէ ի վեր ատձեր է իսլամութեան դէմ, մասնաւորապէս Օսմանցիներու դէմ :

—Կ'ուզեմ որ այսօր անգամ մը եւս պատմես ինձի իսկենէքր Պէկի, Ալպանիոյ հռչականուն իշխանին կեանքէն, ըստ անոր որուն աչքերը փայլեցան այնպէս ինչպէս կը փայլին բոլոր ծերունիներու աչքերը՝ երբ իրենց սիրական մէկ յիշատակները կ'ուզէք քրքրել :

—Ա՛խ, Խոկէնտէր Պէ'կը, ոկսաւ ան, այդ մեծ իշխանը չեմ կրնար մոռնալ, գերեզմանիս մէջէն ոսկորներս անգամ պիտի ուզէին անոր քաջագործութեան դրուագները պատմել :

— Որո՞ւ որդի էր ան, հարցուցի լու քաջախի, ուղղութիւնը մը տարու համար իրեն պատճեաթիւննեւ:

— Ֆան Քասթրիսթայի որդին էր ան, որուն բռն անունն էր Ժարժ կամ Դէորդ Քասթրիսթա: Դարերը ժիշտ էր ձենին արդպիսի հերոաւեր, ան Անդայի շանթին էր անհաւատ խոլամերու զյուռն:

— Ի՞նչպէս տառ իր Խոկինիւր Պէլ անունը:

— Անոր հայրը Ֆան Քասթրիսթա յոյն իշխանն մըն էր, որուն կալուածը Սպիրոսը՝ Եժաթիան էր: Սուլթան Մուրատ Բ.ի հարկատու ըլլալ ստիպուեր էր ան, ինչպէս նաև պարտաւորուեր էր իր չորս որդիները պատանդ տալ Մուլթանին մօտ: Խոկինաւէրի երեք երեց եղբայրները շատ փոքր տարիքի մէջ մեռան: միայն մնաց Դէորդը, որուն գեղեցիկ կերպարանքը, մտացի վարուելակերպը և քաջ աղամարդու իր բոլոր արտայայտութիւնները ուշագրութեան առարկայ դարձան: Օսմաններու փատիշահին կողմէ: Սուլթան Մուրատ այսպիսի ազնուական հոգի մը վաստկելու ցանկութեամբ թիւիանել կուտայ զայն և կ'աշխատի խալամական կըրթութիւնն մը տալ անոր: Անունն ալ կը զնէ Խոկինիւր Պէլ: Իր տաննեւութը տարեկան հասակին մէջ արդէն այքառու դիրք մը կը զբաւէ թուրք բանակներուն մէջ: Սուլթանը հրճուանքով կը աեսնէ իր նորագիր հաւատացեալին բազուկի ոյժն ու յառաջդիմութիւնը: Բայց Խոկինաւէր Պէլ ներքնապէս հաւատացած չէր այդ կըրթանին:

— Բանի որ փոքր տարիքի մէջ պալատ դրուած ու հոն դաստիարակուած էր, ի՞նչպէս կ'ըլլայ որ կատարեալ հաւատացեալ մը եղած չէր խալամական կրօնին:

— Անոր երակներուն մէջ ալպանական արիւնը կար ատկէ զատ պալատին մէջ իրապէս քրիստոնէական

դաստիարակութիւն մը սասացաւ ան : Սուլթան Մուրատ  
իր բազմաթիւ կիներուն մէջ ունէր նաև Սերպիոյ Պէորգ  
Տէսփոթին քոյրը Մարիամ, որ մօր կողմէ ազգական էր  
Խակէնտէր Պէկի հօրը : Մարիամ Սուլթանուհին իրեն  
հետ տարած էր իր նաժիշտներէն մէկը, որ մինչեւ ետքը  
իր մաերիմ գործակիցը գարձաւ իսլամ իշխանապետի  
պալատին մէջ : Ահա այդ նաժիշտին միջոցաւ կրթուե-  
ցաւ Խակէնտէր Պէկ, ծանօթացաւ իր ծագումին, ու  
սասացաւ իտէալը այն բոլոր քաջագործութիւններուն,  
որոնք 25 տարիներու մէջ ցուցագրեց յետոյ :

— Ի՞նչպէս յայտնեց ինքզինքը :

— Խակէնտէր Պէկ սանճագի մը կառավարիչն էր,  
երբ կը մեռնի իր հայրը : Սուլթանը փոխանակ Քասթ-  
րիոթայի յանձնելու իր հօրը իշխանութիւնը, ուրիշ կա-  
ռավարիչ մը կը դնէ հօն ու երիտասարդ իշխանը կը  
քէ յարաշարժ պատերազմներու մէջ, Խակէնտէր առիթ  
մը կը փնտուէր իր զրէմը լուծելու համար : Այդ առիթը  
չուշացաւ . 1443 նոյեմբեր ամսուն, երբ Նիսայի մօտ  
օսմանեան բանակները ջախջախուեցան անպարտելի Հու-  
նիատի կողմէ, Խակէնտէր Պէկ դիշեր մը Ռէիս Էֆէնտիի  
վրանը մտնելով բռնի կը պահանջէ կայսեր անունով հրո-  
վարատակ մը զրել Քրոյայի (Աք-Ղիսար) կառավարիչին,  
որպէս զի ամէն իշխանութիւն իրեն՝ Խակէնտէր Պէկին  
յանձնուի : Հրովարտակն առնելէ ետք կը սպաննէ Ռէիս  
Էֆէնտիին ու կը փախչի բանակէն : Այնուհետև կ'սկսի  
տիրապետել զրեթէ բովանդակ Ալպանիայի, յայտնելով  
ինքզինքը որպէս քրիստոնեայ իշխան մը, կը դաշնակրի  
շրջակայ իշխաններու հետ, ու կը ցուցադրէ ինքզինքը  
որպէս ոխերիմ հակառակորդ Օսմանցիներուն : Քսան և  
հինգ տարի շարունակ ահեղ կռիւներ մզած է մեր թըշ-  
նամիներուն դէմ ու միշտ յաղթած է անոնց : Տասնը-

եօթը երկար տարիներ իր խոստովանահայրը եղած եմ, աչքերովս տեսած, ձեռքերովս շօշափած եմ իր մեծամեծ քաջութիւնները :

— ՄՌ Թուականին ընդունուեցաք անոր արքունիքը :  
— 1450ի վերջերը :

— Այն տարին, երբ ես ծներ եմ :

— Այն տարին, երբ Իսկէնտէր Պէկ փառքի գագաթնակէտին վրայ էր արդէն : Քանի քանի կորիւներու մէջ ջախջախիչ պարտութեան մատներ էր Ալի փաշաները . Ֆիրուզներն ու Մուլթաֆա փաշաները, Նոյն ինքն Սուլթան Մուրատ ոչինչ կրցեր էր ընել իր 60,000 Սիփայիներով և 40,000 Եէնիչէրիներով . կրկին պաշարեր էր Քրոյան, բայց ապարդիւն մնացեր էր . Սուլթանը խոնարհեր էր, ուզեր էր հաշտութեան բանակցութիւն կատարել, իր հովանիին տակ անկախ իշխանապետ կը կը ճանչնար զայն՝ ապստամբ երկիրներուն վրայ, բաւական է որ տարեկան 5—10 հազար տուքատ վըճարէր ան իրրե տուրք : Սակայն Իսկէնտէր մերժեր էր խրոխտօրէն, ըսելով . «Իմ հայրերու երկիրը չի կը ունար հանդուրժել իսլամի լուծին, որքան ալ թեթեւ ըլլայ ան :»

— Եւ Սուլթանը ձեռնունայն դարձեր էր իր երկիրը, Աղրիանուպոլիս, ուր իր զաւկին՝ Ֆաթիհի հարսանիքն էր սարքեր : Երբ ես ընդունուեցայ Իսկէնտէրի արքունիքը, անոր համբաւը աշխարհածանօթ էր արդէն, անոր անունը յարգանք ու պատկառանք կը ներշնչէր ամէնուն :

— Այդ պատճառով էր ուրեմն որ իմ մեծ հայրն ուզեր էր Իսկէնտէր կոչել զիս :

— Այդ, այդ պատճառով էր որ քու դաստիարակութիւնդ ալ յանձնուեցաւ Իսկէնտէր Պէկի սեղանակից

ու գաղափարակից ծերունիին։ Ո՞րքան հաճոյքով կը կը տեսնեմ քու զարգացումդ ու յառաջդիմութիւնդ։ Իսկէնտէր Պէկի իտէալները քուկիններդ ալ են, և ես Սիմէոն ծերունիին պէս պիտի չմեռնիմ մինչև որ քու քաջադործութիւններուդ ալ վկան չըլլամ։

— Մեծ բանակներ ունէ՞ր ան իր յաղթութիւնները տանելու միջոցին։

— Իսկէնտէր Պէկ անգամ մը միայն ծանր կացութեան ենթարկուած է, այն ալ իր բանակին թուով շատ եղած ժամանակ։ ուրիշ ամէն անգամ միշտ յաղթած է երբ թուով քիչ բանակի մը հրամայած է։ Մուսայի առաջնորդութեամբ 150,000ոց թրքական բանակին 10,000 հոգիով դիմադրած, ջախջախած ու փնացուցած է։ Իսա Պէյի և Համզա փաշայի 40,000ոց բանակին 6—7 հազար հոգիով դիմագրաւեց ան։ Շէրէմէթ Պէյ իր 14,000 հոգիով տարտղնեցաւ Ալպանիոյ անհիւրընկալ սարերուն վրայ, թուով անհամեմատ ստոր բանակի մը կողմէ։ Պալապան փաշա իր 18,000ով Շէրէմէթ Պէյի բախտին վիճակակից եղաւ, նոյն անհիւրընկալ երկրին երկաթէ կիրճերուն մէջ։ Այդպիսի բազմաթիւ բանակներ ովկիանու ալիքներուն պէս ամէն տարի, մէկ կամ աւելի անգամներ, կուգային բաղխիլ Ալպանիոյ քարաժայռերուն, փշուր փշուր տարտղնելու համար։ Ա՛հ, 1465ին էր, Իսկէնտէր Պէկի մահէն երկու տարի առաջ, Ֆաթիհ անձամբ գլուխ անցեր էր աւելի քան 150,000ոց բանակի մը, եկեր էր Ալպանիա։ Քրոյան միշտ կանգուն ու խրոխտ էր։ անոր պարիսպներուն առջե իրենց վախճանը գտան Պալապան փաշա ու աւելի քան 40,000 զինուորներ։ Այս բոլոր հրաշքները գործեր էր Իսկէնտէր Պէկ ափ մը քաջերով, զոր գիտէր խանոգավառել, հրդեհել։ Գեղէօնի ընտրեալ զօրականներուն

պէս, Երիքովը պաշարող Յիսուսի քաջերուն պէս էին անոր հետեւորդները. անոնք մէկ նշանաբան մը ունէին.

«Եթէ Աստուած ի մեր կոյս է, ո՞ իցէ մեզ հակառակ»:

— Անշուշտ Իսկէնտէր Պէկի օգնած պէտք է լլայ իր երկրին լեռնոտ ու անմատչելի դիրքը:

— Անտարակոյս, բայց Ալպանիան հազարաւոր տարիներէ իվեր նոյն լեռնոտ ու անմատչելի երկիրն է, սակայն Քասթրիոթան միայն կրցաւ Իսկէնտէր Պէկ մը դառնալ ու անպարտելի մնալ: Անոր մահէն անցեր է ահա շուրջ տասը տարի, և չէ գտնուեր ալպանացի իշխան մը որ օգտագործէ այդ երկրին անտոիկ դիրքը: Զէ՛, Ամիրրէ՛դ, Իսկէնտէր Պէկը հասարակ մարդերէն չէր. ես մօտէն անսեր իմ, լսեր եմ անոր հագագին մըռռունչը, զգացեր եմ անոր լանջքին ելեւէջը, ու կը վըկայեմ որ հազուագիւտ դէմք մըն էր ան. աստուածային բարկութեան գաւազանն էր: Աւելի մեծ էր քան հին ազգերու հերոսները, քան Հերակլէսը, քան Թէսէսուը, քան Աքիլլէսը, որովհետեւ անոնք իրենց քաջագործութիւններուն մէջ մէյմէկ դաւադիր սիրուհի կամ յաւերժահարս ունեցած են. եթէ կարելի է հաւատալ անոնց, բայց Իսկէնտէր Պէկ իր մարդկային ուժով և իմացականութեամբ կրցաւ կատարել այն մեծագործութիւնները: Ա՛հ, եթէ շրջապատի, Եւրոպայի քրիստոնեայ իշխանները, դաւաճան Վենետիկցիները, իտալական բոլոր հանրապետութիւնները լսած ըլլային անոր կոչին, այսօր մահիկը չէր ծածաներ ոչ Ս. Սոփայի դանդակական վրայ, և ոչ Ասիայի ու Եւրոպայի գրկախառնումին ծնունդ եղող մեծ ոստաններուն ու բերդերուն վրայ:

Հայր Լուքաչի երիտասարդական խանդով ու կեն-

դանի գոյներով նկարեց տակաւին Խսկէնտէր Պէկի քա-  
ջագործութիւնները, իմ հիացումը քաշելով իր ետեւէն +  
Այս քանիերորդ անդամն է Ալպանացի մեծ իշխանին  
կեսնքը իր խօսքերուն նիւթ կը դառնան, քայց ամէն  
անգամ նորութիւն մը, նոր մանրամասնութիւն մը կը  
բերեն ինծի: Խրաւունք ունի միշտ խանդավառուելով  
այդ մեծ հերոսին կեսնքովը, որովհետև ան հետապնդած  
է միշտ միեւնոյն բարձր նպատակը, ցոյց տուած է միշտ  
միեւնոյն ծարաւը՝ վրէժի ու ատելութեան, զոր հաղոր-  
դեր ու արմատացուցեր է այս ծերունիին մէջ եւս:

Խսկէնտէր Պէկ մեր ընտանիքին ևս տուած է ներ-  
շընչում ու խանդ, մեր ընտանիքին մէջ եւս հիացումի-  
կուոք մը դարձած է իրաւամբ:

Իմ հայրերն ու զեր են որ իրենց որդին նոր Խսկէն-  
տէր մը ըլլայ Կիլիկեան բարձունքներուն վրայ: Ես պի-  
տի ցուցնեմ որ Թէոդոսիայի պարիսպներուն վրայ աէ  
իրենց որդին գիտէ նմանիլ Խսկէնտէր Պէկի:

Երեք չորս օրէ իվեր երկա՛ր ու խորունկ մտածեր  
ևմ ու կը դրոշմեմ հոս իմ եղրակացութիւնը.

Սիմիսեաններու ճետը չի կրնար չէզոք ու հանդի-  
սատես մնալ Թէոդոսիայի եղերական վայրկեաններուն  
մէջ. ինչ որ ըլլան Սքուէրչաֆիքոյի համոզումներն ու  
ընթացքը, ինչ որ ըլլան Էմինէքի ու թաթար միւս իշ-  
խաններուն տրամադրութիւններն ու դաւերը, Ամիրբէդ  
չի կրնար գաղափարակից ըլլալ ու չի կրնար չի քալել  
իր ճամբան:

Կիլիկիան ինչպէս մեր հայրենիքը եղած է երբեմն,  
նոյնպէս մեր հայրենիքն է այսօր Խրիմը. Աոցուս գիտ  
(Այս անկիւնը կը ժպտի ինծի): Թէոդոսիան իմ ծնունդը  
տեսեր, իմ մանկութիւնն օրօրեր, իմ երազները անու-  
ցեր է: Ես չեմ կրնար լքել զայն, դաւաճանել անոր:  
իմ և իմ ընտանիքին յարաբերութիւնները աւելի սերտ

հզած են ճենովական Հասարակապետութեան, քան թէ  
Օսմանեան կառավարութեան հետ, Մեր ընտանիքը ինչ-  
քեր, ստացուածքներ ունի, զորս ձեռք բերած է դե-  
նուայի հոգածիքն տակ, ու ցարդ պահպանած է զանոնք  
միեւնոյն հոգածիքն ներքեւ, թէողոսիան իմ տունն է,  
որուն պարիսպներուն տակ կուզայ ական փորելու իմ  
մէկ բարեկամը. այդ բարեկամը իմ թշնամին կըր-  
նայ Ըլլայ: Ու ես պարտաւոր եմ պաշտպանել նախս իմ  
տունը:

Մօրեղբայրս իմ առջեւ կը ցցէ մեր ընտանիքին ա-  
ւանդական քաղաքականութիւնը, հայրենի վրէժը. այդ  
աւանդական քաղաքականութիւնը շարունակելու հա-  
մար հարկ է բոյն մը ունենալ:

Աւելին կայ. ճենովական Հասարակապետութեան  
հանգէպ բարեյական ու նիւթական պարտականութիւն  
մ'ունի մեր ընտանիքը, և այդ պարտականութիւնը չէ  
կարելի զանց ընել:

Թաթիհի բանակներն ու նաւատորմը, որ պիտի գան  
ձեծել թէողոսիայի դռները, և՛ մեր թշնամիներն են բը-  
նականօրէն: Ինքնապաշտպանութեան գործին մէջ ո՞և և է  
թոյլ շարժում մը կամ վերապահ ընթացք մը դաւա-  
ճանութիւն պիտի Ըլլար հասարակաց հայրենիքին հան-  
գէպ. մեզի համար Արիմը այն չէ ինչ որ է որ և է եր-  
կիր անոնց համար որոնց նշանաբանն է ubi bene, ibi  
patria (ուր հանգիստ է, հոն է հայրենիքը, ուր հաց՝  
հոն կաց): Արիմը մեր ընտանիքին համար երկրորդ հայ-  
րենիք է. առաջինը կորեր է մեր հայրերու անտարբե-  
րութեամբ, անհոգութեամբ կամ իրերամերժ զգացում-  
ներով. գոնէ պէտք չէ թողուլ որ երկրորդ հայրենիքը  
մեր ձեռքէն խլեն:

Եւ ո՞վ է եկողը, ո՞վ է նոր տիրապետ Ըլլալու սահ-

մանուած անձը։ Ֆաթիհ՝ իսլամ բռնապետ մը, որուն  
բովանդակ ոյժը կը կրթնի Եէնիչըիներու եաթաղանին  
վրայ, որ միապետ մըն է ինքնիշխան ու քմավար,  
մինչդեռ Թէոդոսիոյ այժմու տէրը ժողովուրդ մըն է,  
հասարակապետութիւն մը՝ աւելի քաղաքակիրթ, ա-  
ւելի բարգաւաճ, աւելի մարդասէր, որուն կրօնը հիւ-  
նուած է սիրոյ վրայ, փոխանակ սուրին՝ որ հիմունքը  
կը կազմէ իսլամի կրօնին։

Ահա այդպիսի տիրոջ մըն է որ իմ մօրեղբայրը կը  
հրաւիրէ զիս դաշնակցիլ։ Այո՛, աջակցիլ որ սուրը տի-  
րապետէ սիրոյ տեղ, օգնել որ բռնապետութիւնը թա-  
գաւորէ հասարակապետութեան տեղ, վայրենութիւնը՝  
քաղաքակրթութեան տեղ։ Զէ, այդ բանը չի կրնար  
ընել Ամիրըէզը, այդ իր կարողութենէն վեր է։

Սքուէրչաֆիքս կրնայ իմաստակօրէն ըսել։ primum  
vivere, deinde philosophari (նախ ապրիլ, ապա փե-  
լիսոփայել), կրնայ իր հայրենիքը մատնել թշնամինն  
անհատական վրէժ մը լուծելու համար, կամ, ինչպէս  
կ'ըսէր, ի զուր թափուելիք արիւնը խնայելու համար.  
այդ իր զիտնալիք բանն է։ Ես չեմ կրնար չէզոք մը-  
նալ կամ վերապահ դիրք մը բռնել, ինչպէս կը յանձ-  
նարարէր ինձի։

Ամիրըէզ իսկէնտէրը միշտ տէրը պէտք է մնայ իր  
պարտականութիւններուն։

Մայիս 6

Այսօր քաղաք կ'իջնեմ, կը տեսնեմ ճենովական գործակալներէն ու հոգաբարձուներէն մէկ երկուքը, կը տեսակցիմ մէկ քանի հայ վաճառականներու և սեղանաւորներու հետ. կ'ուզեմ հասկնալ թէ արդեօք ո և է տեղեկութիւն ունի՞ն վերահաս աղէտէն: Այսնքն ալ անտեղեակ են: Եւ ես առ այժմ ոչ մէկ ծանօթութիւն կուտամ իրենց:

Հարկ է սակայն յայտնել փութով. վայրկեանները սուղ են. գուցէ յարձակումը սկսի շուտով: Արդէն եթէ այս տարի մտադրութիւն կայ արշաւանքը սարքելու և ի կատար հանելու, չի կրնար մէկ կամ երկու ամիսէն աւելի ուշ ժամանակի մէջ տեղի ունենալ, նըկատելով որ Պոնտոս կը սկսի փրփրիլ այսուհետեւ ու ոչ մէկ նաւ ային գործողութիւն կարելի է կատարել:

Բարեբախտաբար յարմար առիթ մը կը ստեղծուի ինձ համար տեսակցելու Քէֆէի կայսերական Հիւպատոսին հետ: Իր բարապաններէն մէկուն միջոցաւ կանչեր էր զիս առեւտրական խնդիրի մը համար տեսակցելու: Կը գտնեմ զինքը միայնակ իր պալատին սեփական սենեկին մէջ: Անմիջական խնդրի մասին քանի մը խօսք փոխանակելէ յետոյ,

— Յոյժ կարեւոր տեղեկութիւն մ'ունիմ հաղորդելիք, կ'ըսեմ անոր, Զերդ Գերազանցութիւնը թող բարեհաճի քանի մը վայրկեան շնորհել ինձի, և ազդարարէ բարապաններուն որ մեր տեսակցութիւնը չի խանդարուի ուրիշ ո և է այցելուի մը կողմէ:

Հիւպատոսը հետաքրքիր անմիջապէս կը կատարէ իմ խնդիրը, ու իր աթոռը աւելի կը մօտեցնէ ինձի:

— Տեղեկութիւն ունիք արդեօք, որ թէողոսիան վտանգի տակ է, կը սկսիմ իմ խօսքերը:

— Ի՞նչ վտանգ և որո՞ւ կողմէ, ես պաշտօնապէս ո՞ւ է տեղեկութիւն չունիմ տակաւին:

— Մեր ոստանը վտանգի ներքեւ է Օսմանցիներուն կողմէ, որոնց մարտանաւերը գուցէ մօտիկ ապագային մեր պարիսպներուն առջեւ տեսնենք:

Քրքումի թոյր հագաւ հիւպատոսին դէմքը:

— Մրգան ստոյգ տեղեկութիւններու վրայ հիմնուած այդ լուրը կը հաղորդէք ինձի, հարցուց ան:

— Այս լուրին վրայ վստահ եմ այնքան որքան ստոյգ զիտեմ թէ Սիմիսեան Խսկէնտէրն է որ կը խօսի Զերդ Գերազանցութեան հետ:

— Ե՞րբ ու ի՞նչ եղանակով պիտի գործեն յարձակումը:

— Չեմ զիտեր թէ ե՞րբ ու ի՞նչ եղանակով պիտի յարձակին, բայց սա լաւ զիտեմ որ Պալթա լիմանիի մէջ հանդերձուած մարտանաւերուն թիւը 300ը անցած է արդէն. Կէտիկ Ահմէտ փաշա հրաման ստացած է անոնց կազմակերպութիւնը փութացնել, միւս կողմէ էմինէքի բանակները խուլ պատրաստութեան մէջ են:

— Զարմանալի է որ Մէնկլի Քէրէյ, Էմինէքի եղբայրը, որ մեր մօտ ապաստանած է, ոչ մէկ տեղեկութիւն ունի զինուորական այդ շարժումներու մասին:

— Անշուշտ չի կրնար տեղեկութիւն ունեցած ըլլալ, որովհետեւ իր եղբայրներուն երեսէն, մանաւանդ Ահմէտ Քէրայի կողմէն հալածական՝ ապաստան գտած է մեր մօտ: Ան ալ թշնամի մըն է ոխերիմ, որքան մննք:

— Վստահ եմ թէ դուք ճշմարտութիւնը կը խօսիք, սակայն շօշափելի ապացոյց մը չէք տար, որ ես կարենամ պաշտօնապէս ինքնապաշտպանութեան պատրաստուելու հրամաններ տալ:

— Եօշագիելի ապացոյցներ չեմ կրնար տալ, որովհետեւ իմ տեղեկութիւնները գրաւոր փաստաթղթերու վրայ հիմնուած չեն, այլ նոյն ինքն էմինէքի և անոր խորհրդականներուն բերանացի յայտարարութեան վրայ:

— Ուրեմն իրականութիւնն է որ կը խօսիք:

— Արդեօք տարակոյանները ունիք տակաւին:

— Տարակոյս չունիմ այլեւս, բայց կը զարմանամ որ ոչ ձենովական կառավարութենէն տեղեկութիւն մը արուած է ինձի, և ոչ Պոլսոյ մեր գործակալներէն. ամէնքն ալ կը քնանան: Ես պաշտօնական տեղեկութիւններ ունիմ, որ Վենետիկեան կառավարութիւնը իր գէմ ուղղուած կը նկատէ Ֆաթիհի պատրաստութիւնները, ու կը պատրաստուի մասնաւոր դեսպաններ դրկել Պոլիս:

— Զերդ Գերագանցութիւնը թող չզարմանայ որ Ֆաթիհի գաղանիքներուն ոչ ոք կրնայ տեղեակ ըլլալ: Հաւաստի տեղեկութիւն ունիմ որ Սուլթանին ամէնէն համակրելի շահզատէններէն մէկը ձէմ Սուլթան, փափաքելով տեղեկանալ այդ նաւային պատրաստութիւններուն նպատակը, իր հարցման հետեւեալ պատախանը ընդունած է. «Տղա՛ս, եթէ լեզուս իմ գաղանիքը տարածայնէ, անմիջապէս լեզուիս մէկ մասը կը կտրեմ, որովհետեւ գաղանիքի հետամուտ անդամ մը չի վայլեր փատիշահներու մարմինին:»

— Ե՞րբ իմացաք Դուք այդ տեղեկութիւնը, թէ Սուլթանը մտադիր է յարձակիլ Խրիմի վրայ:

— Երեք չորս օր է տեղեկութիւն ունիմ արդէն ու ամէն կերպով վստահ ըլլալէ ետքն է որ Զերդ Գերագանցութեան կը ծանուցաննեմ: Բայց կ'զգամ թէ Զերտաստամունները իրաւացի են: Որպէս զի պաշտօնական տեղեկութիւն մը կարենաք ձեռք բերել, կրնաք հե-

տեւեալ միջոցին դիմել . կրնաք խմբագրել կարճ , բայց  
վճռական յայտարարութիւն — տեղեկութիւն մը , զոր  
իր թէ ստացած ըլլաք Պոլսոյ Զեր գործակալէն :

— Կը հասկնամ , իր թէ իմացած ըլլան Ձաթիհի  
նպատակը Խրիմի մասին :

— Եւ այդ զիրը Զեր ձեռքը՝ կը հրաւիրէք Աքուէր-  
չաֆիքօն , Էմինէքի մտերիմներէն մէկը , կը ցուցնէք  
այդ լուրը , և կ'աշխատիք իմանալ թէ արդեօք ինքն  
ալ տեղեկութիւն ունի՝ այս լուրի մասին :

— Կամ թէ կրնայ Էմինէքի բերնէն յաւելուածա-  
կան տեղեկութիւններ ստացած ըլլալ ու հազորդել :

— Թէ իր խոհականութեան վրայ վասահ , իր խոր-  
հուրդներուն դիմում կ'ընէք , Զեր դիրքը որոշելու հա-  
մար : Մէկ խօսքով կ'աշխատիք գաղտնիք կորզել իր  
բերնէն , և այդ յայտնութիւններուն վրայ հիմնուելով  
պաշտօնապէս կրնաք ինքնապաշտպանութեան պատ-  
րաստութիւն հրամայել :

— Զեր այդ գաղափարը լաւ է :

— Բայց պիտի խնդրէի որ մօրեղբայրս վստահ ըլ-  
լայ թէ ես ո՛ և է տեղեկութիւն տուած չեմ Զեզի :

— Պիտի աշխատիմ որ ինքը յանձնարարէ նաև Զեր  
օժանդակութիւնը ինձի , որովհետեւ Զեր քաջութեան  
ու խորհուրդներուն աէտք պիտի ունենամ :

Պալատէն մեկնելով խղճի անդորրութիւն մը և գո-  
հունակութեան զգացում մը կ'իմանամ իմ ներսը .  
կարծես ամազ մը խաղաղութիւն անձրեւած ըլլար իմ  
հոգուն մէջ :

Այն Հիւպատոս , ո՛րքան ընկնուած երեւոյթ մը  
առաւ իմ խօսակցութեանս բովանդակ տես ողութեանը  
միջոցին :

Բայց , Գենուայի ներկայացուցիչը թող հասկնայ

թէ Սիմիսեաններու ընտանիքը ո՞րքան հաւատարիմ հըպատակ է իրեն։ Ապահովաբար, եթէ թէղողոսիան իսպառ կորսուի Գենուայի համար, իրենց հայ հպատակ ներուն դաւակցութիւնով չէ որ տեղի պիտի ունենալ այդ բանը։

— Եռւսո՛ւֆ, կ'ըսեմ իմ ազատագրեալին, երբ իմ պաշտօնատունը կը դառնամ, Եռւսո՛ւֆ, անմիջապէս հազորդէ՛ Կոռիկոս ու Սեղեւկիա նաւերու նաւապետներուն, որ ընդհուպ պարաստութիւն տեսնեն ճամբայ եւնելու դէպի Հռոդոս, առանց ո՛ւ և է տեղ կանգ առնելու։ Հռոդոս պիտի սպասեն մինչեւ որ մեկնելու հըրաման ընդունին անկէ։ Նոյն խոկ կանգ չպիտի առնեն Պոլսոյ առջեւ։ Խոկ կիշիկիա, Խրիմ ու Թէռոյոսիա նաւերը պէտք է մնան հոս, այլեւս ոչ մէկ բեռ չառնեն, իրենց ապրանքները պարպեն ու պատերազմական վիճակի մէջ դրուին։ Բայց առայժմ թնդանօթները պիտի չտեղաւորուին։ Բայց նայեցէք որ այս գործերը կատարուին անշշուկ, առանց մեծ իրարանցումի։

— Բայց երբ երկու նաւերը մեկնին, առանց մեկնումի որոշեալ օրին սպասելու, առանց սահմանուած բեռներն առնելու, արդէն զանազան տարածայնութիւններու տեղի պիտի տայ այդ։

— Հոգ չէ. թո՛ղ մենէ չելնէ այդ տարածայնութիւնը, ուրիշներն ինչ են թագրութիւն կ'ընեն թող ընին։ Ուշադրութիւն ըրէք, որ չըսի թէ անմիջապէս մեկնին, այլ պատրաստութիւններ տեսնուին։ Այսօր և վաղը, այնպէս մը սարքելու է որ տակաւին ուրիշները կասկած չունենան եղած պատրաստութիւններու մասին։

— Ապահով եղէք, Տէր իմ, պատասխանեց ան։

Եռւսուֆի վրայ մեծ վստահութիւն ունիմ. այո՛, ապահով եմ որ ան հասկցաւ իմ միտքը։

Իրիկնամուտին ամարանոց դարձեր էի արդէն .  
քայլերս անզգալիօրէն ուղղուեր էին նախ դէպի ծո-  
վեզերք , ապա դէպի Տէրմինոսի արձանը , իմ մտա-  
ծումները բազմազան՝ արծիւի թեւերէն աւելի զօրաւոր  
թռիչքներ ունէին այդ պահուն : Կիլիկիան կը կապէին  
Խրիմի . Պալիսէն կը սլանային Սելեւկիա , Կոորկոսէն  
Թէոդոսիա , Տէրմինոսի արձանը , որուն վրայ անզգա-  
լարար կը փնտոէին ծաղկեփունջը ըդձալի :

Սիրուն , թարմ ու երփներանգ ծաղկեփունջ մը կը  
հանգչէր այդ արձանին զլխուն վերեւ , - որպէս պսակ :  
Քայլ մըն ալ . Էմինէքի գուստը կը տեսնեմ զլխահակ .  
մտածկոտ ու տիսուր : Ինչ խոչեր կը փոթորկն արդ-  
եօք իր հոգին , դէպի ուր կը ձկոյին անոնք . ապահո-  
վարար կը թռչին դէպի Սիմիսեաններու ճետը , որ ,  
ափսո՞ս , անըմբռանելի վարուժանն է՝ միշտ թափառկոտ  
ու հեռակայ :

Ա՛ն , ինչո՞ւ բախտը՝ անողոքօրէն կը բաժնէ մեր  
երկու սիրտերը . եթէ սահմանուած չէին միանալու ,  
ինչո՞ւ մեր քայլերը զիրար խաչաձեւեցին :

Այդ սիրուն . աստուածաշուք գլուխը , այդ խարտ-  
եալ գանգուրները , այդ ոսկի վարսերը , այդ լեցուն ու  
առոյդ լանջքը , ինչ բնազդներ չեն արթնցներ իմ ե-  
րակներուն մէջ :

Կը յառաջանամ դէպի ծաղկեփունջ , բոյր մը առ-  
նելու համար անկէ : Երկու քայլ եւս եղնիկը կ'արթըն-  
նայ : Համակ խանդ , համակ աւիւն . խենդի պէս կը  
նետուի իմ բազուկներուն մէջ : Ա՛ն , այս բարախուն  
թռչնիկն , իմ թեւերուս մէջ . . .

— Փերիչէհէր , ես անզութ եմ և անարժան քու սի-  
րոյն , ես ստիպուած եմ մեղնել իմ մէջ ամէն համակ-  
ըութիւն դէպի քեզ :

— ԱՇ. ո՛չ, դուք անզութ չեք, անզութը Զեզ լրբապատող պայմաններն ու միջավայրն է, Որքան երջանիկ իմ, սակայն, Զեզ կրկին տեսնելով իմ մօտ, Դուք կը յուզէք զիս երբ եզակի ու ընտաներար կը խօսիք ինձ հետ:

— Իմ զգացումն էր որ այդպէս ներշնչեց ինձի անընդադրար. կ'ուզեմ որ դուն ալ այդպէս փոխադարձես:

— Ո՛չ, ես կ'ուզեմ որ Դուք նկատէք զիս Զեր ըստ բուկը, բայց ոչինչով կապուած ըլլաք ինձի: Ես պէտք է մնամ Զեզի համար իմինէքի դուստրը միայն, որ բախտին մէկ խաղը Զեր առջեւ հաներ է, և որուն համար դուք միեւնոյն իսկէնտէրն էք յարգելի: Ես ոչինչ եմ առանց Զեզի, բայց զուք պետք է մնաք միշտ միեւնոյն առիւծը, միշտ միեւնոյն տղամարդը:

— Ո՞րքան յորդահոս են բառերդ, գարունս, զգացումներուդ զեզումն են ատոնք: Անցնող օրերուն սախառեցանք սպասել երկար:

— Այն ծազկեփունջը զոր տեսաք՝ չորրորդն է իր տեսակին մէջ, Միայն այս վերջինը բախտն ունեցաւ Զեր առնական գեղը տեսնել ու բերել ինձի:

— Ուրեմն ամէն իրիկուն կ'սպասէի՞ք հոս:

— Ամէն իրիկուն, ամէն առտու, թէե վստահ էի թէ այդ արշալոյաները բեղմնաւոր չէին կրնար ըլլալ ինձ համար: Զէք զիտեր, Ամիրրէգ, թէ ինչպիսի անձկութեամբ կ'սպասեմ ձեր ճամբան:

— Բայց աղէտ մը պիտի բերեն քու թերեւս նաև իմ գլխուն այս սպասումներն ու հանդիպումները:

— Ես չեմ վախնար իմ գլխուն պայթելիք աղէտներէն, բայց տերեւի պէս կը դողամ Զեր մասին: Ուրիշ մտահոգութիւն չունիմ արդէն, ատկէ զատ:

— Հոգիս, դուն չե՞ս զիտեր պարսիկ տռածը, որ  
կ'ըսէ . «Աէրը խորհուրդ մըն է զոր կարելի չէ բացառ-  
քել, կարելի չէ ծածկել երկու հարիւր քօղի տակ» :

— Շատ եմ մտածեր այդ խորհուրդին վրայ, բայց  
դուք այ չէ՞ք յիշեր այն տառածածային տռածը, որ կ'ը-  
սէ . «Բարեկամի մը ներկայութիւնը պատկերն է դրախ-  
տին : »

— Այս', հրեշտակադէմդ դու, կ'զգամ թէ որքան  
տառապած ես ու կը տառապիս . ճիշդ յէ՞ր-ուրեմն անց-  
եալ օրուան իմ խօսքը թէ մեր սէրը տառապանք կըր-  
հայ ժնիլ . ես կը կրկնեմ նոյն բանը դարձեալ այսօր :

— Այդ տառապանքը միայն ինձ համար, երջանկու-  
թիւն է համակ, բաւ է որ իմ առիւծը անմասն մնայ  
անկէց : Մօրեղբայրդ տեսակցե՞ր է Զեզի հետ :

— Այս', ծանօթութիւն ունի՞ք այդ մասին :

— Հօրս սենեկապանը իմացուց ինձի թէ տեսակց-  
եր էք :

— Սենեկապանը ինչէ՞ն կ'իմանայ մեր տեսակցու-  
թիւնը :

— Մըսէրչափիքօ հօրս տեղեկացուցած ժամանակ  
կրցեր էր իմանալ ու յայտնել ինձի : Արդէն զիս շատ կը  
սիրէ ու հօրս մօտ բոլոր անցած դարձածները կ'իմացնէ  
ինձի :

— Մօրեղբայրս ինչպիսի՞ տեղեկութիւն տուեր է  
մեր տեսակցութեան կամ խորհրդակցութեան մասին :

— Հաճոյքով տեսեր է որ Դուք թէօղոսիայի պաշտ-  
պանութեամբ այնքան չէք հետաքրքրութիր . նոյնիսկ  
վստահ է թէ պիտի գործակցիք ալ իրենց :

— Հայրդ համոզուա՞ծ է այդ բանին :

— Այս', բայց կասկածը զիս կը կրծէ, Ամիրբէ՞գ :

Ահ, չեմ ուզեր որ Զեր ծրագիրներուն կամ դիտումներուն մասին ամենափոքր յայտնութիւն մ'իսկ ընէք. չեմ ուզեր որ Զեր ծրագիրներուն ծանօթ ըլլալս ատուեր մը բերէ իմ ու Զեր յարաբերութեան մէջ, կասկածներ ներշնչէ Զեղի. ինչպէս ըսի զիս նկատեցէք միշտ է մինէքի աղջիկը, ուրկէ հարկ է զգուշանալ. իսկ ինձ համար խնդիրը տարբեր է. իմ ու մեր շրջապատի բոլոր գաղտնիքներուն կրնաք ծանօթանալ, որպէսզի խուսափիք վտանգներէ, որովհետեւ Զեր անձին շուրջ դաւեր կը նիւթուին ամէն օր:

— Նոր վտանգներ տեսած էք, ուրեմն:

— Եթէ նոր վտանգ մը տեսնայի որոշապէս, մինչև հիմակ դուք ծանօթացած կ'ըլլայիք ապահովաբար: Բայց տիսուր նախազգացումներ կը հրդեհեն զիս: Ահ, Ամիրբէ՛դ, զգուշացէ՛ք, զգուշացէ՛ք կ'ըսեմ:

— Եթէ պարտականութիւն մը կատարելու միջոցին ու այդ պատճառով պիտի գայ վտանգը, այդ փառք մը պիտի աւելցնէ իմ ճակտին վրայ. իսկ եթէ անհատական վրէժինդրութենէ մը կամ շահախնդրութենէ մը պիտի ծնի, դարձեալ ինձի հոգ չի կրնար պատճառել, որովհետեւ ես տեղի տուած չեմ բնաւ ու չպիտի տամ երբէք: Դուն կ'ուզէի՞ր որ սիրոյդ համար իմ պարտականութիւններս զոհէի:

— Իմ սիրոյն իմաստն ըմբռնած չպիտի ըլլայիք եթէ այդպէս վարուէիք:

— Պիտի ուզէի՞ր որ Փէրիշէնէրի սիրոյն արժանի ըլլալու համար Ամիրբէ դաւաճանէր իր հայրենիքի ու հայրենի շահերուն:

— Զեր ճակատը խարանողներէն առաջինը պիտի ըլլայ է մինէքի աղջիկը:

— Լա՛ւ ուրեմն, վստահ եղիր, սիրելիս, թէ իս-

կէնտէրը իր անունին անպատռութիւն պիտի չբերէ երբէք . բայց այդ բանին համար ստիպուած պիտի զոհէ իր սէրը . պիտի ըլլայ ամուլ որպէս Կողքիսի Ժայռերը :

— Ահ , եթէ անգիտակցաբար թոյն մը դարձայ Զերսիրոյն , զոր կը տածէք ո և է բախտաւոր կոյսի մը նկատմամբ , հազար անգամ անիծուած պիտի համարէի ես զիս : Կ'աղաչեմ , Ամիրբէ՛դ , պէտք չէ որ իմ պատճառվս ամուլ դառնայ ձեր սէրը . քրոջ մը սէրէն աւելի համակրութիւնով , անձիս պէս պիտի սիրէի ձեր կողակիցը :

— Ո՛չ , կիպարի՛սդ դու , Սիմիսեաններու ճետը աշխարհի վրայ կոյս մը միայն սիրած է իր բոլոր հոգիովը , և այդ կոյսը Փէրիչէհէրն է : Այդ սէրն է դժբախտաբար որ ամուլ է որպէս աղի արձանը Պովտին կնոջ , սառ է որպէս քափուրը :

— Այդ սէրը , ո՛չ , աւելի ջերմ է քան արեւը : Ան կը վառէ , կը տոչորէ իմ հոգին , առանց անոր արեւին կիզիչ ճառագայթներուն տակ սարսուոը կը դողար իմ մարմինը :

— Ափսո՞ս , բարի՛ աղջիկ , դու պիտի հատնիս՝ ըսպառիս մոմի պէս՝ իմ այդ այրող սիրովը :

— Ես Զեր կենդանացուցիչ կրակովը պիտի այրիմ որպէս մորենին Սինայի բարձունքներուն վրայ , ուր անբոցակէզ հրդեհէն անծուխ կը մնար ան :

— Երանի՛ թէ ...

— Թողէ՛ք , Ամիրբէ՛դ , որ իմ մօրը հիացումն ալյայտնեմ Զեր ազնուական հոգիին հանդէպ :

— Զեր մայրը ի՞նչպէս կրնայ հետաքրքրուիլ ինձմով :

— Անով կը հետաքրքրուի որ դուք սիրեցիք իր

միակ դուստրը, Դուք՝ որ քրիստոնեայ էք և հայ, որպէս իմ մայրը:

— Ճեղային արիւնը դեռ կը խօսի՞ իր մէջ :

— Որովհետեւ երբէք լուած չէ: Ան կը պաշտէ իր սիրական կրօնը, Քրիստոսի կրօնը, որուն հաղորդակից ըրած է զիս: Ամիրբէ՛գ, դո՛ւք էք իմ մօր ու իր աղջըկան երազներու առարկան. որքան անձկանօք կը փափաքի գաղտնի տեսակցութիւն մ'ունենալ ձեր հետ:

— Սիրո՛վ, բայց վտանգաւոր է մեր սիրոյն համար:

— Երբ հարէմի մէջ փակուած կինն է որ կը սարքէ ու կը կամի, անկարելի բան չկայ այն ատեն:

— Իր կամքին հնազանդ եմ. Երբ կ'ուղէ տեսակցիլ:

— Վաղն իսկ երբ կարելի է, Վաղը յարմար է. հայրս այսօրուընէ հեռացած է արդէն ամարանոցէն. Երեք չորս կամ աւելի օրերու համար մեկնած է իր գործերուն: Վաղն այսպէս կը կարգադրուի որ Զեր տեսակցութիւնը ճիշտ այստեղ ոչ ոք պիտի կրնայ խանգարել, և ոչ իսկ Փէրիչէնէրը:

— Վաղը ժամը քանի՞ն:

— Վաղն առաւօտ, ժամը Յին մեր նաժիշտը այստեղ կուգայ երկտողով մը իմացնելու որոշուած ժամը, Եռուսուֆին միջոցաւ կրնաք ստանալ թուղթը:

— Համաձայն եմ, բայց լաւագոյն պիտի ըլլար իբիկնամուտին յարմարցնել մեր ժամադրութիւնը:

— Կը յուսամ, անպայման:

Թուա՛ւ, որպէս դեղձանիկ՝ իր վանդակը ոսկեղնիկ:

— Խակէնտէ՛ր, կ'ուղղեմ խօսքը ինծի, Խակէնտէ՛ր, կը սիրես դուն այդ եղնիկը, և քու այդ սէրը գէպի անդունդը կ'առաջնորդէ քեզ, անդունդ մը՝ որուն յատակն անծանօթ է քեզի:

Ի՞նչ կրնամ ընել սակայն. Ita diis placuit (այսպէս հաճելի եղաւ աստուածներուն):

Մայիս 7

Այսօր դէպքերը բաւական զարգացան . կ'երեւի շուտով պիտի սկսին գահավիժիլ : Այսօր իմ կեանքին պատմական օրերէն մէկը եղաւ . դէպքերը պիտի ամփոփեմ կարգով :

Առաւօտ կը ստիպուիմ փութով քաղաք իջնել , մօրեղբայրս ուղեր է զիս տեսնել : Կը դիմեմ ուղղակի իր պաշտօնատունը : Առանց այլեւայլի .

— Ամիրրէ՛գ , կ'ըսէ ինձի , երէկ հիւպատոսին մօտ ի՞նչ խօսեցաք գլուխ գլխի :

— Ինչո՞վ կը հետաքրքրուիք այդքան :

— Դո՞ւք գացիք իր մօտ թէ ինքը հրաւիրած էր զձեզ :

— Այն տեղեկութիւնները , զորս ստացեր էք իմ այցելութեան մասին , պակասաւոր պիտի ըլլային եթէ իմացած չըլլայիք թէ հիւպատոսական շաթիրը եկեր հրաւիրեր էր Զեր քեռորդին առեւտրական իննդրի մը առիթով :

— Բայց Զեր տեսակցութիւնը գաղտնի հանգամանք մ'առած է , քանի որ Զեր ներկայութեան պատուիրուած է ուրիշ հիւրեր չընդունիլ :

— Լաւ տեղեկութիւն ստացեր էք , կը հաստատեմ :

— Այդ պարագային ի՞նչ գաղտնիքներ կրնաք հազորդած ըլլալ Կայսերական Հիւպատոսին :

— Այնպիսի՝ գաղտնիքներ , որոնք Զեր գործերը դիւրացնեն ,

— Աւելի պարզ խօսեցէք :

— Անշուշտ երէկ իմ մեկնումէս ետք Զեզի հետ ալ տեսակցեցաւ ան :

— Լա՛ւ, ի՞նչ կ'ելնէ ատկէ :

— Ա՛յն, որ իմ Զեր տեսակցութիւնները իրարունեալ կապ ունին, հասարակաց խնդրի մը շուրջ կը դառնան :

— Բայց տակաւին պարզ չէք խօսիր :

— Աւելի պարզ խօսիմ, ուրեմն, Զեղի ցոյց տուա՞ն Պոլսէն ստացած իր տեղեկութիւնը :

— Այս :

— Զեր կարծիքին դիմում ըրա՞ւթէ չէ :

— Այդպէս :

— Ինչո՞ւ միեւնոյն բանը ըրած չըլլայ նաև ինձ, առանց սակայն իմ կարծիքին դիմում ընելու :

— Այդ կը նշանակէ որ տեղեկութիւններ ուզեց Ձենէ՞ ալ :

— Ինչո՞ւ չէ, և ես խորհուրդ տուի իրեն Զեր կարծիքին դիմել այդպիսի լուրջ խնդրի մը մէջ, Զեր համոզումները կրցա՞ք արժեցնել արդեօք :

— Զեր բոլոր խօսքերէն սա կը հասկնամ որ Հիւպատոսը Զեղի դիմած է տեղեկութիւններ որսալու համար, և դուք ալ Զեր մօրեղբայրը ցոյց տուեր էք :

— Ճի՛շդ այդպէս :

— Ուրեմն ուրիշ տեղեկութիւններ չտուիք անոր :

— Ինչպէս ուրիշ տեղեկութիւններ կրնայի տալ քանի որ իմ բոլոր գիտցածներս Հիւպատոսին գիտցածներէն մազ մը տւելի չէին :

— Հաստատեցի՞ք, ուրեմն իր լուրերը :

— Չէի կրնար սուտ խօսիլ: Բայց, կը կրկնեմ, իմ միակ յանձնարարութիւնս եղաւ Զեր խորհուրդներուն դիմել: Արդեօք սխա՞լ քայլ մը առած էի:

— Ո՞չ, ընդհակառակը, շատ գոհ եմ այդպէս վարուած ըլլալնուդ համար: Միայն թէ ի՞նչ կը նշանակէ

Կոռիլոսին և Կիլիկիային անմիջապէս մեկնելու համար պատրաստուիլ հրամայելնիդ :

— Կը կարծէի թէ իմ այդ կարգադրութիւնը ևս զո՞ն պիտի ձգէր զ՞եզ, որովհետև խոհեմութիւն չէր առեւտրական հասարակ նաւերս պատերազմական ջուրերուն մէջ վար դնել :

—Միւս նաւերուն համար ինչո՞ւ միեւնոյն հրամանը չէք տուած :

—Ես ու իմ ընտանիքն ուր որ ենք անոնք ալ հոն պէտք է մնան : Դուք չէք կարծեր որ մենք ամէնքս, նոյնիսկ իմ մօրեղբայրը, պէտք ունենայինք այդ նաւերուն :

— Լա՛ւ, կը հասկնամ :

— Նոյնիսկ ես հրամայեցի պատերազմական վիճակի մէջ դնել զանոնք, առանց ուրիշներու զգացնելու մերշարժումները :

— Համաձայն եմ :

— Ի՞նչ խօսեցաք, ուրեմն, Հիւպատոսին հետ :

— Զեր գիտցածները պարզօրէն ըսի անոր թէ՝ անել կացութիւն է մեր վիճակը, թէ՝ խոհեմութիւն է ժամ առաջ բարեկամական գետիններ ստեղծել մեր ու Օսմանեան կառավարութեան միջև, թէ՝ հարկ է եղբայրներուն յանձնել Մէնկի Քէրայը կամ ստիպել զայն որ անձնատուր ըլլայ անոնց : Երկարօրէն պարզեցի մերծովային ու ցամաքային ոյժերուն բուն արժէքը, թշնամիին գերազանց ոյժը եայլն :

— Համաձայն է Զեր խորհուրդներուն :

— Այնպէս կը թուի :

— Այս պարագային աջակիցի մը կը կարօտիմ: Իսկէնտէ՛ր, Հիւպատոսը Զեր վրայ վստահութիւն ունենալ կը թուի: պիտի ուզէի որ օգնէիք ինձի . Զեր վրայ

մեծ յոյս ունիմ. պէտք է աշխատիք որ մեր գաղափարներուն համոզուի այդ տկարամիտ արարածը: Ինձմէ խնդրեց որ այսօր անպատճառ իր մօտն երթաք: Աշխատեցէք որ ինքնապանութեան չմզուի:

— Բայց ես չեմ կրնար արգիլել որ ինքնապաշտպանութեան համար պատրաստուելու հրահանգներ չտայ ամէն կողմ:

— Գոնէ Զեր ներկայութիւնը այն օգուտը պիտի ուղենայ որ ինքնապաշտպանութեան բոլոր միջոցներուն կրնանք ծանօթանալ, մեզի պէտք է այս պարագան:

— Ինձի այնպէս կը թուի որ Զեր պաշտօնին բերումով դուք աւելի ծանօթ պիտի ըլլաք զինուորական գաղտնիքներուն քան ես, որ առեւտրական մը և հասարակ զօրական մըն եմ միայն:

— Ես ինչ որ կ'ըսեմ գիտակցօրէն կ'ըսեմ, իսկէնտէր:

— Երբ ուզեց որ այցելեմ իրեն:

— Երբ որ կարենաք, ո՞րքան շուտ այնքան լաւ. խնդրեց ինձմէ փութով զրկել Զեզ:

— Հիմակ կ'երթամ ուրեմն:

— Դացէ՛ք և մի մոռնաք ինչ որ ըսի Զեզի:

Քանի մը վայրկեան ետք Հիւպատոսին մօտն եմ: Անոր դէմքը ուրախ և գոհունակ արտայայտութիւն մը կ'առնէ զիս տեսնելով իր ընդունելութեան սրահին մէջ: Կ'առանձնանանք սեփական սենեակը, ուր քիչ ետքը կուգան նաև Դենուայի ուրիշ մէկ երկու գործակալներ ու Ամիրալը:

Ամէն բան կարգին է: Անմիջապէս զինուորական խորհուրդ մը կը կազմուի, որուն անդամակից կ'որոշեն և զիս: Կ'որոշուի առ այժմ օրը մէկ անդամ նիստ գումարել ինքնապաշտպանութեան գործին համար:

Առաջին նիստին մէջ որոշում կը տրուի նաև յաջորդ նիստին ժողովի հրաւիրել հայ իշխաններէն ուրիշ

մէկ քանի հոգի, պաշտպանութեան գործը բաժնելու համար: Խորհուրդի անդամներէն իւրաքանչիւրը պարտականութիւն յանձն կ'առնէ քննութիւն մը կատարել քաղաքին ցամաքային կամ ծովային ուժերուն վրայ: Կ'որոշուի նոյնպէս մասնաւոր պատուիրակներ զրկել Մանգուր, Ազոֆ, Թաման և ուրիշ Գենուական ամրութիւնները և գաղութները, որպէսզի անմիջապէս տեղական ոյժերու հսկող և կազմակերպող զինուորական խորհուրդներ կազմեն ու սպասեն նոր հրահանգի:

Քաղաքին արեւմտեան բերդերը աչքէ անցընել ինձ յանձնուած ըլլալով, 3 - 4 ժամ քննական պառյա մը բաւական կ'ըլլայ իմ պարտականութիւնը լրացնելու: արդէն քաղաքի բերդերուն կազմութիւնը եյլն: ինձի անծանօթ բաներ չէին ցարդ:

Իրիկուան դէմ կը դառնամ ամարանոց: Ժամադրութեանս ատենն է գրեթէ: Քայլերս կ'ուղղուին դէպի ծովեցերքի սահմանաքարը: Եքեղ ծաղկեփունջ մը կը պսակէ Տերմինոսի արձանը: Ընկուզենիին տակ, նըստարանին վրայ ոչ ոք կը գտնուի: Կ'երեւի քանի մը վայրկեան կանխեր եմ:

Մառաստանին խորէն դուրս կուգայ յանկարծ պարիկ մը, հաստատ քայլերով ու մեծվայելչութեամբ. Փէրիչէնիրի մայրն է, Սանդուխս հանըմը: Դէմքին վըրայ կը կարդացուի և ուրախութիւն և' հետաքրքրութիւն: Զէ՛, անծանօթի մը պէս չէ որ կը դիմէ ինձ. ապահովաբար իմ դէմքն ու հասակը իր շարունակական ծանօթութեան շրջանակին կը պատկանին. բայց ինքը գրեթէ անծանօթ մըն է ինձ համար. հազիւ մէկ անգամ պատեհութիւն ունեցեր եմ իր դէմքը դիտելու: Սակայն սրտի ընտանութիւն մը կը զգամ ես այս կնոջ հանդէպ:

Իր բարեւելու եղանակը, իր շարժումները քաջութիւն կը ներշնչեն ինձի: Հետաքրքրութեամբ կը հետեւիմ իր շարժումներուն ու խօսքերուն. կը դիտեմ իր գեղն ու դաշնակաւոր կերտուածքը. ո՞րքան երիտասարդ է ան: Կարծես Փէրիչէնէրի երէց քոյրն ըլլայ:

Այս քնքուշ էակը էմինէքի կինն է. Էմինէք որ ասոր մօտ հօր մը տպաւորութիւնը պիտի թողուր: Այս ի՞նչ գեղեցկութիւն. Քէրայներու հարէմին մէջ ի՞նչ ծածկուած զանձ... Ո՞ւր ժողվեր է այնքան նուրբ երանգները վարդի որ կը ծածկեն իր այտերը նուան. ո՞ւր հաւաքեր է այնքան ծարիր, որ շնականէն կր փռշեղանգեն իր թարթիչներն ու յօնքերը կամար: Ապահովաբար պիտի կրնար ըսել այն բառեըը, զորս Պաղտատի գեղունին արտասանած է առ Անվէրի. պարսիկ մեծ բանաստեղծը, «Ո՞ւր կ'ուզես պտտցնել քու քայլերը, դուն որ ուրիշ գիշեր չես ճանչնար եթէ ոչ երենուը իմ սեւ խոպապներուն»: Նոճիները պիտի նախանձէին անոր հասակին վրայ, այնքան նուրբ ու բարեկազմ. ձիւնը իր պոռոտ սպիտակին պիտի ուզէր նուրբ երանգ յը փոխ առնել անոր թոյրէն կաթնամաղ:

— Ամիրբէ՛գ, կ'երգէ ան յուզիչ երաժշտականութիւնով մը, Ամիրբէ՛գ, Դուք այն առաջին ու միակ հայ տղամարդն էք, որուն առջեւ կը բանամ իմ սըրտին գաղտնիքները: Իմ աղջկան սիրտը այնքան խորապէս կարթած էք ու խենդի պէս կը սիրուիք անկէ, որ թէ իսկ փաթթոցաւոր կամ կնքուղաւոր պաշտօնեայ մը ձեր երկուքին փոխադարձ սէրը չի զօդէ, իմ սրտի հատորը կը նկատեմ զձեզ: Այս վայրկեանէն, մայրական, քրոջական զգացում մը իմ սիրտը կ'ուռեցնէ, օրհնութիւն մը դառնալու համար ձեր զլխուն: Ուրեմն իբրեւ իմ հարազատին սրտակիցը, ականջ դիր

իմ հոգու ցաւոտ պատմութեան։ Ես հայ քրիստոնեաց  
եմ, Հայու զաւակ։

— Արդէն իմացած էի, տիկին։

— Իմ հայրը կը կոչուէր Խոնայ Մելիք։ Տրապիզո-  
նի Հայոց մէջ նշանաւոր հայու մը՝ Աղրիպաշիի որդին,  
իսկ մայրս կը կոչուէր Շահզատայ, նոյնպէս Տրապիզո-  
նի ամենահարուստ հայ իշխանին Խոնա Ստեփաննու-  
Շահատինի դուստրը։

— Ի՞նչ կ'ըսէք, Տի'կին, Շամշատինի մեծ սերուն-  
դէ՞ն էք դուք։

— Այո՛, այն սերունդէն, որուն մեծագործութեան  
կոթողներն են ո՛չ միայն Տրապիզոնի եկեղեցիներուն  
նշանաւորները, ինչպէս Աստուածամայր Սուրբ Յակոբ,  
Զարիսափամ տաճարները, այլև Ամենափրկիչ հոչականուն  
վանքը։

— Ի՞նչպէս ուրեմն այս տիսուր կացութեան մէջ կը  
գտնուիք։ Շամշատինի նաւերը տարին քանի մը ան-  
գամներ թէոգոսիա կը հանդիպին, չե՞ն կրցած Զեզ  
փախցնելու միջոց մը մտածել։

— Ո՛չ, որովհետեւ ես կորսուած աղջիկ մըն եմ մեր  
ընտանիքին համար, ու ես իսկ մեր ցեղին անարգանք  
քերած պիտի ըլլայի եթէ իմ պղծուած մարմինը քաշէի  
հայ եկեղեցիին ծոցը։ Իմ մարմինը կորսուած է, բայց  
իմ կրօնազանգ հոգին մեռած չէ մեր մայրենի եկեղեց-  
ւոյն համար։

— Բաիք թէ Զեր մեծ հայրը կը կոչուէր Աղրիպա-  
շի։ այն սերունդէ՞ն էք ուրեմն, որ գաղթած կը կար-  
ծուի Անիէն։

— Այո՛, դժբախտ Անիի փախստական զաւակներէն  
են իմ հայրերը, Թագրատունեան ոստանին յետին փառ-  
քերէն, որ եկած են հանգիստ փնտուելու օտար հիւրըն-  
»

կալ ափերու մօտ : Իսկ իմ մօրս կողմէն՝ Այսօն Ստեփաննոսի սերունդը պարսկահայ մըն է , Զուղայի մեծափարթամ հարուստներէն , և այդ պատճառով կոչուած է Շեմսկչի (=Արեւելեան) :

— Չեր անձին արկածները ի՞նչպէս սկսան :

— Ա՛խ , իմ արկածները . . . փոքրիկ աղջիկ մըն էի . Ժիր , անհնազանդ , արկածախընդիր : Շնկերուհի մը ունէի ինձի տարեկից : Քանի քանի անգամներ մեր տունէն կը հեռանայինք . բարկութեամբ կը վերադարձնէին մեզ դէպի տուն : Բայց անոնց յորդորները մեզի խրատ էին ըլլար : Իրիկնամուտի մը դարձեալ դիմեցինք դէպի ծովեղերք : Այս անգամ աւելի հեռուն գացինք . անցեր էինք արդէն ծայրամասի թաղէն , ծովեղերքը մարդ մարդասանկ չկար . ծովին վրայ մակոյկ մը կար միայն , որուն մակուկավարը միայնակ կը գտնուէր մէջը : Մօտեցանք անոր , տեսանք բարի ծերունի մը կ'երեւնար . խօստացանք դրամ տալ , եթէ մեզ պահ մը պտտցընէր ծովին վրայ : Մարդը չի մերժեց մեզ , առաւ մակոյկին մէջ , սկսաւ թիավարել : Ուրախ էինք . բայց ծովին վրայ : Բայց այդ ուրախութիւնը իմ վերջին խնծիղն էր :

— Խեղճ աղջիկներ , կորսուած էք . . .

— Մակոյկը կը բացուէր շարունակ , մենք կը հեռանայինք քաղաքէն : Մեր ուրախութիւնը կ'սկսէր տեղի տալ բնազդական սոսկումի մը : Ակսանք խնդրել որ ետ դառնայ այլեւս , բայց նաւաստին մեզ լսելու երեւրյթ չունէր : Յանկարծ թիակները թողուց . փոքրիկ տուագաստը բացաւ . ղեկն անցուց ու մեր կողքին եկաւ նստաւ : Առագաստն ուոիլ սկսաւ ու նաւն ալ սկսաւ ծոիլ մեզի սոսկում աղջելով : Մեր ճիշերը սկսան բարձրանալ . նաւաստիին գոյնը սկսաւ թթու գոյն մը առնել . ան կը բարկանար օր մենք կը ճշէինք : Իմ ընկե-

բուհին երկիւղէն ինքզինքը կորսնցուց : Մենք միշտ կը  
հեռանայինք : Ափսո՞ս, կ'ուզէի ինքզինքս ծովը նետել  
ազատելու համար այդ հրէշին ձեռքէն : Երթալով մու-  
թը կը կոխէր ծովին վրայ . Տրապիզոնի լոյսերը հեռուէն՝  
շատ հեռուէն կ'երեւէին արդէն՝ պլազացող աստղերու  
պէս : Նաւասախն թողուց իր դէկը, ամփոփեց առագաս-  
տը . մօտեցաւ ընկերուհինս, որ դեռ անզգայ պառկած  
էր, ջուր սրսկեց անոր երեսին . ապտակեց զայն, որ  
սկսաւ իր կծկուած ակռաներէն ճիչեր հանել Ես ալ  
կ'օգնէի անոր ջանքերուն : Սթափեցաւ իմ ընկերուհին .  
բայց բուռն ճիչերով ողքեր հիւսելու համար : Ա՛հ, գա-  
զանը, կապեց մեր թեւերը ու ոտքերը, ջուանը հաս-  
տատեց նաւի երկաթին : Այլեւս ամէն բան կորսուած էր  
մեզի համար : Զգացինք մենք դառն իրականութիւնը :  
Մենք գերի բռնուած էինք : Մեր ճիչերն ալ լոեցուց ան-  
մեր բերանները մէյմէկ քուրջ կապելով :

Երբ այս տողերը կը գրեմ, գիշերը բաւական առա-  
ջացած է արդէն, կը կեցնեմ հոս Սանդուխտ հանըմի  
պատմութիւնը, և կ'սկսիմ վաղուան խորհուրդին հա-  
մար իմ քննական պտոյտի տեղակատուութեան նօթերը  
ամփոփել :

Մայիս 8

Այսողք գիշերը զրեթէ չեմ քնացեր. երէկի իրադարձութիւնները, զալիք դէպքերուն հետանկարը, մանաւանդ էմինէքի կնոջ պատմութիւնը չարչարեցին իմ ուղեղը: Զիրար հալածող, զիրար հետափնդող խորհուրդները գլխու որոշյա ու անգար յառաջացուցին ինձ համար:

Կը թողում մահիճը, պաշտգամ կ'ելլեմ զովանալու համար: Ածաթի լոյս մը սկսեր է արդէն սփռուիլ արեւելքի երկնակամարին վրայ: Մեղմ զեփիւռ մը բռումնաւէտ արտաշնչութիւնով կուգայ գգուել իմ փոթորկայոյզ ճակատն ու գանգուրները: Այս այն պահն է, ուր հիները կը դնէին վարտամանն Արշալոյսի ծնունդը:

Նոր օր մըն ալ կը բացուի Խոկէնտէրին համար:

Կը դառնամ սենեակ. յդիտեմ ինչո՞ւ՝ ձեռք կ'առնեմ գրիչը ու կ'սկսիմ շարունակել իմ Օրագիրը: Սրաի պահանջ մը դարձեր է արդէն այս Յիշատակարանը ինձ համար. չեմ կրնար իմ խորհուրդներուն ու պատահարներուն մէկ ուրսւանկարը չի դրոշմել անոր էջերուն մէջ:



— Տիկին, չմատածեցի՞ք բնաւ յայտնել թէ որո՞ւրդի էք:

— Առաջին ու պակուցումի վայրկեամններուն միտք չկրցինք ընել և յետոյ մեր բերանները փակուած էին:

— Ի՞նքը, նաւաստի՞ն ալ չի հետաքրքրուեցաւ ուրեմնի:

— Ոչ. զիշերը մինչև լոյս նաւին մէջ անքուն անցուցինք, անխօս ու յորդահօս արցունքներով: Առաւօտէր, երբ խորհուրդ մը յդացայ. շարժումներով սկսայ

պաղատիլ, աչքերով աղաչել որ քակէ իմ բերանը, ըստիք ունէի իրեն։ Կարծես հասկցաւ հրէշը։ Քակեց իմ բերնի կապը ու ես յայտնեցի իրեն թէ որու որդի եմ։ աղաչեցի իրեն որ մօտաւոր նաւահանգիստ մը հանէ մեզ, յարաբերութեան մէջ դնէ ծնողացս հետ և ես կը խոստանայի մեծ գումար մը փրկանք առնել իրեն համար։ Մնողացս անունը սարսափեցուց դինքը։ սկսու խորին կերպով մտածել ։ Վերջապէս, զղջումի արտայայտութիւնով մը, քակեց նաև իմ և ընկերունիքս կապերը, ու ըստու։

—Երանի թէ Թռաջին վայրկեանէն տեղեկացուցած ըլլայիք ինձի այդ պարագան։ Ես Շէմաէտտինի հացը կերած եմ, Առճա Մէլիքի բարիքը տեսած եմ։ Մեղք։ հաղար ափսոս, որ ապերախտ գտնուեցայ ես անօնց դէմ, առանց գիանալու։ Վստահ եղիք որ ձեզ պիտի հանեմ Պաթում, հոն Առճա Սոնիաննոսի նաւերէն մէկը կը հանդիպի անպատճառ, պիտի յանձնեմ անօր որ Զայ վերադառնէ։ բայց պիտի խնդրնմ որ իմ անունս և նկարագիրս միշտ չպատմէք, «Երիտասարդ նաւավար մընէր որ մեզ առաւ տարիաւ» պիտի ըսէք։

Ազատուելու յոյսը առտուան ցողին պէս կենդանացուց մեր սիրտերը։ Այլեւս բարեկամօրէն կը տեսակցէր մեզի հետ։ հաց տուաւ մեզի, ու մեր սրաերը հանգստացան։ Իրիկուն մը, մութ ատեն մըն էր, երբ մեր նաւակը կը մօտենար Պաթումի, ամայի, փլփլած նաւակամուրջի մը վրայ ելանք, ու նաւաստիին առաջնորդութեամբ սկսանք առաջանալ։ Հին խարիսուլ տուն մը իջեանեցանք այդ գիշերը։ Յաջորդ առտուն երիտասարդ վաճառականի պէս մէկը եկաւ մեր կեցած տեղը։ Բացուեցաւ մեր սենեակին դուռը։ վաճառականը ուշադրութեամբ քննեց մեզ երկուքս ալ։ նաւաստին ապա գոցեց դուռը մեր վրայ։

Քիչ յետոյ լսեցինք խօսակցութեան ձայներ, որ վէճի կը նմանէին, սակարկութիւն մըն էր որ տեղի կ'ունենար. տեսանք ոսկիներու փայլը, որ վաճառականին ձեռքէն կը հոսէր նաւաստիի կոշտ ափին մէջ։ Դուռը բացուեցաւ կրկին. նաւալվարը յայտնեց թէ մեզ կը յանձնէայս մարդուն, որ Շէմսէտինի գործակալն է և զմեզ մեր տեղը պիտի հասցնէ ապահով։ Զգացինք որ խարուեր էինք. բայց դեռ յոյսը լքած չէր զմեզ։

Նաւահանգիստին մօտ միջակ շէնք մը կ'առաջնորդուինք. մեզ հոն կը թողու, յայտնելով թէ մէկ երկու օր սպասելու ենք նաւի համնելուն։ Ճամբան կը տեսնեմ մեր նաւերէն մէկը, որ խարօխած է ծովեղը, կ'զգամ թէ խարէութեան մը զոհն ենք։ Կը լոեմ։

Շէնքը ուր կը տարուինք, յարվանարայ մըն է. շէնքին փոքրահասակ ծառաներէն մէկը կը կանչեմ գաղտնի, կը խօստանամ առատ դրամ, միայն թէ երթայ նաւահանգիստ մեր նաւուն նաւապետը գտնէ ու յայտնէ թէ իր աիրոջ աղջիկն ու ընկերուհին իրենց պանդոկը կը գտնուին։ Մառան ուշ ատեն կը ներկայանայ մեզի. կը յայտնէ թէ մեծ գժուարութեամբ գտեր է նաւապետը, յայտներ է ամէն բան, հիմակ, մութը կոխելուն պէս, պէտք է իրեն առաջնորդութեամբ շուտով հեռանալ պանդոկէն ու երթալ ծովեղերք սպասող մակոյկ մը նստիլ, անով մեր նաւը ապաստանելու համար, Անձկալից կը կատարենք այս յանձնարարութիւնը, կը փախչինք պանդոկէն, կը նստինք մակոյկը, զոր կը թիավարեն երեք հոգի։ Մութին մէջ կը նշմարենք նաւ մը, որուն վրայ կը տանին մեզ։ Հապճեպով, ձեռքէ ձեռք, կը բարձրացնեն սանդուխներէն վեր, կը տանին խուց մը կը թխմեն զմեզ ու մեր վրայ կը փակեն ամրօրէն։

Սարսափը կը պատէ զմեզ։ Յանկարծ դուռը կը բացուի կրկին։ մէկը ներս կը նետուի, կը կապկալէ մեր բերանները ու կը կորսուի։ Մեր յուսահատութիւնը չափ չունի, իսպառ կորսուած էինք։

—Այդ նաւը ո՞ւր հանեց ձեզ։

—Զենք գիտեր քանի օր կամ քանի գիշեր մնացինք անոր մէջ, որովհետեւ խուցն այնքան մութ էր որ ցերեկն ալ գիշեր էր մեղի համար։ Փոքր սփոփանք մը եթէ ունեցանք այն ալ առառւ մը մեր բերանակապերու արձակումն էր։ Ծովին վրայ էինք, և նաւը կը թուի թէ կը սահէր ալիքներուն վրայէն։ Առաւոտ մը նաւը կանգ առեր էր։ մեզ դուրս հանեցին նաւահանգիստ մը, որուն անունը յետոյ իմացանք։ Անալիա։

—Գերեդարման հաստատութիւնները դրին ձեզ։

—Այս', այդտեղ զանազան ազգի պատկանող գերիներու խումբի մը բնակակից եղանք ատեն մը։ Օ, մը, իշխան մը եկաւ ու մեզ երկու ընկերուհիներս գընեց։ յանձնեց իր ծառաներուն ողոնք իրենց գրաստներուն վրայ նստեցուցին մեզ ու սկսանք ճամբորդել, Ա՛ն, այդ սարսափելի ճամբորդութիւնը . . . Ապազաներու երկրին մէջ էր որ կը ճամբորդէինք. մեզ առաջնորդողներն ալ ապազաներ էին։ Այդ ճամբորդութեան միջոցին պատահեցաւ եղերական դէպք մը որ քանդակուած է իմ մտքին մէջ, և որ մինչեւ հիմակ կը սառեցնէ արիւնը իմ երակներուն մէջ։ Ուղեւորութեան միջոցին, երկինքն սկսաւ սեփ սեւ ամպերով ծածկուիլ. մեր առաջնորդներուն դէմքերն սկսան կնճռոտիլ. իրարու հետ կը խօսակցէին այնպիսի շեշտերով, որ մտահագութիւն կը մատնէին։ Զիերէն վար իջան անոնք, գլխարկնին հանեցին ու գարաւոր՝ հսկայ ծառակոյտի մը քով վարդապետական գաւազանի ձեւով տնկուած

փայտի մը առջեւ խոնարհեցան ու երկրպագեցին . կ'ա-  
ղօթէին :

Թափշի մը պիտի բլայ ան . Ապազաները այդ  
սովորութիւնը ունին , ընդհանրապէս հսկայ ծառերու  
մօտ այդպէս գաւազանակերպ փայտեր կը անկեն ու կը  
պաշտեն : Երենց մէջ քափշի կը կռչուին անոնք :

— Մեզ ալ վար տոին գրասաներէն . բառները դիմին  
ծառի մը տակ , մեր քով : Երկինք աւելի սկսաւ տագ-  
նապեցուցիչ երեւոյթ մը առնել . ամորուպ մը ճայթեց  
մեր գլխուն վերեւ . սոսկալի տեղատարափ թանընկէց մը  
սկսաւ . մենք ապաստանեցանք թանձրասաղարիթ ծառին  
տակ . ընկերունիս ծառի արմին տակ , պարկերուն վրայ  
բրդկեցաւ , իր մօտն ալ Ապազաներէն մէկը : Յանկարծ  
այնպիսի առնելի ճայթիւն մը ու կարցնող լոյս մը շան-  
թեց իմ գանելին վրայ . որ անզգայ դետին ինկոյ : Երբ  
աչքերս բացի տեսայ Ապազաներէն մէկը որ խոնարհե-  
լով իմ առջեւ ոտքերս կը համբռուէր ու իր երեանե-  
րուն կը քոէր : Ընկերունիս վնասացին իմ աչքերը .  
այն առնեն ականատես եղայ աղեխորով տեսարանի մը :  
Կայծակը զարկեր սպաններ էր ապազան ու ընկերունիս :  
Մթնեցին իմ աչքերը , կարծես շանթ մըն ալ պայթե-  
ցաւ իմ զլիսին մէջ ու անզգայացուց զիս : Աչքերս բաց-  
ուեցան . տեսայ դարձեալ որ առանձին միացած ձիւ-  
ովանը յարգանքի ու պատկառանքի խորին արտայայ-  
տութիւններով կը ջանայ սթափեցնել զիս : Այդ մար-  
դուն հանդէպ այդ վայրկեանին զգացի և երախտա-  
զիտութիւն և ատելութիւն սթաշխօր եօվազ , թաշխօր  
եօվազ կ'ըսէր շարժուալ . վերջէն ես հասկցայ թէ այդ  
բառերը կը նշանակեն Աստուծոյ որդին զարկաւ : Մօ-  
տակայ ապաղայ զիւզ մը փութացինք մենք . ամբողջ  
զիւղացին դուրս թափեցաւ ու մեզի հետ զիւեց դէպի

ազէտապի վայրը : Ակսոն պարել գիտէներուն մնու , ու-  
րախութեան ճիշճը կը հանէին , երգեր կ'երգէին ա-  
նոնք : Ակս մեծ յարգանքով ձիերու վրայ բերդուցին  
դիտէները , մէկ երկու հազիններ ալ ընկերացան մեզի :  
Վերջապէս հասանք աւան մը , որուն գիւղապետին  
տունը օթեւ անեցանք : Փառաւոր հանգէստի թաղեցին  
գիտէները : Զարմանապի եր որ մեծ ուրախութեան տիր  
մը դարձու . իմ գուրախութերունիք մանք :

— Ակսագանքը կայծակէ զարնուուզր մարտիրոս կը  
նկատեն և ուրախութեամս կը թագնի : Բակ դայշակէն  
զերծ մեացազները մեծ յարգանքի աւարկայ կ'ըլլան ա-  
նոնց կազմէ :

— Այդպէս ալ եզնու : Ամէն կերպ զգուանքի ա-  
սուրկայ գարձած էի ես այդ ընտականներուն մէջ : Մեծ  
չուքով , ամրազջ աւանը իր գիւղապետով , ճամրու դը-  
րաւ մեզ : Հասանք Զերքէզիայի իշխանապետին ընա-  
կավայրը : Շանթէն ազատուիլո պատճոռ եղեր եր որ  
ցեղապետին թակարանին մէջ հիւրընկալուէի , ոչ որ-  
պէս գերի , այլ օրսպէս ընտանիքի անդամ : Հո՞ն եր որ  
մեացի շուրջ շորս տարի , երբ վերջապէս որ մը կմինէ-  
քի իրեն հարս երիմ փոխադրեց զիս իմ բախար :

— Զեր ձնուշը բնաւ տեղեկութիւն չկրցա՞ք առ-  
նել անհէ ետք :

— Վեց տարի կատարեալ հարէմի կեանք մը ապ-  
րեցայ . ո՞հ է արտաքին յարարերութիւն արգիլուած էր  
ինձի , իմ միակ միսիթարութիւնը մէկ հատիկ դուստրո  
էր . զոր կը սնուցանէի ու կը մեծցնէի իմ հոգու բոլոր  
նուիրումովը , իմ սրտի բովանդակ զեզումովը :

— Վերջը ի՞նչպէս լուր տոիք ձեր ընտանիքի մասին :

— Վեց տարի ետքը , օր մը կմինէք փոքրիկ աղ-  
ջիկ մը ներկայացնելով ինձի , յայտնեց թէ իմ վոքրի-

կին խնամածու և նաժիշտ պիտի ըլլայ ան։ «Ան քու  
հայրենիքէդ է, գերեվաճառէն գնեցիւ աւելցուց Փէրի-  
չէհրի հայրը։ Իմ քննութիւններէն երեւան եկաւ որ  
իմ եղրօր զաւակներէն մէկն է ան։ Տրապիզոնի գրաւ-  
ման ժամանակ գերի առնուած է օսմանցի զինուորնե-  
րու կողմէ։ Անկէ ստուգեցի, և յետոյ ուրիշ աղբիւրնե-  
րէ ալ հաստատեցի, Ամիրրէ՛գ, որ իմ ծնողքը երկար  
ու շատ ապարդիւն ճիգեր թափեր են մեզ դտնելու հա-  
մար, որ Տրապիզոնի պաշարման ժամանակ իմ հօրս  
տունը այն հայ ընտանիքը եղած է որ կորովով պայ-  
քարած է Ֆաթիհի բանակներուն դէմ։ Ա՛հ, իմացայ  
նաև որ իմ հայրը՝ Խոճա Մէլիք, արեան ճապաղիքի  
մէջ։ Իր վերջին վայրկեաններուն, իմ անունն է տուեր,  
ու իր ողջ մնացած զաւակներուն վրէժ կտակեր է Օս-  
մանցիներուն դէմ։ Դժբախտը, չէ իմացեր որ իրեն հետ  
մէկտեղ կորած են նաև իր զաւակները, բացի մէկէն  
որ Էմինէքի հարէմին մէջ կ'անցնէ իր սե օրերը։

Խշանուհին քանիցս սրբեր էր իր արցունքները.  
բայց այս անգամ չէր կրնար զապել անոնց յորդ հո-  
սումը։ Սփոփանքի ո՛չ մէկ բառ, մխիթարական ո՛չ մէկ  
խօսք կը գտնէի ես այս դժբախտ կնոջ առջեւ։

Վերջապէս աշխատեցաւ ան տէր ըլլալ իր անձին,  
սրբեց իր արցունքները և շարունակեց հատկտելով։

— Ա՛հ, Ամիրրէ՛գ, հայու զաւա'կ, հարազա՛տ ա-  
րիւն, ձեր գործերը և կեանքը չափէն աւելի ծանօթ են  
ինծի, տեղեակ եմ որ Ֆաթիհի զինուորները ձեր բոյնն  
ալ աւրշտկելու պիտի գան։ գիտեմ թէ ինչպիսի ըն-  
դունելութիւն պիտի ընէք դուք անոնց։ Եկայ այսօր  
ձենէ խնդրելու, Իօկէնտէ՛ր, որ Ալպանիոյ մեծ իշխա-  
նին՝ ձեր անուանակցին նման սուրը պատեան չդնէք  
երբեք։ ձեր հայրենի վրէժներուն հետ ձեզի կը յանձ-  
նեմ նոյնպէս իմ հայրերուն վրէժն ալ։

— Ռվ իմ դժբախտ քոյրս , ձեր պատմութիւնը կայծ մը ևս դրաւ իմ մէջ : Այս վայրկեանէն կրնաք ապահով ըլլալ որ Սիմիսեաններու շառաւիզը Խոճա Մէլիքի կտակն ալ կ'իւրացնէ՝ իր հայրերէն ժառանգ ընդունած կտակներուն պէս :

Համբոյր մը դրոշմեց ան իմ ճակտին ու հեռացաւ : Ա՛ն , օծութիւնն էր սուրբ պաշտօնի մը զոր ես ընդունեցի իմ ճակտին վրայ , այս քրմանոյշի շրթներէն :

Դնա՛ , վեստեան քրմուհի , դուն որ կը պահպանես քու հայրերուդ կրակը , գնա՛ , քու սրտի տաճարին առաջեւ օրհներգ մը մաղթելու ու փառաբանութիւն մը երգելու : Դնա՛ , ո՛վ Դեբովրա , դուն որ գիտցար հրդեհել Բարակի մը ցեղային ոգին ու թրթռացնել հոգուն է՛ն զգայուն լարերը :

### Մայիս 9

Այսօր իրիկնամուտին պարտէզն էի մօրս , Լաւռայի և Կուռնելիայի հետ :

Անոնք քանի մը օրերէ ի վեր մեր մօտ կը մնան : Օրագրիս մէջ մէկ անգամ արձանագրեցի կուռնելիայի ու իմ յարաբերութիւնները , սակայն անկէ ի վեր ամէն օր մանր մունր պատահարներ տեղի ունեցան , որոնց մասին չէի ուզեր ակնարկել , անկարեւոր նկատելով :

Գրեր էի արդէն թէ մայրս ու Լաւռա մասնաւոր աչքով մը կը դիտեն կուռնելիան , զոր կ'ուզեն անդադար ինծի մօտեցնել : Իրենց այդ շարժումը կամ ձըգտումը սակայն խոտոր ազդեցութիւն մը կ'ունենայ իմ վրայ . կարծես կրկներեւոյթի մը նման քանի կը մօտենան ինծի , այնքան հեռու կը գտնեն զիս :

Բայց կուռնելիայի ընթացքը միշտ կը շփոթեցնէ զիս. այդ աղջիկը երբեք ինքնամատոյց չեղաւ ինձ, բայց կ'զգամ թէ ինձի համար կը հատնի անընդհատ: Որքա՞ն խորունկ արմատ ձգած է իր մէջ մօրս ու կաւոյի թաղած տունկը: Ու ո՞րքան համեստութեամբ կ'աճի, առանձնութեան մենութեան մէջ: Այս կէտը իմ սրտի՞ն վրայ խիստ ծանր կը կշռէ:

Քանի մը անդամներ որոշեցի արմատէն կորել յոյսի այդ բողբո՞ջը, բայց անկարող եղայ որոշումս զործադրել, թերեւս հապչտապ շարժում մը անարդար ըլլայ: Մի գուցէ անգութ դեր մը կատարած ըլլամ հոն՝ ուրիմ վէրքերուս սպեղանի մը կը պատրաստուի:

Քանիցս ուղեցի ճիշդ վերլուծում մը կատարել իմ զգացումներուն. արդեօք կատե՞մ ես այս չքնաղ գեղուհին, — հազար անգամ ո՞չ. արդեօք կը սիրե՞մ զինքը, — կը տարակուսիմ և կրնամ. ըսել ո՞չ. կը համակրի՞մ, — անաւարակոյս: Իւքը կը սիրէ զիս, կ'երեւի թէ ոյս, անշահախն զի՞ր է իր սէրը, չեմ զիանը, բայց իր բոլոր քայլերուն մէջ ամբիծ կը թուի:

Այս աղջիկը իր զեղեցկութենէն զատ բան մը ունի իր վրայ որ կը թովէ զիս. այդ ի՞նչն է անոր մէջ, համեստութի՞ւնը, անմեղութի՞ւնը, չեմ զիտեր, բայց ամբիծ է ան որպէս շուշան: Իր բոյրը կ'զգաս շատ հեռուէն՝ առանց զինքը տեսնելու, ինչպէս մայիսեան բոյրը նարնջենիներուն, ինչպէս բուրումը յասմիկին:

Ամէն պարագայի տակ այն զգացումը, զոր կ'արթընցնէ իմ մէջ թոսքանայի այս ծաղիկը, խիստ անորոշէ ու անկերպարան, բայց իր ծնունդին մէջ իսկ, իր մանկութեան՝ անորոշութեան մէջ իսկ տիրապետելու ոյժ: մը ունի այդ զգացումը:

Խակ մօրս ու կաւոայի միջամտութիւնը սահման-

ուած է կարծես քափուրի պէս սառեցնելու այդ բնազդական զգացումը։ Այդպիսի դէպք մը պատահեցաւ երէկ։ Պարտէզն էինք, շատրուանին քովիկ, ողորահիւս աթոռներու վրայ։ Թէյի սեղան մը պատրաստեր էր մայրս, պահ մը կուռնելիա հեռացաւ մեզմէ։ Մայրս նայելով այդ կիպարիսին ետեւէն։

— Ի՞նչ աղուոր, առոյդ գարուն . . . ձայնեց միննոյն ատեն կէս աչքով ինձ նայելով ու հարցական ժպիտ մը դէմքին։

— Սիմիսեան ընտանիքի արժանի, կարծես այս տունէն բուսած առոնկ մ'ըլլայ՝ ծաղկալից, յարեց լաւուս։

— Հրաշալի մատաղատունկ մըն է, յարեցի ես, բայց պառող տալու համար ուրիշ հողի մէջ պէտք է տնկուի։

— Իսալական աշխարհէն հոս ձեր անդաստանն է ինկեր, ըստ լաւուս, ի՞նչ հարկ ուրիշ բուրաստան փնտուելու, դուք երկու քդ զիրար կ'արժէք։

— Կ'ուռնելիան իմ քուզինա է ու միշտ իմ քուզինա պիտի մնայ, պատասխանեցի ես։

— Ազգութ, դուրս թռաւ լաւույի բերնէն։

Տխուր ժպիտ մը սառեցաւ մօրս դէմքին վրայ։

Այդ միջոցին մեզի մօտեցեր էր կուռնելիա, որ հաւանաբար լսեր էր իմ խօսքին վիրջին բառերն ու լաւույի ձայնը։ Անոր այտերը գարձեր էին համակ մնզոյր, բոց մը կը պոռթկար անոր աչքերէն, այդ բոցն ուղղուած էր լաւույի։ Մօրեղբօրս կինը ոտքի ելաւ։ Կուռնելիա եկած ճամբէն սկսեր էր ետ գառնալ ու կը գոչէր հիմակ լաւույի։

— Զէ՛, չեմ ուզեր որ այդպիսի նիւթի մը վրայ խօսք բացուի, ա՛հ, պիտի մեռնիմ ես . . .

Այս խօսքերը Եհովայի բարկութեան պէս պայթեցան իմ գլխուն։ Կ'զգայի սակայն՝ որ հպարտութիւնը

շէր այդ բարկութեան ծնուցիչ պատճառը, այլ պատառուիլը այն համեստութեան քօղին, որուն ներքե կը հիւծէր ինքը:

Աւելի գէշ՝ ինձ համար. եթէ հպարտութիւնն ըլլար այդ բառերուն ծնող, արհամարհանք մը հերիք էր իմ կողմէ. սակայն համեստութիւնը, սիրող սրտի մը մենաւոր հիւծումը աւելի ծանր հարուած մըն էին ինձ համար, որուն տակ շշմեր էի ես հիմակ:

Երբ այս տողերը կը գրեմ, գրաւուած եմ տակաւին այս միակ խորհուրդով: Արդեօք ապերա՞խտ մըն եմ ես... ի՞նչ բան է որ զիս կը կաղացնէ երկու ոտքի վըրայ, Տարօրինակ վիճակ է իմ կացութիւնը. տղամարդ մը ահա որ սիրուած լլալուն համար դժբախտ ու տխուր է... Զայլամի պիտի նմանցնէր զիս պարսիկ մեծ առակախտօսը. Զայլամի՝ որ թեւեր ունի, սլացիկ թըռչուն չէ. բարձր հասակ ունի՝ ուզա կամ գրաստ չէ:

Կուռնելիա՛, Կուռնելիա՛, զեղեցկութեա՛ն դիցուհի, դու թիթեռնիկ մ'ես որ կը շրջիս վառուած յապտերի մը բոլորտիքը. կրնան խանծիլ քու թեւերդ:

Դու չես գիտեր ի՞նչ զաղտնիքներ կան Ամիրբէզի կուրծքին տակ. թերեւս ամէնէն աւելի դուն պէտք պիտի ունենայիր գանգատելու աստուածներուն թէ ինչու պատուհան մը չի շինեցին մարդուն սրտին վրայ, անոր թաքուն խորհուրդները տեսնելու համար: Բայց դու Մոմոսի նման այդպիսի գատաստան մը չես ըներ Հեփեստոսի ձեռակերտ մարդ արարածին վրայ, որովհետեւ քու սիրտդ յստակ է ու վճիտ՝ առտուան ցօղին պէս:

Մայիս 11

Երէկ քաղաք կ'իջնեմ ու պատերազմական խորհուրդին կողմէ իմ վրայ դրուած պարտականութիւնը կատարելու համար՝ առանձին տեսակցութեան կը հրաւիրեմ մէկ քանի հայ իշխաններ։ Տեսակցութիւնը տեղի կ'ունենայ Տիրիմպաքալեանց բնակարանին մէջ։ ուր կը հիւրընկալու իմ նոյն գիշերը։

Հրաւիրուած հայ իշխանները թուով ստկաւ, բայց մեր մեծերուն ընտրեալ դասը կը ներկայացնեն։ Անոնք հայ գաղութին առաջնորդներն են ու հայ նկարագրին, բարքերուն և ձգտումներուն ներկայացուցիչները։

Ահ, այս հայ մեծամեծները . . . ասոնք ամէն բանի ընդունակ են, բացի շիտակութենէ։

Հո՛ն էին եկած բազմած, Էմիր պէյը, Ա. Կատարինէի, Աքիքպէյ Պարոնվարդը, Քոթոլպէյը, Մարգարեան, Դորակալեան իշխանները և իրենց նմանիք, իրենց անուններուն պէս այլազան նկարագիրներու տէր են անոնք։ Դժուար է ինձ համար անոնց հոգիներուն պատկերները գծել, բայց ես յստակօրէն կը կարդայի զանոնք իրենց դէմքերուն վրայ։

Էմիր պէյ լատինամոլ պահպանողական մըն է. իրեն համար հայութիւն չկայ. գուցէ նախատինք պիտի նկատէր իր հայ անունը, ուրկէ կարելի եղածին չափ կը զգուշանայ ան։ Գոնէ շիտակ ուղղութիւն մ'ունենար ճենովական կառավարութեան հանդէալ . . .

Աքիքպէյ այնպիսի անձ մըն է օրուն սեփական նկարագիրը երկուութիւն մըն է ապահովաբար։ Մայրայեղ գաղափարներ կը դաւանի յաճախ, քիչ ետքը զանոնք ուրանալու և անոնց հակոտնեայ գաղափարները պաշտպանելու համար։

Թորակալեան, Մարգարեան, Տիրիմպաքալ հայ մեծատուններ են, որոնց աստուածը ոսկին է անշուշտ։ Auri saera fame! (Թարչելի՛ արծաթսիրութիւն) ինչպէս պիտի գոչէր Վիրզիլիոս։ Միւս հրաւիրեալները մեծ տարրերութիւն մը չպիտի ցուցադրէին այս վերջիններէն։ անոնք ալ կարելի է նկատել Եյսեմ farinae (Միեւնոյն խմօրէն՝ ալիւրէն)։

Գոթոլպէյ մէկն է սակայն անսոնցմէ, որ հաստատուն գաղափարներով ու տռետն կամքով, ովասիսներ են անապատին մէջ։ Ան գուցէ արժեցնէ։ իր ցեղին ամենաբարձր յատկութիւններն ու առաքինութիւնները, որոնց ձգտութիւնների ունի։

Տարակոյս չկայ որ խորհրդակցութիւնները կը գառնային թէոդոսիայի պաշտպանութեան շուրջ։ Գոթոլպէյի կարծիքով հայ իշխաններու տիրական պարտականութիւնն է մասնակցիլ ինքն ապաշտպանութեան գործին մէջ, ու նոյնիսկ ստանձնել քաղաքի պաշտպանութեան մէկ մասը։

—Քաղաքին բերդ երը կարելի է բնականօրէն երկու շրջանակի բաժնուած նկատել։ արեւելքամ ու արեւմտեան շրջանակ, կ'ըսէր Գոթոլպէյ ուժգին թափով մը շարունակելով իր տիրական կարծիքները։ Մենք Հայերս, որ այդ երկու շրջանակիներէն մէկուն մէջ ամփոփուած ենք մեծ մասով, մենք պարտաւոր ենք աէր ու պաշտպան կանգնիլ մեր շրջանակին, մեր բաժնին։ Դենուացիք ալ թող ստանձնեն իրենց շրջանակը։

—Բայց կը կշռէ՞ք գործին տնտեսական հետեւանքը, կը պատասխանէր Դորակալեան իշխանը։ Միշտ հաւատարիմ իր պազիրկեանի խոհերուն։ Ամբողջ թէոդոսիայի պաշտպանութեան կէսը ստանձնել, կը նշանակէ բոլոր պատերազմական ծախքերուն կէսը մեր ու-

մերուն վրայ բեռցնել . հայ գաղոթը ի վիճակի՞ է այդ-  
քան ծանր բեռ մը կրելու :

— Եկող թշնամին եթէ յաղթանակէ՝ տէրն է մեր  
բոլոր հարստութիւններուն , կ'ըսէր Գոթոլպէյ , եթէ մենք  
մեր տունը պաշտպանելու չյատկացնենք մեր գանձերը .  
մնզի օգուտ չպիտի ունեն ան անոնք :

— Զըլլար առանկ բան , կը ձայնէր միւս կողմէն  
Մարգարեան իշխան . եթէ զենուական կառավարութիւ-  
նը իր սեփական կալուածը պաշտպանելու համար մեր  
դրամին կը կարօտի , լաւ է որ մենք հիմակուընէ հը-  
րաժարինք ամէն ձեռնարկէ : Մենք աւելի լուրջ պէտք է  
մտածենք պատահականութիւններուն վրայ . Դորակալ-  
եան իշխանը շատ իրաւունք ունէր ըսելու թէ մենք  
Հայերս կորանցնելիք բան մը չենք ունենար նոյնիսկ եթէ  
Ֆաթիհը տէր ըլլայ Խրիմին կամ կ'ինէքը . այդ նոյն  
բանն է մեզի հայր . գացող իշխանութիւնը մեր գըլ-  
խուն վրայ , եկող իշխանութիւնը մեր գլխէն վեր : Դուք  
չէ՞ք յիշեր , իշխաններ , որ Պրուսայի առաջնորդ և Պոլ-  
սոյ Պատրիկ Յօվակիմ եպիսկոպոսը իր շրջարերական  
գիրերով խօնեմութիւն կը քարոզէր Հայոց Օսմ . կա-  
ռավավարութեան հանդէպ . դուք չէ՞ք տեսներ որ Ֆաթիհ  
մեծ առանձնաշնորհներ տուած է իր ձեռքին տակ ապ-  
րող Հայերուն . Պոլիսը բազմաւարդելու համար ամէնէն  
վստահելի տարրը Հայեցը նկատած է . Յոյներուն հաւա-  
սար կրօնական ու քաղաքական իշխանութիւն տուած  
է : Մենք ինչո՞ւ կռուինք այդպիսի իշխանի մը գէմ :

— Ուրիշ ըսելիք ունի՞ք տակաւին , հարցոց Գո-  
թոլպէյ :

— Ո՞չ , պատասխանեց Մարգարեան :

— Եթէ ուրիշներ Մարգարեան ու Դորակալեան իշ-  
խաններուն խօսածներէն նոր բան մը աւելի ունին ըսե-

լիք . Թող խօսին , կ'ուզեմ ամէնքին միասին պատասխանել . ըստ Գոթովպէյ , որուն ոչ ոք պատասխանեց : Այն ատեն հետեւեալ կերպով կամ գրեթէ նման բառերով խօսեցաւ ան .

— Իշխաններ , ինչպէս քիչ առաջ դիտել տուաւ Ամիրքէգ՝ իր բաւական ընդարձակ յայտարարութիւններուն մէջ . Ֆաթին Հայերուն կարդ մը առանձնաշնորհումներ տուածէ ու թերեւս պիտի տայ տակաւին , բայց այդ բոլորը իր շահուն համար են . Ֆաթին Պոլսոյ տէրն է հիմակ և իր աշխարհակալի անյագուրդ ու ցանկասէր աչքերը դարձուցած է արեւելք . արեւմուտքի մէջ ահազին խոչընդուներ կան իր տիրապետութեան դէմ , մինչդեռ արեւելքի մէջ լուրջ արգելքներ գոյութիւն չունին . ան կ'ուզէ տէր ըլլալ բովանդակ Փոքր Ասիայի , Հայաստանի , բովանդակ Սեւ ծովի եզերքներուն , Եզէականի բոլոր կղզիներուն եյլն . . Արդ , Արեւելքի մէջ տարր մը կայ որ միշտ դժգոհ է իր հարըստահարող տէրերէն . այդ տարրը Հայն է . Ֆաթին կ'ուզէ սիրաշահիլ զանոնք , որ կարենայ դիւրաւ տեղաւորուիլ անոնց հայրենի երկիրներուն մէջ :

«Ենթադրենք պահ մը թէ հայ տարրը իրաւունք ունի իրեն երկարած ձեռքը սեղմելու և օգնելու անոր , թէ հայ տարրին ու Ֆաթինի շահերը մէկ գծի վրայ կ'ընթանան . այդ պարսգային Ֆաթինի աշխարհակալ ցանկութիւնը թերեւս արդարանար մեզի համար , սակայն կէտ մը կայ , զոր մենք կը մոռնանք նկատի ունենալ :

«Հայ տարրը կը տառապի համեմատաբար ստոր ու տկար բռնապետներու երեսէն . օրինակ Ուզուն Հասանի , Զիւլգատրեան իշխաններու , Գարամանի պէյերուն , Ագգոյունլուներու կողմէ են . . Այդ բոլոր իշխանները

հաւաքարար Թաթին մը չեն արժեր, կամ չեն կրնար անոր հետ ի վէդ գալ: Արդ, հայ տարրը, մտրակուած իր դժգոհանքէն՝ կ'օժանդակէ Թաթինին, աւելի զօրացընելու համար անոր դիբրքը: Ո՞վ է Թաթին, եթէ ռամկավար հիմերու վրայ հիմնուած կառավարութեան մը ներկայացուցիչն ըլլար ան, կ'արժէր հպատակի անոր: Եթէ կրօնական կամ քաղաքակրթական նմանութիւն ու բարձր ձգտումներ ունեցող պետութիւն մ'ըլլար անոր կայսրութիւնը՝ կ'արժէր հնագանդիլ ու նոյնիսկ զօրացնել զայն, բայց ընդհակառակը Եէնիչէրիներու կազմակերպութիւնը, իսլամի կրօնը, եաթաղանի քաղաքականութիւնը կը տիրապետեն այդ պետութեան մէջ: բոնապետութիւնը ամուր հիմերու վրայ կանգնած է հոն, և մենք կ'ուզենք զօրացնել այդպիսի իշխանութիւն մը, մենք կ'ուզենք աջակցիլ անոր, միայն մեր ներկայ շահերը նկատի առնելով: Մենք կը նմանինք անբան անասուններուն, որ միշտ քաղցի ու ծարաւի տիրական բնագդովը կը զեկավարուին, ու չեն խորհիր վաղը, իրենց վաղուան ապագան: Մենք մեր օրական շահը, մեր կեանքի նիւթական ներկայ պայմանները միայն նըկատի առնելով պիտի նմանինք այնպիսի մարդոց, որոնց համար Պօղոս առաքեալը կը գոչէ: «Որոց աստուածք որովայնք իւրեանց»: Զէ՛, իշխաններ լրջօրէն մտածենք, ապագան խորհինք, մեր յաջորդ սերունդները մեզ կը ընածաղատել, ու անիծել մեր զերեզմաններն ու յիշատակը:

«Այս ընդհանուր տեսակէան է. հիմակ ես պիտի խօսիմ մասնաւորապէս մեր ներկայ դիբրքին վրայ:

«Մենք ու մեր նախնիքները եկեր հաստատուեր ենք Պոնտական այս հիւրընկալ ափերուն վրայ. մեր տունը, մեր հայրենիքը հո՛ս է, և ահա բարբարիկ թշնամի մը

եկեր է մեր երկիրը ոտնակոխ ընելու . մենք կ'ուղենք  
այդ թշնամին որպէս վիշապ պահել մեր ծոցը , տաքցը-  
նել զայն : Մեր այս արարքին համար պատմութիւնը  
մեզ կրնայ կոչել ոչ միայն վատ, այլև դաւաճան: Մեր  
տունը մէկ մասը կը կազմէ այն կալուածին , որուն ընդ-  
հանուր տէրը ընտանեսէր հայր մը , որդեգորով ընտա-  
նիքի պետ մըն է . մենք հիւր, քաղաքացի ու հպատակ  
ենք Դենուական կառավարութեան . հասարակաց թշնա-  
մին տապարը վերցուցեր է մեր հօր, մեր պետին , մեր  
կառավարութեան վրայ , և մենք կը խորհինք այդ թըշ-  
նամին հիւրընկալել ու մեր վրայ բռնապետ մը նստեցր-  
նել . մենք պիտի նմանէինք խելագար ժողովուրդի մը  
որ դժնիկը կամ տատասկը կը դնէ իրեն գլխուն վրայ  
թագաւոր : Այսպիսի յիմար ձեռնարկ ու խորհուրդ իսկ  
պէտք է միանգամ ընդ միշտ վանենք մեր միտքէն :

«Գալով այն դիտողութեան թէ պատերազմի ծախ-  
քերուն կէօը մեր վրայ առնել անխոհեմութիւն է . ես  
պիտի պատասխանէի որ խնդրին բուն ոգին չի հասկը-  
նալէն առօջ կուգան այդպիսի նկատողութիւններ : Ան-  
տարակոյս պատերազմը Դենուայի հասարակապետու-  
թեանն է , և պատերազմի ծախքերը կառավարութեան  
անկ են , ինչպէս ապահովեց մեզ Ամիրըէգ : Բայց կա-  
ռավարութեան մը հարստութեան աղբիւրը անհատներն  
են , որոնք մանաւանդ կուտի միջոցին կ'օգնեն անոր ,  
որովհետև ո՛չ միայն վստահ են թէ անդորրութեան ա-  
տեն պիտի կրնան վերստին ստանալ իրենց տուած դը-  
րամները՝ իբրև փոխատուութիւն , այլի . որովհետև կը-  
ռիւը շահիլ ապագայ նիւթական ապահովութիւնը շահիլ  
կը նշանակէ : Այդպիսի դիտողութիւն ես վստահ եմ որ  
մեր հայ իշխանները չպիտի ընեն Դենուացի մեր քաղա-  
քակիցներէն ուեէ մէկին առջև , որովհետև գիտեն թէ

առսկալի վարկաբեկիչ է այդ պարագան իրենց համար :  
Ուրեմն աւելորդ է այդպիսի անհեթեթ գաղափարներով  
մեր ուղղղները ի զուր յոգնեցնել :

«Գենուայի պարծանք այս գաղութը նեղ գրութեան  
մէջ է . այսպիսի նեղ գրութիւններ շատ ունեցեր է այս  
սատանը : Մենք որդիներն ենք մեր այն նախնիքներուն ,  
որ 1297ի Գենուա վենետիկնան կոփւներուն լայնօրէն  
բացին իրենց քսակները , հանդէս բերին նոյնիսկ իրենց  
կուրծքերը , ու վերջապէս վերստին ծածանեցուցին ճե-  
նովական դրօշը այս բերդերուն վրայ : Հիմակ մեր թըշ-  
նամին Վենետիկնան կառավարութեան նման հանրա-  
պետութիւն մը չէ , քրիստոնեայ չէ , քաղաքակրթու-  
եան ու յառաջդիմութեան սատար մը չէ , այլ մաթին  
մըն է , որուն աջակից են Թաթար քանի մը հոգի : Հաճի  
Քէրէյի որդիներէն ոմանք , որ իրարու միս ու ոսկոր կր  
կրծեն շարունակ : Զէ' , մենք զիտենք ցոյց տալ թէ  
Հայը երբ զինքը կառավարող իշխանութեան փարած է ,  
երբ գիտէ թէ արդարակորով կառավարութիւն մըն է  
ան , գիտէ իր բոլոր կորովը , իր բովանդակ ոյժովը  
օ-  
ժանդակել անոր ու ցոյց տալ թէ հաւատարիմ հպատակ  
մըն է : »

Գոթոլպէյի խօսքերը իրենց բարերար ներգործու-  
թիւնն ունեցեր էին . ունկնդիրներուն դէմքերուն վրայ  
կը կարդացուէր հաւանութեան արտայայտութիւն :

Աքիքպէյ զգայնիկի պէս ըմբռնեց կ'երեւի տիրող  
մթնոլորտին զգալի փոփօխութիւնը՝ իր ընկերներուն  
դէմքին վրայ : Այդ պատճառով անմիջապէս յայտնեց .

— Կատարելապէս համաձայն ենք Իսկէնտէր Պէյի և  
Գոթոլպէյի յայտնած կարծիքներուն . մենք մեր բոլոր  
կարողութիւններով պիտի աջակցինք քաղաքին պաշ-  
պանութեան գործին :

— Այո՛, պիտի աջակցինք, վրայ բերաւ Տիրիմ Պա-  
քալեան ճետը, բայց հարց մըն ալ պէտք է լուսաբանենք  
նախ. մենք պիտի կրնա՞նք յաղթել՝ կամ կարելի՞ է յաղ-  
թել Ֆաթիհի:

— Ուրախ եմ որ այդպիսի հարց մը կը դրուի մէջ-  
տեղ, պատասխանեց Դոթոլպէյ, հիմակ ճիշդ ատենն է  
որ լրջօրէն քննենք այդ հիմնական կէտը: Խնդիր է,  
այո՛, թէ պիտի կրնա՞նք յաղթել Օսմանցիներու Սուլ-  
թանին, կամ կարելի՞ է յաղթել անոր Ներեցէք ինծի որ  
վերլուծում մը ընեմ Ֆաթիհի բոլոր գործերուն, ցուց-  
նելու համար անոր յաղթանակներուն բուն արժէքը:

«Ֆաթիհ, մինչև այսօր, կարելի է ըսել թէ մեծ յաղ-  
թանակներ տարաւ, այդ յաղթանակներուն թիւը սահ-  
մանափակ չէ. ու ես վստահ եմ թէ դեռ շատ յաղթու-  
թեան փառապսակներ պիտի ժառանգէ ան: Համբենք  
անոր յաղթութիւնները. առաջին ու մեծ յաղթանակը  
Պոլսոյ առումն է. մեղմէ ո՞վ չգիտեր թէ այդ մեծ քա-  
ղաքին անկումը պատճառեցին յոյն, զենետիկեան ու  
ճենովական իշխաններու իրերամերժ, կասկածու ու  
մատնիչ վէճերը: Կոստանդինի, Ղուկաս Նոտարասի,  
Յուսդինիանիի, -- միայն զլիսաւորները աննունները յի-  
շելով. -- միջև ու անոնց շուրջ ծնունդ առած անհասկա-  
ցողութիւնները, վէճերը, մատնութիւնները չէին որ մե-  
ծագոյն հարուածը տուին Բիւզանդիոնի պաշտպանու-  
թեան գործին: Պոլսոյ առումէն յետոյ Ֆաթիհի բանակ-  
ները ոտքի կոխան ըրին բովանդակ Մոռէան. այդ յա-  
ջողութիւնը կը պարտէին անոնք տեղական յոյն իշխան-  
ներու և զենետիկեան կառավարութեան միջև տիրող  
անհամաձայնութիւններուն, կոհւներուն և անոնց իրե-  
րադաւ մատնութիւններուն: Ֆաթիհի երրորդ մեծագոյն  
յաղթանակը Տրապիզոնի կայսրութեան ջնջումն է:

Դուք լաւ զիտէք այդ քաղաքին յոյն իշխանին վախկոտ, այլասերած բնութիւնը, դուք քաջ զիտէք անձնութրօքէն քաղաքը պաշտպանող հայ իշխաններու կողքին տիրագրուժ յոյն իշխաններու, և նոյնիսկ հարկ է կարմրելով խոստովանիլ, հայ իշխաններու ներքին դաւերը: Հետեւարար պէտք չունիք հարցնելու թէ Տրապիզոն ինչպէս զոհուեցաւ, իր կտրիչին առջև անմռունջ կեցող որոջի նման յանձնուեցաւ անոր: Թէև իր անձնատուր իշխանները իրենց գլուխներովը քաւեցին իրենց դիւրահաւանութիւնը, Ֆաթիհի խոստումներու մասին:

«Եարե՞նք տակաւին Սուլթանին միւս յաջողութիւնները Ուզուն Հասանի վրայ. Լեսրոսի մէջ, Գարամանի իշխաններուն դէմ, Եւրէայի առջև: Ուզուն Հասան, իր յոխորտ բնաւորութեան, իր իշխաններուն դաւաճանութեան զոհը դարձաւ: Լեսրոսի պատմութիւնը աւելի քան ծանօթ է ձեզի. Կզզիի իշխանները չկրցին ազատել իրեց գլուխու նոյնիսկ կրօնքնին ուրանալով: Գարամանի իշխանները պարտուեցան, որովհետեւ եօթը եղբայրներ իրարու դէմ է որ կը կռուէին: Եւրէայի առջև վենետիկեան ու հռոդոսեան մարտանաւերը ինչե՞ր չպիտի կրնային ընել, եթէ իրենց հրամատարը իր զաւակը ազատելու համար շդաւաճանէր կզզիի պաշտպանութեան գործին:

«Հիմակ քիչ մըն ալ իր պարտութիւնները յիշենք: Ո՞վ յգիտէ աշխարհահամբաւ Խսկէնտէր Պէկի կռիւնները Ալպանիոյ լեռներուն վրայ, միշտ թուով անհամամատ բարձր ոյժերու դէմ: Ֆաթիհի բանակները քանի՛ քանի անգամներ կորակոր պարտուեցան այդ քաջ իշխանին առջեւ: Մինչեւ որ Ֆաթիհ, զէնքէն յուսահատ, դաւաճանութեան դիմեց, ուզելով թունաւորել զայն դաւադիրներու միջոցաւ, թէեւ չյաջողեցաւ երբեք:

«Փառքի դափնին չի՞ պսակեր այսօր իսկ Հոռոգոսի քաջասիրտ հերոաները, ցամաքի ու ծովու։ Թաթիհի անթիւ բանակներն ու նաւատորմը ի՞նչ ոռսկալի կորանքի ենթարկուեցան կղզիի անձնուէր պաշտպաններուն կողմէ։ Հոն թիւով գերազանց էին Օսմանցիները, իրենց բոլոր կոիւներու միջոցին, բայց ջախջախուեցան դառն կերպով։

«Իսկ այնքան թարմ է Հունիատի, Ստեփաննոս իշխաններու ջախջախիչ հարուածներուն տպաւորութիւնը, որ աւելորդ է կրկին յիշել զանոնք։ Յիշեցէք միայն որ այն մարտանաւերը, որոնք թէողոսիայի պարիսպներուն առջեւ պիտի յանդգնին երեւիլ, պատրաստուած են դանուրեան պարտութեան վրէժը լուծելու համար։ Ու մի՛ մոռնաք որ Հունիատի բանակները, մոլուաւական լէգէոնները սահմանին վրայ պատրաստ են արդէն մտածել տալու համար Օսմանցիներու Սուլթանին։

«Այս բոլոր վերլուծումին եղրակացութիւնը պարզօրէն կրնաք հանել ուրեմն։ Թաթին յաղթանակած է հո՛ն ուր երկպառակութիւնը, դաւաճանութիւնը բոյն դրած են։ պղտոր ջուրի մէջ կրցեր է ան ձուկ որսալ։ Իսկ հո՛ն ուր կորովի բազուկ մըն է ծառացեր, ժայռի պէս լանջք մըն է ցցուեր իր առջեւ, ընկրկեր է կորակոր։

«Մի՛ մոռնաք, իշխաննե՛ր, որ մենք մեծ մասամբ որդիներն ենք այն հայրերուն։ որ չհանդուրժելով Տուղրիլներու, Ալփասլաններու, թաթարներու և իսլամներու ստորնացուցիչ լուծին, թողուցին իրենց սիրական հայրենիքը՝ Անին, ու եկան ապաստան փնտուելու եւրոպացի՝ քրիստոնեայ հովանիի մը տակ։ Մենք պէտք է ցոյց տանք այժմ թէ այդ նախնիքներու հարազատ սերունդն ենք իրապէս։»

Գոթոլպէյ քաշեց իր ետեւէն բոլոր խորհրդականները, իր խօսքերուն ու փաստերուն պերճախօսութիւնը պապանձեցուց զանոնք: Ժողովը եկաւ վերջապէս այն եղրակացութեան թէ պէտք է յաջորդ օրուան զինուուրական խորհուրդին ներկայանան խոկէնտէր ու Գոթոլպէյ՝ յանուն հայ իշխաններուն, որոնք կը խոստանային քաղաքի պաշտպանութեան գործին մասնակցիլ, երկու շրջանակներէն մէկուն պաշտպանութիւնն ստանձնելով ամէն կերպով:

Այսօր Զինուուրական Խորհուրդը խանդավառութեամբ ընդունեց հայ իշխաններուն ինքնարերաբար... կատարած այս անձնուիրութեան խոստումը: Ո՞ւր էր թէ խոստումը խոստում չի մնար բնաւ. ես երկիւղներունիմ, գուցէ անիրաւ. մեր հայ մեծամեծները ամէն բանի ընդունակ են:

Մայիս 43

Օրագիրիս մէջ անցուելիք բաւական կարեւոր դէպ-քեր պատահեցան երէկ և այսօր։ Կարգով զրի պիտի առնեմ զանոնք։

Երէկ երեկոյեան դարձեր էի քաղաքէն։ ամարա-նոցին բակն ու պարտէզը ոչ ոք կը գտնուէր։ Հապճե-պով մտայ տունէն ներս։ իմ գալուստը ոչ ոք տեսաւ, բացի պարտիզպանէն ու խոհարարէն, որոնք ներքին բակը հանդիպեցան ինծի։

Այդ վայրկենին բնազդ մը, արթնցած իմ մէջ, մէ-կու մը պակասը կ'զգացնէր։ մէկը կը փնտոէի պարտէ-զին մէջ, տան սանդուզներուն վրայ, սրահը։ Եւ ան-շէր հանդիպեր ինծի, կուռնելիան էր ան։

Չէի գիտեր թէ ինչո՛ւ մասնաւոր տրամադրութիւն մը, մտահոգութիւն մը կ'զգայի ես այդ աղջկան նր-կատմամբ։ Կ'ուզէի հանդիպիլ անոր, արժանի ըլլալ ա-նոր ժպիտին։

Փութով բարձրացեր էի երկրորդ յարկը, իմ սեն-եակը մտնելու համար։ կ'անցնէի դրան առջեւէն այն սենեակին, որ Լաւոայի յատկացուած էր և մասնաւո-րաբար կուռնելիայի։ Սենեակին խորէն հծծիւն մը ա-կանջս հասաւ։ բուռն հետաքրքրութեամբ մօտեցայ դրան, զրեթէ բաց էր, բայց վարագոյրը կը ծածկէր ներքին տեսարանը։ Բաշմիրի շալէ վարագոյրին մէկ ծալքը վերցուցի մեղմիւ։ այն ատեն պարզուեցաւ իմ աչքերուն առջեւ այնպիսի տեսարան մը, որ յուզեց իմ բոլոր էութիւնը։

Սենեակին պատերը զարդարուած են մեր ընտանի-քի պետերէն սմանց նկարներով։ պատին մէկ կողմը իմ

մայրը զետեղել տուած է նաև իմ իւղաներկ մեծադիր  
պատկերը։ Այդ պատկերին առջեւ կանգնած էր գեղա-  
նին կուռնելիա։ դէմքն առեր էր երկու ձեռքերուն մէջ  
ու կը հեծկլտար։

Ա'ն, պաշտելի՛ կուռնելիա, սրբուհի՛, դուն կը տա-  
ռապիս քու մէջ ծնած հոգեկան տառապանքով։

Այո՛, ապահով էի այժմ թէ ինչ բան էր անոր հեծ-  
կըլտանքին բուն շարժառիթը։ Ան կը սիրէ իսկէնտէրը,  
որ անզգայ ապառաժ մըն է իրեն համար։

Այն օրէն ի վեր, երբ կտրուկ կերպով յայտներ էի  
ես իմ որոշումն ու զգացումները, կուռնելիա կը ջա-  
նար անտարբեր երեւնալ ինձ նկատմամբ։ բայց չէր կա-  
րող։ Ան կ'ուզէր փակուած զիրք մը նկատել այն ե-  
րազը, զոր հիւսեր էին իմ մայրն ու Լաւուա։ Անոր հա-  
մար այդ երազը արգանդին մէջ խեղդուած մանուկ մըն  
էր։ ան կը ջանար խեղդել իր մէջ բոլոր նորազարթ  
զգացումները։ այո՛, կ'աշխատէր ընել այս բոլորը, բայց  
անկարող էր։ ապացոյցը ահա իր ներկայ դիրքը։ Դէժ-  
րա՛խտ գեղեցկութիւն . . .

Ի՞նչ ընէի ես այդ վայրկենին, ե'ս, որ անգութ  
գանուեցայ այդ փափկասուն ծաղիկին հանդէպ։ Մըտ-  
նէի՞ ներս, զրկէի՞, միսիթարէի զինքը, արժանի էր ա-  
տոր։ բայց . . . Փէրիչէնէրը կը տնկուի ահա իմ երեւա-  
կայութեան առջեւ։ բայց հաւանաբար այդ վայրկեանին  
Տերմինոսի արձանին մօտ իմ գալուստը կ'երազէ ան։  
Բայց ինչո՞վ եմ կապուած ես անոր։ ա'ն, ամէն բա-  
նով . . . բայց ո՛չ մէկ բանով . . . իսկ այս ամբիծ հոգին  
ինչո՞վ է կապուած ինձի, այո՛, ամէն բանով, իր բոլոր  
հոգիով, իսկ ես ոչինչով . . .

Զեմ զիտեր թէ քանի վայրկեան մնացի ես այդ  
դրան առջեւ անշարժ։ Յանկարծ վարի յարկէն սեն-

ես կի մը դուռը բացուեցաւ . տեսայ որ օրիորդը ցընցուեցաւ , զլու խը դարձուց դէպի դրան կողմը , Բնագդական շարժումով մը արդէն քաշուեր էի ետ , մատներուն ծայրերուն վրայ կոխելով կը մտնէի իմ սենեակէն եերս : Գողունին նայուածքս դուրս կը սահի անդ ամ մը իմ դրան վարագոյրին ետեւ չն , սենեակներու միջնարահը քննելու համար : Կուռնելիա զլուխը դուրս կը հանէ իր վարագոյրէն . կը դիտէ դէպի սանդուղը , կը դիտէ մանաւանդ դէպի իմ սենեակը : Ա՛հ , իր աչքերը . իր այտերը , իր սպիտակ գիրգ մատները . . .

Անմե՛զ հրեշտակ , պիղծ ոգի մըն էր որ եկաւ իր շունչը պտացնելու քու սենեակին առջեւ :

Վայրկեան մը ետք սանդուղին վրայ լսուեցան ոտքի ձայներ : Կուռնելիա աչքերը սրբելով ներս մտաւ : Տեսայ սանդուղին զլուխը Լաւոան , որ դէպի սենեակ կ'երթար :

Մեծ զգուշութեամբ ու դողալով կը մօտենամ կը րկին դրան վարագոյրին , այս անգամ չեմ համարձակիր ծայրը վերցնել , չէ՞ . չորս աչքեր կան ներսը . բայց իմ շունչը կը բռնեմ , համակ ականջ կտրած եմ :

— Ինչո՞ւ լացեր ես դարձեալ , կը հարցնէ Լաւոա , ի՞նչ ունիս աղջիկս :

— Ոչինչ . մայրիկ , կուռնելիա այս անունով կը կոչէ միշտ Լաւոան :

— Չէ՞ , աչքերդ կարմրեր են , արցունքի հետքեր կան տակաւին :

— Մարդ ամէն վայրկեան ուրախ տրամադրութիւն չունենար :

— Այս՝ , բայց տրամաւթեան ալ պատճառ մը կ'ունենայ . . . Սակայն աւելորդ հարցումներ կ'ընեմ , ես գիտեմ արդէն թէ ինչ են քու արցունքին պատճառները . . .

— Եթէ զիտէք, ուրեմն չարժեր որ հետաքրքրուիք կրկին :

— Ընդհակառակը ես ամէն իրաւունք ունիմ հետաքրքրուելու . դուն այս օտար երկնքին տակ ո՞վ ունիս ինձմէ զատ, աղջիկս, որ ինձի չափ մօտիկ ըլլայքեղի : Արցունքիդ պատճառները գիտնալուս, կ'ըսեմքեղի թէ՝ աղայութիւն է ըրածդ . յուսահատելու ոչինչ ունիս, քանի որ դեռ ամէն յոյս կորած չէ :

— Կը խնդրեմ, մայրիկ, որ անգամ մըն ալ այդպէս շխօսիք . այս երրորդ և վերջին անգամն է, որ կ'աղաչեմ ձեղի մոռնալ այդ միտքը : Այլեւս այդ է՞շ փակուած է ինձ համար . . . առաջին օրէն ի վեր ես կ'զգայի թէ խորին անջրպետ մը կը բաժնէ զիս անկէ . դուք երկու կիներդ մանաւանդ վառեցիք իմ երիտասարդի զգացումները, խանդավառեցիք ու քաջալերեցիք : Շնորհակալ եմ որ դուք դրիք այդ կայծն իմ մէջ : Բայց գիտցէք, ահա իր նկարը վկայ . . . գիտցէք որ կուռնելիան այդ կայծը գիտէ թաղել իր որտին խորը այնպէս որ աստուածներն ալ չիմանան . . .

— Ըսի՛, աղջիկս, թէ մենք յուսահատ չենք տակաւին . . .

— Ըսի՛ ես ալ, մայրիկ, թէ պէտք է մոռնաք այլևս այդ խորհուրդը պէտք է մոռնաք իսպառ : Եւ յետոյ ես պիտի խնդրէի որ մեկնէինք այս տունէն :

— Ի՞նչո՞ւ, կը նեղուի՞ս Ամիրբէգի ներկայութենէն . . .

— Ո՞չ, ո՞չ . այն օրէն իվեր երբ յայտնեց ան իրուղիդ խորհուրդը, աւելի պատկառելի, աւելի հաճելի է ինձ իր ներկայութիւնը վայելել, որովհետև գիտեմ թէ իր բոլոր վարուելակերպը անկեղծ է ու յետին միտքեր չի պարունակեր : Իսկ ես կ'ուզեմ որ մեկնինք այս տեղէն, որպէս զի ահաճութիւն չպատճառենք մեր ազգականներուն :

— Ես վստահ եմ որ մենք երբեք տհաճութիւն չենք  
առթեր իրենց :

— Այս, մայրիկ, կ'աղաջեմ, կը պաղատիմ քեզի,  
մի մերժեր զիս, և կարգադրէ որ շուտով մեկնինք առ-  
կէ : Ահ, կ'ուզեմ պահ մը առանձին ապրիլ մեր սեփա-  
կան տան մէջ, իմ զբաղումներովս, իմ խոհերովս : Ես  
հոս փոխուած եմ, մայրիկ, առջի կուռնելիան չեմ. եր-  
թանք մեր տունը, թերեւս հոն գտնեմ նախկին կուռ-  
նելիան :

— Այս իրիկուն Սքուէրչաֆիքօն պիտի գայ արդէն,  
կ'աշխատիմ որ շուտով մեկնումի կարգադրութիւն մը  
ընեն :

— Շնորհակալ եմ մայրիկ . . .

Լսեցի համբոյրի մը ձայնը, որ կ'երեւի լաւուայի  
այտերուն վրայ կը հնչէր կուռնելիայի ջերմին շրթներէն :

Մենեակս դարձեր էի արդէն. դուռը փակեր էի  
մեղմիւ : Ես ինձի հարցեր կ'ուզզէի. որոնց պատասխա-  
նը կը կախուէին օղին մէջ : Իմ հոգին վերիվայր շրջե-  
ցաւ քանի մը վայրկեանի մէջ : Այս աղջիկը վրդովեց  
զիս :

Արդեօք ե՞ս ստեղծեցի այս յորձանուար, որ գլխու  
պառյատ կը պատճառէ ինձի. արդեօք ե՞ս գծեցի իմ բո-  
լորտիքը կախարդական շրջանակը, ուրկէ ելքի հնար  
մը շեմ կրնար գտնել : Ո՞վ է յանցաւոր, երբ այս աղ-  
ջիկը կը տառապի այնքան անգթօրէն, երբ ես կը  
տուայտի անձուպրելի երագաղի մը ցանցերուն մէջ  
բռնուած :

Ո՞վ հանեց իմ դէմ այս անձնուրաց հրեշտակը, ո՞վ  
հանեց իմ դէմ մանաւանդ կմինէքի աշագեղ զուսարը,  
ո՞վ զրաւ իմ ճամբուս վրայ Սանդուխտ հանըմի նման  
խանձող մը, հրատ մը, որ նոր հուրեր վառեց իմ հո-

գուն մէջ : Ինչո՞ւ իմ խտէալները , իմ ծրագիրները ա-  
մէն ժամանակէ աւելի սփինքսի նման ցցուած իմ առ-  
ջև՝ անլուծելի հանելու կներ կ'առաջարկեն : Ի՞նչպէս լու-  
ծեմ ես զանոնք . արդեօք Իդիպսոսի նման զո՞հ մը պիտի  
դառնամ իմ յանդգնութիւններուն . բայց այն ատեն  
ինչո՞ւ տառապին այն ամրիծ հոգիները , որ կը շրջա-  
պատեն զիս :

Ա՛ն , այսպիսի անթիւ , այլաղան խոհեր , անհատ-  
նում հարցեր կուգային իրարու վրայ դիզու իլ այնպէս ո  
ինչպէս երկանաքարի մը տակ դրուած , ջամնջախուած  
ցորենի ալիւրը կը դիզուի անոր առջեւ : Ինչպէս ելնելու  
էի ես այս անհատնում խոհերու լարիւրինդոսին մէջէն ,  
ով պիտի տար ինձի այն դերձանի կծիկը , որուն շնոր-  
հիւ ես կարենայի դուրս գալ այն բաւիդին մէջէն . որ  
աւելի խճող ու անելանելի էր քան Կրէտէի համբաւեալ  
լարիւրինթուը :

Ծշմուած , տիսուր , ընդարմացած մնացեր էի ես  
բաւական ժամանակ . շուրջս նայեցայ ու տեսայ իմ  
սենեակի չորս պատերը . այո՛ , ահա երկար վայրկեան-  
ներ իմ աչքերը նայեր էին այս պատերուն ու չէին տե-  
սեր զանոնք . իմ խոհերը , իմ խոռվքը վերացուցեր էր  
զիս :

— Իսկէնտէ՛ր , տէ՛ր եղիր քու անձիդ , կ'ըսեմ ես  
ինձի , թող գործէ պահ մըն ալ քու դատողութիւնը :  
Սիրաը թող ունկնդրէ քիչ մը ու դադրի տիրապետելէ :

— Այո՛ , պէտք է դատողութիւնս գործէ . բայց ո՞ւր  
է ան . ա՛խ , իմ միտքը չի գործեր այդ պահուն . տա-  
շեղ մըն եմ ես արագասահ ու գարնանազայր գետի մը  
կոհակներուն վրայ . կը քշուիմ շարունակ , մաղ մը չկայ  
որուն կարենամ կառչիլ :

Իզուր կը ջանամ արդարացնել ինքինքս այնպիսի

փաստերով . որոնք իմաստակութիւններ կը թուին ինձի : Կը խորհիմ , կ'ուզեմ դատել իրերն առարկայօրէն , ու կ'ըսեմ ես ինձի .

— Ես սէր չդրի կուռնելիայի սրտին մէջ , ես չքաջալերեցի զայն , ի՞նչ ընեմ՝ երբ իր բաղձանքներուն համեմատ երազներ է հիւսեր ինքը . ես ինչո՞վ յանցաւոր պիտի ըլլայի եթէ մէկը ինքզինքը տէր կարծէր մեր ընտանիքի բոլոր հարստութիւններուն , մեր կալուածներուն . մերնաւերուն , Արիմի ու կիլիկիայի մեր բոլոր գետիններուն , ու յանկարծ արթննար որ երազ էր :

— Զէ՛ , Խոկէնտէր , դու կը խեղաթիւրես . եթէ դուն չի դրիր սէրն անոր մէջ , քու աչքին տակ , քու լուռ համաձայնութեամբ այդ գերը կատարեցին մայրդ ու Լաւոա : Ա՛հ , դու տկարացար կուռնելիայի սիրոյ հզօր թափին առջե , հարուածը , զոր տուիր քու երկդիմի խօսքերովդ , շուտով ամօքեցիր այնպէս ինչպէս լուսարարը կ'ընէ առկածեալ կանթեղին առատ իւղի զիջումով :

Իմ դատումները ո՞րքան չքոտի կ'երեւին ահա նոյն ինքն ինձի . իզուր ես կը մտածեմ թէ կուռնելիա հայ մը չէ , օտար մընէ . ոչ միայն իմ դէմ կը ցցուի պատկերն այն կնոջ որուն արիւնը կը շրջի իմ երակներուն մէջ , այլեւ այն աղջկան որուն հանդէալ իմ սիրոը ուժգին բարախում մը զգացեր է . այո՛ , իմ մայրն ալ օտար մընէ . Փէրիչէնէրն ալ թաթարի մը արիւնը կը կրէ :

Իմ դատումները սին՝ վրքուռոյց պղպջակներ են մանր տղաքներու շինած օճառի գնտակներուն պէս , անոնցմէ աւելի անկայուն , անոնցմէ աւելի դիւրաբեկ : Պատկեր մը կայ իմ աչքին առջե , որ շարունակ կանգուն է , անկորնչելի , տեւական . կուռնելիայի արտասուազօծ աչքերն է ան : Ա՛հ . այդ կը յուզէ զիս . արցունքնե՛ր , սիրոյ՝ դժբախտ սիրոյ արցունքներ . . .

Աստուած իմ, ինչո՞ւ տեսայ ես այդ մարգարիտներուն հետքերը: Ո՞րքան պայծառ էր, սակայն, անոր դէմքը այդ յուզումին տակ, անոր դէմքը կարծես կամար ունէր ծիրանը գօտին, աւելի պայծառ քան Ա. Աննայի Լուսապատկը: Իսկ իմ դէմքը, թէ իսկ ցոյց չի տայ իր ներքին խոռվքը, դարձեալ ախուր պէտք է ըլլայ ու մթին:

— Խեղճ աղջիկ, այդ արցունքները դուն թափեր ես ու կը թափես այնպիսի մէկու մը պատկերին առջև, որուն սիրտը դաւաճան մը եղած է քեզի դէմ, Քու արցունքները նման են անոնց, որ մարգարիտներու պէս շարան կազմեցին Յիսուսի դէմքին վրայ, երբ ան կ'ողբար ապառում մարդկութեան սիրտերը՝ իր բարեկամին՝ Ղազարու գերեզմանին առջեւ: Դուն կը սիրես հոն ուր սէր չեն ուզեր ծնցնել քեզի համար. մարտիրոսուհի՝ դու... Զէ, Ամիրբէգը այդքան անզգայ չէ քու արցունքներուն հանդէպ, ան կը գնահատէ անոնց արժեքը. ան սիրտ մը ունի որ կը բաժնէ ահա Քու և իմինէքի ազգկան միջեւ: Զեղ երկուքդ ալ պիտի սիրէ սուրբ ու անտարիփ սիրով: Ո՛չ, դուք երկուքդ ալ չէք կրնար ամուսինն ըլլալ Ամիրբէգին, որովհետեւ Ամիրբէգ, ամուսինն չպիտի ունենայ երբեք... Կուռնելիսա՛, Կուռնելիսա՛, կը սիրեմ քեզ ալ այնպէս, ինչպէս Փէրիչէնէրը, ա՛ն, եթէ կրնաս անոր նման երջանիկ ըլլալ այդ սիրով, կամ աւելի ճիշտ՝ եթէ կ'ուզես տառապիլ այդ սիրով, այն ատեն սիրոյ երրորդութիւնը կազմած կ'ըլլանք միասին:

Իրիկունը ընթրիքի ատեն Սքուէրչաֆիքօ մեկնումի խօսք կը բանայ յանկարծ. հազիւ ամարանոց եկած Լաւոայի հետ տեսակցեր ու համաձայներ են կ'երեւի: Անոր այս անակնկալ յայտարարութիւնը կը խռովէ մանաւանդ իմ մայրը, որ գոյնը կը նետէ պահ մը:

— Սատանան մտաւ ձեր փորը, կը գոչէ մայրս, եկած օրերնիդ այդպէս շուտ դառնալու գաղափարը չունէիք, ի՞նչ անցաւ անկէ ի վեր... կ'ուզէք զիս միայնակ թաղել տիրութեան մէջ...

— Անհոգ եղիր, մայր, կը միջամտեմ, վերջապէս, մօրեղրօրս տիկինը, մանաւանդ իմ քուզինը չպիտի մեկնին ամարանոցէն, որովհետեւ գիտեն թէ մենք չպիտի բաժնուինք իրենցմէ, եթէ փախչին, մենք ալ միասին պիտի երթանք իրենց հետ:

Լաւոա կը ճառագայթէ ու նայուածք մը կը նետէ դէպի կուռնելիան, որ կարմրած է հիմակ որդան կարմիրի գոյնով:

— Արդէն հաւանական է, կը յարէ մօրեղրայրս, որ շուտով դուք ալ քաղաք իջնէք. թող ժամ առաջ պատրաստեն մեր բնակարանը, երբեմն ձեզ ալ հիւր ընդունելու համար:

— Երբ պէտք ըլլայ քաղաք իջնել, կը պատասխանեմ, ամէնքս միասին պիտի իջնենք:

— Ո՛չ, ես թոյլ չեմ տար որ մեզ լքեն, կը վճռէ մայրս:

— Եւ ո՛չ ալ Ամիրբէգը պիտի հանդուրժէ այդ բանին, կը շարունակեմ. մեր հիւրերուն հետ մտերիմ տեսակցութիւն չենք ունեցած դեռ...

— Յանցանքը Զերը չէ արդեօք, կը հարցնէ Սքուէրչաֆիքօ:

— Զեմ գիտեր թէ յանցանքը որունն է, բ յց սա

գիտեմ որ դեռ մայիսը չըմբոցինեցինք միասին, Մօրեղբօրս տիկինը մեկնելով եթէ խոր վիշտ պիտի պատճառէր մօրս, Կուռնելիան ալ նոյնը ըրած պիտի ըլլար իսկէնտէրին . . .

Իմ աչքերը կը քննէին Լաւոան, մանաւանդ կուռնելիան, որ իմ խօսքերուս իւրաքանչիւր բառէն մէյմէկ տպաւորութիւն կը քաղէր հաւանարար, որովհետեւ անոր դէմքին գոյնը կ'ստանար հազար այն երանգներէն, որոնք հաճոյքի զզջումի, ամօթի. մանաւանդ անմեղութեան ու համեստութեան հսկուսաներն են յանախ :

Այսօր մեկնեցաւ մօրեղբայրս. առտուան զով ու զուարթ օդով՝ բաւական տեղ կ'ընկերանանք իրեն՝ ես ու Կուռնելիան. Այսօր քաղաքը գործ մը չունիմ ու կը մնամ ամարանոց :

Սքուէրչաֆիքօն տանող կառքը հեռացած է արդէն, ու մենք երկուքս մինակ ենք՝ բնութեան գեղեցիկ զարթումին առջեւ. գարուն է՝ սա գեղեցկութեան նըման, որ իմ կողքին կը գտնուի :

Կը տեսնէի Կուռնելիան, որ մեր այս մինութենէն խորապէս ընկնուած էր. ի՞նչ յոյզեր կը փոթորկեն իր ներսը: Դէմքիս վրայ ու իրեն ժպտող աչքերուս մէջ ի՞նչ զգացումներ կարդաց ան, որ խոնարհեցուց իր ականողիքը. կը տեսնէի սարսուռը որ կը պտտէր իր անդամներուն մէջ :

— Խեղճ աղջիկ, դուն կը գտնուիս այնպիսի մէկումը քովիկ, որուն հանդէպ տածած քու զգացումներդ կը չարչրկեն քու հոգին: Դուն, անխօ՛ս հուրի, կը տուայտիս, որովհետեւ կ'զգասս ու չես կրնար արտայայտուիլ: Դուն նոր Սափիով մըն ես, որ մինչեւ այս վայրկեանը և մանաւանդ այս մենութեան մէջ պիտի

ուզէիր Նիկոպոլիսի սարէն վար նետել ինքզինքդ դէպի  
ծով՝ քու տարփանքներուն բժշկութիւնը գտնելու հա-  
մար։ Ա՛հ, եթէ հաւատայիր թէ հիներուն համոզումը  
ճիշտ էր, պիտի ուզէիր մկրտուիլ Սեղեմնոս(<sup>\*</sup>) գետին  
մէջ՝ մոռնալու համար քու դժբախտ սէրը։

— Կուռնենիա, կը ձայնեմ վերջապէս՝ շարունակե-  
լով կարծես իմ խորհրդածութիւնները, աւելի ևս շփո-  
թեցնելով իմ գեղուհին. Կուռնենիա, դուն կը տառա-  
պիս հոգիիդ խորէն . . .

Դողաց գեղուհին, ակնարկները կը մատնէին իր ան-  
հանգատութիւնը, անձկութիւնը, զոր անակնկալ չեշտ  
մը յանկարծ կը ծնի մարդուն մէջ։ Ան իմ աշքերուն  
մէջ կ'ուզէր կարդալ իր հոգին կեղեքող հարցին պա-  
տասխանը։

— Դուն դժբախտ կը կարծես ինքզինքդ, կը շարու-  
նակեմ, առանց գիտնալու թէ ուրիշներն ալ դժբախտ  
են միեւնոյն պատճառով . . .

— Զեմ հասկնար ձեր միտքը. Ամի՞րրէգ . . .

— Դուն չես հասկնար իմ միտքը. բայց Ամիրրէգը  
բաց գիրքի մը պէս կը կարդայ քու հոգին . . .

— Ա՛հ, այսօր Զեր շեշտերը կը չարչարեն զիս . . .

— Բայց ես զանոնք կ'արտաբերեմ ամոքելու հա-  
մար քու վիշտը։

— Ես զիշտ չունիմ . . .

— Այնքան խորունկ է քու վիշտդ, որ աստուած-  
ներն անգամ չեն տեսներ զայն . . .

— Ա՛հ, Ամիրրէգ, Զե՞զ ալ թունաւորեցին։

(\*) Ըստ դիցարանութեան՝ Պատարայի մօտ գտնուած Սեղեմ-  
նոս գետին ջուրերուն մէջ մկրտուողները կը մոռնային իրննց  
սէրն ու տարփանքները,

— Ո՞չ ոք թունաւորեց զիս, կու ոնելիս, ևս ինքս  
թունաւորեցի զիս ու քեզ...

— Ուրեմն...

— Ես տեսայ քու արցունքները իմ նկարին առ-  
ջեւ...

— Աստուած իմ... դաւ աճան արցունքներ...

— Փրկի'չ արցունքներ...

Իմ գրկին մէջն է հիմայ Հերայի գեղեցկութիւնը,  
յորդ արցունքներ կը պոռթկան անոր աչքերէն, հծծիւն  
մը, հեծկլտուք մը կը խեղդէ իր կոկորդը:

Յանկարծ դուրս կը պրծի իմ թեւերուս մէջէն,  
ձեռքերուն մէջ կ'առնէ իր դէմքը, ու խուլ հառաջանք-  
ներու հետ իր հծծիւններովը կը չարչրկի:

— Զէ՛, կուռնելիս, այդ արցունքները ու հծծիւն-  
ները կը յուսաւատեցնեն զիս... աւելի դժբախտ կը  
դարձնեն քան ինչ որ եմ... կը դառնացնեն իմ ան-  
տոփիփ ու սուրբ սէրը, զոր կը տածեմ իմ քուզինիս  
հանդէպ...

— Ա՛չ, իսկէնտէ՛ր, կը գոչէ ան տամուկ աչքերը  
սեւեռելով:

— Կը սիրե՞ս իսկէնտէրը...

— Առաջին ու վերջին երիտասարդն է ան զոր սի-  
րած ըլլամ:

Ու դարձեալ կը ծածկէ ան իր դէմքը: Կը բռնեմ  
իր թեւերէն. հայեացքս կը սեւեռեմ անոր կենսադէմ-  
քին. ո՛չ մէկ դիմադրութիւն իր կողմէն. իր գլուխը  
կ'ընկողմանի իմ կուրծքին վրայ, Ես կը լսեմ անոր  
սրախն բարախումը, ուժգին ու երագ: Կը շօշափեմ ա-  
նոր այտերուն կրակը ու թաւիշն իր դէմքին: Սակայն,  
ափսո՞ս, այս անձնատրութիւնը, այս ինքնանուէր՝ անձ-  
նամատն նուիրաբերումը կը խաչէ զիս:

— Կուռնե՛լիա, երջանի՞կ ես հիմակ :

— Ա՛չ, աւելի քան երջանիկ . . .

— Երջանիկ պիտի նկատէի՞ր ինքզինքդ երբ մեր սէրը ամուսնու թեան մըն ալ չի յանդէր :

— Ամիրըէ՛գ, ես խորապէս կ'զգամ թէ դուք իմ ամուսինը չէք կրնար ըլլալ երբեք :

— Կուռնելի՛ա, ես խաբած պիտի ըլլայի զքեզ, եթէ յյայտնէի որ իրրե ապագայ ամուսին չէ որ կը սիրեմ զքեզ . . . Այս վայրկեանին աշխարհի վրայ չկայ, այնպիսի մէկը որ ապագայ ամուսինի գաղափարով սիրուած ըլլայ ինձմէ : Ես յաւիտենական ամուրին եմ կարծես, զոր չէր կրցեր գրաւել մարմինի ցանկութիւնները, միսի ու ոսկորի ծարաւը . ահա այդ պատճառով է որ իմ սէրը քեզի հանդէպ կոչեցի անտոփի ու սուրբ սէր :

— Ուրեմն Զեր սէրը այնպէս է ինչպէս Տանթէի սէրը Պէադրիչէին :

— Այո՛, նոյն և նման, միայն թէ իմ Պէադրիչէն աշխարհի վրայ է ու մէկէ աւելի :

— Ուրեմն կը սիրէք ուրիշ մէկը ես . . .

— Ես քեզի ըսեր եմ արդէն թէ ես կը սիրեմ իմ հայրենիքը, իմ իտէալները . . .

— Ես ալ Զեզի ըսեր եմ արդէն թէ Զեր հայրենիքը իմին ալ է, Զեր իտէալները կուռնելիայինն ալ են :

— Բայց իմ հայրենիքն ու իտէալները զոհ կը պահանջեն ու իսկէնտէրը պիտի խլեն քու գրկէն :

— Ե՛ս պիտի ըլլամ այդ զոհը, որ իմ իսկէնտէրը փրկուի :

— Կուռնե՛լիա . . .

— Իսկէնտէ՛ր . . .

Իմ շրթները կը հանգչին անոր բոսոր շրթներուն վրայ: Անխօս, յուշիկ քայլերով կը դառն անք զէպի տուն :

Ա ; այս լոռութիւնը . . . կապարի պէս կը ծանրանայ մեր  
ճամբուն երկայնքը , ո՞չ ես կը համարձակիմ խղել զայն ,  
ո՞չ ինքը , Զեռք ձեռքի . կողք կողքի կը քալենք  
մեղմիկ . մերթ ընդ մերթ մեր ակնարկները միայն կը  
խօսակցին իրարու հետ . անոնք թարգմանն են ներքին  
խռովքներու , ներքին ինքնարաւ գիտակցութեան ու  
սիրոյ :

Վենիւսն է որ կը քալէ իմ կողքին , աստուածա-  
շուք ու ամբիծ , որուն սէրը անմարմին ու անտարփանք  
կը զուգախառնէ իմինին . ես հող եմ այս դիցուհիին  
բաղդատմամբ :

Անոր հոգին հետզհետէ կը պարզուի ինչպէս լուսինը  
որ կ'ելնէ ամպերուն տակէն , ինչպէս արեւը որ կը թո .  
Թափէ իր վրայէն մշուշի հանդերձանքը : Երջանիկ է ան  
աւելի քան զիս , Հաճոյք մըն է այս աղջկան ընկերակ-  
ցութիւնը ինձ համար , բայց իմ հոգին թախիծ մը ու-  
նի անթափանց : Այն սեղանը որուն վրայ կը զոհարե-  
րիմ ահա իմ երիտասարդութիւնը , երեք բագիններ ,  
երեք անդրիներ ունի . Փէրիչէհէրը , Կուռնելիան ու իմ  
հայրենի վրէժը :

Մայիս 14

Երէկ իրիկուան Եռւսուֆը երկտող մը կը բերէր ինձ  
քաղաքէն։ Մօրեղբայրս գրեր էր։ Ան կ'իմացնէր թէ  
Էմինէք մասնաւոր տեսակցութիւն մը կը բաղձայ ու-  
նենալ ինձ հետ, թէ վաղ գիշեթուան համար ժամադ-  
րութիւն մը կուտայ իր ամարանոցին մէջ։ թէ Սքուէր  
չափիքօ վաղ երեկոյ պիտի գայ մեզի, ինձ հետ միասին  
Էմինէքի երթալու համար։

Այս երկտողը հազարումէկ ենթադրութիւններու  
աեղի տուաւ իմ մէջ։ Զանազան հարցեր մտահոգ կը  
դարձնեն զիս, ի՞նչ պիտի խօսին մօրեղբայրս ու Էմինէ-  
քը։ Ի՞նչ դիրք բռնելու եմ ես անոնց հանդէպ, իմ գի-  
շերային յարաբերութիւնը կամ այցելութիւնը Էմինէքի  
եթէ իմացուին ի՞նչ մեկնութիւններու աեղի պիտի տան  
զանազան շրջանակներու մէջ, արդեօք դա՞ւ մը սար-  
քուած էր ինձի դէմ։

Այսպիսի անհատնում կասկածներ, հարցեր խռո-  
վեցին զիս ու յափշտակեցին իմ քունը։ Առաւօտ կա-  
նուիս կը կանչեմ Եռւսուֆը, և կը յանձնարարեմ։

— Այսօր պէտք է տեսնես Փէրիչէհէրի նաժիշտը, և  
յայտնես իրեն թէ կը բաղձամ օրիորդին հետ տեսակ-  
ցութիւն մը ունենալ այս երեկոյ Տերմենոսի արձանին  
մօտ։ Մեր տեսակցութիւնը պիտի ըլլայ ըոլորովին  
գաղտնի։

— Կ'ուզէք որ ժամադրութիւն արուելէն ետք ի-  
մացնեմ Զեղի։

— Այս՛, եթէ ցերեկէն առաջ կրցար լուր առնել, կը  
փոթաս քաղաք և կ'իմացնես ինձի։ Հակառակ պարա-  
գային ինձի կ'սպասես հոս։

— Եթէ կ'ուզէք հիմակ երթամ ու թերեւ ս փութով կարենամ լուր մը բերել . . .

— Ո՞չ, զգուշութիւնները ձեռքէ մի՛ թողուր. առաւօտ կանուխ անոնց պարտէզներուն մէջ քու ներկայութիւնդ կրնայ կասկածներու տեղի տալ :

Այս պատուէրը կուտամ և փութով ճամբայ կ'ելնեմ դէպի քաղաք, կը գտնեմ մօրեղբայրս :

— Ստացա՞ք երկողս, կը հարցնէ ան :

— Այս', ինչպէ՞ս իմացաք թէ էմինէքը տեսակցիլ կ'ուզէ ինծի հետ :

— Ինքը լուր զրկեր էր ինծի հաւատարիմ պաշտօնէի մը հետ :

— Ի՞նչ բանի համար կը կարծէք թէ կ'ուզէ տեսակցիլ :

— Անչուշտ մեղի ծանօթ խնդիրներու շուրջ պիտի դառնայ անոր խօսակցութեան նիւթը :

— Որոշ բան մը չէ՞ք գիտեր, ուրեմն :

— Կարծեմ, Խակէնտէ՛ր, որոշ հաւաստիքներ պիտի պահանջէ Զեր կողմէն՝ ձեռնարկուելիք գործին համար : Կը յուսամ թէ պիտի կրնաք շուտով ցրուել իր կասկածները Զեր ուղղութեան մասին, կասկածներ՝ զորս ընդունած պիտի ըլլայ վերջին օրերս Զեր ձեռք առած ծածուկ գործունէութենէն . . .

— Եւ անդամակցութենէն զինուորական խորհուրդին :

— Եւ մասնակցութենէն գաղտնի խորհրդակցութիւններու :

— Որո՞ւ մօտ :

— Հայ իշխաններուն մօտ :

— Ատօնք գաղտնի բաներ չեն երբեք :

— Գո՞ւցէ . միայն թէ ես պիտի փափաքէի որ այդպիսի խորհրդակցութիւններու Զեր մասնակցութիւնը

փոխանակ աւելի գրգռելու տիրող մտայնութիւնները, աւելի ամոքէին, հանդարտեցնէին զանոնք ու հասկցնէին Խրիմի գաղութներուն նեղ դրութիւնը:

— Վաղն իրիկուան քիչ մը կանուխ եկէք, ուրեմն, մեզի, որ նախապատրաստական խորհրդակցութիւն մը ունենանք:

— Վաղը ցերեկ ալ կրնանք խորհրդակցիլ:

— Ո՞ւր:

— Հոս:

— Տեսնե՞նք. եթէ վաղը չի կրնամ այցելել Զեզի, կանուխ կուգաք ամարանոց:

— Համաձայն եմ:

Քիչ ետքը. իմ գրասենեակին մէջ, կը տեսակցիմ Գոթոլպէյի հետ, որ յատկապէս կանչել կուտամ իմ մօտ:

— Սարըպէյի վրայ զգուշութիւնն ի՞նչ վիճակի մէջ է, կը հարցնեմ անոր:

— Շատ բնականոն ու աջալուրջ, կը պատասխանէ Գոթոլպէյ. նոր բա՞ն մը կայ արդեօք:

— Դեռ երէկ Սքուէրչաֆիքօ չեր գիտեր հայ իշխաններու մօտ մեր գաղտնի խորհրդակցութիւնը, այսօր գիտէ ու նոյնիսկ կը հաւաստէ թէ կմինէք եւս տեղեակ է այդ բանին:

— Ո՞ւրկէց կրնան իմացած ըլլալ. պիտի հարցնէք անշուշտ:

— Զիս հետաքրքրող հարցը այդ է առայժմ, թէն այնքան կարեւորութիւն չեմ տար այդ յայտնութեան:

— Ո՞վ կրնայ լուր տուած ըլլալ կը կարծէք:

— Ես ալ այդ կ'ուզեմ իմանալ, Սարըպէյ արդեօք մեր խորհրդակցութեան մասնակցող հայ իշխաններէն որո՞ւն հետ մօտիկ յարաբերութիւններ կը մշակէ:

— Այդ բանը հեշտիւ կարելի է իմանալ :

— Այդ պէտք է ամէնէն առաջ :

— Ես կը կասկածիմ որ Դորակալեանի հետ աւելի սերտ յարաբերութիւն մը ունեցած ըլլալու է ան :

— Ուրեմն պէտք է ստուգել և Դորակալեանի վրայ ևս լուրջ հսկողութիւն կատարել :

— Պիտի կարգադրուի այդ կէտը :

— Կարելի է նաև որ Սարըպէյ երկրորդ անձի մը միջոցով ձեռք անցուցած ըլլայ այդ կամ նման գաղտնիքներ . պէտք է հետապնդել նաև այն անձերը, որոնք Սարըպէյի հետ անմիջական յարաբերութիւն ունին և ծանօթ են նաև խորհրդակցութեան մասնակից Հայերուն հետ :

— Այդ չուտով կարելի է ստուգել :

— Սքուէրչափիքոյի միջոցաւ հրաւէր ընդունած եմ իմինէքէն, տեսակցութիւն մ'ունենալու իրեն հետ :

— Ի՞նչ կ'ըսէք . . .

— Զինուորական խորհուրդին պիտի յայտնեմ այս պարագան :

— Ի՞նչ ընթացք բռնել կը խորհիք :

— Այդ է որ մտածել կուտայ ինձ :

— Պէտք է կեղծել ամէն պարագայի տակ, պէտք է բարեկամ երեւնաք իրենց ու գաղափարակից, իրենց գաղտնիքները կորզելու համար :

— Այդ բանն է որ պիտի չկրնամ ընել, Գոթո՛լպէյ : Պիտի ուզէի անոնց գաղտնիքներուն թափանցել, ինչպէս անձեւին կաթիլները կը թափանցն աւազին մէջ, բայց չպիտի կրնայի կեղծել : Պիտի լոէի, բայց չպիտի կրնայի ստել :

— Բայց գործին անհրաժեշտութիւնը կը պահանջէ այլպիսի վարմունք մը :

— Այս՝ ես լաւ գիտեմ թէ լրտեսութիւնը ռազմական արուեստին միջոցներէն մէկն է, թէ յաղթելու համար պէտք է լրտեսական լաւ կազմակերպութիւն մ'ունենալ, բայց այդ դերը ես չեմ կրնար կատարել:

— Ուրեմն, ինչ կը խորհիք ընել:

— Չեմ գիտեր, վայրկեանը ինչ որ ներշնչէ այն պիտի ընեմ:

Այդ միջոցին ներս կը մտնէ Եռևութ:

— Ի՞նչ սլատաստիան, կը հարցնեմ անոր:

— Կարգադրուած է, տէր իմ:

\* \*

Իրիկնամուտին ամարանոցն եմ, կը գիմեմ դէպի Տերմինոսի արձանը: Հոն է ծաղկեփունջը, թարմ ու երփներանգ, հոն է խարտիչահեր կոյսը չքնաղ:

— Ա՛հ, Ամիրը կ'ո...

— Փէրիշէհէր...

— Դուք չէիք գիտեր որ Էմինէքի դուստրը ամէն վերջալոյսի Զեր ճամբան կը սպասէ ու չի գտներ. ի՞նչ հարկ նախապէս ժամադրութիւն խնդրելու:

— Որովհետեւ քեզ կ'ուզէի տեսնել անպատճառ...

— Վատա՞նդ մը կայ արդեօք զոր ես կ'անգիտանամ:

— Ոչ, ընդհակառակը, վաղը գիշեր զիս հիւր պիտի ունենաք ձեր յարկին տակ:

— Դուք ժեր տո՞ւնը, ի՞նչ գործով...

— Հօրդ հետ տեսակցելու համար, որովհետեւ ժամադրուած ենք:

— Բայց ես ինչպէ՞ս չիմացայ:

— Որովհետեւ հայրդ Աքուէրչափիքոյի միջոցաւ աեցեկացուցած է ինձի իր բազձանքը:

— Ուրեմն, հայրս է որ հրաւիրած է Զեզ:

— Նոյն ինքը :

— Ա՛հ, Ամիրը է՞ղ . Կը դողամ, մի՛ գուցէ վտանգ մը գայ Զեր զլխուն . . .

— Անհոգ եղէք, աղնուական հոգի, Խսկչնաէր Էմինէքի տան մէջ վտանգի չի կրնար հանգիպիլ : Դուն այն ըսէ ինծի թէ վերջին օրերս Սարըպէյը տեսակցած է հօրդ կամ անոր խորհրդակիցներէն մէկին հետ :

— Այս՝ մէկ անգամ միայն :

— Ի՞նչ եղած է արդեօք իրենց տեսակցութեան նիւթը :

— Տեսակցութիւնը տուած է շատ կարճատեւ ու գաղտնի : Ես չկրցի իմանալ թէ ի՞նչ խօսած են անոնք : Միայն զիտեմ որ անոր խօսակցութենէն անմիջապէս եաքը հայրս եղած է աւելի ցասկոտ, աւելի անհանգիստ, ու սկսած է աջ ու ձախ խիստ հրամաններ արձակել :

— Ի՞նչպիսի հրամաններ տուած է արդեօք :

— Բուդհանրապէս զինու որական շարժու մներու կը վերաբերին իրեն տուած հրամանները :

Օրինա՞կ :

— Օրինակ հրամայած է Այս Տաղիի ու Աղարմիշ Տաղիի մերձակայ բլուրներուն վրայ բանակած զօրքերուն վրայ աւելցնել մէյմէկ վաշտ հետեւակ : Գարապազարի մերձակայ սարերուն վրայ գանուած բանակը տեղափոխել էլմա Սուի մօտ տեղ մը ևայն : Բայց իմ հետաքրքրութիւնը զրաւած է մանաւանդ այն հրամանը, զոր տուած է ձիաւոր զինուորի մը, որ անմիջապէս մնենած է գլապի թէողասիայի կողմը :

— Սարըպէյի տեսակցութիւնը ե՞րբ տեղի ունեցաւ :

— Առջի օրը կէս օրէ ետք :

— Զիաւոր զինուորը ե՞րբ մեկնեցաւ դէպի քաղաքին կողմը :

— Երէկ առտու :

— Ան է ուրեմն :

— Ո՞վ, ի՞նչ բանը :

— Այդ զինուորն է որ միջոցով մը մօրեղբօրս լուր տարած պիտի ըլլայ զիս տեսակցութեան հրաւիրելու համար :

— Ուրեմն Սարբպէյը Զեր մասին ևս խօսքեր ըրած է հօրս :

— Այլեւս տարակոյս չունիմ :

— Արդեօք կրնա՞յ չարիք մը հասցնել Զեզի . . .

— Սարբպէյին տրուած չէ ինձի չարիք հասցնել :

— Աչ, չէք գիտեր թէ ո՞ր քան կը դողամ :

— Գիտեմ, «իրելիս, գիտեմ քու հոգուդ բոլոր գաղանիքները, որովհետեւ գաղանիք չունիս դուն ինձ համար : Այլեւս զարմանք չի պատճառեր ինձի քու պատրաստակամութիւնդ ձեր ընտանիքին ամենամօտիք գաղանիքներն իսկ հազորդելու, մանաւանդ այն օրէն ի վեր երբ լսեցի քու անզուգական մօրդ ցաւոտ պատմութիւնը :

— Չէք գիտեր, Ամիրբէ՛դ, թէ որքա՞ն փոխուած է մայրս Զեր հետ ունեցած տեսակցութենէն ի վեր : Ան առջի կինը չէ կարծես ծանր բեռ մը թեթեւցած է անոր վրայէն : Ի՞նչ կախարդական ներգործութիւն կրցիք ունենալ դուք անոր վրայ, որ մէկ տեսակցութեամբ յստակեցիք անոր միտքը, յոյս մը դրիք անոր արտին մէջ :

— Անշուշտ պատմեց քեզի ինչ որ խօսեցանք մենք :

— Այս', զրեթէ բոլորը :

— Ըստ անշուշտ ինչպիսի ծանր բեռ մը դրաւ իմ ուսերուն, երբ ինքը թեթեւցաւ իր հայրենի կտակէն :

— Այս . ան միշտ կ'աղօթէ Զեզի համար : Ան միակ բաղձանք մըն ալ ունի , զոր դարձեալ միայն դուք կրնաք կատարել :

— Ի՞նչ :

— Ան կը ինզրէ Զեզմէ որ Զեր տաներէց քահանան կամ ուրիշ ո՛ւ և է եկեղեցական մը մկրտէ զիս քրիստոնէական աւագանին մէջ :

— Ո՞ւր և ի՞նչ միջոցներով :

— Զեր տունը եթէ կարելի է . կամ մեր տունը , և կամ ուրիշ յարմար վայր մը , ուր կարելի ըլլայ-դաղտնի մնալ :

— Այդ անկարելի է , Օրիորդ :

— Մօրս համար անկարելի բան չկայ : Դուք միայն խոստացէք ու զուած ատենը պատրաստ պահել քահանան , ամէն բան կարգի կը մանէ : Մօրս համար գաղտնապահ եկեղեցական մը պէտք է միայն :

— Այդ մասին պիտի աշխատիմ հոգալ :

— Մայրս պիտի հրճուի Զեր այդ պատասխանն իմանալով : Ամիրբէ՛ք , իմ մօրը բովանդակ յոյսն ու վըստահութիւնը դուք էք . ան ինձ հետ կը մրցի Զեր վըրայ գուրգուրալուն մէջ : Պիտի մեռնէինք մենք երկուքս ալ եթէ վտանգ մը դար Զեզի :

— Դեռ կը սիրե՛մ Ամիրբէգը :

— Ահ , դուք անգութ էք ու անողոք , Ամիրբէ՛ք . դուք զիտէք թէ իմ բոլոր անձովս կը սիրեմ Զեզ :

— Բայց ան չի սիրեր քեզ :

— Թէ իսկ ատէ զիս , դարձեալ ես պիտի սիրեմ զինքը :

— Ան չի սիրեր քեզ , որպէս ապագայ ամուսին , այլ կը սիրէ որպէս իր սրտի աստուածուհին , որպէս իր բագինին անձեռագործ անդրին :

— Ահա, հիմակ կը հաւատամ թէ Ամիրբէգը հաս-  
կըցած է իմ սէրը ու անոր նշանակութիւնը :

— Այդ պայմանով, ուրեմն, պահանջէ քու իրա-  
ւունքդ, համրոյրը իսկէնտէրի շրթներուն :

Իմ շրթները կը հանգչին անոր ճակտին վրայ :

— Այս համրոյրի մկրտութիւնը, զոր դուք դրոշմե-  
ցիք իմ ճակտին վրայ, Ամիրբէգ, աւելի եւս պիտի գա-  
ղափարականացնէ Զեր անձը, որ ինձ համար աննիւթ-  
էութիւն մըն է՝ աստուածային շնորհքին պէս :

Ան դուրս թռաւ իմ գրկէն ու .

— Ծտեսութիւն վաղ իրիկուան համար, ձայնեց ան-  
դուցէ կարենամ լրացուցիչ տեղեկութիւններ եւս քաղել-  
ֆնաց, հեռացաւ հապշտապ :

Համրոյրն, իմ շրթներուն . . . իրեն համար կը գա-  
ղափարացնէ իմ անձը, իսկ ինձ համար՝ կը թանձրացնէ  
անոր էութիւնը :

— Ա՛հ, պագչո՞տ բերան, դու յուզումներ կը թե-  
լադրես իմ սրտին, դուն կ'զգացնես որ ես մարմին եմ,  
միս ու դնդեր :

— Զէ՛. Իսկէնտէ՛ր, դու պէտք է պայքարիս քու  
տոփիներուն, քու ցանկութիւններուն դէմ. ուխտեցիր  
ու Նազովրեցի մըն ես դուն հիմակ. դուն պիտի պայ-  
քարիս այն կրիւը, զոր ստիպուած է մղել կուսակրօն  
ուխտի քահանայութիւնը : Դուն չպիտի ապրիս քարայր-  
ներու կամ ժայռերու քարածերպերուն մէջ. դուն պի-  
տի ապրիս աշխարհի մէջ, շրջապատուած ոչ թէ երե-  
ւակայութեամբը այլ իրականութեամբը մսին, որուն  
դէմ տարուած յաղթանակը աւելի մեծ, աւելի փառայեղ  
է քան թերայիտի ճգնաւորներուն յաղթանակները :

Մայիս 16

Երէկ, Քաղաքէն դարձիս, առանց ժամանակ կոր-  
սընցնելու, ուղղակի դիմեր էի ժամագրավայր։ Շուտով  
եկաւ իմ գեղուհին։ Իր գէմքը խորհուրդ մը կը ծած-  
կէր այդ պահուն։ Սկսայ անմիջապէս անհանգիստ ըլլալ։  
— Ի՞նչ նոր լուրեր, կը հարցնեմ անհայրեր։  
— Բաւական լրացուցիչ ու բաւարար լուրեր, Ամիր-  
բէդ, կ'ըլլայ անոր պատասխանը։  
— Ի՞նչպէս։  
— Այդ լուրերը, սակայն, շատ զրդովեցին իմ ու  
իմ մօր սրտերը։  
— Շուտ պատմեցէք, ուրեմն։  
— Ես կրցայ իմանալ թէ Սարըպէյ ինչեր խօսած է  
հօրս։  
— Իրա՞ւ կ'ըսէք։  
— Սարըպէյ ըսած է թէ Հայ իշխաններուն մէջ գաղտ-  
նի խորհրդակցութիւն մը տեղի ունեցած է, որուն մաս-  
նակցած են իմէջ այլոց իսկէնտէր ու Գոթոլպէյ։ Թէ  
այդ խորհրդակցութեան մէջ մեծ ազդեցութիւն գործած  
են Գոթոլպէյի խօսքերը, թէ՝ իսկէնտէր թէև համա-  
կարծիք զանուած է Գոթոլպէյի կարծիքներուն, բայց  
հայ իշխանները կը կասկածին անոր անկեղծութեան վը-  
րայ, ընդհակառակը աւելի կը միտին ընդունելու թէ  
էմինէքի խորհրդակիցն է ան, թէ՝ վերջապէս՝ հայ մե-  
ծերը որոշած են քաղաքին պաշտպանութեան գործը  
բաժնել իրենց մէջ։  
— Զինուորական կարգադրութիւններու մասին ինչ  
լուրեր հազորդեր է Սարըպէյ։  
— Այդ մասը այնքան չի կրցի ստուգել։ մանաւանդ  
թէ զիս չէին հետաքրքրեր։

— Բայց ինձ համար նոյնքան կարեւոր էին :

— Կը հասկնամ ու կ'զգամ, բայց պէտք է խռովանիմ որ իմ ջանքերն ի զուր անցան աւելի մանրամասն տեղեկութիւններ քաղելու համար :

— Հօրդ կարծիքն ի՞նչ է ինձ նկատմամբ :

— Այդ է ահա որ մեր սիրտերը կը խռովէ . ան այլեւս համոզում է գոյացուցեր թէ Դուք ամէն կերպով կը գործէք իրեն դէմ, թէ՝ անկարելի է սիրաշահիլ զՁեզ, և եթէ այս գիշեր ժամադրուած է Զեղի հետ, իր վերջնական կարծիքն ու նոյն իսկ սպառնալիքն ընելու համար է Զեղի :

— Եւ դուք ալ այդ պատճառով մտահոգ էք :

— Անտարակոյս :

— Գէթ քու մայրը պէտք էր ուրախ ըլլար, որ Իսկէնտէր կ'սկսի մտնել իր բուն դերին մէջ :

— Այո՛, բայց անձկալից է :

— Երբե՛ք անձկութեան տեղի չկայ: Դուն և քու մայրը պէտք է կրկնէք այժմ այն խօսքերը, զորս Շահնամի մեծ հեղինակը Ֆիրտուսի կը դնէ իր հերոսներէն մէկին բերանը . «Պէտք չէ ծածկել վրէմը մեր վերաբերուներու քղանցքին տակ : »

— Ժամանակն է բոլորովին իյայտ գալու :

— Ե՛ւ անցած է, տե՛ս, դուն կ'ըսես թէ հայ իշխաններէն ոմանք կը կասկածին իսկէնտէրի անկեղծութեան վրայ :

— Աւելի՛ լաւ . եթէ կը կասկածին դուք պիտի կրռնաք քիչ մը աւելի երկար ժամանակ քուն պահել Զերթշնամիները :

— Այդպէս չպիտի ընէին ո՛չ իսկ Շահնամէի դաւադիր հերոսները : Թուրանի կռուողներն անգամ աւելի ճակատաբաց հրապարակ եկած են, քան քու պաշտած հերոսդ :

—Ա՛հ, դուք, առիւծ, նուստամի շեշտերն ունիք  
և Զոհրապի ձգտութերը :

—Այդ ապագան կրնայ ցուցնել : Իսկ քու մկրտու-  
թեանդ համար խօսած եմ մեր տաներէց քահանային .  
ան վաղուցնէ սկսեալ մեր ամարանոցը կը գտնուի լու-  
ծեր տրամադրութեան տակ : Նաժիշտի մը կամ ուրիշի  
մը միջոցով կրնաք կանչել զայն, երբ յարմար ժամա-  
նակ մը գտնէք կամ կարգադրէք :

—Ի՞նչ անուն կ'ուզէիք որ տային ինծի, Ամիրբէզ :

—Այդ քու կնքահայրիդ իրաւունքն է, սիրելի՛ս :

—Ո՞վ կրնայ ըլլալ իմ կնքահայրը :

—Եռւսու ֆը պիտի ըլլայ քեզի կնքահայր, ան ինչ-  
պէս գիտես իմ ազատագրեալս է, Համշէնցի կեսկս  
մըն է, արտաքուստ իսլամ, բայց ներքուստ քրիստոն-  
եայ, ան մկրտուած է ու իր անունն է Յովսէփ :

—Եռւսու ֆը մկրտուած է, ուրեմն :

—Մանկութենէ իվեր, ազնուական սերունդի մը  
զաւակն է ան, բայց այնքան բարի ու ազնիւ սիրտ մը  
կը կրէ, որ շուզեր թողուլ զիս, զինքը գերութենէ ա-  
զատելէս ետքն ալ :

—Որքան հաճոյք կը պատճառէք մեզի, Ամիրբէ՛զ,  
այդպիսի պատուական անձ մը ծանօթացնելով մեզի  
այսքան հետաքրքիր պարագաներու մէջ : Ուրեմն Եռ-  
սու ֆ մեզի բախտակից ու վիճակակից է :

—Որ հօր մը պէս պիտի գուրգուրայ քու վրայ :

—Զոր ես պիտի յարգեմ որպէս հայր :

—Ան արժանի է այդպիսի յարգանքի մը :

—Այս գիշեր պիտի գա՞ք, մեզի, Ամիրբէ՛զ :

—Այս, արդէն կը մօտենայ ժամը, երբ պէտք է  
գայ ինծի մօրեղբայրս, միասին այցելութիւն տալու  
համար :

— Ա՛հ, ես ու մայրս դողի, ու անձկութեան վայրկաններ պիտի անցնենք, իսկէ՞նտէր :

— Պիտի կրնա՞ք իմանալ մեր խօսակցութիւնը :

— Հաւանաբար մեր ականջներովն իսկ :

— Հանգիստ եղէք, ուրեմն, և քու մայրդ թող հրճուի, որովհետեւ առաջին անգամ ըլլալով պայքարի ձեռնոցն է որ պիտի նետեմ :

Այդ միջոցին սուլիչի մը ձայն կը լսեմ, Սուլումը կ'երկրորդուի :

— Եուսուֆն է, կ'ըսեմ ոտքի ելնելով. Սքուէրչա ֆիքօ եկած է, զիս կը կանչէ :

Երբ դէպի ամարանոց կ'ուղղուիմ, տան կից պարտէզին մէջ կը գտնեմ Սքուէրչաֆիքօ, որ անհամբեր է զիս տեսնելու :

Թեթև ընթրիքէ մը յետոյ, որու միջոցին ոչ մէկ խօսակցութիւն տեղի ունեցաւ մեր միջև, ճամբայ կ'ելնենք դէպի իմինէքի ապարանքը : Մշրեղբայրս տարապայման սրտնեղ վիճակ մը ունի. իր քայլերը կը մատնեն զայն : Գլխիկոր ու մտածկոտ կը քալէ :

Մառասանին մէջէն կ'մինէքի ամարանոցին լոյսերը կը տեսնենք արդէն. պարտէզին անկինէն ստուեր մը կը շարժի, ապա դուռ մը կը բացուի ու ճամբան կը լուսաւորէ : Այն ատեն մօրեղբայրս ինձ կը դառնայ ու վերջին հրահանգ մըն ալ կուտայ, որ աւելի աղախանքի շեշտ ունի .

— Իսկէնտէ՛ր, Զեղ տեսնեմ, խոհեմ եղէք և զգուշաւոր :

Կը բարձրանանք վեր, ուր սանդուղին գլուխը մեզ կը դիմաւորէ կ'մինէք, իր բոլոր փաղաքչանքի ծրարները քակելով ու բանալով մեր առջև :

Ընդունելութեան սրահնէն դէպի Քէօշկի սենեակնե-

ըէն մին մանելու միջոցին կը տեսնեմ սրահին վրայ բացուող դուռներէն մէկուն ետին, կիսախուփ բացուած քէն, երկու լափող ու պսպղուն աչքեր, որոնք մանրերկրորդ մը կիսադէմքին կ'ընկերանան. կը ճանչնամ Սանդուխոդ հանըմը, ու կը պատասխանեմ անոր խորհրդաւոր ժպիտին :

— Հոտ են ուրեմն, մեր խորհրդակցութեան սենեակին պատկից :

Սենեակէն ներս մանելէս ետք ուշադրութիւնս կը գրաւէ երկու սենեակները բաժնող միջնորմին վրայ վառարանի մը խողօվակին անցքը, ուրիէ կը հասկնամ միջնորմի խիստ նուրբ ու նեղ կերտուածքը. անցքին կտփարիչը անցուեր է իր ճարմանդին, լայն բացուած ականջի մը պէս բաց է թողեր անցքը. որուն ետև կը նշմարեմ նուրբ պաստառի մը ծալքերը՝ իրը վարագոյր :

Հոտ, այդ անցքի ետին կը գտնուին ուրեմն չորս լարուած ականջներ, երկու բարախուն սիրտեր, որոնք պիտի հետեւին մեր խօսակցութեան անձնիւր շնչարին :

Սովորական հարց պատասխանիէ մը ետք,

— Խսկէնտէ՛ր Պէյ, կ'ըսէ էմինէք, դուք երիտասարդ էք, ես ձեր մանկութիւնը գիտեմ իմ զաւկիս պէս, որովհետեւ բաւական տարիներ ապրեցաք իմ տան մէջ. իմ խնամքով տեսաք այնպիսի զինուորական կրթութիւն մը, զոր ոչ մէկ քրիստոնեայ իշխան կրցեր է տեսնել ցարդ, դուք իմ հոգածութեամբ ռազմական դաստիարակութիւն մըն ալ ընդունեցիք Զէրքէզիայի ամէնէն ճարպիկ ու վարպետ ռազմիկներուն մօտ, ես Զեզ սիրեցի իմ հարազատին պէս, չնորհիւ այն յարաբերութեան զոր ես ունէի Զեր մօրեղբօր հետ, որ ներկայ է ահա, ինչպէս նաև Զեր ողբացեալ մեծ հօր Առնա թաւաքալի ու Զեր պատուական հօր Պարոն Վարդի հետ :

Եղբայր էինք մենք մանաւանդ Պարոն Վարդի հետ, որուն հետ մէկտեղ տեսեր եմ ես զինուորական կրթութիւն, որուն հետ միասին հրացանն ուսիս որսի եմ պրացտեր օրերով, որուն հետ մէկտեղ աղ ու հաց եմ կերեր, գաղափարի ընկեր եմ գտեր անոր մէջ, մենք ունեցեր ենք համանման իտէալիներ, նման երազներ. ափսո՞ս, որ շուտով թռաւ ան մեր այս ցաւոտ աշխարհէն, ես չեմ մոռնար տակաւին այն խօսքերը, զորս ան իր մահամերձ անկողնին մէջ իրրեւ կտակ ըրաւ ինձի. Շինդրեմ, էմինէք, քու հովանին անպակաս ընես իսկէնտէրին, իմ զաւակներուն ու իմ ընտանիքին վըրայէն: Այս կտակն ըրաւ հայրերնիդ, Ամիրբէգ, ու ես չեմ կրնար մոռնալ զայն, որովհետեւ անոր շիրիմը դեռ թարմ է: Ինձի անձանօթ չեն նաև Զեր ցեղին իտէալները, հետեւաբար նաև Զեր ձգտումները: Ուստի եկած կը նկատեմ վայրկեանը, ուր պէտք թմրութենէ սթափիլ: Իրրեւ իմ հարազատը ահա կը դիմեմ Զեղի. կոչում կ'ընեմ Զեր խոհեմութեան, վայրկեանն եկած է որ դուք ցոյց տաք Զեր ընդունակ զինուորական կրթութեան արժէքը:

— Ի՞նչ պէտք է ընեմ, ուրեմն, կը հարցնեմ վերջապէս՝ ուզելով կարճ կապել իր պատմական յառաջարանը:

— Վայրկեանը հասած է որ դուք քիչ մաւելի սերտ կերպով կապուիք Օսմանեան կառավարութեան հետ, ու գործնապէս ցոյց տաք ձեր հայրենի համակրանքը այդ իշխանութեան նկատմամբ:

— Ի՞նչ գործով ես կրնամ ցոյց տալ իմ համակրանքը այդ իշխանութեան նկատմամբ:

— Խսկէնտէր Պէյ, երբ իմ զաւկին հետ կը խօսիմ՝ պէտք չունիմ ես պատիպատ խօսքեր ընելու, Զենէ

գաղանի չէ արդէն այն մտադրութիւնը, որ ունի Օսմ. կառավարութեան յարգելի պետը՝ Թաթիհ՝ Խրիմի նը- կատմամբ։ Այդ մտադրութիւնը կրնայ իրականանալ մէկ օրէն միւսը, պէտք է այժմէն դուք ճշդէք Զեր դիրքը այդպիսի պատահականութեան մը առջեւ։

— Ի՞նչ է իր մտադրութիւնը գրաւել Խրիմը թէ իր դաշնակիցը դարձնել զայն։

— Այդ անշուշտ կախում պիտի ունենայ Թէոդո- սիայի կառավարիչին ու գենուական կառավարութեան բռնելիք ընթացքէն։

— Բայց չէ՞ որ հիմակ երկու կառավարութիւննե- րուն միջև յայտնի պայքար մը չի կայ. եթէ Թաթիհ յարձակում գործէ Թէոդոսիայի վրայ, ինք խանգարած պիտի ըլլայ իրաց վիճակը, հետեւաբար իր ձեռնարկը գրաւումի համար կրնայ ըլլալ։

— Ընդունինք պահ մը թէ այդպէս ըլլայ. ի՞նչ պի- տի ըլլայ ուրիմն Զեր բռնելիք դիրքը։

— Այդ պիտի պարագայի մը Թէոդոսիան այն երկիրը պիտի ըլլայ որ յարձակում կը կրէ աշխարհակալ ցան- կութիւններ ունեցող մէկու մը կողմէ։ Անշուշտ յիմար ու վատ պիտի ըլլար յարձակում կրող կառավարութիւն մը՝ եթէ ինքնապաշտպանութեան շդիմէր։ Արդ, ինք- նապաշտպանութեան դիմոզ երկրի մը քաղաքացին, ե- թէ չի մասնակցէր այդ գործին, ի՞նչ անունով կարելի էր որակել զայն՝ բացի վատ ու դաւաճան մակդիրներէն։

— Բայց եթէ այդ քաղաքացին տեսնէր որ ինքնա- պաշտպանութիւնը յիմարական ձեռնարկ մըն է, որ ա- ւելի ևս պիտի կործանէ երկիրն ու անոր հարստութիւն- ները, եթէ տեսնէր որ թշնամին զօրեղ՝ բայց ընդունակ է ուեէ համաձայնութեան մը գալու, անմիջապէս՝ նոյնիսկ անհատական միջոցներով բանակցութեան կ'սկսէր, փոք-

բագոյն չարիքով մը իր երկիրը փրկելու համար։ Այդպիսի քաղաքացի մը իր երկրին համար ոչ թէ դաւաճան մը կրնայ ըլլալ, այլ փրկիչ մը։

— Երբ յարձակող պետութիւնը դեռ իր նկատումներն ու դիտումները յայտնած չէ, երբ ըսի-ըսաւ զրոյցներ միայն կը շրջին տակաւին պատահելիք դէպքերու մասին, իրաւունք ունի ուեէ քաղաքացի բանակցութեան մանել կարծեցեալ թշնամի պետութեան մը հետ։

— Բայց Օսմ. Կառավարութեան դիտումը աւելի քան որոշ ու յայտնի է արդէն։ կը տարակուսի՞ք . . .

— Ես պիտի տարակուսիմ մինչև այն րոպէն, երբ Սուլթանին մարտանաւերը տեսնեմ թէոդոսիայի պարիսպներուն առջեւ։

— Լա՛ւ, ենթագրենք թէ դուք կը տարակուսիք Ֆաթիհի դիտաւորութեան մասին մինչև անոր իրակա. նութիւն գտնելը։ Զէ՞ք կարծեր թէ կրնաք զղջալ ժամանակի կորուստին մասին, երբ իրականութիւն գտնէ այդ խորհուրդը. ի՞նչ պիտի ընէք այն ատեն։

— Երբ անօր դիտաւորութիւնը իրականութիւն գլանէ, այն ատեն պիտի խորհիմ այդ մասին։

— Քանի որ կը տարակուսիք Սուլթանին դիտումներուն նկատմամբ, Խակէնտէ՛ր Պէյ, ինչու կը մասնակցիք զինուորական և ուրիշ գաղտնի խորհուրդներուն, որոնց մէջ անոր դիտումները իրրե իրականութիւն նկատուած են։

— Թէև կը տարակուսիք, բայց քաղաքացիի պարտականութիւնս կը կատարեմ այդպիսի խորհուրդներուն մասնակցելով։

— Ուրեմն, դուք կը խարխափէք օդին մէջ, դուք երեւակայական թշնամիներու դէմ կը պատրաստուիք։

կոռուելու համար։ Այդ կերպով չէ՞ք վախնար որ կը գրգռէք քնացող առիւծը։

— «Դուռդ ամուր կզպէ, դրացիդ գող չի բռնելու համար», կ'ըսէ ժողովրդական առածը։ Իմ դերը այդէ ահա, ես այդպէս հաւատացած եմ։

— Զեր այդ դերը շատ վտանգաւոր դեր է, իսկէնտէ՛ր Պէյ։

— Թշնամիին համար, եթէ մէջտեղ ելնէ ան։

— Զեր անձին համար, Ամիրըէ՛գ։

— Իմ անձը արժէք չունի։

— Բայց ձեր անձը գրաւականն է ձեր հայրենի բոլոր նպատակներուն, դարաւոր ծրագիրներուն։

— Իմ հայրենի դարաւոր նպատակները չեն կրնար զիս դաւաճանութեան մղել . . .

— Շատ կը ցաւիմ, մէջ մտաւ մօրեղբայրս, որ մինչև այդ վայրկեանը լուռ ունկնդիրի դերին մէջն էր։ շատ կը ցաւիմ որ, սխալ թեզի վրայ կանգնած, սխալ ճամբաներու կ'առաջնորդուի, իմինէք Պէյ։ Բայց պէտք է մտածէ ինքը թէ, յամառելով իր ուղղութեան մէջ, դաւաճան մը պիտի ըլլայ իր հայրերու հոգիին դէմ։

— Սիրելիս, տղա՛ս, ըսաւ ի՛ինէք խօսքը ինձ ուղղելով, մտածեցէք որ ես ու մօրեղբայրդ անձնապէս սիրով կապուած ենք ձեզի. եթէ այդպէս չըլլար մենք չպիտի հետաքրքուէինք նոյնիսկ բռնելիք ուղղութեամբդ ինչպէս չենք հետաքրքուիր՝ օրինակ՝ Գոթոլպէյի բռնած դիրքով։ Ըսի արդէն թէ, ինչպիսի՛ կապերով միացած ենք մենք։ Արդ, թողէք ձեր այդ լարուած շեշտերը և մեզմով ըսէք ինչ որ կը մտածէք։ Զիրար հասկնանք. քննենք բոլոր պատահականութիւնները, կշռենք ու եթէ կարելի է միջին ճամբան գտնենք, խուսափելով ամէն ծայրայեղութենէ։

— Էմինէ՛ք պէտ, Կ'ընդունիմ թէ դուք հօր մը խնամքն ունեցած էք իմ վրայ, ես ապերախտ պիտի ըլլայի եթէ չի ճանչնայի ու չխօստովանէի այդ պարագան: Սակայն պէտք է ընդունիք որ ես ալ մարդ եմ ու չափահաս, որ ունի իր դատումներու կշիռը:

— Եթէ ձեզ չափահաս ու գիտակից տրամաբանութեան տէր մէկը չի նկատէինք, այս բոպէին գլուխ գլխի խորհրդակցութեան չէինք նստեր:

— Լա՛ւ, ուրեմն, իմ համոզումով ու դատումով, Օսմանցիներու վեհապետը եթէ յարձակի թէողոսիայի վրայ, անիրաւ ձեռնարկ մը կատարած պիտի ըլլայ:

— Նոյնիսկ հոտ է որ կը սխալիք:

— Ապացո՞յց:

— Թէողոսիան այնպիսի ոյժ մըն է, Գենուայի այդ գաղութը այնպիսի կայան մըն է, որ Պոլսոյ տէր իշխանի մը համար կատարեալ փուշ է: Տեսէ՛ք, անգամ մը ինքինքիդ դրէք Ֆաթիհի տեղ. տէրն էք Բիւզանդիոնի ու նեղուցներուն, տէրն էք Սև Մովի գրեթէ բոլոր եղերքներուն, Զեր երկրին ծովային բոլոր յարաբերութիւնները յարանուն վտանգի ներքեւ են, որովհետեւ Սև Մովի մէկ անկիւնը միշտ կը խուսափի ձեր ազդեցութենէն. գենուական առևտրական նաւերուն հետ մարտանաւերը միշտ վտանգ մըն են քու երկրին. անոնք կը նմանին ուտիմին որ բոյն դրած է հսկայ կազնիի մը ծոցը ու կը կրծէ շարունակ:

— Բնդհակառակն Ֆաթիհն է որ մշտնջենական սպառնալիք մըն է Գենուայի հանրապետութեան: Ան տէրն է նեղուցներուն ու իր թնդանօթներով ամէնց վայրկեան կրնայ փակել հազորդակցութեան միակ ուղին: Կրնայ շիշի մը մէջ փակել ու սեղմել ամուր խցանով:

— Այդ ալ թերեւ Ֆաթիհի առաւելութիւններէն

մէկն է : Սակայն Թէոդոսիան աւելի մեծ վտանգ մըն է Առևլթանին բանակներուն համար :

— Ֆաթին ամէն պարագայի տակ երկրակալութեան ցանկութիւններով տոգորուած յարձակող մը ու յափըշտակող մըն է ինձ համար :

— Բայց եթէ Ֆաթին Քերայներու ընտանիքին օգնութեան փութար, Խոկէնտէ՛ր, ի՞նչ պիտի ըլլար ձեր ընթացքը ։ պիտի կռուէի՞ք դեռ ինծի դէմ :

— Քերայներու ընտանիքէն ամէնէն աւելի յարգանք ու պատկառանք ունիմ ձեր անձին նկատմամբ, բայց եթէ ձեր քաղաքականութիւնը պիտի վտանգէ Թէոդոսիայի և հետեւաբար իմ ընտանիքին անկախութիւնը, իմ զէնքը պիտի դառնայ Զեղի դէմ :

— Ձեր այդ խօսքերը Խոկէնտէրի մը վայել շեշտերը ունեցած պիտի ըլլային, եթէ տրամաբանական հիմունքի վրայ կառուցուած ըլլար Զեր գնահատումը :

Լմինէք ծանր կերպով ազդուած էր իմ վերջին խօսքերէն . ան իր գոյնը նետեր էր : Եւ այն բառերը զոր արտասաներ էր ինծի իրրեւ պատասխան, դժուարաւ դուրս թափեր էին իր դողացող շրթներէն :

Յանկարծ իր դէմքին լուրջ կերպարան մը տուաւան .

— Խոկէնտէ՛ր, ըսաւ կտրուկ շեշտերով, կը տեսնեմ որ դուք ծախուած էք ու այս ժամէն անդին դուք վտանգ մըն էք իմ ծրագիրներուն : Ես Զեղ իրաւունք ունիմ կոչելու՝ ապերախ:

— Իրաւցնէ ապերախտ պիտի ըլլայի այն ատեն երբ դաւաճանէի ձենէ սորված մէկ բարձր առաքինութեան : Առաքինութիւններու ամէնէն բարձրը նկատել սորվեցուցած էք դուք ինծի, տղամարդ (միրս) ըլլալ ու ճակատաբաց :

— Տղամարդու գործ չէ հօր մը դէմ դաւազրել :

— Տղամարդու գործ է բռնել ձեռքերէն հօր մը ,  
որ կրակ կը ձգէ իր սեփական տան մէջ :

— Եթէ իմ երդիքին տակ չի գտնուէիք , ես Զեր  
պատիժը իմ սուրովս կուտայի Զեր կուրծքին :

— Եթէ դուք կ'մինէք մը Հըլլայիք՝ այդ պիսի ան-  
խոհեմութիւն մը կը գործէիք . . .

— Լոեցէք . չեմ ուզեր որ խօսիք այլես . . .

— Կը լոեմ ու կը մեկնիմ , բայց վստահ եղէք թէ  
ինչ դաստիարակութիւն որ տուիք , այն պիտի քաղէք  
ինձմէ :

Ոտքի կ'եկեմ , կ'ուզզուիմ դէպի դուռը : Ոտքի է  
նաև մօրեզրայրս : Դուռնէն դուրս կը նետուիմ դէպի  
սրահը , իմ ետեւէն Աքուէրչաֆիքս դուրս կ'ելնէ :

— Պահ մը կեցէք հոս , կ'ըսէ ան , խօսք մ'ունիմ :

— Շուտ պէտք է երթանք , ես չեմ սպասեր այլես ,  
կը պատասխանեմ սրտնեղութեամբ :

Ան կարեւորութիւն չի տար ինձի , կը մտնէ ներս  
ու կը գոցէ դուռը իմ երեսին : Բայլ մը կ'առնեմ դէ-  
պի հիւրասրահին մեծ դուռը : Յանկարծ կը բացուի  
պատկից սենեկին դուռը , դուրս կը խոյանայ Սանդուխտ  
հանըմը . ձեռքէս կը բռնէ , անդիմադրելի թափով մը  
կը քաշէ դրան առջեւ : Հո՞ն է , Փէրիչէնէրը , դալկա-  
ցած , արցունքը աչքերուն մէջ , նուազկոտ ինկեր է  
գետին , գորգերուն վրայ . զիս տեսնելով ոտքի կ'ելնէ  
ան ու կը դիմէ դէպի դուռը , իր մօրն ետին :

Նոյն դալուկը նաև Սանդուխտ հանըմի դէմքին  
վրայ : Ա՛ն , ես դաշունեցի այս երկու սիրտերը : Տարա-  
բախտ էակներ . . .

— Երկար խորհրդածութեան առիթ չեմ ունենար -  
համբոյր մը կ'ընդունիմ իմ ճակտին .

—Աստուծոյ օրհնութիւնը հետոյ ըլլայ, Ամիրրէ՛ք,  
կը շշնչէ ան:

—Վազն առաւօտ կը սպասեմ, կը շշնչէ նոյնպէս  
Փէրիչէհէր:

Դլուխով հաւանութեան նշան մը կ'ընեմ ու կը  
հեռանամ: Երբ մէկ դուռը կը բացուէր, միւս դուռն  
էր որ կը գոցուէր: Սքուէրչափիքօ ամուր քայլերով  
դուրս կուգար սրահէն, ու զիս կը գտնէր սանդուղնե-  
րուն վրայ:

—Դուք տո՛ւն գացէք, Խոկէնտէ՛ր, կ'ըսէ ան, ես  
քիչ մը ետքը պիտի գամ:

Ու կրկին կը գառնայ դէպի իմրնէքի սենեակը:

Սենեակս կը գտնուէի կէս ժամէ ի վեր, զրասե-  
զանիս առջեւ երկու արմունկներովս կրթնած, դէմքս  
առած երկու ձեռքերուս մէջ, թաղուած խոր մտա-  
ծումներու մէջ, երբ ներս կը մտնէ մօրեղբայրս:

—Հաւնեցա՞ք ձեր ըրածին, կ'ըսէ ան բարկութեամբ:

—Ես ոչինչ ըրի, մօրեղբայր, ոչինչ որուն համար  
զղում զգամ:

—Առաջին վայրկեանէն ըսի, նոյնը կը կրկնեմ դարձ-  
եալ, դուք կուրցեր էք բանականութեան լոյսէն:

—Դարձեալ պիտի սկսինք վիճաբանութեան:

—Ոհ, ոչ, ձեզի հետ վիճաբանութեան համար ներս  
մտած չեմ ես հոս:

—Ուրեմն, հանգիստի ժամանակն է ձեզի համար,  
սիրելի՝ մօրեղբայր:

—Ենորհակալ եմ ձեր այդ հոգածութեան համար,  
ըստ ան հեգնութեամբ, բայց գիտցէք որ կը վիրաւո-  
րէք նաև իմ սիրաը:

—Պատասխանատուն ես չեմ:

— Դուք էք, քանի որ հասուն տրա հարանութեամբ  
կ'ուզէք դատել իրերը :

Դարձեալ հեգնութիւն կար իր բառերուն մէջ :

— Անդարմանելի կերպով վիրաւորեցիք էմինէքը  
շարունակեց ան իր խօսքը :

— Այնքան փոյթս չէ :

— Այո՛, որովհետեւ ձեզի համար արժէք չունին ո՛չ  
մէկ սրբութիւն...

— Դուք կ'անարգէք ձեր քեռորդին, գիտնալով որ  
ան պիտի չուզէ ձեզի փոխադարձել :

— Ո՛չ, չեմ անարգեր, իմ սէրն է որ այդպէս խօ-  
սիլ կուտայ ինծի : Ա՛հ, եթէ իմ քեռորդին ու իմ հա-  
րազատ սիրելին չըլլայիք ...

— Ի՞նչ պիտի ընէիք . . .

— Պիտի սպաննէի ձեզ . . .

— Արդէն այդպիսի խորհուրդ ունեցած չէ՞ք . . .

— Ո՛չ երթէք :

— Կը ստէ՛ք . . .

— Դուք կ'ուզէ՛ք կարծեցեալ գաղտնիքներ խլել իմ  
բերնէն . . .

— Կը ստէ՛ք . . .

— Ի՞նչ ըսել կ'ուզէք . . .

— Որ դուք և էմինէք խորհած էք արդէն զիս  
սպաննելու մասին . . .

— Ե՞րբ :

— Ապրիլի վերջին օրը :

— Ո՞ւր:

— Չեմ զիտեր, բայց դուք մարդասպանն ալ որո-  
շած էք . . .

— Ո՞վ . . .

— Սարըպէյ, Մարտիրոսեանը :

— Զրպարտութիւն է . . .

— Տակաւին կը ստէք . . .

— Հիմակ կը յիշեմ իմինէքի խշաքը . երբ քու մասիդ կը խորհրդակցէինք , ան կ'ըսէր . «Եթէ ուրիշ մէկը եղած ըլլար , դիւրին էր սպաննել զայն .» Այդ խօսքն է կ'երեւի որ ծնունդ տուած է այդ առասպելին :

— Ուրիմն կը խոստովանիք թէ առասպել չէ . թէ այդ միտքը տեղ բռներ է ձեր ուղեղին մէջ :

— Կը խեղաթիւրէք , Խոկէնտէ՛ր , կամ խեղաթիւրուած տեղեկութիւն էք ստացած : Մենք երբեք այդպիսի խորհուրդ մը չենք ունեցած և ապացոյցն այն է որ իմինէք , Զեր մեկնելէն վերջ , զզջաց նոյնիսկ Զեղի հանդէպ բարկացած ըլլալուն համար :

— Այդ ալ դուք կ'ըսէք . . .

— Հաւատացէք խօսքիս որ հօր մը պէս կը սիրէ Զեզ , ու վերջին խօսքերը զոր արտասանեց իմ մեկնած միջոցիս սա բառերն եղան . «Գացէք , աշխատեցէ՛ք հանդարտեցնել զինքը . երիտասարդ է ու դիւրաբորբոք . ես անոր պարկեշտութեան ու խոհեմութեան վրայ հաւատք ունիմ :»

— Այդ հաւատքն է որ պիտի արդարացնեմ :

— Միայն թէ հանդարտ ու առողջ գատողութեամբ իրերը քննելէ ետքը :

— Ես քններ եմ արդէն . . .

— Այնքան հապճեպ կերպով , որ չէք կրցեր զանազաննել մածունը կաթէն :

— Այդ ապագան կը յայտնէ :

— Այս , պիտի յայտնէ թէ դուք սխալած էք . թէ յիմար թափով յոյսեր դրած էք այնպիսի ուժերու վրայ , որոնք ոյժ չեն , որոնք խախուտ են : Կոխւ մղելու համար բանակ պէտք է ունենալ :

— Աւրեմն ի՞նչ ընէ տկարը , երբ զօրաւորը յարձակի :  
— Պէտք է խոնարհի ինչպէս եղէգը փոթորիկին տակ :  
— Պէտք է խայթէ ու մեռնի որպէս մեղուն ...  
— Ի՞նչ շահ այդպիսի մահէն ...

— Ի՞նչ շահ խոտի պէս կեանքէն , սարուկ կեանքէն :

— Լա՛ւ , լա՛ւ , ես այս իրիկուն խօսք չունիմ Զեզի :

Միայն պիտի խնդրէի որ լա՛ւ մտածէք այս գիշեր .  
վաղը և միւս օր : Վաղայաջորդ գիշերն ալ պիտի գամ  
ամարանց , պէտք է առողջ դատումով ամէն պա-  
տահականութիւնները կշռած , աննախապաշար մտքով  
գնահատած ու նոր որոշում մը տուած Ըլլաք :

— Նոր որոշում տալու պէտք չեմ զգար արդէն :

— Ես կը խնդրեմ որ նոր որոշում մը տուած կամ  
արդէն Զեր տուած որոշումները վերագնահատէք : Մարդ  
միշտ պէտք է իր բոլոր քայլերը քննէ . կշռէ : Հապճեպ  
որոշում մը միշտ կը սխալի : Առաքինութիւն է գոր-  
ծուած սխալ մը ճանչնալ և ուղղել զայն :

— Գիշե՛ր բարի . ուրեմն :

Աւ ան կը մեկնի , առանձին թողելով զիս :

Կը լսեմ վարի յարկէն դռան կղպուիլը : Ոտքի վը-  
րայ էի արդէն երբ մեկնեցաւ ան . դեռ ոտքի վրայ կե-  
ցած եմ այն դիրքով , զոր ունէի անոր դուրս ելած մի-  
ջոցին . քարացած էի Դովտի կնոջ աղի արձանին պէս .  
բայց իմ դէմքին վրայ կը կարդացուէին ապահովաբար  
և արգահատանք , և յաղթականի հաճոյք . և՝ անհան-  
գըստութիւն :

Յանկարծ կը լսեմ ոտնաձայներու մեղմ խշրտոց մը :

Դուռոս կը զարնուի ու ներս կը մտնէ կուռնելիան :  
Ա՛ն , այս անակնկալ այցելուն , որուն մասին երբէք մը-  
տածած չէի այդ վայրկենին , մազերը ու սերուն վրայ  
տարտղնած , սպիտակ գիշերազգեստով , դեփ գեղին  
կտրած ու դողդոջուն :

— Ամիրբէ՛գ, կ'ըսէ ան, լսեցի ձեր խօսակցութիւնը . . .

— Կուռնե՛լիա . . .

— Լսեցի ու կը դողամ, ահա . . .

— Բայց մեր խօսակցութեան մէջ սարսափ ազդող ոչի՞նչ կար, իմ սիրուն հրեշտակը :

— Սկիզբէն մինչեւ վերջը պակուցի՛չ էր, Խսկէնտէ՛ր, մի՛ ստէք. կ'աղաչեմ, որովհետեւ դուք ստել չէք գիտեր :

— Ա՛ն, մի՛ վախնաք կ'ըսեմ. քանի որ Խսկէնտէր միշտ քու մօտն է ու անյողողող :

— Զեղ պիտի սպաննեն . . . Աստուած իմ, ես կը մեռնիմ այդ գաղափարէն իսկ . . .

— Զիս ո՛չ ոք կրնայ սպաննել :

— Սուտ կը խօսիք կամ Զեր երկիւղները կը ծածկէք ինձմէ, Խսկէնտէ՛ր, Դուք զիս Պէադրիչէն նկատեցիք, խօսեցէ՛ք ուրեմն Զեր սրտի խոռվքը ինծի, ես իմ տկար ու թրթռուն հոգիովս պիտի աշխատիմ սփոփել զԶեղ . . .

— Բայց ի՞նչ կ'ուզես որ խօսիմ, հո՛գիս :

— Խօսեցէք ինչ որ կրնաք, խօսեցէ՛ք ի՞նչ որ կ'ուզէք. բայց ամէնէն աւելի խօսեցէք Զեր սուրբ իտէալներու մասին, որոնց համար մահուան սպառնալիք կ'ըւլայ Զեղի :

— Աղնիւ հրեշտակ, եկուր պիտի խօսիմ քեզի ամէն ինչ որ կը շահագրգռէ զքեզ ու կրնայ անդորրեցնել քու հոգին. բայց նախ պէտք է պատսպարուիս գիշերային ցուրտին դէմ :

Այս ըսելով ձմեռնային երկար վերարկուս կը ձգեմ իր փափկասուն ուսերուն վրայ, կը վառեմ ջերմանոցը ու կը նստիմ անոր մօտիկ՝ բազմոցին վրայ :

— Իմ արքայական նախնիքներէն իշխանազուն մը  
ուրացած է իր կրօնը, մատնութեամբ դաւաճանած է  
իր հայրենի բանակին, անցած է իսլամի՝ թշնամիին  
կողմը և որդւոց որդի իրրեւ իսլամ իշխան տիրած եր-  
կիրներու, մանաւանդ իմ հայրենի աշխարհի մէկ մա-  
սին: Իմ հայրերը, սերունդէ սերունդ երկու հարիւր  
յիսուն տարիներէ աւելի, վրէժ մնուցած են այդ դա-  
ւաճանի ընտանիքին դէմ, ու իրրեւ վերջին շառաւիղը  
ինծի կտակած են այդ վրէժը,

— Այդ դաւաճան ընտանիքը ի՞նչ կը կոչուի:  
— Գարաման:

— Կիլիկիայի մէկ մասին տիրած են անոնք:

— Այս, միայն թէ այժմ տկարացած են ուրիշ զօ-  
րաւոր թշնամիէ մը, Ֆաթիհէն: Ան ալ իսլամ է, ան  
ալ սկսած է տիրապետել իմ հայրենի երկիրներուն:

— Դուք կը ձգտիք, ուրեմն, ձեռք անցնել Զեր  
հայրենի կալուածները:

— Այնչափով որշափ կարելի է: Ահա այդ է իմ մե-  
ծագոյն իտէալներէն մէկը:

— Դուք կը միշէք անշուշտ Որատիոսի չքնաղ տո-  
ղերը. Dulce et decorum est pro patria mori (Քաղցր  
է ու գեղեցիկ մեռնիլ հայրենիքին համար): Այդպիսի  
բարձր իտէալ մը պատիւ կը բերէ կրողին:

— Այդ չէ սակայն իմ միակ նպատակը: Իմ հայրե-  
րու փառքը խորտակուած, իշխանութիւնը փճացած է  
միմիայն և մանաւանդ դաւաճան ազգակիցներու պատ-  
ճառով. ես պէտք է վրէժ դառնամ այդպիսիներուն  
համար:

— Պաշտելի՛ իսկէնտէր . . .

— Հո՛ս է, սակայն, որ ես, կոչում պիտի ընեմ  
քու բովանդակ կորովին: Ուշադրութիւն: Օսմանցինե-

բու Սուլթանը շուտով պիտի գայ պաշարէ Թէոդոսիան՝ զրաւելու համար գայն...

—Ա՛հ, պիտի շանթահարէ՛ք զիս...

—Կուռնե՛լիա, ցոյց տուէք Պէտրիչէի անդորր ու պայծառ հոգին: Աղէտ մըն է աս, որուն առջեւ պէտք է ժայռի պէս ամուր մնալ ու չի տպաւորուիլ:

—Ուրեմն Զեր երկրորդ նպատակն է Թէոդոսիայի պաշտպան կանգնիլ Ֆաթիհի բանակներուն դէմ...

—Այդ իմ պարտականութիւնն է, զոր ես պիտի կատարեմ, բայց կայ ուրիշ բան մը որ ես ստիպուած եմ մտածել.

—Ի՞նչ...

—Դաւաճաններու դէմ վրէժ...

—Կա՞ն այդպիսի դաւաճաններ...

—Չափազանց շատ ու նոյնիսկ մեր մօտիկ:

—Եւ մեզի ազգակա՞ն:

—Եւ մեզի ազգական:

—Ա՛հ, ես կը մեռնիմ ամօթէս...

—Ո՛չ, հրեշտակս, պէտք չէ յուսահատիս, որովհետեւ իսկէնատէր մը կայ որ պիտի ջանայ արգիլել այդպիսի ո՛ւ և է դաւաճան արարք, գէթ մեր ազգականներուն կողմէ:

—Ի՞նչ կ'ըսէք Այիրբէ՛ք, ա՛հ, պարզ խօսեցէք, կը տանջուիմ:

—Պարզ խօսիմ, անո՛ւշս. Սքուէրչաֆիքօ արդէն խոստացած է Էմինէքի միջոցաւ Օսմ. Կառավարութեան, թէ պիտի բանայ Թէոդոսիայի դռները, եթէ ո՛ւ է յարձակում մը ըլլայ անոնց կողմէ:

—Ա՛հ, ի՞նչ կ'ըսէք. Թող խարանեն իմ ճակատը այդպիսի դաւաճանի արիւնակիցն ըլլալուս համար:

—Անհո՛գ եղիք, իմ հոգին, որովհետեւ Սքուէրչա-

Դիքօ չպիտի կրնայ այդպիսի դեր մը կատարել, քանի  
որ վերջին պահուն ո՛ւ և է պաշտօն պիտի չունենայ իր  
ձեռքին տակ. շահագործելու համար զայն:

— Ուրեմն, ուրիները գիտե՞ն արդէն իր յիմար ձեռ  
նարկը:

— Բոլորովին չեն գիտեր, այլ կը կառկածին: Իս-  
կէնտէրն է միայն այդ գաղտնիքին ծանօթ, ու վերջին  
բոպէին, պիտի գործէ ինչպէս կը թելադրէ մեր ընտա-  
նիքին պատիւը:

— Մօրեղբայրնիդ գիտէ՞ թէ դուք ծանօթ էք իր  
դիտաւորութիւններուն:

— Ոչ, չգիտեր և պէտք չէ որ գիտնայ:

— Ուրեմն Զե՞զ ալ դաւաճանութեան կը հրաւիրէր  
այդքան սպառնալից եղանակով:

— Այս', բայց Խսկէնտէր երկիւղ չզգար այդ սպառ-  
նալիքներէն, որովհետեւ ոչ միայն աշալուրջ հսկողու-  
թեան մը տակ առած է իր բոլոր թշնամիները, կամ ա-  
նոնք որ կրնան գործիք դառնալ, այլեւ ամբիծ, անա-  
բատ հոգի կրող հրեշտակներ ունի որ կը լուսաւորեն իր  
խաւար ճանապարհը, կը քաջալերեն զինքը իր բարի  
ձեռնարկներուն մէջ, ու աստուածային շնորհին պէս  
կը հսկեն անոր սնարին վերեւ:

— Ամիրբէ՛զ, ամուր կառչեցէք Զեր նպատակնե-  
րուն, Զեր ձեռնարկներուն. հաւատացէ՛ք որ Կուռնե-  
լիան իր բոլոր հոգիովը կը տենջայ բաղձանք դառնալ  
որ դուք յաջողիք:

— Այդ բանին խորունկ գիտակցութիւնը արդէն  
հաճոյք կը պատճառէր Ամիրբէզի:

— Հաւատացէ՛ք որ ամէն բոպէ աւելի ևս կը բարձ-  
րանաք դուք կուռնելիայի աչքին. ամէն բոպէ աւելի  
եւս թզուկ կ'զգայ ան Զեր տիտանեան մեծութեան  
առջե...

— Բնդհակառակը, Կուռնելիա, Խոկէնտէրը թարձ-  
րեալի աթոռին մօտեցնող, մինչև եօթներորդ երկինքը  
առաջնորդող ճառագայթը իմ Պէադրիչէն է . . .

— Ամիրը՝ գ . . .

— Կուռնելիա . . .

Անոր կիսամերկ բազուկները տարածուեր էին իմ  
վզիս շուրջ, տամուկ աչքերը կը դիտէին իմ աչքերուն  
մէջ, թափանցիկ ու կենդանի պատուհանն էին անոր  
հոգիին, որուն մէջ ես կը տեսնէի Յաւիտենականին օրհ-  
նութիւնը, աստուածային խանդաղատանքը :

Չեմ գիտեր որքան ժամանակ տեւեց այս գրկա-  
խառնումը, որ քուրայի մը պէս մաքրագործեց իմ  
հոգին :

Արշալոյսը կը ճեղքուէր արդէն երբ ան քաշուեցաւ  
իր առանձնարանը, խաղաղութեան քունը ննջելու :

Աստուածային արդարութեան պատգամաբերն ես  
դու, երկնային զուարթուն, որ կը բերես Անմահի ա-  
թոռէն կայծ մը կը քսես իմ շրթներուն, այնպէս ինչ-  
պէս երբեմն Ամովածին Եսային մաքրուեցաւ իր շըրթ-  
ներով : Դուն արդարութեան հատու սուրը կը դնես իմ  
ձեռքերուն մէջ . . .

Մայիս 17

Վերջին երկու օրերու դէպքերն այնքան բազմաթիւ ու շարայարուած էին, որ անկարելի եղաւ մէկ օրուան մէջ գրի առնել զանոնք: Ուստի անոնց մէկ մասն այսօր կ'արձանագրեմ Օրագրիս մէջ:

Մայիսի տասնեվեցը կը ծնէր խաւարի արգանդէն, երբ ես ալ պարտասած մարմնով անկողին մտայ: Անցնող պահերու յուզումները որքան գրգռեր էին իմ երեակայցութիւնը, ու կոտրաեր էին իմ քունի թեւերը, կուռնելիայի այցելութիւնը այնքան կազդուրեր էր իմ հոգին, ու ես շուտով սկսայ հաւի մրափը նիրել:

Առաւօտ երբ կ'արթննամ մօրեղբայրս մեկնած է արդէն: Կը կանչեմ Եսո սուֆը ու կը յանձնարարեմ իրեն որ երթայ դիտէ թէ ծաղկեփունջ մը կա՞յ, Տերմինոսի արձանին վրայ: Քանի մը վայրկեան ետքը.

— Այո՛, Տէր իմ, լուր կը բերէ ան, նոյնիսկ օրիորդն ալ հոն՝ ձեզի կ'սպասէ:

— Տեսա՞ւ քեզ:

— Այո՛:

Կը դիմեմ ուրեմն միւս պարիկին մօտ: Բուռն հետաքրքրութիւն մը զիս կը կրծէ: ինչե՞ր խօսեցան արդեօք Էմինէք: ու մօրեղբայրս:

Կը տեսնեմ Փէրիչէնէրը, Աստուած իմ, ո՛րքան դեղնած է ան: օգուտ չէ ունեցած մայիսեան առաւօտին մեղմ զեփիւոը: դէմքին վրայ հազիւ վարդի նուրբ երանգ մը կը նշմարուի:

— Ինչ ունիս, կը հարցնեմ արագ արագ, ի՞նչ ես եղեր, գեռ չանցուցի՞ր զիշերու ան նուազումիդ հետքերը:

— Ոչինչ, բան մը չունիմ կը պատասխանէ ան:

— Բայց ոչ, դուն կը ծածկես . ի՞նչպէս անցուցիք գիշերը՝ մայրդ ու դուն :

— Ամբողջ գիշերն անքուն ենք անցուցեր , Ամիրբէ՛դ , Զեր մեկնումէն անմիջապէս ետքը կարգը մօրս էր . ան ալ նուազեցաւ , բայց բարեբախտաբար յոյժ թեթև կերպով :

— Հիմակ հանգի՞ստ է :

— Այո՛ , կատարելապէս : Մայրս դեռ նուազած էր . երբ կրկին լսեցի Սքուէրչաֆիքոյի ձայնը : Անհամբեր էի իմանալու անոնց խօսակցութիւնը , կանչեր էի նաժիշտը , որուն միջոցաւ շուտով սթափեցաւ մայրս ու քաշուեցաւ իր սենեակը :

— Խնչե՞ր խօսեցան անոնք :

— Իր խօսքերէն յայտնուեցաւ թէ հայրս զղջացած էր Զեր վրայ բարկացած ըլլալուն համար : Ան խնդրեց Սքուէրչաֆիքոյէն որ աշխատի ձեր սիրտն առնել :

— Մօրեղբայրս ի՞նչ շեշտ ունէր :

— Ան յայտնեց թէ տակաւին իր յոյսը կտրած չէ . թէ դուք պիտի կրնաք դառնալ ձեր ուղիէն :

— Հայրդ համակարծի՞ք էր :

— Ո՛չ , ընդհակառակն ան համոզուած է այլևս թէ Զեր կողմէ աջակցութեան սպասել յիմարութիւն է :

— Ուրեմն ի՞նչ խորհրդակցութիւն ունեցան :

— Հայրս առաջարկեց որ Սքուէրչաֆիքօ , եթէ կրնայ , — քանի որ կը հաւտայ թէ կարելի է — համոզէ Զեզ , աջակցութեան՝ գործակցութեան համար : Իսկ եթէ անկարելի ըլլայ , թողուլ որ քաղաքին պաշտապանութեան գործին նուիրուիք , ինչպէս կ'ուզէք . միայն պէտք է Սքուէրչաֆիքօ երբէք իր յարաբերութիւնները չի խզէ Զեզի հետ ու աշխատի ուրիշ ճամբու մը առաջնորդել :

— Ի՞նչպիսի ճամբռու :

— Մօրեղբայրնիդ պիտի աշխատի համոզել Զեզ որ,  
քաղաքին պաշտպանութեան համար աշխատելով հան-  
դերձ, ըմբռնէք թէ անկարելի է պաշտպանել զայն, թէ  
անհրաժեշտ է միջին ճամբայ մը գտնել :

— Ցոյց տուին այդ միջին ճամբան :

— Այս՝ Քէրայներու իշխանութեան հովանիին տակ,  
գաղութին բոլոր ներքին քաղաքային կազմակերպութիւնն  
ու օրէնքները յարգուելու պայմանով, տեղական իշխա-  
նութիւն մը կազմեած որ դաշնակից ըլլայ Օսմանեան  
կառավարութեան : Այս գաղափարին եթէ համոզուիք,  
հայրս կը խօստանայ Զեր ընտանիքին՝ որդւոց որդի  
տիրելու պայմանով՝ յանձնել Թէոդոսիայի կամ Մանգու-  
րի կառավարչութիւնը :

— Ինքը, ուրեմն, վստա՞ն է թէ Քէրայներու պիտի  
յանձնուի Խրիմի բովանդակ Խանութիւնը :

— Անտարակոյս . կը թուի թէ այս մտքով դաշինք  
մը կայ արդէն հօրս ու Ֆաթիհի միջև :

— Ուրիշ ինչե՞ր խօսեցան :

— Ուրիշ ոչ մէկ խօսակցութիւն անոնց միջեւ,  
բացի նոր ժամադրութենէ մը :

— Որո՞ւ հետ :

— Իրարու հետ, իրենք իրենց մէջ :

— Ե՞րբ և ո՞ւր :

— Մեր տան մէջ, վաղը գիշեր :

— Դո՞ւք ինչեր խորհեցաք, Փէրիչէհէ՛ր :

— Ա՛ս, մեր խորհուրդը . . . Մայրս ու ես, Աժիր-  
բէ՛ք, ամբողջ գիշերը ունեցանք և' հիսցում Զեր աը-  
դամարդու կորովին վրայ, և' տառապանք՝ Զեր անձին  
սպառնացող վտանգներուն նախազգացումով, և' անձ-  
կութիւն գալիք օրերուն ու դէպքերուն համար : Ա՛ս,

երէկ գիշեր աւելի քան երբէք խորունկ վիճ մը բացուեցաւ մեր երկուքին միջև . . .

— Փէրիշէհէր, հօրդ ու իմ միջև թշնամութիւն մը չի կրնար բաժնել մեր սիրտերը . . .

— Այս', բայց . . .

— Բայց, ի՞նչ . . .

— Բայց դուք թշնամի մը պիտի ըլլաք մեր ընտանիքին հանդէպ :

— Կը սխալիք, ես թշնամի պիտի ըլլամ էմինէքի քաղաքականութեան և ոչ թէ անոր անձին. իսկ անոր ընտանիքին հանդէպ ես բարեկամ մը պիտի մնամ միշտ :

— Մինչև ետք պիտի կրնա՞ք պահել այդ զանազանութիւնը :

— Կը տարակուսի՞ք . . .

— Իմ ներքին ձայնը ոչ կը պատասխանէ ձեր հարցումին, բայց իմ շրթները կ'ուզեն այս ըսել :

— Եւ ո՛չ իսկ քու շրթները թող ունենան այդ տարակոյսը :

— Ամիբբէգ, ես շատ տանջուեցայ այս գիշեր . . . Այս, ինչո՞ւ հանդիպեցան մեր աստղերն իրարու : Ինչո՞ւ ես եղեռնը գործեցի յայտնելու իմ սէրը Զեզի հանդէպ : Ինչո՞ւ ես ուրիշ միջոց մը չի գտայ Զեզի սպառնացող վտանգը հաղորդելու համար : Ինչո՞ւ . . .

— Մի՛, մի՛ խօսիր այդպէս, որովհետեւ դուն կը պատռես իմ սրտին առագաստը, դու կը փշրես իմ հոգին :

— Աստուած իմ, որ զուարթունը դրաւ իմ սրտին մէջ սէր ու խանդաղատանք . . . Զեզի հանդէպ . . .

Հեծկլտուքները կը խեղդէին անոր կոկորդը :

— Ի՞նչ . . . ուրեմն կը զզչա՞ք իսկէնտէրը սիրած ըլլալնուդ համար . . .

— Ո՛չ, ո՛չ, այդ իմ միակ մխիթարութիւնն է . . .

Թող առնեն այդ սէրը ինձմէ, Փէրիչէհէր հող ու մոխիր  
պիտի ըլլայ այլևս:

— Խղճահարութիւններ ունեցար, ուրեմն, գաղա-  
նիքներ տուած ըլլալուդ համար ինծի...

— Կը համարձակի՞ք այդ բառերով այրել ձեր շրթ-  
ները... իսկէնտէ՛ր, այն բոլոր գաղտնիքները զոր-  
ցարդ հազորդեր եմ Զեզի՝ Զեր գիտնալիքներն եղած են  
արդէն. ես տուեր եմ վայրկեան մը առաջ, երբ ուրիշ-  
ներ վայրկեան մը ետքը պիտի յայտնէին Զեզի:

Ոտքի ելաւ յանկարծ:

— Ամիրբէ՛գ, Զեր քայլերը հաստատուն են ու կո-  
րովի, Զեր ուղին գծուած է, քայլեցէ՛ք, իսկ ինձ թողէ՛ք  
որ երթամ...

— Ուր...

— Իմ հարէմը... հոն փակ է, հոն երկինք չկայ,  
հոն ագու չկայ...

— Այդպէ՛ս... դուն կը փախչիս իսկէնտէրէն, որ-  
պէս թէ մահն ինքնին ըլլար ան...

— Եթէ գիտնայի, իսկէնտէ՛ր, որ դուք մահն իսկ էք.  
Կը փաթթուէի Զեր մանգաղին, բայց դուք կեանքն էք,  
ու էմինէքի աղջիկը պէտք է փախչի Զեր երեսէն...

Թռա՛ւ... կորսուեցա՛ւ ան, գլխիկոր ու վշտահար,  
գնաց որպէս ամառնային թուխապ ու մռայլ ամպ՝ որ  
կերթայ զեղուլ իր գոգն ամրարած անձրևը թաթաւուն:

— Իսկէնտէ՛ր, դուն ժանտա՛խտն ես, դուն սեր-  
մանացանն ես վշտի... քու քայլերդ ամէն տեղ տա-  
ռապանքը կը պարտցնեն: Դուն երկինքը դժոխք պիտի  
դւրձնէիր, իսկ դժոխքը պիտի դողար քու մօտենալդ  
տեսնելով...

Այսպիսի դառն խորհուրդներ քշեցին, բերին զիս  
իմ սենեակը: Ախ, ինչո՞ւ ես ալ արցունք չունիմ իմ

աչքերուն մէջ . . . ինչու չունիմ այդ սփոփանքը վշտին :

Երբ այս տողերը կը գրեմ, ունիմ այն միենոյն խռովքը, միենոյն պակուցումը, միեւնոյն թախիծը, ինչ որ ունէի երէկ այս վայրկեաններուն։ Գրիչս չէ կարող թարգմանն ըլլալ իմ հոգեկան յոյզերուն։ միտքս կ'զգայ միեւնոյն ընդարմացումը . . . պէտք է թողուլ գրիչը . . .

### Մայիս 20

Անցնող երկու երեք օրերը ստիպուեցայ քաղաք անցնել, այդ պատճառով չկրցի Օրագիրս շարունակել։ Թո՞ղ որ իմ կեանքի շուրջ ո և է կարեւոր դէպք չպատահեցաւ արդէն։

Մայիս 17ի երեկոյին երկար տեսակցութիւն մը ունեցանք ես ու մօրեղբայրս։ Անոր դերը պարզ էր և նախապէս գծուած։ Արդէն զիտէի ես իր բովանդակ ըլանը, չնորհիւ Փէրիչէնէրի յայտնութեան։ Բայց թողուցի որ ուզած խօսի, ուզած կապարովը ձուլէ իր որոշուած ծրագիրները։

Ան կ'երեւի պէտք է համոզուած ըլլայ այլեւս թէ իսկէնտէր չէ կարելի լոլողել, որպէս զի աջակցի էմինէքի կամ օսմանեան բանակներուն։ Ան սկսաւ համոզուած ցուցնել իմ բռնած ուղղութեան նկատմամբ։ ապա սկսաւ «միջին ճամբան» ցուցնել ինձի։ ան ուզեց զիս առաջնորդել այն եզրակացութեան, որը յայտնած էր ինձ էմինէքի գեղանի դուստրը։ Բայց այդ գետնին վրայ եւս հանդիպեցաւ բուռն ընդդիմութեան իմ կողմէ։ Ան դարձեալ նոր պայմանաժամ տուաւ ինձ ու քաշուեցաւ իմ սենեակէն։ Գիշերը էմինէքի մօտ ան-

շուց ան ու յաջորդ օրը դարձաւ իր պաշտօնատեղին : Շատ ալ չի հետաքրքրութցայ ես իրենց այս նոր խորհրդակցութեան մասին, համոզուած որ անոնք երկուքը դաւադրութիւն մը չեն կրնար սարքել ինձ դէմիսկ այդպիսի պարագայի մը իմ հրեշտակները պիտի տեղեկացնէին ինձի :

Յաջորդ օրը կատարուած էր Էմինէքի դստեր մկրտութիւնը, անոր հարէմին մէջ : Եռւսուֆ իր սանուհին կոչեր էր Սաքնիկ:

Մայիս 19ին ստիպուած մնացի Քաղաք, ամբողջ օրն ու գիշերը զինուորական խորհուրդի կարեւոր գործերով զբաղուած :

Այսօր դարձեր էի ամարանոց, երբ, եռւսուֆ ինձի գուլով,

— Տէ՛ր իմ, կըսէ, արձանին մօտ Զեզի կ'սպասեն :

— Հիմա՞կ ։ կը հարցնեմ անոր :

— Այո՛, հիմակ իսկ ։ կը նետուիմ առաջ . քնաղդ մը զիս կը քշէ այս անգամ : Հո՛ն, Տերմինոսի արձանին մօտիկ, Սաթենիկի մայրն է, Սանդուխտ հանըմը : Հետաքրքրութիւնը զիս կը ծամծմէ ։

— Ա՛հ, տիկին, ինձի՞ կ'սպասէիք :

— Այո՛, իսկէնտէ՛ր, կ'ուզէի տեսնել Զեզ, և բախտաւոր եմ որ կրցայ շուտով հանդիպիլ Զեզի :

— Խնդրեմ շուտով յայտնեցէք, ես բոլորովին Զեզ տրամադրութեան տակն եմ :

— Շնորհակալ եմ. Ամիբբէգ : Որդեա՛կ, ես եկած եմ Զեզի ծառայութիւն մը մատուցանելու :

— Ա՛հ, աստուածային օժանդակութեան բազուկն էք Դուք ինձ համար, Տիկին ։

— Յոյժ կարեւոր խորհրդակցութիւն մը կատարուած է մեր տան մէջ, որուն մասնակցած են ի մէջ այլոց մօ-

բեղբայրութ, Սարշահ, Մարտիրոսնան, Դարակալեան և ու-  
րիշներ։

— Ե՞րբ տեղի ունեցած է այդ խորհրդակցութիւնը։

— Երէկ գիշեր։

— Զամապանց կը հետաքրքրէք զիս։

— Այդ խորհրդակցութեան նիւթ դարձած են ամէնէն  
աւելի Գոթովապէյ ու Ամիրը Խսկէնտէյր։

— Ի՞նչ տեսակէտով խօսակցութեան նիւթ դարձեր  
ենք մենք։

— Պարզ է, դուք երկուք հայ իշխաններուն մօտ  
կը ներկայանաք որպէս առաջնորդներ ու իրենց բառով  
ուրագուիներ։ Հետեւ արար պէտք է չեղոքացնել Զեր  
գործունէութիւնը կամ զՁեզ։

— Հաւ, ինչ միջոց խորհեցան . . .

— Սարշահ առաջարկեց սպաննել զՁեզ միաժամա-  
նակ, Գոթովապէյը քաղաքին մէջ, իսկ Զեզ՝ ամարանոցի  
համբուն վրայ, Անոր այս գաղափարին բացարձակ կեր-  
պով դէմ կեցան էմինէք ու Սքուէրչաֆիքօ։ Դորա-  
կալեան առաջարկեց խնջոյքի մը հրաւիրել Զեզ՝ ու թոյ-  
նով սպաննել։ Այս գաղափարը ժողովին մէկ մասը կը  
պաշտպանէր, իսկ միւսը դէմ էր։

— Որո՞նք դէմ էին . . .

— Մասնաւորապէս մօրեղբայրդ ու Եմինէք, Վեր-  
ջապէս որոշեցին յարաժամ լրտեսել Զեր ըոլոր քայլերը,   
հայ իշխաններուն մէջ գաղտնի ժողովներ սարքել՝ Զեզի  
դէմ հանելու համար, և չէզոքացնել Զեր գործունէու-  
թիւնը ուրիշ զանազան միջոցներով։ Ցաւով կը տես-  
նէինք, Ամիրը գ, որ հայ իշխաններ դաւաճանութեան  
ստոր խորհուրդներով լի են։ Դորակալեան մինչև ետք  
ամուր կառչած կը մնայ իր գաղափարին վրայ, որ է  
թունաւորել Զեզ։ Նոյնիսկ խորհրդակցութեան վերջին

Վայրկեաններուն ան կը յայտնէր թէ ո՛ւ և է մէկը եթէ  
թունաւորէ կամ սպաննէ ձեզ երկուքդ, ժողովին հա-  
ճելի բան մը ըրած պիտի ըլլայ, թէև ժողովը պաշտօ-  
նապէս դէմ կը կանգնի այդ գործը յառաջացնելու գա-  
ղափարին: Խսկէնտէ՛ր, մայր ու աղջիկ մենք համոզ-  
ուած ենք թէ այդ վատերը անպայման պիտի գոր-  
ծադրեն իրենց դիտաւորութիւնը ուստի կը խնդրենք,  
կը պաղատինք զգոյշ եղէք...

— Անող եղէք, Տիկին, այսքան ծանօթութիւն  
հերիք է մեզի ամէն զգուշութիւն ընելու և իրենց փո-  
րած փոսին մէջ զիրենք ձգելու համար: Կ'երեկ շատ  
զգածուեցաք այդ խորհրդակցութենէն...

— Տարապայման. մանաւանդ Սաթենիկ, հիւանդ  
պառկած է սրտին ցաւէն...

— Խեղճ աղջիկ...

— Խնքը ուզեց գալ յայտնել Զեղի, բայց պարտէզին  
մէջ երկրորդ անգամ ըլլալով նուազեցաւ ինկաւ...

— Ա՛հ, ի՞նչ անձնուիրութիւն...

— Վերցուցինք զինքը, առաջնորդեցինք անկողին:  
Արդէն էմինէքի հետ Զեր վերջին տեսակցութենէն իվեր  
բոլորովին փոխուած է ան...

— Այս, զգացի ես մեր վերջին տեսակցութեան  
ատեն:

— Գիշերները քուն չունի բնաւ, միշտ նոր վտանգ-  
ներ կ'երեակայէ Զեր անձին շուրջ ու կ'ուզէ օգնու-  
թեան փութալ...

— Ա՛խ, Տիկին, ես դժբախտ դարձուցի Զեր գեղա-  
նի դսարիկը...

— Ո՛չ, Ամիրքդ, ո՛չ. ես գիտեմ Զեր յարաբերու-  
թիւններուն բոլոր մանրամասնութիւնները. դուք չէք որ  
դժբախտ դարձուցիք զայն, այլ ինքն էր որ իր սիրոյ

յայտարարութեամբ թումբեր կանգնեց Զեր կեանքին  
առջև...

— Զէ', Տիկին, չէ', ես դժբախտ ասաղի ծնունդ  
եմ, ես իմ բոլոր անցած տեղերը ցաւ կը ցանեմ...

— Ես իմ հոգիովը կը վկայեմ թէ Զեր ասազը փայ-  
լուն է, Ամիրը է՛ք, ես հաւատք ունիմ թէ Զեր փոխա-  
դարձ սէրը պիտի պաղաքերի առ պաղատու ծառին  
երփնագեղ ծաղիկներուն պէս:

— Այդ հաւատքն է, Տիկին, զոր ես չունիմ դժբ-  
ախտաբար. կրօնական, ընկերային այնպիսի կաշկան-  
դող կապեր կան, որ երազազի մը փոկին պէս կը սեղ-  
մեն իմ կոկորդը. ընտանեկան աւանդութիւններ, ինձի  
աւանդուած վրէմի կտակներ կան, որ կը գրաւեն իմ  
բովանդակ էութիւնը:

— Այդ բոլորը արգելք չպիտի կրնան ըլլալ Զեր  
սիրոյն:

— Զէ', Տիկին, ես յաւիտենական ուխտադիր  
ամուրին եմ, ես ամուսնացած եմ իմ գաղափարներուն  
հետ... Եւ այդ է պատճառ որ ես չպիտի կրնամ եր-  
ջանկացնել ձեր սիրուն զաւակը, որ արժանի է երջան-  
կութիւններու ամէնէն կատարեալին: Մի՛ մոռնաք.  
Տի՛կին, որ Էմինէքի աղջիկն է ան ու իսլամ, իսկ ես՝  
Սիմիսեան Խսկէնտէրն ու քրիստոնեայ...

— Ա՛հ, միակ խարոցը ձեր միջև ա՛յդ է դժբախ-  
տաբար.

— Եւ մեծագոյն խարոցը որ մեր միջև հսկայ լեռ-  
ներ է դիզած: Կ'ուզէի՞ք, Տիկին, որ Սիմիսեան ճետը  
ուրանայ իր կրօնը:

— Ա՛հ, չեմ կրնար այս ըսել...

— Ես հայրենի կտակ ունիմ իսլամացած ու դա-  
ւաճան ազգակիցներու վրէմը լուծելու, ե՞ս ալ գործեմ

այդ միեւնոյն արարքը . . . Զեմ կրնար ընել այդ բանը , այդ իմ կարողութենէն վեր է : Ահա թէ ինչո՞ւ Տիկին , ես կը տառապիմ իմ տխուր ու ամուլ սէրերով . . . մշտնջենական կոփու կայ իմ մարմինին ու հոգիին միջեւ , իմ զգացումներուն ու կամքին միջեւ : Պրոմեթէոսը Կովկասի սարերուն վրայ շղթայուած ու իր սիրար անգղի մը մշտնջենի կուր . Պրոմեթէոս , կ'ըսեմ , այնքան վիշտ ու տառապանք չի կրնար զգալ որքան ես կ'զգամ . որովհետեւ ան գիտէ թէ պատճուած է , իսկ ես չունիմ այդ գիտակցութիւնը : Քանի քանի անգամներ բողոք բարձրացուցեր եմ Աստուծոյ ու սուրբերուն , թէ ինչո՞ւ մեզ երկուքս իրարու դէմ հանած են , ինչո՞ւ սէր դրած են իմ ու անոր սրտին մէջ :

— Դժբախտ էք , երկուքնիդ ալ . . .

— Առաջին վայրկենին ըսի ես Զեր հրեշտակին , թէ մեր սէրը տառապանք կրնայ ծնիլ միայն . . . թէ մենք փարսախներով հեռու ենք իրարմէ , հորիզոնն ենք մենք՝ երկինքն ու երկիրը , որ յաւիտենապէս բաժնուած են իրարմէ , նոյնիսկ հոն ուր կը կարծուի թէ միացած են . . . Եւ Դուք , բարի ու ազնուական հոգի , ըսէ՛ք հիմակ թէ կ'արժէ՞ որ ապրի Սիմիսեան շառաւիզը . . .

— Այո՛ : պէտք է ապրի , որովհետեւ աստուածային արդարութեան գործիքը պիտի ըլլայ ան :

— Այո՛ . խաչ մըն է այդ պաշտօնը իմ ուսիս , զոր ես պիտի տանիմ մինչև Գողգոթա . ես իմ խաչի վրայէն կակիծով պիտի տեսնեմ իմ սիրականներուն հիւծումը , իմ սիրելիներուն տուայտանքը , մի՛ լաք , Տիկին , Զեր արցունքները քացախին հետ խառնուած լեզին են որ կը մատուակեն իմ մշտատեւ խաչին վրայ . . . ա՛հ ես արցունք չունիմ , որովհետեւ անոր աղբիւրները իմ

սրտին մէջ կը բացուին, կը վազեցնեն հոն, կ'ուսեցնեն ու ես կզգամ թէ ան պիտի պայթի օր մը...

Ոտքի կ'ելնէ այս հրաշագեղ նոճին.

— Ախ, ուրիշ բան չունիմ բաելիք, Ամիրբէգ, եթէ ո՛չ մաղթանք մը միայն. աստուածային խաղաղութիւնը դայ անդորրացնել Զեր երկու խռոված հոգիները... Զգուշացէք միշտ Զեր կեանքէն որ թանկագին է...

Ու կը մեկնի հապճեպով:

Հոս կանգ կ'առնեմ, առանց նոր խորհրդածութիւններու. ես կը փախչիմ այդ դժբախտ վայրէն, կը փակուիմ իմ սենեակին մէջ, ու առաջին անգամ ըլլալով դառնօրէն կը հձծեմ առանց արցունքի....

Մայիս 25

Անցան գացին օրեր, որ անձկութեան ու եղերական վայրկեաններ էին ինձ համար։ Այսօր դրիչս ձեռք կ'առնեմ կարմրադեղելու իմ Օրագրին էջերը՝ ամփոփ կերպով պատմելով իրադարձութիւնները։

Մայիս 21 ին կ'իջնեմ քաղաք ու կը գտնեմ Դոթոլպէյը։

— Նոր լուրեր ունի՞ք, կը հարցնեմ անձկանոք։

— Նոր բան մը չունիմ հաղորդելիք Զեզի, կը պատասխանէ ան, միայն թէ նախորդ գիշեր տեսնուած է Սարըպէյի, Դորակալեանի ու Սքուէրչաֆիքոյի՝ անջատ անջատ ու նոյնիսկ տարբեր ուղիներով քաղաքէն դուրս ելնելը։

— Զի կրցի՞ք իմանալ թէ ուր գացած են։

— Սարըպէյ ու Սքուէրչաֆիքո գացած են դէպի և մինէքի ամարանոցը, իսկ Դորակալեան Փարապազարի ճամբան բռնած է և իր հետքը կորսուած է։

— Իր բարեկամները, ծանօթները կամ ընտանիքը բան մը չե՞ն գիտեր անոր ուր մեկնած ըլլալու մասին։

— Ո՛չ ոք բան մը գիտէ։ իր կնոջ ըստած է թէ մօտակայ թաթար գիւղ մը պիտի երթայ ու յաջորդ առաւօտ պիտի դառնայ։

— Դարձե՞ր է։

— Այո՛, երեքն ալ յաջորդ առաւօտ քաղաքն էին արդէն։

— Միասի՞ն դարձած են։

— Ո՛չ։

— Դոթոլպէյ, կը յարեմ վերջապէս, այս քանի մը օրերս ամարանոց չպիտի երթամ, այլ պիտի մնամ քա-

դաք, և կը պահանջեմ որ իմ մօտէն չի զատուիք բը-  
նաւ :

— Լաւ, մեր տունը կը մնաք, ուրիմին :

— Կ'ընդունիմ . ո՞չ մէկ վայրկեան պիտի բաժնուինք  
իրարմէ, ու թէե դուք ինձմէ տարւոք էք, բայց կը  
պահանջեմ որ առանց իմ խորհուրդին ո՞չ մէկ տեղ  
երթաք, ո՞չ մէկ գործ կատարէք :

— Բան մը գիտէք, արդեօք :

— Այո՛, գիտեմ և ժամանակը երբ դայ պիտի  
յայտնեմ Զեղի :

— Կ'ընդունիմ Զեր բոլոր պայմանները, վստան  
եղէ՛ք որ ծառայի մը պէս կրնաք վարուիլ ինծի հետ :

— Ոչ ծառայի, այլ մտերիմ ու սիրակից բարեկամի  
մը պէս :

— Այդպէս թող ըլլայ :

— Այս գիշեր պէտք է բոլոր հայ իշխաններուն  
առւները մարդ զրկենք, իմանալու համար թէ տո՞ւնն են :

— Կը կասկածի՞ք թէ գաղտնի ժողով կրնան գու-  
մարել :

— Ո՞չ միայն կը կասկածիմ, այլև գիտեմ թէ պի-  
տի ընեն :

— Ե՞րբ :

— Այդ է ահա զոր կ'անգիտանամ, որովհետեւ դեռ  
սարքողներն ալ ժամը որոշած չեն հաւանաբար :

— Խնչպէս կրնանք իմանալ թէ բոլոր հայ իշխան-  
ները իրենց առւնը կը գտնուին :

— Պէտք է այսօր իսկ ընտրել 30—40 հոգինոց ըն-  
տիր խումբ մը երիտասարդներ, և յանձնարարել որ հե-  
տապնդեն զանոնք իւրաքանչիւրը մէկ կամ երկու  
հոգիով, Ընթրիքէն ետք, ժողովի յարմար ժամուն  
պէտք է զարնեն անոնց դուռները և անոնց հետ ան-  
ձամբ տեսնուիլ ուղեն :

— Ի՞նչ ըսելու են, կամ ի՞նչ պատրուակ ստեղծելու են :

— Շատ դիւրին . կը հազորդեն թէ գենուական երկու խոշոր մարտանաւեր առանց միջադէպի անցած են նեղուցներէն ու վաղն առաւօտ կը հասնին մեր նաւահանգիստը :

— Լաւ, ապահով միջոց :

Նոյն և յաջորդ գիշերները նժանօրինակ միջոցներով ստուգեցինք որ դեռ ժողով կայացած չէ : Իսկ ցերեկները հետապնդութեան ենթակայ ըլլալով, ո'ւ է յարմար տեղ մը հաւաքում ունեցած չըլլալնին քաջ ծանօթէ մեզի :

Անցան այսպէս առաջին երկու օրերը :

Մայիս 24ի առոտուն, ես ու Գոթոլպէյ, հրաւէր կ'ընդունինք Տիրիմպաքալեանց իշխանէն, իր եղբօր ծննդեան տարեդարձը տօնելու համար : Զինուորական խորհուրդի ժողովէն ետք պիտի երթանք իրենց :

— Գոթոլպէ'յ, կ'ըսեմ այն ատեն, հացկերոյթը տեղի պիտի ունենայ իրիկնամուախն . պէտք է որ մեզմէ մէկը գտնուի հոն շատ կանուխ . նոյնիսկ կէս օրին :

— Ես կ'երթամ ուրեմն :

— Ո՞չ, դուք պիտի չերթաք, այլ Աքիքպէյը :

— Պարոն Վարդը . . .

— Ո՞չ, Աքիքպէյ Գաֆաֆը . ան ծերունի է և մեզի հաւատարիմ :

— Ի՞նչ պիտի ընէ հոն . . .

— Իր ներկայութեամբ պիտի արգելք ըլլայ որ խորհրդակցութիւններ տեղի չունենան :

Առանձինն կը հրահանգեմ նաև Եռևուֆը, որ ամէնէն սուր խանչերն առնէ իր վրայ, փոքր չախմախլու լեցուն պահէ ու հետեւի մեզի :

Զինուորական խորհուրդը սովորականէն քիչ մը  
երկար նիստ ունեցաւ այդ օրը։ Եւ մենք ստիպուեցանք  
մեր ժամադրութեան յապազիլ։

Վերջապէս կը հասնինք Տիրիմպաքալեանց բնակա-  
րանը։ Հրաւիրեալները ամբողջ հասեր են արդէն։ Մեր  
երկուքին մուտքը խանդավառութիւն կը յառաջացնէ  
ոչ միայն տանուտէրներուն մէջ, այլև հրաւիրեալներուն  
մեծ մասին մէջ։ Միայն մէկ երկու հոգիներու դէմքին  
վրայ կը նշմարեմ կեղծիք ու անձկութիւն։

— Սարըպէյն ալ հոս է եղեր, կը շշնչէ Գոթոլպէյ,  
առանց լսելի ըլլալու։

— Եւ իր ընկերները, լու՛ռ կաց, կը պատասխանեմ  
մեղմիկ։

Մեզ երկուքս կը բազմեցնեն սեղանին գլուխը,  
իրարու քովիկ։ Գոթոլպէյ աջ կողմա է։ որուն քով  
բազմած է էմիրպէյ։ Իսկ իմ ձախ կողմը նստած է  
Տիրիմպաքալեանց իշխանը, անոր քովիկ Դորակալեան։  
Սեղանին միւս անկիւնը նստած են Մարգարեան, Աքիք-  
պէյ Գաֆաֆ, Աքիքպէյ Պարոն Վարդ, անոր քովիկ՝  
սեղանին անկիւնը՝ ուրկէ ամէն վայրկեան դիւրին է  
ելնել ու ինքզինքը սենեակին մէջ ազատ գտնել՝ նստած  
է Սարըպէյ Մարտիրոսեան։

Իւրաքանչիւր հրաւիրեալի առջև ջուրի շիշ ու պա-  
րապ գաւաթներ կը կենան։ Տրիմպաքալեան գերգաս-  
տանին կրտսերը, որուն ծննդեան տարեդարձն է այդ  
օրը, ձեռքն առած օղիի լեցուն շիշը, աւանդական սո-  
վորութեան համեմատ, անձամբ կը մատուռակէ։ կը  
լեցնէ իւրաքանչիւր գաւաթին մէջ։ Մաղթանքներ, ու-  
րախ բացագանչութիւններ։ Անձնիւր հանդիսականի առ-  
ջև, առանձին, մէյմէկ փոքրիկ հաց դրուած է։

— Հացէն մի՛ ուտեր բնաւ, կամ ինծի պէս ըրէ, կը  
շնչեմ Գոթոլպէյի:

Կ'առնեմ հացէն պատառ մը, բերանս տանիլ կը ձե-  
ւացնեմ, ու անզգալարար կը նետեմ սեղանին տակ:

Նոյնը կ'ընէ Գոթոլպէյ: Օղիի գաւաթները կը լեց-  
ուին ու կը պարպուին: Հրաւ իրեալներուն զուարթու-  
թիւնը աւելի ևս կրկնապատկելով:

Վերջապէս կը վերցուին օղիի սպասները, թացան-  
ներու, աղանդերներու պարպուած պնակները, ու սե-  
ղանին մէջտեղ կը դրուին խորովուած հնդկահաւ մը և  
գառնուկ մը: Տանուաէրը անձամբ կը մատուուակէ հը-  
րաւիրեալներու իւրաքանչիւրին պնակները լեցնելով,  
միշտ մէյմէկ սրախօսութեամբ համեմուած:

Գինիի առաջին գաւաթները անձամբ կը լեցնէ  
դարձեալ երիտասարդ տօնապետը, Գաւաթները կը պար-  
պուին մաղթանքներով, զուարթ գոչերով:

— Այս գինին լաւ չէ՛, կը գոչէ յանկարծ կոչնատէր  
տանուաէրը, Զուղայի գինիէն բերէք, կը հրամայէ:

Անմիջապէս գաւաթները կը ժողվուին՝ մաքրուելու  
համար: Եւ սպասաւորը մեծկակ ափսէի մը մէջ լեց-  
ուած գաւաթները կը բերէ կարգով կը շարէ հանդիսա-  
կաններուն առջև: Ու շագրութիւնս կը գրաւէ այն պա-  
րագան որ երկու զատուած գաւաթներ, ափսէին մէկ  
անկիւնը, կը դրուին իմ ու Գոթոլպէյի առջև: Աչքիս  
տակէն կը գիտեմ Դորակալեան իշխանը, որուն գոյնը  
կը փոխուի յանկարծ ու ձեռքերը կը դողան իր գաւա-  
թը առած միջացին:

Զարմանալի՛ բան. Տիրիմպաքալ իր պաղարիւնը  
երբեք չի կորսնցներ:

Գաւաթները ձեռք առնուելուն պէս, կը գոչեմ ա-  
մուր շեշտով մը.

— Իմ և Գոթոլպէյի գաւաթները պիտի փոխանակակենք Տիրիմպաքալ և Դորակալեան իշխաններու գաւաթներուն հետ :

— Այս՝ կը յարէ Գոթոլպէյ, անոնց գաւաթները լեցուն են :

— Ի՞նչ, ա՞չք անկեցիք մեր գաւաթներուն, կը պատասխանէ Դորակալեան, ամէն մարդ իրեն ինկած բաժինէն գոն պէտք է ըլլայ :

Իր բառերը կը թափթփին բերանէն, անոր ձեռքը կը դողայ և գաւաթը գետինը կը դնէ : Կը նշմարեմ Սարըպէյը, որ նոյնպէս սաֆրանի գոյն կը հագնի . ան ալ սարսուռ ունի :

— Ո՛չ, պէտք է փոխանակենք . կ'ըսեմ ու կը ջանամ ժպտիլ, բայց իմ ժպիտը հեգնութեան խմորն ունէր թաքթաքուր :

— Զըլլար անանկ բան, կը գոչէ Դորակալեան :

— Ես կը փոխեմ իմ գաւաթը, կ'ըսէ Տիրիմպաքալ ու կ'առնէ իմ ձեռքինը :

Նոյնը կ'ըսէ Դորակալեան Գոթոլպէյի գաւաթն առնելով : Սարըպէյի դէմքը կապուտցած է հիմակ :

— Յակոր, կը ձայնէ Դորակալեան, սպասաւորին դառնալով, ասանկ քիչիկ գաւաթներ մենք ալ չենք կրնար խմել, ա՛ռ ասոնք և լրացուր :

Սպասաւորը առաջ կը նետուի :

— Զէ՛, կը ձայնեմ տիրական կերպով, մեր պայմանը փոխանակել էր, դուք փոխանակեցիք, պէտք է ատով գոնանաք :

Սարըպէյի դէմքը կարմրեցաւ յանկարծ :

— Դուք չգոնացաք, մենք ի՞նչպէս գոն ըլլանք, կը պատասխանէ Դորակալեան, ջանալով իր դողը զսպել :

— Ես կը խմեմ, բարեկամներ, կը յարէ Տիրիմպաքալեան ու գաւաթը կը տանի դէպի բերանը :

Դորակալեան կը ճչէ յանկարծ .

— Զէ՛ , պիտի չխմե՛ս , կ'արգիլե՛մ :

— Պիտի խմե՛մ , կը գոչէ կոչնատէրը :

— Պիտի չխմե՛ս , կ'ըսեմ . կը ճչէ դարձեալ ու ձեռքը կը տանի անոր գաւաթին , որ բերնին մօտեցեր էր արդէն , կը զարնէ անոր , որ կը թափի կիսովին :

— Մի՛ թափե՛ր , գաւաճա՞ն , կը պոռամ :

Սարըպէյ կը ցատկէ վեր . կը խոյանայ դէպի ինձի , կը տեսնեմ դաշոյնը մերկացած : Կը ցատկեմ ես ալ իմ տեղէն , ու խանջերովս սոսկալի հարուած մը կուտամ ճիշդ կուրծքին , կռնակին վրայ փռելով զայն :

Կը տեսնեմ Եռւսուֆն ու Գոթոլպէլը մերկացուցած իրենց ռխանչէրաները կ'ուզեն յարձակիլ Սարըպէյի և Դորակալեանի վրայ :

— Թողէք այս դիակը , Դորակալեանը կապեցէ՛ք , կը պոռամ : Դուռը զոցեցէ՛ք : Պարոններ , ոչ ոք տեղէն շարժի :

Արդէն ամէնքն ալ ասլուշ դարձած են ու սարսափիած : Կը նայիմ փռուած դիակին , աքացի հարուած մը կուտամ անոր ու կը ճշեմ .

— Այսպէ՛ս պէտք է սատկին մատնիչ ու դաւաճան Հայերը :

Դորակալեան աղիողորմ ճիշեր կը հանէ . կ'ուզէ ոտքս իյնալ , ներողութիւն խնդրել :

— Վիրաւ որուած է՛ք , Տէ՛ր իմ . կ'ըսէ յանկարծ Եռւսուֆ :

Այո՛ , ձախս բազուկէս արիւն կը հոսի : Դաւաճանին սուրը ծակեր է զգեստս ու կտրեր է դնդերներէն ջնջին մաս մը :

— Վիրաւորուե՞ր եմ . . . ոչի՞նչ . . . կը պատասխանեմ :

Կը հանեմ խայրանը ճամփանս, շապիկս վեր կը  
քաշեն. վէրքը զինիով կը լուան ու լաթ մը կը փաթ-  
թեն շուտով։ Աթոռի մը վրայ նստած եմ հիմակ. ոտքի  
վրայ են Տրիմպաքալեանները, Գոթոպակէյ, Դորակալեան՝  
կ տպուած, Աքիքպէյ Խափափ եւլն.։ Խօսքս կ'ուղղեմ  
կոչնատէրին.

— Եուտով ձերբակալել տուէք Զեր սպասաւոր Յա-  
կոբը։

Իրար կ'անցնին, չկայ, փախեր է։

— Տիրիմպաքալեան իշխան, դուք տեղեկութիւն  
ունէի՞ք սարքուած դաւէն, կը հարցնեմ անոր։

— Ո՛չ, բնա՞ւ, Ամիրբէ՛գ, Աստուած է վկայ.։

— Հիմակ դուք ալ յանցաւոր չէ՞ք զզար ինք-  
զինքնիդ։

— Ա՛հ, բացարձակապէս յանցաւոր եմ որ այսպիսի  
դաւազրութիւն մը կը սարքուի իմ տան մէջ, ու ես  
տեղեկութիւն չունիմ։

— Բնա՞ւ զգացած չէի՞ք։

— Երբէ՛ք.։

— Իսկէնտէ՛ր, մի՛ չարչարէ՞ք տանուտէրը, ըստ  
Դորակալեան, որովհետեւ ան բնաւ տեղեկութիւն չու-  
նի այս գործէն։

— Լա՛ւ, ուրեմն, ահա քու մատնիչ ու ստոր ընկե-  
րոջ դիակին առջեւ կը հրաւիրեմ զքեղ որ ճշմարիտը  
խօսիս։

— Հարցուցէ՞ք, ես պատրաստ եմ պատասխանելու։

— Այս խորհուրդը ո՞ւր յղացաք և որո՞ւ հետ։

— Սարըպէյի հետ ու մեր տունը։

— Անկէց առաջ այս խորհուրդն ունեցած չէի՞ք  
բնաւ։

— Ո՛չ.։

— Դորակալեան, քու բոլոր գաղտնիքներդ ինձի ծանօթ են, ահա խանչէրս պատրաստ է քու արիւնդ ալ պոռթկացնելու, եթէ ստոյզը շխօսիս . . .

— Հարցուցէ՛ք և ես ճշմարտութիւնը պիտի խոստովանիմ:

— Մայիս 19ին գիշերը ուր էիր :

— Էմինէքի տունը :

— Ի՞նչ ընելու գացիր հոն :

— Սարըպէյ զիս հոն տարաւ :

— Ի՞նչո՞ւ առանձինն Գարապազարի ճամբան բռնեցիր ուրեմն :

— Որպէսզի էմինէքի ամարանոցն երթալս մարդ չիմանայ :

— Ո՞վ կար ժողովին :

— Մօրեղբայրդ, էմինէք, Սարըպէյ և թաթար իշխաններ :

— Ի՞նչ էր ձեր խորհրդակցութեան նիւթը :

— Թէ ի՞նչպէս կարելի է Գոթոլպէյն ու Զեզ հեռացնել թէոդոսիայի պաշտպանութեան գործէն :

— Ի՞նչ առաջարկներ եղան :

— Սարըպէյ առաջարկեց սպաննել ձեզ երկուքդ ալ, ուրիշներ առաջարկեցին թունաւորել :

— Ո՞վ առաջարկեց թունաւորել :

— Մօրեղբայրդ . . .

— Սրիկա՛յ . . . ստախօ՞ւ . . . Եթէ անգամ մըն ալ ստես ականջդ պիտի կարեմ, եթէ երկրորդես, պիտի սպաննեմ քեզ . . . Ո՞վ առաջարկեց թունաւորել :

— Ես :

— Ժողովը համակարծիք գտնուեցա՞ւ քեզի :

— Էմինէք . . .

— Ուրիշ ո՞վ . . .

— Մօրեղբայրդ . . .

— Ժողովը ի՞նչ որոշեց ուրեմն :

— Որոշեց հսկողութեան տակ առնել Զեր քոլոր քայլերը, չէզոքացնել Զեր գործունէութիւնը :

— Հայ իշխաններէն որո՞նց հետ գաղտնի խորհրդակցութիւն ունեցաք :

— Ո՛չ ոքի հետ, թէեւ որոշեցինք ունենալ :

— Ի՞նչ ընելու համար :

— Համոզելու համար որ ականջ չկախեն ձեր խօսքերուն :

— Լսեցի՞ք, իշխաններ, լսեցի՞ր Տիրիմպաքալեա՞ն . . .  
ահա երկու Հայեր, որոնք մատնութեան, դաւաճանութեան ու ոճրագործութեան խորհուրդներ յղացեր են : Բայց երկինք արդար եղաւ այս անգամ, որ իրենց դարրնած կայծակն իրենց գիխուն պայթեց : Հայրենադաւները թող դողան խանչէրէն . . .

Ապա կը դառնամ Եռւսուփին :

— Թաղին ոստիկանը կանչէ շուտով :

— Արդէն վարը երկու երեք ոստիկաններ Զեր հըրամանին կ'սպասեն, կ'ըսէ կրտսեր Տիրիմպաքալեանը :

— Եռւսուփ, անոնց ընկերակցութեամբ տա՛ր այս դաւադիր սրիկան կեդրոնական բանտ : Սա դիակն ալ վեցուցէք այս տեղէն, վարը սենեակ մը դրէք առայժմ :

Հրամաններս կը գործադրուին անմիջապէս :

— Ելէ՞ք, Գոթոլպէյ, այլևս գործ չունինք հոս . . .

— Ո՛հ, ոչ . ուր կ'երթաք, կը ձայնէ տանուտէրը, իսկէնտէր, ես երախտապարտ եմ Զեզի . . .

— Այդ խօսքերը պահէ հիմակ . . .

— Ըստհակառակը, դուք արդար պատիժը տուիք անոնց, Դուք արթուն դիւցազուն, կը հսկէիք այնտեղ ուր ես կը քնանայի :

— Աւելորդ խօսքեր մի՛ ընէք այլեւս, սա թունա-  
ւոր գաւաթներու բովանդակութիւնը շիշի մը մէջ լե-  
ցուցէք և տուէք Գոթողպեյի:

Կը կատարուի:

— Հիմակ բերէ՛ք մէյմէկ գաւաթ զինի, բաժնեցէ՛ք  
հանդիսականներուն:

Գաւաթներ կը լեցուին:

— Պարոննե՛ր, իշխաննե՛ր, կ'ըսեմ գաւաթը ձեռ-  
քըս, մենք ազնուական սերունդէն ենք այն ցեղին,  
որ ունեցած է փառքի շրջաններ, յաջողութեան օրեր,  
դիւճազնական իշխանութիւններ, իսկ այսօր վայրա-  
վաւատին ու թափառական, ստրուկ ու հարածական,  
չարչարուած, գերի, թշուառ, կը տուայտի երկրիս վը-  
րայ: Մեր այս ստոր կացութեան միակ պատճանները  
եղած են նախարարական ներքին պայքարները, քէնը,  
ատելութիւնը, ոխը, մանաւանդ հայրենադաւ մատ-  
նութիւնը և դաւաճանութիւնը: Մեր մէջ մատնիչներն  
ու դաւադիրները ամէն անգամ մնացեր են անպատիժ,  
հասեր են բարձր աստիճաններու և իշխանութեան: Մեր  
պատմութեան մէջ մէկ անգամ միայն կը հանդիպինք  
դաւաճանի մը՝ Մեհրուժանի որ իր արժանի պատուհա-  
սը կը գտնէ շամփուր պսակով: Հայը, ամէն տեղ  
իր հետ տալ եր է հայրենի այս դժբախտ ու գձուձ մո-  
լութիւնը: Եւ ահա, յայր հայրենիքէն հեռու, տարա-  
գիր, այս հիւրընկալ ափերուն վրայ, մեր այս երկրորդ  
հայրենիքին մէջ, իժերու ձագի պէս կը բուսնին այդ  
դաւաճաններէն: Մենք, այդ ցեղին հարազատ գաւակ-  
ները, պէտք է պատժենք բոլոր այսպիսի մողէաները և  
օձերը մեր մէջէն. պէտք է մեր խանչէրը կաթեցնէ դա-  
ւաճաններու արիւնը, վրէ՛ժ զոչելով: Այս դաւաթս,  
ուրեմն, կը պարպեմ Զեր ամէնուդ կենացը, մանա-

այս ուստի պահանջման պահանջման վեհական է այս գործության աշխատք չառանձնելու դիմումը:

Արարագոց կազմությանը, այսին պահանջման մեջ, կը պարզության գործության ու կը անհնարինության ու անհաջողության մեջ պահանջման աշխատք չառանձնելու դիմումը առաջ է ներկայացնելու առջև անձնության մեջ:

Տարբա այս պահանջման կը պահանջման պահանջման գործության իրավունքը չառանձնելու դիմումը է ներկայացնելու առջև անձնության մեջ:

Եթե անձնության պահանջման առջև, ուր արդին այս ընթացակարգությանը, անձնությանը, պահանջման պահանջմանը մեջ չ'առանց անուն: Այսուհետ անձնության է կը սարգություն: Կամաց պէս զի՞ւ կը ներկայացնեած անձնության իրավունքը պահանջման մեջ առաջ կը առանձնեած իրավունքը:

— Վարդ անուն է: Տես անձնությանը ուրիշ ուրիշ կ'ընտանիքուն:

— Աղջական Վարդ Յակովին, իս անձնությանը պահանջման:

— Այսու:

— Այսու:

Կ'անձնության անձնությանը: Գը անձնության մեջ պահանջմանը:

— Այս անձնությանը: Այսու անձնությանը: Գը անձնությանը:

— Մօրեղբայրը զրկեց զիս, անզեկութիւն առնելու:

— Ինչ բանի համար անզեկութիւն առնելու:

— Զեղ պատահած փարձանքի մասին:

— Մվագուր բերաւ: Հոն...

— Մօրեղբայր սպասաւորը:

— Ինչ լուր բերաւ...

— Թէ Սարըպէյ քեզ ծանրապէս վիրաւորեր է, թէ թաւնաւորուեր էք և այլն:

— Տունիններն ալ գիտե՞ն այդ բանը :

— Այո՛, յիմար ծառան այնպիսի իրարանցումով ու շփոթութեամբ սկսաւ դուրս կանչել մօրեղբայրը, որ Տիկինը և մայրիկը կասկածեցան։ Դուրսը այնչափ բարձր ձայնով սկսաւ պատմել, որ ամէնքը լսեցին. կուռնելիա նուազեցաւ ինկաւ . . .

Անմիջապէս կը դառնամ սենեակ ու ներողութիւն խնդրելով կը մեկնիմ, սրընթաց ու քառատրոփ, ձիուս ետեւէն քաշ տալով Եուսութն ու Վարդը :

Ամարանոց կը հասնիմ կէս գիշերը անցած : Ամէնքն ալ արթուն կը հսկեն : Մօրեղբայրս այդ միջոցին ներս կը մտնէ պարտէզէն : Կը հասկնամ որ է ինէքի տռւնէն կը դառնայ ան : Ի Ներկայութիւնը, ողջ առողջ վիճակի մէջ, նոր կեանք մը կը բերէ թշուառ կիներու սըրտին մէջ . կը հրճուին բոլորը, նոյնիսկ բոլոր ծառաները : Մայրս կը գրկէ ու կը համբուրէ զիս, նոյնը կ'ընէ լաւուա . կուռնելիա կը սեղմէ իմ ձեռքը, բայց իր աշքերն ու սիրտը շատ բան կ'ըսեն ինծի :

Քանի մը բառով կը պատմեմ իրողութիւնը : Քիչ մը կը հանգստանամ ու կը յանձնարարեմ ելնել պառկիլ : Ես կը բարձրանամ իմ սենեակը . ինծի կը հետևի մօրեղբայրս, որ կը մտնէ իմ ետեւէն :

— Դորակալեան ուր է հիմակ . կը հարցնէ կրկին՝ ուղելով մանրամասն իմանալ դէպքը :

— Հսի թէ կեդրոնական բանտն է արդէն, կը պատասխանեմ :

— Ի՞նչ խոստովանութիւններ ըրաւ :

— Պատմեց բոլորը . ինչ որ տեղի ունեցած է :

— Ի՞նչ :

— Պատմեց մայիս 19ի ձեր ժողովը, յայտնեց ձեր որոշումները իմ ու Գոթոլպէյի մասին, վերջապէս ձեր բոլոր դաւերը . . .

— Մենք դաւ չենք նիւթած բնաւ :

— Զէք նիւթած, բայց իրականութիւնը ձեզ կը հերքէ :

— Այդ իրենց անհատական պատասխանառուութեան գործն է ժողովին գործը չէ . . .

— Իմ փոյթը այդ չէ, մօրեղբայր, այլ այն որ Զեր անունն ալ կը մտնէ այս եղեռնական գործին մէջ . . .

— Բայց ես ի՞նչ պատասխանառուութիւն կրնամ ունենալ :

— Դուք լաւ կը հասկնաք թէ Զեր անուան շուրջ ինչեր պիտի հիւսուին վաղը, թէ ձեր ծածուկ դիմակը պատռուած է արդէն՝ չնորհիւ այդ դաւաճան Հայերուն Բայց դուք այն ըսէք, ուր դացած էիք քիչ առաջ :

— Էմինէքի մօտ :

— Ի՞նչ խօսեցաք :

— Ոչի՞նչ . . . հաղորդեցի անոր Սարբակէյի ու Դորակալեանի խելագար, յիմար արարքը :

— Դողաց Էմինէք :

— Զի դողաց, բայց խորապէս վշտացաւ . . . մանաւանդ որ մենք երկուքս արգիլած էինք, իրենց այդպիսի վատ գործ մը :

— Արգիլած էիք, բայց դուք՝ որպէս մօրեղբայր՝ չի հաղորդեցիք ինձի, չզգուշացուցիք զիս գալիք վտանգէն :

— Բայց ես չէի կարծեր որ ժողովով արգիլուած բան մը պիտի գործէին անոնք :

— Ի՞նչ պիտի ըլլայ այսուհետև ձեր բռնելիք դիրքը :

— Ինչ որ էր մինչև հիմակ՝ նոյնը :

— Ուրեմն, միշտ դաւադիրի դերին մէջ . . .

— Երբեք . . .

— Միշտ էմինէքի հետ . . .

- Ո՞վ կրնայ արգիշի զիս . . .  
— Զեր և մեր ընտանիքին պատիւը . . .  
— Ես մեր ընտանիքի պատիւին արատ չեմ բերեր :  
— Կը բերէ՛ք Զեր այդ ընթացքով :  
— Բեա՛ւ :  
— Մօրեղբա՛յր, դուք մեր զերդաստաններուն համ-  
բաւը պիտի աղարտէ՛ք . . .  
— Յամա՛ռ էք :  
— Որակեցէ՛ք զիս ինչպէս կ'ուզէք, ես Զեր անունը  
կը խնայեմ Զեզի :  
— Տուէ՛ք իմ բուն անունը, մի՛ քաշուիք :  
— Կ'ուզէ՛ք որ տամ :  
— Այս՝  
— Դաւաճան մըն էք :  
— Ե՛տ առէք Զեր խօսքը . . .  
— Զեմ առներ :  
— Ե՛տ առէք կ'ըսեմ . . .  
— Ի՞նչ պիտի ընէք եթէ չառնեմ :  
— Կ'ապաննեմ Զեզ . . .  
— Ո՛չ, ո՛չ, չէ՛ք կրնար սպաննել, դաւաճան, կը  
գոռայ Կուռնելիա, ներս խոյանալով :  
Այս անակնկալ խոյանքը, / այս ներս թափուող բար-  
կութիւնը, այս շանթը իմ վրայ խոր տպաւորութիւն  
կը գործէ . բայց պակուցիչ կը դառնայ մանաւանդ  
— Սքուէրչաֆիքոյի համար :  
— Ո՛չ, Զեր ձեռքը պիտի չպղծուի Ամիրբէգի անա-  
րատ ու սուրբ արիւնով, կը շարունակէ ան . ա՛լ բա՛ւ  
է Զեր հայրենադաւ գործունէութիւնը :  
— Լուէ՛, աղճկորդի՛, կը պոռայ Սքուէրչաֆիքօ,  
ինքնիրմէն ելած, լուէ՛, հիմակ կը սատկեցնեմ քե՛զ  
ալ . . .

— Ահա՝ քուրծքս, զարի, զաւանեն...

— Ահ, կը խորհմ, բայ, և այս պիշտուած թափառէ  
արդինք... մօրեզրայց, Զեղի կ'ուզըն խուզը, և Զե-  
ղի կը խուզի պրոյս քեռուզի. Կրնաց արածոց թէ  
խուզ առած էք և մինչեւը միջոցու Ֆաթիկն որ վեր-  
ցից պահած պիտի բանոց Թէսպոսիոյի գոնձըը:

— Կը պրոպորտէք...

— Ահա՝ երկինքը վեցոյ, կ'ուրածուք:

— Ահ,

— Կ'ուրածուք բոլորովին:

— Ահ, կ'ըսեմ...

— Դուք այդ խուսումը չի տուիք Պազճամբարի  
բանակետզին մէջ, և մինէքի միակ հաւատարին ընկեր-  
ներուն ներկայութեանը...

— Ե՞րբ:

— Յունվար 15ին...

— Թիւրիմացութիւն... զրապարտութիւն...

— Ահ, զեռ կը տատամախք... տուաքինութիւնը  
չունիք այս' ըսելու անոր, որ այդ զաղանիքին միակ  
վկան է ցարդ ու ո՛չ ոքի յայտներ է զայն:

— Աստուած իմ... կ'ըսէ ան ձեռքը ճակտին տո-  
րած ու կ'իյնայ բազմոցին վրայ:

— Այդպէս... զիացէք ուրեմն թէ ևս Զեր բոլոր  
գաղանիքներուն տեղեակ եմ...

— Ահ, Դուք լրտեսութեան հրեշային կազմակեր-  
պութիւն մը ունիք...

— Մօրեզրայց, կոչում կ'ընեմ Զեր ընտանեսիբու-  
թեան, մեր զերդաստաններու իրրեն մարմնացած պա-  
հապան հրեշտակ՝ այս աղջիկը վկայ... խօսք տուէք որ  
այլեւս յարաբերութիւն չպիտի ընէք և մինէքի հետ:

Զի կրցաւ պատասխանել ան. կ'երեւի իր ներքին  
խոռոչքը կը չարչարէր իր միտքը:

— Եթէ այս խոստումը չի տաք, կը շարունակեմ, ես պիտի չկրնամ երայխաւորել Զեր կեանքը, որ վաղուցնէ վտանգի տակ է... Զեր պաշտօնն ու պատիւը խոպառ պիտի կորսնցնէք...

Դարձեալ խորին լոռութիւն :

— Մեր գերդաստաններուն անունով, մեր պատիւին անունով կ'ազաշեմ Զեզի որ այդ խոստումը տաք ինձի:

— Ա՛հ, հայրի'կ, կը գոչէ Կուռնելիա, խօստացէ՛ք այդ բանը... և ես Զեր առաքինութեանը համար աւելի եւս պիտի սիրեմ զԶեզ...

— Կը խոստանամ, տղաս, կը խոստանամ, աղջիկս... կ'ըսէ ան յորդ արցունքներ թափելով :

Կուռնելիա կը փաթթուի անոր վիզը, կը համբուրէ անոր այտերը խանդաղատանօք :

— Ա՛հ, Կուռնելիան այլեւս ամօթերես չպիտի ըլլայ, կ'ըսէ ան իրեն համար :

— Ո՛չ, աղջիկս, ո՛չ, չպիտի ըլլայ, կը պատասխանէ ան համբուրելով ու գգուելով անոր դէմքն ու գանգուրները :

— Հիմակ գնա՞մ, աղջիկս, կը յարէ ապա, գնա՞մ, պառկէ՛, և թո՞ղ որ Ամիբբէզի հետ խորհրդակցութիւն մ'ունենանք :

Կուռնելիա կը մեկնի թաց աչքերով...

— Աստուած զրկեց Զեզ երկուքդ ալ, Իսկէնտէ՛ր, կ'ըսէ ապա: Ո՞վ զիտէ իմ կոյր ընթացքը մինչեւ ո՞ւր պիտի առաջնորդէր զիս...

— Եւ մեր ընտանիքին պատիւը...

— Այո՛, կորսուած էինք, ու նոյնիսկ արդէն կորսուած ենք...

— Ո՛չ տակաւին :

— Ի՞նչպէս :

— Դորակալեան հրապարակաւ խոստովանեցաւ թէ  
դուք արգիլած էք իրենց վատ խորհուրդը :

— Այդ հերիք չէ, սակայն :

— Վազը միասին վար պիտի իջնենք, ես պիտի աշ-  
խատիմ ապացուցանել որ դուք Զեր հաստատուն գաղա-  
փարին զան էք, թէ համոզուած ըլլալով լուրջ դիմադ-  
րութեան մը անօգուտ ըլլալը՝ աշխատած էք պատերազ-  
մի մը առաջքն առնել :

— Արդարև այդ է եղած իմ միակ ձգտումը . . .

— Թէ ուրիշներ, վատեր, օգուտ քաղելով Զեր այդ  
համոզումէն, աշխատած են իրենց դաւերուն մասնակից  
ընել Զեզ, նոյնիսկ առանց Զեր զիտակցութեան . . .

— Այդ է արդէն բացարձակ ճշմարտութիւնը :

— Սակայն հիմակ դաւաղիրներուն բուն գոյնը մէջ-  
տեղ ելած ըլլալով. Դուք կը քաշուիք նոյնիսկ գաղտնա-  
բար դեր մը կատարելէ, թողլով որ դէպքերը խօսին  
Զեր տեղ :

— Այդ խորհուրդը իմինն ալ է :

— Այդպէսով դուք զերծ պիտի ըլլաք ո'ե է հետա-  
պնդութենէ, պիտի մնաք Զեր փափուկ պաշտօնին վրայ,   
միայն թէ զիս մէկ բանի մասին պէտք է ապահովցնէք :

— Ի՞նչ բանի :

— Որ, ոչ միայն յարաբերութիւն պիտի չունենաք  
իմինէքի հետ, որուն համար խօսք տուիք արդէն, այլ և  
սթէ յանկարծ Ֆաթիհի կամ Էմինէքի բանակները յար-  
ձակին՝ ոչ մէկ օժանդակութիւն պիտի ցուցնէք անոնց :

— Խոստացայ արդէն և դարձեալ կը խոստանամ,  
խօկէնտէր, դուք լուսաւորեցիք իմ մթամած միտքը, ես  
դաւադիրներու զոհն եմ եղեր ցարդ :

— Լա՛ւ ուրեմն, այն ատեն մեր ընտանիքին պատիւը  
փրկուած կ'ըլլայ ու իրերը կը քալեն իրենց ճամբան,  
առանց մեր պատիւը մրոտելու :

Այս շեշտերով և այս ուղղութեամբ քիչ մըն ալ կը խօսինք և ան կը քաշուի իր սենեակը : Թանի մը բռպէ ետք դուրս կ'ելնեմ սենեակէս, կը մօտենամ կուռնելիայի դրան : Ներսը լոյս մը կը պլալայ, ոտքի մը ձայնը կը պտոփի : Վարագոյրը կը վերցնեմ ու կը տեսնեմ կուռնելիան կանգուն սենեակիս մէջտեղը : կը դառնայ ու կը տեսնէ զիս :

— Ա՛ս, Ամիրբէ՛գ . . .

Ու կը խոյանայ իմ վրայ : Ներսն եմ արդէն :

— Կուռնելիա . . .

Ան իմ զիրկն է հիմակ :

— Ա՛ս, իմ քա՞ջը . . . իմ առիւծը . . . Դուք փրկիչը եղաք մեր պատիւին . . .

— Ես խոստացեր էի քեզի . . .

— Եւ տէրը եղաք Զեր խոստումին . . .

— Բայց դուն ալ փրկեցիր իմ կեանքը :

— Ե՛ս, քու կեա՞նքդ փրկեմ . . . Սքուէրչաֆիքուէն . . . Ա՛ս, անոր քաջութիւնը խօսքին մէջն է . . . անոր խանչէրը արեւն տեսած չէ տակաւին ու իսկէնտէրինը բնաւ շի կրնար տեսնալ . . .

— Բայց դու ազատարար հրեշտակ մ'էիր այն վայր- կենին ու նոյնիսկ հիմակ :

— Զէ՛, Ամիրբէ՛գ, մի՛ չափազանցէք, ես ինչ որ լրի Զեզի կը պարտիմ, Զեր հուրը, Զերը խանդը վառեց զիս . . .

Շրթունքներս կը զետեղեմ անոր կարմիր շրթներուն վրայ :

Լիլակ մըն է որ կը փթթի իմ բազուկներուն մէջ, ցաղաթուրմ ու թրթուռն : Անոր աչքերն այնպէս կը յառին ինչպէս արեւակէզ վարդն իրիկուան տամուկ կաթիլներուն : Կը տեսնեմ որ թեթեւցած՝ անգայտացած կ'զգայ ան իմ թեւերուն մէջ :

Զեմ զիտեր որչափ առեն կրցայ ևս քամել նեկտա -  
րը կեանքին . բայց յանկարծ իմ աչքերուն առաջ կը  
կանգնի Փէրիչէնէրն իր սիրոյ զեղումով . Զեռքերս կը  
թուլսան : Եւ կուռնելիա բնազդական շարժումով մը  
կը ճողոպրի իմ զրկէն ու կ'իյնայ բազմոցին վրայ :

Յանկարծ նոր զիւտ մը կատարած մէկու մը պէս .

— Բայց ի՞նչպէս կրցաք իմանալ թէ թունաւոր էին  
այդ բաժակները կը հարցնէ ան :

— Քեզի նման երկնային հուրի մըն էր . կուռնելիա .  
որ բացաւ իմ աչքերը , տուաւ ինձի զաղտնիքի բանալին :

— Երազի մէջ թէ արթնութեան միջոցին :

— Հո՞ս մեր մօտիկն է այդ զուարթունը . ո՞չ , մէկ  
չեն այլ երկու , երկու պարիկ . որ կո բնակին է իինէքի  
տան մէջ . . .

— Բայց , ո՞վ են այդ ազնուական հոգիները . . .

— Է իինէքի կինը և աղջիկն են այդ ազնիւ հո -  
գիները :

— Անո՞նք յայտնեցին Զեզի այդ զաղտնիքը :

— Այստ , անո՞նք ալ քեզի նման պահապան հուրիներ  
են իմ կեանքիս համար :

— Ուրեմն . . .

— Ա՛ս , դու զիտես , պաշտելի՝ հոգի , որ Իսկէնաէր  
ստել չի զիտեր . . . ես սիրած եմ մանաւանդ Փէրիչէ-  
նէրը՝ այն միւսնոյն սիրով որով սիրած եմ զքեզ . . . տար-  
բերութիւնը հո՞ն է որ ես քու շրթներդ եմ համբուրած ,  
իսկ անոր ճակատը միայն . . .

— Ուրեմն , ապագայ կողակիցդ է ան . . .

— Ո՞չ . ո՞չ . ես կողակից չունիմ և պիտի չունենամ  
բնաւ . . . Եթէ ես կողակից մունենայի , կուռնելիան  
աւելի մօտիկ էր ինձի քան Փէրիչէնէրը , որովհետեւ Իս-  
լամ մըն է ան , գէթ արտաքուստ . . .

— Ուրեմն ներքուստ քրիստոնեաց է :

— Այո՛, նոր մկրտուեցաւ իր մօրը ու իր փափաքով Եռուսութ կնքահայրն է իրեն ու իր աւազանի անունն է Սարենիկ :

Կուռնելիա նուաղուն աչքերով, երեսը ձեռքերուն մէջ կ'առնէ . ու կ'սկսի խորապէս հառաչել :

— Կուռնելիա, իմ երկնային Պէադրիչէ, իմ յայտ նութիւնը զգեանեց քեզ . դու տարակոյսներ ունիս քու մտքին մէջ . . . Զի համոզուեցա՞ր թէ իրեւ կողակից սիրած չեմ զայն ու չեմ կրնար սիրել երբեք . . .

— Խսկէնտէ՛ր, դուք փօխանակ սիրելու անիծեցէք Կուռնելիան, դժոխային ոգին է ան, որ եկած է փաղաքուշ միջոցներով մոլորեցնել Զեր սիրալ . . .

— Ինչե՛ր կը խօսիս, Կուռնելիա . . .

— Ան եկած է փուշի պէս ցցուելու Զեր երկուքին միջև ու քանդած է Զեր երազները երջանիկ . . .

— Սխալ կը խորհիս, դու քու սրտին թարգմանը չե՛ս :

— Այո՛, ինչ որ կ'զգամ այն է որ կը խօսիմ, ես մինչև հիմակ աչքեր չունէի, խաւարին մէջ . Հիմակ լոյսին մէջ կը տեսնեմ ամէն բան : Դուք, Խսկէնտէր, իմ արցունքներէն պարտուեցա՞ք, դուք զոհեցիք ինձի համար Զեր սէրն ալ, Զեր երազներն ալ, Զեր ապագան ալ : Ա՛հ, ես թշուառական աղջիկ մըն եմ, որ խաւարը խմորեցի Զեր տունէն ներս . . .

— Դուն կը յուսահատեցնես Ամիրբէ՛քը, Կուռնելիա, դուն վիշտեր կը բարդես իմ վիշտերուն վրայ :

— Ե՛ս եմ, ես եղած եմ Զեր բոլոր վիշտերուն սկզբնապատճառը, ե՛ս եմ Զեր երկնքի մութ ու խաւար ամպը, ես գարշելի աղին մըն եմ . . .

— Ա՛հ, դուն կը հայհոյե՛ս և՛ Աստուծոյ գէմ, ե՛ւ

իմ հոգուս դէմ, և բոլոր սրբութիւններուն դէմ...

— Ափսո՞ս, որ դեռ կ'ապրիմ... իմ գարշելի շունչը կը պտացնեմ այս սուրբ տան մէջ...

— Աստուած իմ, կանացի նախանձ պիտի գտնէի ես այս երկնային հոգիին մէջ, կուռնելիա, կ'ուզէիր որ իսկէնտէր ուրիշ ծաղիկներ ալ չսիրէ՞ր երրեք...

— Ո՞չ, ո՞չ, Ամիրբէ՛գ, դուք սուրբ մըն էք, դուք դիւցազն մըն էք, դուք զիւցաք զոհաբերել Զեր ամէն նուիրական բանը՝ Զեր կեանքը, ես պէտք է երկրրպագեմ Զեր սրբութեան առջև, ե՞ս, պիզծ մեղաւորուհիս...

— Կուռնելիա, Կուռնելիա, կ'աղաչեմ քեզի, վերջ մը տուր այդ խօսքերուդ, որ տապարի պէս կը ջախախեն իմ գլուխն ու սիրաց, Դուն պիտի ստիպես զիս յուսահատութեան ամէնէն վերջին միջոցը գործադրել...

— Ափսո՞ս:

— Իմ մութ երկնքին վրայ արուսեակ մը և բեւեռական աստղ մը ունէի, որոնց մէ մին ահա կը մարէ իր լոյսը ինձ համար, Կուռնելիա, իմ վիշտ ճամբուն վրայ, կեանքս էր որ գտայ քու մէջ, ու դուն ահա կը շիջուցանես զայն։ Դու չի՞ս յիշեր իմ խօսքերը թէ ես ամուսին չունիմ բնաւ, թէ ես ամուսնացած եմ իմ գաղափարներուն, իմ իտէալներուն հետ, և դուն, որ պէս երկնային Պէաղբիշէ, պիտի առաջնորդես իմ աստղը՝ անխոտոր։ Ես այսօր իմ հայրենի մէկ վրէժը լուծեցի, ուր է իմ մխիթարութիւնը, ուր է քու առաջնորդող լոյսդ, Պէաղբիշէ, իմ հոգին, իմ հրեշտակը...

— Ախ, Ամիրբէ՛գ, փողին ըլլամ Զեր ստքերուն, մի՛ պղծէք Զեր շրթունքները... Դուք պէտք չունիք խնդա ազգկան մը տալիք մխիթարութեան, Զեր մխիթարութիւնը Զեր մէջն է արդէն...

— Կուռնելիա, անունիդ տէրն էիր մինչև հիմակ, նոյնը եղիր հիմակ ալ. ցոյց տուր առաքինութիւնդ. մի՛ մեռցներ իմ հոգին. քու այս վարժունքդ պատճառ պիտի ըլլայ որ Ամիրբէ՛զ փախչի, հեռանայ այս աշխարհէն, չքանայ ու կորսուի անհետ խաւարին մէջ... Մի՛ մի՛ թողուր որ այդ որոշումը տայ ան. իր որոշումէն ետքը աստուածներն անգամ չեն կրնար փոխել զայն:

— Իսկէնտէ՛ր, դուք կը բռնադատէք զիս որ տակաւին ապրիմ ու քաշքշեմ իմ ցաւագար կեանքը:

— Ա՛հ, Դուն իմ կեանքս ես, քու կեանքիդ թելը իմինին հետ հիւսուած. առէջ կազմած է եթէ կ'ուզես որ իմ կեանքը վերջ գտնէ փրցուր քու թելը այնպէս ինչպէս զժոխքի Ատրովակէ պարիկը իր մահացուք մկրա տով կը կտրէ մարդոց կեանքին թելերը:

— Ո՛չ, դուք պէտք է ապրիք, եթէ բոլոր ուժովս պոռայի այս ճշմարտութիւնը, դարձեալ պիտի չկրնայի թարգմանն ըլլալ իմ սրտի բաղձանքի ուժգնութեան:

— Ուրեմն, դուն ալ պէտք է ապրիս, քու ջերմ շունչովդ ոգեւորես իմ չօր հոգին. դուն քու ներկայութեամբդ թոփչ կուտաս իմ երազներուն, դուն զիս կ'ստիպես որ դառնամ Ասկեղարու հերոսները, հետամուտ ըլլամ անոնց դիւցազնական գրոհներուն ու ձրգումներուն...

— Ամիրբէ՛զ. Դուք էք որ իմ արեան շրջանը կը վերսկսեցնէ՛ք, դուք որ իմ կեանքի մեքենան կը շարժէք վերստին...

— Ես Զեր մէջ երկնային հրեշտակ մը տեսայ ու կը տեսնեմ, Կուռնելիա, քեզի նման հիեշտակներ են անոնք ալ վաղը պիտի ներկայացնեմ քեզ անոնց ու դուք իմ աղաւնետան տատրակները պիտի ըլլաք խորհրդաւոր երեք թիւով...

—Ես ուշ փետուրներով ագռաւի պիտի նմանիմ աւնոնց մէջ :

— Ընդհակառակը, քու ազնիւ սրտով աստուածային աթոռին սպիտակութիւնը հագած ես, ու սուրբ հոգիին մաքրութիւնը պիտի ցուցնես անոնց մէջ :

—Երկինք քար կը տեղացնէ Զեր վրայ, զգուշացէք զիս այդպիսի նմանութեամբ ցուցադրելէ :

—Ո՛չ, իմ ազնիւ էակ, իրաւունք չունիս այդպէս մտածելու . լոյսերու մէջ ողոզուած էութիւնը չզգար իր լոյսը շքեղ, մինչ անոնք որ խաւարին մէջ են աւելի յստակ ու որոշ կ'ըմբռնեն փայլն ու շքեղանքը անոր լոյսին :

—Ամիբբէ՛գ . . .

Ու կը լոէ . կ'զգամ թէ անթափանց քող մը կը անգուրէ անոր աչքերը և ես չեմ կրնար կարդալ անոր հոգին :

Այդ վայրկեանին կ'զգամ թէ կուռնելիա գերազանցապէս բարձր է և՝ Փէրիչէնէրէն և՛ ինձմէ : Ինչո՞ւ, ուրեմն, ան չի դառնայ իմ ամուսինը :

Դարձեալ Փէրիչէնէրի անդրին, Տերմինոսի արձանը, ահա Սանդուխտ հանըմն ու իր աղջիկը կմինէքի պատկից սենեակին մէջ :

Մեղմով հրաժեշտ կ'առնեմ ու կը քաշուիմ իմ սենեակը՝ բացուող արշալոյսով ցօղելու համար իմ խաւար հոգին :

Մայիս 26

Առջի գիշեր շարունակութիւնը եղաւ ինձ համար նախորդ ցերեկին . ևս երբեք քուն չկրցի քնանալ :

Առաւօտ կանուխ պարտէզ իջեր էր մօրեղբայրս, կ'երեւի ան ալ չէր կրցեր քնանալ : Կ'իջնեմ ևս ալ բաց օդին մէջ կազդոյր մը փնտռելու : Իմ չորս պատերը դառագեղի մը երկաթներուն տպաւորութիւնը կը գործէին իմ վրայ . բաց երկինքը, մայիսեան առաւօտը, բուրումնալից զեփիւռին շունչը և թարմ օդը չեն գուհացներ դիս . տակաւին կ'զգամ թէ բանտուած եմ : Կ'երեւի Սքուէրչաֆիքս ևս իմինին նմանող կացութեան մը մէջ է . որովհետեւ ան ալ սովորական ողջոյնէն զատ ո՛չ մէկ խօսք կ'ուզէ փոխանակել ինձի հետ : Նախաճաշէ մը ետք շուտով կը մեկնինք քաղաք :

Առջի իրիկուան դէպքը բովանդակ քաղաքին սեփականութակ քաղաքին սեփականութիւնն է արդէն : Կը հանդիպինք զուարթ դէժքերու, որ մաղթանքներ ունին իրենց լեզուին ծայրը . մեր ճամբուն վրայ կը տեսնենք երբեմն ծանօթ դէժքեր, որ զարմանքի արտայայտութիւն մը կը շինեն՝ իմ հետ մօրեղբայրս տեսնելով, կիներ ու տղաքներ իսկ մատներով մեր կառքը ցոյց կուտան իրարու :

Շուտով ամէն բան կարգի կը մտնէ, որովհետեւ մէկ քանի կարեւոր անձնաւորութիւններ կը տեսնեմ ու կը կատարեմ երէկ գիշերուան տուած խոստումա՝ Սքուէրչաֆիքոյի : Կառավարիչը հաճոյքով կը լսէ մօրեղբօրս որոշումը, և անոր այդ արարքը կը կոչէ սբարեդէպդարձ : Զինուորական խորհուրդը ևս նոր որոշումներ կը կայացնէ, լրտեսութիւններու ցանցը սեղմելու և չքա-

շնելու համար։ Դորակալեան նոր հարցաքննութեան կ'ենթարկուի, ու նոր յայտնութիւններ կ'ընէ, ժամանացոյց ընելով Սարըպէյի արբանեակներէն շատերը։ Իրիկուան, երբ պիտի դառնամ ամարանոց, մօրեղբայրախանդաղատանքի զեղումով մը կ'ողջագուրէ զիս ու անձամբ ճամբու կը դնէ։

Իսկ ես շարունակ տիսուր եմ ու թազծալից, կարծես ոճրագործ մը ըլլայի։ Մարդոց շնորհաւորութիւնները անարգանք կը թուին ինձի։ մայիսեան այս գեղեցիկ օրը մթին է ինձ համար ու ամպամած։ Ես կ'ուզեմ առանձնանալ, կ'ուզեմ փախչիլ քաղաքին մը խորէն, որ իմ հոգին կը թունաւորէ։

Ամէն մանրեկրորդի իմ աշքերուն առջև կը ցցուին պատկերը կուռնելիայի, արտատիպը Փէրիչէնէրի ու անոր մօր։

Ախ, անոնց բոլորին արցունքները . . . որոնց միակ պատճառ ես եմ, ես անվճռական ու տատամսուա Այսօր ես անիծեցի իմ ծնած օրը . . . Ես, անբարոյական մը չեմ արդեօք. ես իրաւունք ունի՞մ անմեզ կոյսերու պատիւին հետ խաղալու, ես իրաւունք ունի՞մ անպատիժ մնալու իմ այս արարքներուն համար։ Ինչո՞ւ ես մէկն ու մէկին վերջնական կերպով, կտրուկ, պատասխան մը չի տուի առաջին բոպէէն իսկ։ Ես, ես չեմ միակ յանցաւորը. եղեռնաւորը . . . Ես չխաբեցի՛ անմեզ պատերը՝ կեղծիքներով ու սին յոյսեր արթնցնելով անոնց մէջ։

Այս', ես պէտք է պարզ կերպով խօսիմ ինձ հետ. ես անբնական դիրքի մը մէջ չեմ գտնուիր երկու կոյսերուն հանդէպ, անոնք իրենց հոգիին խորը զիս կը նկատեն իրեւ ապագայ ամուսին։ անոնք չեն կրնար մինչեւ վերջ ապրիլ այն միեւնոյն կեղծիքով, զոր ես կը

ցցեմ անոնց առջև : Ե՞ս և պիտի կրնամ մինչև  
վերջին վայրկեանը ապրիլ այս ինքնախարէութեան մէջ ,  
Ո՞վ է ուրեմն այս իրադարձութիւններու պատասխա-  
նատուն , ես չեմ միթէ . . .

Ախ , ինչու այս յաւիտենական քառսն է իմ առ-  
առջև . ինչու այս թոհու բոհր , ո՞վ ո՞վ տարածեց զայն  
իմ ոտքերուն առջև . Փէրիշէնէր՝ իր նամակովն ու յայտ-  
նութիւններով , իմ մայրն ու Լաւոան՝ իրենց խթու-  
մովն ու քաջալերութեամբ՝ Կուռնելիայի առջև , ե՞ս  
իմ գեղեւուն , տատամսոտ , թաքթաքուր վարուելա-  
կերպով , ա'խ , իմ տարապայման անձնատրութեամբ  
զգացումներուս որ կոյր էին ,

Ես ինկած եմ արդէն վիճին մէջ , աւելի խոր քան  
Մասիսի խորիսորատները ուր Արտաւազդն է գահավի-  
ժեր , աւելի բորբոք քան Ետնայի խառնարանը , քան  
Վեսուվի երախւը : Ո՞վ , ո՞վ կրնայ հանել զիս այս վի-  
ճէն . իմ մօտ առիւծներ ու օձեր չկան ինչպէս Դանիէլի  
ու Գրիգոր Լուսաւորչի վիրապներուն մէջ , ես ինքս եմ  
օձը , վիշապը՝ գալարուն :

Ախ , իմ բարկութիւնը . իմ ցաւը , եթէ կշռէին  
զանոնք , ծովու աւազէն աւելի ծանր պիտի նստէին ,  
որպէս բարկութիւնը և ցաւը Յորին : Սակայն իմ բար-  
կութիւնն ու ցաւը Ամենակալին դէմ չէ , այլ իմ անձին  
դէմ , ե՞ս որպէս չարիքը ինքնին . . .

Եւ որո՞նք են զոհերը այն անեղ չարիքին որ ես եմ ,  
որո՞նք են որ կը գալարին ու կը տուայտին տիւ և գի-  
շեր . ա'հ , Կուռնելիան , Փէրիշէնէրն ու Սանդուխտը . .  
Կուռնելիան՝ աւելի առաքինի քան առաքինութիւնը  
նոյնիսկ , աւելի պայծառ ու ամբիծ քան լոյսը Արու-  
եակին , Փէրիշէնէր , Սանդուխտ՝ աւելի սուրբ ու վսեմ  
քան սրբուհիներն ու օրհնութիւնները կրօններուն :

Ի՞նչ ընեմ... ո՞ւր չքանամ... ինչպէս անհետացընեմ իմ հետքը որպէս նաւու մը արահետը ծովին վըրայ, ինչպէս խուսափիմ այն աստուածային ցասումէն որ իմ մէջն է:

Ո՞ւր էք դուք, հայրենի իտէալներ, հայրենի վըրէժներ, ինչպէս պիտի կրնաք բարձրացնել ու մաքրել զիս այն կեղտէն որ աւելի գարշելի է քան ցեխը ճախճախուտին. քան դիրտը նեխած մօրուտին: Ա՛հ, դուք պիտի կրնաք բռնել տեղը այն լուսաւոր արահետին, զոր կը թողու կուռնելիայի նման ասուպ մը հրեղէն, դուք պիտի կրնաք լրացնել այն պակասը զոր կը թողու Փէրիշէնէրի նման գիսաւոր մը եօթնարփեան:

Կուռնելիա՛. Փէրիշէնէր, կ'զգա՞ք արդեօք աղօիւրը, ակը ձեզ ճյրթկող չարիքին, կ'զգա՞ք որդեօք այն լայնափեռեկ երախը ուրկէ կը փչէ ձեզ փոթորկող հողմը չարութեան... Ո՛չ, դուք կ'անգիտանա՞ք, դուք նոյն ինքն կը սրբացնէ՞ք զայն, դուք ճշմարիտ պաշտում մը ունիք անոր որ Մողոքն է՝ Զեր ճենճերներուն ծարաւի, որ Բահազն է՝ Զեր նուիրաբերումը լափլիզող:

Ա՛հ, Սստուած իմ, կայծ մը տուր քու լոյսէդ, կայծ մը նուաղուն, գէթ կայծ մը այն լոյսէն որով կուռնելիան շաղուեցիր...

Ափաս՛ս, ինչո՞ւ իմ այս խորհուրդները չպայթեցուցին իմ սիրտը, չի խաւարեցու ցին իմ աչքերը, որոնք կրկին կը տեսնեն իմ կալը չարութեան: Ա՛հ, այս ամարանոցը, ուր ես անզգալի կերպով եկեր հասեր եմ: Ես իրական աշխարհին մէջն եմ, ես դեռ անել բաւիղին մէջն եմ ոլորուն: Խսկէնտէր պարտաւոր է դեռ թափառիլ ու թարթափիլ այն վիհին մէջ ուր ինկած է:

Եռ սու ֆ կը գտնէ զիս.

— Տէր իմ, մայր ու աղջիկ կը խնդրեն Զեզ տեսնել անպայման:

— Սանդուխտ Հանըմը :

— Այս՝ և Սաթենիկ :

— Ռուր :

— Արձանին մօտ :

— Հիմակ :

— Այս բռպէին իսկ :

Փութով կ'իջնեմ վար, ծաղկանոց. հոն է իմ քուզինը :

— Կուռնելիա, եկուր ինձի հետ . . .

— Ռուր :

— Եկուր կ'ըսեմ քեզի, ու կը քաշեմ իմ ետեւէն :

Հոն են երկու ազաւնիները, կաս կարմիր կտրած, անձկալից :

— Ներեցէք. Տիկին, որ ձեզի ներկայացնեմ իմ քուզինը կուռնելիա, որ իմ կեանքի փրկիչներէն մէկն է: Կուռնելիա, ծանօթացէք. Տիկին Սանդուխտ և իր աղջիկը Փէրիչէնէր :

— Սաթենիկ ըսէք. կ'ուղղէ իմ խօսքը կուռնելիա և կը նետուի առաջ, կ'ողջագուրէ զանոնք.

— Տիկին, կ'ըսէ Սանդուխտ հանըմի ուղղելով իր խօսքը, ինձի ծանօթ է թէ ինչ մեծ ծառայութիւն մատուցիք իսկէնտէրի: Իսկ Փէրիչէնէրը դրկելով ու համբոյրն երով ծածկելով զայն,

— Օրի՛որդ, կ'ըսէ անոր ալ, ինձի ծանօթ է նաև Զեր ազնուական ու կաթոգին սէրը Ամիրը է՞զի նկատմամբ :

— Իսկէնտէ՛ր, կը ձայնէ Տիկինը, մեզի ծանօթ չէ սակայն օրիորդին մատուցած ծառայութիւնը Զեզի հանդէպ:

— Ահ, կը չափազանցէ, Տիկին, կը յարէ կուռնելիա, մօրեղբօր ու իր միջև վիճաբանութեան մը մի-

Դամտելու է զոր կ'ուզէ խոշոր գրերով կարդացնել Զեղի և  
— Ինչպիսի՞ վիճաբանութիւն է այդ . . . կը հարցնէ  
Փէրիչէնէր :

— Եթէ այս օրիորդը չըլլար, կը պատասխանեմ ես,  
արիւնով պիտի վերջանար իմ ու մօրեղբօրս հետ կա-  
տարուած այդ վիճաբանութիւնը :

— Ե՞րբ կը պատահի այդ, կը հարցնէ Տիկին-  
Սանդուխտ :

— Սարէ պէյի սպանութեան գիշերը :

— Այդ սպաննութեան համար բարկացաւ Աքուէր-  
չաֆիքո :

— Ո՞հ, ո՞չ. իր բռնած ընթացքը պախարակելու  
գրգռեց զինքը :

— Ու Զեզ պիտի սպաննէ՞ր . . . կը ձայնէ Փէրիչէնէր :

— Եւ իմ քուզինը զիս փրկեց իր կուրծքը ցուցնե-  
լով անոր . . .

— Ա՞հ, կը չափազանցէ . . .

— Պաշտելի՛ հերոսուհի, կը գոչէ Տիկինը :

— Դուք ալ, Իսկէնտէ՛ր, կ'ըսէ խօսքն ինձ ուղղե-  
լով, դուք ալ հերոսի մը պէս վարուած էք դաւաճան-  
ներուն արիւնը քամելով . . .

— Առիւծի մը պէս . . . կ'աւելցնէ Փէրիչէնէր :

— Ան իր դերին մէջն է, կը կցէ Կուռնելիա :

— Մի՛ խօսիք այդ խնդրին վրայ, խնդրեմ, կ'ըսեմ  
ուզելով վերջ մը տալ թափուող գովեստներուն :

— Դուք մեր հայրերուն կտակն է զոր սկսած էք  
գործադրել, կը շարունակէ Սանդուխտ Հանըմ, Մենք  
եկած ենք այսօր վերջին անգամ խնդրելու որ շարու-  
նակէք Զեր ձեռնարկած գործը :

— Բայց ո՞ւր պիտի մեկնիք, կը հարցնեմ կասկած-  
ներս փարատելու համար :

— Էմինէք դէպի բանակատեղ մեկնած է արդէն  
և հրամայած է պարպել նաև ամարանոցը :

— Ուրեմն դուք ալ պիտի հետեւ իք իրեն :

— Մենք պիտի երթանք հո՞ն ուրեք եկանք ամիս  
մառաջ :

— Ինչո՞ւ այսքան շուտ ամառը նոր կ'սկսի :

— Ծուտով պատերազմի վայր պիտի դառնայ այս  
ըրջանակը :

— Ուրեմն պիտի բաժնուինք առ յաւէտ . . .

— Կրկի՞ն տեսնելու հաստատ հաւատքով . . .

— Այո՛, Տիկի՞ն, կը յարէ կուռնելիքա, ես ալ նոյն-  
քան ամուր հաւատք ունիմ թէ կրկին պիտի վայելէք  
զիբար . . .

Ապա խօսքը ուղղելով Փէրիչէէրի,

— Սաթենի՞կ, կ'ըսէ անոր, ձեր սէրը պիտի պառակ-  
ուի . . .

— Ա՛խ, մեր սէրը . . . կը հառաչէ Փէրիչէէրի, Օրի-  
որդ, մեր սէրը թեւեր ունի, բայց ոտք չունի որ կարե-  
նայ տեղ մը դադար առնել, ճանկեր չունի, որ կարենայ  
ճիւղէ մը կառչիլ :

— Ո՞գ, կտրտեց անոր ոտքերը, Ամիրբէ՞գ . . .

— Ո՞չ, ո՞չ, միակ մեղաւորուհին ես եմ . . ե՞ս որ իմ  
նամակով խօստովանեցայ իրեն իմ անխօստովանելին,  
ու քաշեցի իմ ետեւէն գէպի անդունդը անյատակ :

— Ի՞նչն է որ ձեզ կը բաժնէ իրարմէ . . .

— Ա՛հ, կրօնը, օրիորդ, կը միջամտէ Սանդուխտ  
Հանըմ :

— Աստուածային սէրը, որ կ'առկայծի մարդուն  
մէջ աշխարհներ չի ճանչնար, սահմաններ չընդունիր,  
ցեղ չունի, կրօն չունի . . .

Կուռնելիա այս բառերը արտասանելով կը ճառա-

գայթէ . կը շողայ այդ պահուն , իր երկու ունկնդիրները հազոր դ ընելով այդ ճառագայթումին : Աակայն իմ սիրտը կը կտրատեն անոնք :

— Ո՞չ , Կուռնե՛լիա , կը յարեմ տիուր շեշտով մը , իսկամուհիներուն սէրը աշխարհ չունի , ցեղ չունի . բայց կրօն ունի , կրօն՝ անխորտակելի՛ պատուար :

— Երբ սիրտերը միացած են , կրօնը վարագոյր մը կը դառնայ աւելի թափանցիկ ու նուրբ քան Նաբոլիի ժանեակները :

— Այդ Իսկէնտէրի համար չէ դժբախտաբար , կը յարեմ ես :

Ոտքի կ'ելնեմ , ու խօսքս ուղղելով տիկնոջ .

— Ես է Ինէքի թշնամին եմ , Տիկին . կը սեմ անոր : Ես մեր ցեղին ու մեր ընտանիքին յոյսերն ունիմ տպրեցնելիք : Իմ սէրը իրապաշտ չէ . այս , ոտքեր չունի : Զեր ազջիկը ահա ինքը , Նա գոհ էր մեր իտէալական սիրով , ու ես վստահ եմ որ գոհ պիտի մնայ և՝ այսուհետեւ :

— Ո՞չ . ո՞չ . կը գոչէ Կուռնե՛լիա , Զեր սէրը և իտէալական է և՝ իրապաշտ :

Հրաժեշտ կ'առնենք . Սանդուխտ Հանըմ իր ջերմ համբոյրը կը զետեղէ իմ ճակտին վրայ , ու համբոյրներուն ամէնէն տարփալին , ամէնէն ջերմը կը դնէ Կուռնելիայի վարդ այտերուն վրայ :

Մայիս 27

Երեկ առաւօտ կանուխ քաղաքն էի արդէն : Էմի-  
նէքի ամարանոցէն փութով մեկնումը զանագան կաս-  
կածներ ներշնչած էր ինձի : Արդարեւ ան ոչ միայն Սա-  
րըպէյի սպաննութիւնը և Դորակալեանի ձերբակալու-  
թիւնը նկատեր էր իբրև ստիպող պատճառ շուտով գոր-  
ծի ձեռնարկելու , այլև կ'երեսի նոր լուրեր ստացեր էր  
Պոլիսէն : Այս վերջին պարագան կը հաստատու էր Պոլիսէն  
մեր ստացած նոր տեղեկութիւններով : Պոլիս մեծ գոր-  
ծունէութիւն մը սկսեր է արդէն . Նաւերը պատրաստ  
են , ու զինուորներ . ռազմամթերք սկսեր են փութով  
աեղաւորել անոնց մէջ : Ուրեմն կաֆայի արշաւանքը  
օրուան խնդիր է այլես : Այս իրողութիւնները կ'ստիպեն  
զիս որ մեր ամարանոցն ալ թողունք ու երթանք քա-  
ղաք : Այսօր սկսած է արդէն ժողվառուքը , որուն նուիր-  
ուած են ոչ միայն ծառաներն ու սպասուհիները , այլ  
և մայրս , կաւոա ու կուռնելիա :

Մայիս 30

Երկու օրէ ի վեր քաղաք եկած ենք։ Դէպքերը զարգացած են արդէն ու պայթելու վրայ։ Էմինէքի բանակները արդէն շարժման մէջ են։ իրիկուն առաւոս կը հասնին նաև ֆաթիհի նաւերը։ Ինքնապաշտպանութեան գործը կանոնաւոր ու կարգին կ'երևի։ Ժողովուրդին ու մանաւանդ հայ իշխաններուն մէջ խանդավառութիւն մը ծայր տուած է։ Ամէն ոք կ'ուզէ օրինակ առնել Հռոդոսի ասպետներու քաջութենէն։

Մէնկլի Քէրէյ իր յարատե յարաբերութիւններով թարմ լուրեր կ'ստանայ թաթար բանակներուն վրայ։ Ան կուզէ արժեցնել իր գտած հիւրընկալ ասպեջականութիւնը գենուական այս ոստանին մէջ։ Ան մեծ հաւատք ունի իմ վրայ։ կ'երևի չէրքէզական թաթարական մարդանքը, զոր տեսած եմ, մեծ յոյսեր կը ներշնչէ իրեն։

Ամէն օր կը շարունակեմ մասնակցիլ Զինուորական խորհուրդին, որուն նիստերը աւելի երկարատե ու նոյնիսկ զիշերներն ալ սկսած են տեղի ունենալ։ Սքուէրչափիքօ շատ ընկճուած կը թուի, բայց կ'զգամ թէ իր զզջումը իրական է։ Ան պիտի պահէ իր խոստումը։ Մեր նաւերը արդէն կազմ ու պատրաստ են։ Անոնց մէջ մեր սեփական մարտանաւերն ալ տեղ բռնած են։ Վարդ Յակոբան ծովային զինուորական յանձնախումբին մէջ սկսեր է արդէն համարում շինել իր տուած հասուն խորհուրդներով ու զիտողութիւններով։

Ասոնք են իմ արտաքին կեանքի ընդհանուր գիծերը, կամ այն իրադարձութիւնները որոնց մով կը հետաքըրքրուիմ։ Իսկ իմ ներքին կեանքը մռայլ է ու տիսուր։

Այն վերջին տեսակցութենքն ետք, զոր ունեցանք է ՚ինչքի կնոջ ու աղջկան հետ, իմ օրերը կ'անցնին խորին վիշտով ու թախիծով։ Այժմ բոլորովին բաժնուած եմ զիս սիրող սրտերու ներկայութենքն։ Կուռնելիան ալ իմ մօտիկը չէ այլևս, ան կը բնակի մօրեղբօրս տունը։

Ա՛հ, այդ աղջկան հերոսական ոգին, անձնուրաց, անձնուէր ժեստը չեմ կրնար մոռնալ։ Ան իմ աչքին ամէն օր աւելի կը մեծնայ, աւելի կը սրբանայ ու աւելի կը պայծառանայ։ Խնչ կորով, ինչ հաստատուն կայք այդ տկար աղջկան մէջ։ Ա՛խ, ո՞ւր թաղեց ան իր սէօը խանդակաթ . . . ինչպէս կրցաւ զսպել իր զգացումները զօրաւոր . . .

Ո՞րքան գաճաճ, ո՞րքան չքոտի եմ ես այս հրեշտակին բաղդատմանը . . . Ան երկինք է, ես կաւ եմ ու խիճ։  
— Կուռնելիա, Կուռնելիա, ո՞ր օրհնուած արդան։  
Դը բեղմաւորեց քեզ ո՞րկէ՝ յափշտակեց այն հուրը որ դուն ես, աւելի սուրբ ու երկնայի։ Քան Պրամեթէոսի յափշտակած հուրը՝ Արամաղդին։

Մայիս 31

Երէկ գիշեր ես ստիպուեցայ կանգ առնել իմ Օրագրի էջին վրայ . որովհետեւ զիշերային զինուորական խոր հուրդի համար ստիպողական կոչ մ'ստացայ նոյն վայրեկնին :

Այո՛ , մեր ստացած վերջին տեղեկութիւնը ճշմարտուեցան այսօր : Այն վայրկենին երբ այս տողերը կը գրեմ արդէն թաթար բանակները պաշարած են քաղաքը՝ մեր պաշտպանութեան առաջին գծին վրայ . իսկ Օսմանեան 300 մարտանաւեր սկսած են մօտենալ մեր ջուրերուն : Հաւանաբար ստիպուած ըլլամ որոշ ժամանակի մը համար դադրեցնել իմ այս յիշատակարանին արձանագրութիւնը . որովհետեւ խազմի ու ռազմի շնորհը զիս կը կոչէ իմ պարտականութեան գլուխը : Թերես վերջին տողերս ըլլան ասո՞նք . . .

Ա՛ս , վերջապէս եկաւ վայրկեանը ուր դարերու քէնը պէտք է պոռթկայ իմ մէջէն . ես պէտք է ցոյց տամաշխարհին թէ ինչպէ՞ս պէտք է պաշտպանել իր սեփական տունը . . .

Սանդո՛ւխտ , դու ազնուազա՛րմ Տիկին , զիտեմ որ այս րոպէին քու բոլոր հոգիովդ աղօ՛թք դարձած ես . որ իսկէնտէր կարենայ լուծել քու հայրերուդ վրէժը . . . Դու սպարտացի կիներուն պէս կ'ըսես ինծի . «գնա՛ , կա՛մ տակը կա՛մ վրան» : Այո՛ , ես պիտի արժեցնեմ քու յոյսը : Փէրիշէ՛կ'ր , դու Ռուստամն ու Զոհրապը կ'ուզէիր աեսնել իմ սէջ . պէտք չէ յուսախար ըլլաս բոլորովին : Իսկ դո՛ւ , երկնայինդ կուռնելիա , հայրենիքի պաշտպա՞ն հրեշտակ , ատկաւին կը հնչե՛նիմ ականջին քու արտա-

սանած որատիան տողերը . dulce et decorum est pro-patria mori ! :

— Իսկէնտէ՛ր , ահա քու երազներուդ օրը , ահա այս օրը որուն անձկանօք կ'սպասէիր ... դու մէկի տեղ երեք հրեշտակ ունիս քեզի հովանի . երեք պատիկ զբահով զրահուած ես . գալիք օրերը մրցահանդէսի ժամեր պէտք է դառնան քեզի համար :

Այս' , քու հարսանիքդ է որ կ'սկսի . դուն , քու գաղափսրներուդ ամուսի՞նը , եկած է րոպէն երբ դու պիտի կրնաս փարիլ անոնց , զրկել զանոնք , դնել կուրծ-քեդ վրայ ... Ե՛լ , Ե՛լ փութով , փեսաւէրները պատրաստ են արդէն , ու քարոզը պիտի կարդայ բարձրաձայն . «Ահա փեսայ գայ , արի՞ք ընդ առաջ նորա» :

Յունիս 5

Աստուած իմ, բախտաւո՞ր եմ թէ դժբախտ, որ կրկին կը նստիմ գրասեղանիս առջեւ, Օրազիրս սեւելու համար: Այս մէկ քանի օրուան կարճ ժամանակամիջոցին մէջ ինչե՛ր տեղի ունեցան, ինչե՛ր կատարուեցան Սոփոկլէսներու և Քսենոփոններու գրչին արժանի... .

Զէ՛, ես անկարող եմ անոնց մէկ ստուերագիծ ուրուանկարն անգամ յօրինելու, ես անկարող եմ պատմելու այն ինչ որ տեղի ունեցաւ նոյնիսկ իմ շրջապատին մէջ, իմ անմիջական շուրջբոլորը... .

Ո՞ւր է այն Խակէնտէրը որ արգունք չունէր իր վիշտերը ողբալու համար, արցունքով կը գրէ հիմակ այս տողերը:

Ո՞ւրկէ սկսիմ, ի՞նչը նկարագրեմ, ո՞ր յարձակումը պատմեմ, ո՞ր եղեռնը ներկայացնեմ, ա՛խ. ո՞ր մահը ողբամ...

Յունիս մէկն էր. Ֆաթիհի մարտանաւերը շարուերէին ամբողջ թէոդոսիայի ծովերուն վրայ հիւսիս արեւելեան կողմէն, մեր ամարանոցին մօտերէն ցամաք ելերէին մաս մը Սիփահիներ ու Եէնիչէրիներ: Խսկ արեւմտեան կողմէն և հարաւ արեւմուտքէն շրջապատերէին թաթար բանակները:

Հիւսիս-արեւելեան կողմը բաժին ինկած էր մեր ուժերուն, հայ իշխաններու պաշտպանութեան կէտերէն մեծագոյն մասը այդ կողմն էին. իսկ արեւմուտքը յանձնուեր էր գենուացի հրամանատարներուն և ուժերուն: Նաւերէն ցամաք զինուոր հանումը առաջին դժբախտութիւնն էր Օսմանեան բանակին համար: Նա-

ւահանգիստին խորը ապաստանած երկու երեք մարտանաւեր դուրս կը նետուին յանկարծ ու իրենց թնդանօթներուն բերաններէն հուր կը ժայթքեն դէպի թըշնամի նաւերը : Այդ հերոս մարտանաւերը մեծ մասամբ Սիմիսեան ոյժերն էին . Վարդ Յակոբճայի հրամատարութեամբ : Ա՛ն , կատարեալ ծովապետի մը յատկութիւնով փայլեցաւ ան : Այն հարիւրաւոր երախները որ թշնամի նաւերէն հուր կը թքնէին այդ մարտանաւերուն վրայ . չէին կրցած ո՛չ մէկ աչքառու վնաս հասցընել , բայց ցամաք զինուոր հանող նաւերէն երկու քնընկղմեր , 3—4ը ծանրապէս վնասուեր ու փախեր էին . մէկ երկութին մէջ հրդեհ էր առաջ եկեր և բազմաթիւ զինուորներ կուր էին դարձեր ալիքներուն :

Մարտանաւերուն աւերումին գործը աւելի կատարելագործեր էին ցամաքային մեր յառաջապահ գունդերը , որոնք ցամաք ոտք դնող զինուորները կը հնձէին բնական պատնէշներուն ետեւէն : Ժամեր տես եր էր այդ գործողութիւնը . կէս գիշերէն մինչեւ կէս օր , ամբողջ 12 ժամեր թուրք բանակները չէին կրցեր հաստատապէս տեղաւորուիլ մեր հողին վրայ : Նախնիրը կատարեալ էր :

Կէս օրին , այդ արեան ճապաղիքին ի տես , այդ նախնիրներուն մէջ , լուր կ'առնենք որ գենուական գունդերը պարտուեր են թաթար բանակները կը քալե : Դէպի արեւելք , պարիսպներէն ներս , ու Էմինէքի բանակները կը քալե : Դէպի արեւելք , պարիսպները անմիջապէս շրջապատելու համար : Մէր գունդերը կրնային կորսուիլ ուրեմն , երկու սուրի մէջ մնալ և քաղաքը զրկուած պիտի ըլլարիր ամէնէն անձնուէր ու կորովի բազուկներէն : Հրամանը կուտամ ու կանոնաւորութեամբ կը նահանջենք դէպի բերդաքաղաքը : Այդ 12 ժամուան կորիւներուն

միջոցին և նահանջի տեւողութեանը, հրաշք էր, 2 մեռ-  
եալ և 5 վիրաւոր միայն ունեցեր էինք:

Հիմակ բոլորովին պաշարուած էինք, թաթար բա-  
նակներուն յուտով միացեր էին օսմանեան ցամաք ել-սծ  
գունդերը, որոնք ամէնը միասին իրենց հառահոցով,  
իրենց գոռում գոչումներով, գրոհ կուտան դէպի մեր  
պարիսպները: Թոյլ կուտանք որ մօտենան պահ մը, և  
յանկարծ կրակ կը տեղացնենք անոնց վրայ: Մովլն ի  
գուր կը ռմբակոծեն մեր դիրքերը, Մեր քաջերը արեան  
ծարաւի են ու անոնց միակ յանկերզն է. աԵթէ Աստ-  
ուած ի մեր կոյս է ո՞վ իցէ մեզ հակառակ»: Անոնք կը  
կուտին որպէս կորիւն, որպէս կատաղի առիւծ:

Պարիսպին առջև փորուած խրամը կը լեցուի դիակ-  
ներով, որոնց շեղջակոյտը հետզհետէ կը բարձրանայ: Արդէն դրեր են անոնք իրենց մանգղիոնները, սան-  
դու խները, նետեր ու հաստատեր են իրենց կեռերը,  
կարթերը. կ'սկսին շուլլուիլ պարիսպներէն վեր: Ահա  
գուռ մը կը բացուի, գուռ մը պարիսպին ամէնէն մէ-  
կուսի մէկ անկիւնէն, գուրս կը նետուի գումարտակ մը  
քաջերու, անձնուէր հերոսներու, որոնք գրոհ կուտան  
դէպի թշնամին, մէկ քանի ուղղութեամբ կը մտնեն  
անոնց շարքերուն մէջ. կը կրակեն անոնց մանգղիոն-  
ները, սպանդ մը կսկսին, ահարկու և անդիմադրելի:

— Իսկէնտէր պէյ զգո՞յշ, կը ձայնէ Գոթոլպէյ:

— Թաջ ռազմիկներ, յառաջ, դէպի թնդանօթա-  
ձիգները, եր գոշեմ թափ տալով իմ ձիուն և եաթա-  
ղանի հարուած մը զետեղելով դէպի ինձ սուրացող սի-  
փահիի մը ուսին վրայ: Զարդ մըն է հմն որ տեղի կ'ու-  
նենայ: Մի առ մի կը հատնին, կ'սպառին թշնամի  
թնդանօթաձիգները, պանական երկիւղ մը կը պատէ  
մնացեալները. կ'սկսին փախուստ տալ: Երկու սուրի

մէջ է հիմակ պարիսպի մօտ բանակած թշնամին . յանկարծ մեծ դուռները կը բացուին ու դուրս կը պոռթկան ներսի հերոս գունդերը . կ'ողողեն ամէն կողմ գարնանազայր անեղ հոսանքի մը պէս : Փախուստն է , խուճապն է որ կը հալածուի մեր առջեւէն . կը սրբուի , կը սկրդի պարիսպներուն առջեւ , ու թշնամին կ'ընկրկի , ծակամուտ կ'ապաստանի իր նաւերը :

Երկու խոշոր թնդանօթներ ու 5 փոքր՝ մեր յաղթականի աւարն է այդ օրուան : Ես չեմ պատմեր անթիւ զէնքերը . եաթաղանները , հրացանները , վառողի պարկերը . որոնք մեր աւարը կը ճոխացնեն :

Մեր մուտքը քաղաքէն ներս հռոմէական յաղթանակներու թափոր մըն է ինքնին . խանդավառութիւնը բերդակալ զօրքերուն , զուարթութիւնը քաղաքապահ գունդերուն . քաղաքացիներուն , այրերուն ու կիներուն , կարելի չէ գրչի տակ առնել : Խոշոր թնդանօթին քովէն կը քալէ իմ երիվարը փրփրերախ : Յանկարծ բազմութեան մէջէն դուրս կը նետուի , քրտնաթոր գողդուն ծերունի մը , ուսուցիչս է ան , Քրիստափորալուքաչչի . կը յառաջանայ դէպի զիս :

Վար կը ցատկեմ իմ երիվարէն . ամբոխը կը բացուի . ծերունին փոքրիկ շրջանակ մը կը գտնէ իր բուլորտիքը , որ երթալով կը բացուի . կը լայննայ : Անմօտն է հիմակ թնդանօթին . անոր մարմինը քրտինքներու ծով մըն է . ան կը դողայ , բայց կը ժպտի :

Խեղճ ծերունի , քու երջանիկ օրդ է այսօր , դունուրախ ես քու ձեռակերտիդ արդիւնքը տեսնելով :

Զեռքերը կը բանայ ան . ու կը գրկէ զիս . ամբոխը լուռ է . թափորը կանդ առած է : Ան ձեռքերը կը շարժէ , կ'ուզէ խօսիլ . ամբոխին շունչը բռնուած է : Կը բարձրացնեմ զինքը թնդանօթին նատատեղւոյն վրայ :

— Ուրախացի՛ր, դուստր Սիմենի, կը գոչէ ան կերպերուն, բայց տիրական ձայնով, զի ահա նոր փրկիչ մը ծնաւ քեզ... Ուրախացի՛ր, որովհետեւ յարութիւն առած է, նոր մարմին ու նոր ոսկոր հագած է Ալպանական սարերու իշխանը... Խոկէնտէր պէկը: Եւ ես, Սիմէոն ծերունիին պէս կրնամ գոչել հիմակ. «Արդ, արձակեա՛ զծառայս քո, Տէ՛ր ի խաղաղութիւն... Զի տեսին աչք իմ զփրկութիւն քո, զոր պատրաստեցեր առաջի ժողովրդեան քում . . .»:

Խեղճ ալեւոր... կ'սկսի հեկեկալ, հեծեծել ու արտասուել, յանկարծ կը գայթին անոր ոտքերը ու դողդրդալով կ'իյնայ իմ գրկին մէջ: Աստուած ի՛ւ, անդեռ կը դողայ, մահուան սարսուոը կը պտտի անոր անդամներուն մէջ, անոր մարմինը կը ծանրանայ, կը ճնշէ իմ բազուկներուն վրայ. . . ակնարկ մը, ա՛հ, ակնարկ մը և՛ պակուցիչ, և՛ օրհնալիր, կը սեւեռէ ան իմ դէմքն ի վեր, ու կ'սկսի իր հոգեվարքը երկնել. . .

Այսպէս մեռաւ իմ ծերունի ուսուցիչը Լուքաչի... . . .

— Ո՞վ դու երջանիկ ծերունի, դուն քու երազներուդ նոր արշալոյսին կը փակես քու աչքերը. դու կը թողուս աշխարհը, կը թռչիս դէպի նոր Երուսաղէմ, Գարրիէլի աւետիսը տալու... Ա՛խ, դուն չես գիտեր. օրհնեալ ալեւորդ, որ ծագող արշալոյսը իր ետեւէն քաշեց կիզիչ արեւ մը, աւելի այրող ու տոշորող քան արաբական անապատի արեգակը: Դու թօթափեցիր ծանրութիւնը քու վրայէն ու թեթեցած գացիր Ամենակալի աթոռին մօտ, փառաբանութեան հետ բողոք մը դառնալու տանջուող ցեղերուն, խաչի զոհերուն համար... Քեզ մէ առաջ շատեր բարձրացան հոն, այդքողոքը տանելու այս ցաւոտ աշխարհէն... Բայց Յափիտենականին այդ աթոռը միշտ զանխուլ մնաց անոնց

նկատմամբ . . . Անոր արդարութիւնն ու ճշմարտութիւնը հազիւ մինչեւ ամպերն իջան . . . Ահ, մեր հայրերն իրենց վիշտերու սփոփանք կ'երգէին. «Զոր սիրէ Տէր, խրատէ» . գնա՛, ծերունի, աղաչէ՛ այդ աթոռին, երեսներդ քսէ անոր, և խնդրէ, ա՛լ բաւ է իր սէրը, քիչ մըն ալ թող ատէ այն տառապող ցեղերը մարդկութեան, որ իրեն օգնութիւնը ի զուր խնդրեցին ցաւդ . . .

Ցունիս Նի առառուն նոր յաղթանակ մը կը լուսաւորէ մեզի համար: Այս անգամ արեւմտեան-հարաւային կողմը, թաթար բանակին վրայ: Նախորդ օրուան գրոհը ստիպեր էր թշնամի պաշարող բանակի հրամատարները՝ աւելի եւս զօրացնել հիւսիս-արեւելեան թեւը. ուստի իրենց աջ թեւէն խումբեր տեղափոխեր էին դէպի ձախ:

Մեր լրտեսները կը ծանուցանէին այս պարագան գիշերուան մէջ իսկ: Այն ատեն երէկի յաղթական գումարտակը կը փոխադրուի թշնամիին աջ թեւին դէմ: Գիշերային խուժում մը դէպի դուրս, անտեսնկալի կը բերէ դէպի թշնամին. որ կ'սկսի տարտղնիլ. փշրուիլ ու փախչիլ: Նոր յաղթանակ, նոր աւարներ:

Բայց արեւելեան կողմը ուժովցեր էր ու վտանգի տակ: Հոն կը փութան բոլոր ուժերու պահեստիները մեծ մասամբ: Դարձեալ դիակներու դէզեր, դարձեալ հրդեհումներ մանգղիոններու բանակին մէջ: դարձեալ յաղթանակ:

Ցունիսի երկուքն ալ կ'երեկոյանայ մեզի համար զուարթ և յուսալից: Գիշերը թշնամիին աջ թեւէն յուսահատական յարձակում մը ծայր կուտայ, զենուական թերգակալները սպառիլ կ'սկսին: օգնութիւն կ'աղաղակին: յաղթական գումարտակները կը թոշին ու կը կասեցնեն յամառ թշնամին:

Վերջապէս կը բացուի Յունիս Ցի առաւօտը, ոև ու կարմիր առաւօտ՝ Խսկէնտէրի համար:

Թշնամին իր բոլոր կորովը կը թափէ դէպի հիւսիս արեւելեան թեւին վրայ: Յարձակումը կատաղի է. Եւնիշէրիներ կը բարձրանան մինչև պարիսպներուն կատարը, բայց թաւալգլոր կը սփռուին պատերուն ստորոտը: Թշնանօթները հուր կը պոռթկան, ծովէն ու ցամաքէն, հրացանները կը ճայթին. սուրերը կը շկահեն, մարտիկները կը գոռան, թշնամիները կը հձձեն ու կը հառաջեն . . .

Պարիսպին ետեւ, մէկ դարաւանդին վրայ եմ:

Յանկարծ ականջիս ձայն մը կը հնչէ. կը դառնամ ետեւ. կուռնելիա՞ն է . . .

— Ո՛հ, հոս ի՞նչ գործ ունիս, տէրո՞ջը հրեշտակը . . . կը հարցնեմ ու ձայնիս մէջ թէ բարկութիւն կայ թէ խանդաղատանք:

— Ես եկայ Տէրո՞ջը սուրը շողացնելու թշնամիներու բանակին վրայ. կը պատասխանէ ան ժպտուն ու թրթըռուն.

— Բայց հոս վտանգաւոր է քեզի համար, կը գոռամ դողալով:

— Եւ վտանգաւոր է Խսկէնտէրի համար, կը յարէ ան անխռով ու ժպտադէմ: Ես եկեր եմ հաղորդելու Զեզի թէ դաւ մը նիւթուած է Զեր անձին դէմ:

— Ի՞նչ դաւ. . .

— Դորակալեան բանտէն փախած է և իր որդիները այս պարիսպին տակ ական փորած են:

— Ուրկէ՞ իմացար . . .

— Սաթենիկ լուր զրկած էր . . .

— Գոթոլպէ'յ. կը յանձնարարեմ շուտով խումը մը զինուորներ զրկեցէք որ Դորակալեանի տունը գրաւեն.

ներսը մարդ չի ձգեն ձերբակալեն ու ստիպեն որ փոր-  
ռւած ականին ճամբան ցուցնեն : Անպայման իրենց պար-  
տէզին կամ տան մէջէն փորած են այդ ականը, որով-  
հետև պարիսպներուն մօտ են անոնք :

Դոթոլպէյ մեկնած է արդէն :

— Դուք ալ վա՛ր իջէք այդ դարաւանդէն, կը պա-  
զատի կուռնելիա : Վար կ'իջնեմ ու կը յանձնարարեմ  
որ շուտով մեկնի, դառնայ տուն : Զէ՛, անչուզեր մեկ-  
նիլ .

— Պէտք է ապահով ըլլամ թէ վտանգը անցած է  
Զեզմէ, կ'ըսէ ան յամառելով մնալ :

Զեռքէն կը քաշեմ ու կը տանիմ դէպի փողոց : Կը  
դիմադրէ ու կը պրծի իմ թեւէն . կը վազէ դէպի զին-  
ուորները որ կը մարտնչին մոլեզին, Ու կը պռռայ իր  
բոլոր կանացի ոյժովը .

— Քաջե՛ր, առիւծնե՛ր, հայրենիքի պաշտպաննե՛ր,  
զարկէ՛ք, մի՛ խնայէք . . . Խսկէնտէրի նման հրամատար  
մը կը վարէ ձեզ . . .

Այս կոչը, այս քաջալերութիւնը կը հրդեհէ մար-  
տիկները, որ կը պատասխան են կեցցէներով, ամուր  
հարուածներով ու կատաղի մոլեզնութեամբ :

Դարձեալ կը քաշեմ մէկ կողմ . այս անգամ չի  
մերժեր, չի դիմադրեր . ընդհակառակը կ'ուզէ իմ մօտ  
մնայ, կարծես իմ պահ պահ հրեշտակս ըլլար :

Ո՛վ եղե՛ռն, պարիսպին կատարէն Եէնիչէրիի մը  
հրացանը կը պայթի յանկարծ ու կը զարնէ իմ եղնիկը  
սիրասուն : Ան կ'իյնայ իմ թեւերուն մէջ, արիւնաշաղախ :

— Առիւծնե՛ր, այս արեան վրէժը պէտք է լուծէ՛ք . . .  
կը գոռամ կատաղօրէն :

Գրկած եմ զինքը, ու կը տանիմ մերձակայ հիւան-  
դարանը : Մահճակալին վրայ կը դնեմ այս թանկագին

բեռը . ա՛խ , աչքերը փակ են , բժիշկը կը քննէ անոր վէրքը . կը լափեմ անոր դէմքին բոլոր դիմայեղու մները , բոլոր արտայայտութիւնները . . . Ափսո՞ս . . . անյօյս է ան . . .

— Ա՛խ , իմ աղուոր ծաղիկ , իմ հուրի՛ , կու ոնե՛լիա , կուռնե՛լիա , ե՛ս եմ , իսկէնտէ՛րը , սթափի՛ր . . .

Ահ , Աստուած իմ , աչքերը բացուեցան , կրկին փակուելու համար . . .

— Կուռնե՛լիա , կուռնե՛լիա . . .

Բժիշկը կ'արգիլէ ինձի իմ յուսահատկոչերը . . .

Ա՛խ , դարե՛ր , դարե՛ր սպասեցի ես : Ո՛չ մէկ շարժում , ո՛չ մէկ ձայն . . .

Այո՛ , շարժում մը կ'ուրուագծէ անոր ձեռքը , շարժում մը , դող մը ունին անոր շրթները . . .

— Իս . . . կէ . . .

— Ահա հո՛ս եմ , ե՛ս , իսկէնտէրը , կուռնե՛լիա . . .

Կրկին կը բացուին անոր աղօատ աչքերը . ձեռքը կ'երկարէ , զոր կ'առնեմ ափիս մէջ . սառո՞յց . . .

— Իս . . . կէն . . . տէր . . .

— Պատրաստ եմ քեզի , աղաւնիս , տատրա՛կս . . .


— Քեզ . . . ան . . . սահման . . . սիրեցի . . .

— Եւ սիրուեցա՛ր նոյնքան կաթողին սիրով : Ի զո՞ւր խարեցի ինքզինքս և զքեզ . ես քեզ սիրած եմ ճշմարիտ սիրով :

— Վերջին . . . համ . . . բոյր . . . մ . . .

Ու կը խոնարհմ . իմ դողդոջ շրթներս կը դնեմ անոր շրթներուն վրայ . . . Ծարաւահիւծ համբո՞յր . . .

Գրի՛չ , ա՛լ բաւ է , չեմ տեսներ քու ճամբաղ , ամպերն իմ աչքերուն , հեղեղն անոնց կ'արգիլեն քու շարժումը . . .



# ՀԵՂԻՆԱԿԻՆ ԳՈՐԾԵՐԸ

— — — — —

## ՊԱՏՄՈՒԹՅԱՆ ԲԱՆԱՍՏԻՌՈՒԹՅՈՒՆ

1.	Քրիստոնեութեան Մուտքն ի Հայս, Գր. Լուսա- ւորիչէն առաջ, (Քննական ուսումնասիրու- թիւն) Պոլիս 1910	27.
2.	Ուրացու կամ Հայաստանի Նախարարիկները, Պոլիս. 1911 (Սպառած)	
3.	Պատմութիւն Հայ Եկեղեցւոյ (Քննական), Պո- լիս. 1914	
	Ա. Հատոր	40
	Բ.      »	65
4.	Պատմութիւն Հայոց (Քննական), Պոլիս 1915 Ա. Հատոր	70


## ՊԱՏՄՈՒԹՅԱՆ ԴԱՍԱԳՐԱԿԱՆ

5.	Պատմ. Հայոց, Տարր. Ա. Տարի	20
6.	»      »      Տարր. Բ. Տարի	24
7.	»      »      Միջին Ա. Տարի	27
8.	»      »      Միջին Բ. Տարի	30

## ԴՐԱԽԱՑՆ

9.	Հայ քարգմանիշները Բիւզանդիոնի մեջ, Պա- տմական Թատերախաղ (Սպառած)
10.	Ազատութեան Խևալը, Թատերախաղ (Սպառած)
11.	Փերիշեներ, Հայ Խշանի մը Օրագիրը, 1921

————— ♦ ♦ ♦ —————






ԳԱԱ Հիմնարար Գիտ. Գրադ.



220035251

(9n)



ՀԱՅ ԵԽՆԻԶԵՐԻՆԵՐԸ  
ՇԱՐՈՒՆԱԿՈՒԹԻՒՆՆԵՐԿԱՑՈՒՐԻՆ  
(Մամուլի տակ)

ԳԻՒ, 60 ԴՐՆ.

ԿԵՐՊՈՒՄԱՏԵՂԻ

Օ. ԱՐԶՈՒՄԱՆ ՏՊԱՐԱՆ,

Զաքմաքնըլար Յակոբեան Խան

Կ. ՊՈԼԻՍ